


शास्त्रसंदेशमाला

कुलयसंग्रहो



शास्त्रसंदेशमाला - ७

कुलयसंगगहो

भाग-७

॥ संकलन ॥

प.पू.आचार्य भ.श्रीमद्

विजय रामचन्द्रसूरीश्वरशुना साम्राज्यवर्ती

पू.पंन्यासश्री जोधिरत्न विजयशु म.सा.ना

शिष्यरत्न

पू.मु.श्री विनयरक्षितविजयशु म.सा.

॥ प्रथमशु ॥

शास्त्रसंदेशमाला

३, मणिलद्र अपार्टमेन्ट, सुभाषयोड,

गोपीपुरा, सुरत-१.

- ✳ શાસ્ત્રસંદેશમાલા - ૭
- ✳ કુલયસંગ્ગહો
- ✳ પ્રથમ આવૃત્તિ
- ✳ વિજયા દશમી વિ.સ. ૨૦૬૧
- ✳ કિંમત રૂ. ૩૫/- (પડતર કિંમત)

પ્રમાર્જના - શુદ્ધિ

પૂ.મુ.શ્રી હિતરક્ષિતવિજયજી મ.સા.

પૂ.સા.શ્રી ભદ્રજ્ઞાશ્રીજી મ.

પંડિતવર્ય શ્રી રતીભાઈ ચીમનલાલ દોશી

પંડિતવર્યશ્રી અમૃતભાઈ પટેલ

✳ **ટાઇપ સેટીંગ:** પાયલ પ્રિન્ટર્સ - રાધનપુર

શ્રીજી ગ્રાફીક્સ, પાલડી, અમદાવાદ.

✳ **મુદ્રક :** શિવકૃપા ઓફસેટ પ્રીન્ટર્સ, દૂધેશ્વર, અમદાવાદ-૪

વિશેષ નોંધ : શાસ્ત્રસંદેશમાલાના ૧ થી ૨૦ ભાગનું સંપૂર્ણ પ્રકાશન જ્ઞાનદ્રવ્યમાંથી કરવામાં આવેલ છે. તેની નોંધ લેવા વિનંતી.



આભાર...!

અનુમોદનીય...!

અનુકરણીય...!

શાસ્ત્રસંદેશમાલા ના એક થી દસ ભાગના
પ્રકાશનનો સંપૂર્ણ લાભ

શ્રી સુરત તપગચ્છ રત્નત્રયી આરાધક સંઘ

C/o વિજયરામચન્દ્રસૂરીશ્વરજી આરાધના ભવન,
આરાધના ભવન રોડ, સુભાષચોક,
ગોપીપુરા, સુરત-૨

તરફથી શ્રી સંઘના જ્ઞાનંદ્રવ્યની નિધિમાંથી
લેવામાં આવેલ છે. તેની અમો ભૂરી...ભૂરી...

અનુમોદના કરીએ છીએ...!

શ્રી સંઘ તથા ટ્રસ્ટીગણના અમો આભારી છીએ ...!

શાસ્ત્રસંદેશમાલા

શાસ્ત્રસંદેશમાલાનાં ૧ થી ૨૦ ભાગમાં લેવાયેલ
 ૪૦૦ થી વધારે ગ્રંથોના મૂળ પુસ્તકો-પ્રતો
 મેળવવા માટે અમોએ નીચે લખેલ સંસ્થાઓ
 હસ્તકના જ્ઞાનભંડારનો વિશેષ ઉપયોગ કરેલ
 છે. આ સંસ્થાઓ અને તેના ટ્રસ્ટીઓ તથા
 કાર્યકરોના અમો આભારી છીએ.

૧. શ્રી વિજયગચ્છ જૈન ઉપાશ્રય - રાધનપુર
૨. શ્રી નગીનભાઈ જૈન પૌષ્ઠશાળા - પાટણ
૩. વિજય રામચન્દ્રસૂરીશ્વરજી
 આરાધના ભવન - સુરત
૪. શ્રી જૈનાનન્દ પુસ્તકાલય - સુરત
૫. શ્રી મોહનલાલજી જૈન ઉપાશ્રય - સુરત
૬. શ્રી દાનસૂરિ જ્ઞાનમંદિર - અમદાવાદ
૭. જૈન આરાધના ભવન ટ્રસ્ટ - અમદાવાદ
૮. શ્રી કેલાસસાગરસૂરિ જ્ઞાનમંદિર - કોબા
૯. શ્રી નેમિનંદન શતાબ્દિ ટ્રસ્ટ - અમદાવાદ

- શાસ્ત્રસંદેશમાલા

વક્તા-શ્રોતાનો યોગ સાર્થક ક્યારે... !

ધર્મદેશકે, શ્રોતાના અન્તરમાં વિષય વિરાગની ભાવના જન્મે, કષાયત્યાગ કરવાની વૃત્તિ પ્રગટ થવા પામે, આત્માના ગુણો પ્રત્યે અનુરાગ વધે અને આત્માના ગુણોને ખીલવનારી ક્રિયાઓમાં જ જોડાઈ રહેવાની અભિલાષા પ્રગટે એવી રીતિએ જ વાંચન કરવું જોઈએ. એ રીતિએ વાંચન કરવા છતાં પણ, શ્રોતાની અયોગ્યતાથી વિપરીત પણ પરિણામ આવે, તોય તે ધર્મદેશકને તો એકાન્તે લાભ જ થાય છે. આ જ રીતિએ, શ્રોતાઓએ પણ ધર્મકથાનું શ્રવણ એ જ ઈરાદાથી કરવું જોઈએ કે-‘મારામાં વિષયવિરાગ વધો, કષાયત્યાગની વૃત્તિ સુદૃઢ બનો, આત્માના ગુણો પ્રત્યે સાચો અનુરાગ પ્રગટે અને આત્માના ગુણોને ખીલવનારી ક્રિયાઓમાં મારો જેટલો પ્રમાદ છે તે દૂર થાઓ !’ વક્તા-શ્રોતાનો આવો યોગ હોય અને પરમ ઉપકારી મહાપુરુષોએ રચેલું ચરિત્ર હોય, તો એના વાંચનનું અને શ્રવણનું કેટલું સુંદર પરિણામ આવે તે વિચારી તો જુઓ’ !

- પૂ. આ. દેવ. શ્રીમદ્ વિજય રામચન્દ્રસૂરીશ્વરજી મહારાજ

પ્રકાશકીય !

પૂર્વના પૂર્વાચાર્ય - પુણ્યાત્માઓએ પદ્યમાં પ્રરૂપેલા ૪૦૦ થી વધારે પ્રકરણોના ૭૦,૦૦૦ હજાર શ્લોક પ્રમાણ સાહિત્ય આજે એક નવા સ્વરૂપે આવી રહ્યું છે.

ઉપલબ્ધ ગ્રંથોનું ઉપકારક-ઉપયોગી બનનાર આ એક-અપૂર્વ-અનોખું-અનેરું-અદ્ભૂત પ્રકાશનમાં અમો નિમિત્ત બનેલ છીએ તેનો અમોને હર્ષ છે.

છેલ્લા ત્રણ વર્ષથી પૂ. પંન્યાસશ્રી બોધિરત્નવિજયજી મ.સા.ના શિષ્ય રત્ન પૂ. પંન્યાસશ્રી તપોરત્નવિજયજી મ.સા.ના સંપૂર્ણ માર્ગદર્શન મુજબ પૂ. મુ. શ્રી વિનયરક્ષિતવિજયજી મ.સાહેબે આ સંકલના તૈયાર કરી આપેલ છે.

શાસ્ત્રસંદેશમાલા દ્વારા પ્રકાશિત થયેલ આ ૨૦ પુસ્તકોમાં પૂ. આ. શ્રી હરિભદ્રસૂરીશ્વરજી મ.સા. તથા પૂ. ઉપા. શ્રી યશોવિજયજી મ.સા. દ્વારા રચાયેલ પદ્ય સાહિત્યના સાત પુસ્તકો છે બાકીના તેર પુસ્તકોમાં અલગ-અલગ કર્તાઓની કૃત્તિઓનો વિષયવાર સમાવેશ કરવામાં આવેલ છે.

શાસ્ત્રસંદેશમાલાના આ પ્રકાશનમાં શુદ્ધિનો વિશેષ ખ્યાલ રાખવામાં આવેલ છે. દરેક પુસ્તકમાં આગળ જણાવેલ પૂજ્યશ્રીઓએ તે પુસ્તકનું પ્રમાર્જન કરી આપેલ છે. તેમાં પૂ. પં. શ્રી બોધિરત્નવિજયજી મ.સા.ના શિષ્યરત્ન પૂ. મુ. શ્રી હિતરક્ષિતવિજયજી મ.સા., પૂ. આ. શ્રી યોગતિલકસૂરીશ્વરજી

મ.સા.ના.શિષ્યરત્ન પૂ.મુ.શ્રી શ્રુતતિલકવિજયજી મ.સા. (સંસ્કૃત ગ્રન્થો) તથા પૂ.સા.શ્રી દક્ષાશ્રીજી મ.ના. શિષ્યા પૂ.સા.શ્રી ભદ્રજ્ઞાશ્રીજી મ. આદિએ વિશેષ કાળજી રાખી શુદ્ધિ કરી આપેલ છે.

જૈન પંડિતોમાં જેમનું આગવું સ્થાન-નામ છે એવા પંડિતવર્યશ્રી રતીભાઈ ચીમનલાલ દોશીએ શાસ્ત્રસંદેશમાલાના આ ૨૦ ભાગનું સમગ્ર મેટર ચેક કરી આપેલ છે. દરરોજ પાંચ-છ કલાક અધ્યયનનું કાર્ય ચાલુ રાખી, અથાગ મહેનત કરી સમયનો જે ભોગ તેઓશ્રીએ આપેલ છે તે પ્રશંસનીય છે.

શ્રી સુરત તપગચ્છ રત્નત્રયી આરાધક સંઘે તથા બીજા અલગ અલગ સંઘોએ પોતાના જ્ઞાનદ્રવ્યની નિધિમાંથી ઉદારતાપૂર્વક લાભ લઈ આ કાર્યને વેગવંતુ બનાવેલ છે તે માટે અમો તેઓશ્રીના આભારી છીએ.

ટાઈપ સેટીંગ માટે પાયલ પ્રિન્ટર્સ - રાધનપુરના માલિક શ્રી ઈકબાલભાઈ તથા શ્રીજી ગ્રાફીક્સ - અમદાવાદના શ્રી નિકુંજભાઈ પટેલે ઘણી જ ધીરજ અને ખંતથી શ્રી રીઝવાન શેખના સહકારથી આ કાર્યને પૂર્ણતાએ પહોંચાડ્યું છે.

પ્રીન્ટીંગ, ટાઈટલ પ્રીન્ટીંગ તથા બાઈન્ડીંગનું કામ શિવકૃપા ઓફસેટ પ્રીન્ટર્સ-અમદાવાદના ભાવિનભાઈએ વિશેષ કાળજીપૂર્વક કરી આપેલ છે.

શાસ્ત્રસંદેશમાલા

॥ अनुक्रमणिका ॥

१. नवकारफलकुलकम्	२६	१-३
२. सर्वतीर्थमहर्षिकुलकम्	२६	३-५
३. मंगलकुलयं	२५	५-७
४. गुरुदर्शनहर्षकुलकम्	१८	७-९
५. गुरुगुणषट्त्रिंशत्षट्त्रिंशिकाकुलकम्	४०	९-१२
६. दशश्रावककुलकम्	१२	१२-१३
७. महासतीकुलकम्	३०	१३-१६
८. सामान्यगुणोपदेशकुलकम्	२६	१६-१८
९. धम्मरिहगुणोवएसकुलयं	५०	१८-२३
१०. उवएसचउक्ककुलय-१	२५	२३-२५
११. उवएस-वउक्ककुलयं-२	२५	२५-२७
१२. धर्मोद्यमकुलकम्	३८	२७-३०
१३. पुण्यकुलकम्	१०	३०-३१
१४. उपदेशकुलकम्	१०	३१-३३
१५. श्रीगौतमकुलकम्	२०	३३-३५
१६. विषयविरक्तिकुलकम्	२५	३५-३७
१७. नारीशीलरक्षाकुलकम्	२२	३७-३९

१८. मदादिविपाककुलकम्	९	३९
१९. पव्वज्जाविहाणकुलयं	३३	४०-४२
२०. प्रव्रज्याविधानकुलकम्	२८	४३-४५
२१. अन्नायउंछकुलकम्	३१	४५-४८
२२. पडिलेहणाविचारकुलकम्	३२	४८-५०
२३. विवेककुलकम्	३२	५१-५३
२४. कर्मविपाककुलकम्	२३	५३-५५
२५. क्षमाकुलकम्	२५	५५-५७
२६. क्षान्तिकुलकम्	३१	५८-६०
२७. सार्धमिकवात्सल्यकुलकम्	२५	६०-६२
२८. आत्मबोधकुलकम्	२२	६३-६४
२९. धम्मोवएसकुलयं	२५	६५-६७
३०. धम्मोपदेशकुलकम्	२५	६७-६९
३१. उपदेशामृताकुलकम्	३२	६९-७२
३२. शोकनिवारणकुलकम्	३३	७२-७४
३३. रत्नत्रयकुलकम्	३१	७५-७७
३४. गुणानुरागकुलकम्	२८	७७-८०
३५. संविज्ञसाधुयोग्यनियमकुलकम्	४७	८०-८४

३६. दानकुलकम्	२०	८४-८६
३७. शीलकुलकम्	२०	८६-८७
३८. तपःकुलकम्	२०	८८-८९
३९. भावकुलकम्	२१	८९-९१
४०. उपदेशकुलकम्	२६	९१-९३
४१. आत्महितकुलकम्	३२	९४-९६
४२. आत्मानुशासनकुलकम्	५६	९६-१०१
४३. संवेगकुलयं	१२	१०१-१०२
४४. धर्माचार्यबहुमानकुलकम्	३४	१०२-१०५
४५. मनोनिग्रहभावनाकुलकम्	४४	१०५-१०९
४६. पर्यन्ताराधनाकुलकम्	१६	१०९-११०
४७. अप्पविसोहिकुलयं	२४	१११-११३
४८. आराहणाकुलयं	८	११३
४९. आलोयणाकुलयं	१२	११३-११४
५०. खामणाकुलयं-१	१५	११५-११६
५१. खामणाकुलयं-२	३६	११६-११९
५२. मिच्छदुक्खडवोसिरणविहिकुलयं	१७	११९-१२०
५३. ईर्यापथिकीमिथ्यादुष्कृतकुलकम्	१३	१२१-१२२

५४. जीवानुशास्तिकुलकम्	११	१२२-१२३
५५. प्रतिसमयजागतिकुलकम्	८	१२३
५६. संवेगमंजरीकुलयं	३१	१२४-१२६
५७. प्रमादपरिहारकुलकम्	३३	१२६-१२९
५८. जीवजोणिभावणाकुलयं	११	१२९-१३०
५९. देहकुलकम्	२३	१३०-१३२
६०. अभव्यकुलकम्	९	१३२-१३३
६१. विरतिफलकुलकम्	१६	१३३-१३४
६२. संज्ञाकुलकम्	५	१३५
६३. सम्मत्तकुलयं-१	५	१३५
६४. सम्यक्त्वकुलकम्-२	१५	१३६-१३७
६५. सम्यक्त्वकुलकम्-३	२४	१३७-१३९
६६. सङ्घस्वरूपकुलकम्	१५	१३९-१४०
६७. मिथ्यात्वमथनकुलकम्	२६	१४०-१४२
६८. मिथ्यात्वकुलकम्	२१	१४३-१४४
६९. मिथ्यात्वविचारकुलकम्	१७	१४५-१४६
७०. सम्यक्त्वस्वरूपकुलकम्	२५	१४६-१४८
७१. सम्मत्तुप्पायविहीकुलकम्	२९	१४८-१५१

७२. श्रीद्वादशाङ्गीपदप्रमाणकुलकम्	२१	१५१-१५२
७३. योगानुष्ठानकुलकम्	३०	१५३-१५५
७४. विविधतपोदिनाङ्ककुलकम्	२६	१५५-१५७
७५. मुखवस्त्रिकास्थापनकुलकम्	२८	१५८-१६०
७६. औष्ट्रिकमतोत्सूत्रोद्घाटन कुलकम्	१८	१६०-१६२
७७. उत्सूत्रपदोद्घाटनकुलकम्	३०	१६२-१६४
७८. कालस्वरूपकुलकम्	३२	१६५-१६७
७९. दर्शननियमाकुलकम्	२९	१६७-१७०
८०. व्यवहारकुलकम्	६२	१७०-१७५
८१. मिथ्यात्वस्थानविवरणकुलकम्	४४	१७५-१७९
८२. द्वादश-कुलकम्	२३३	१७९-२०३
८३. ज्ञानप्रकाशकुलकम्	११४	२०३-२१३
८४. आत्मावबोधकुलकम्	४३	२१३-२१६
८५. परिशिष्ट-१		१-८

संपूर्ण श्लोक संख्या - २३९८

संपूर्ण पृष्ठ संख्या - १२ + २१६ + ८

॥ नवकारफलकुलकम् ॥

- घणघाइकम्ममुक्का अरहंता तह य सव्वसिद्धा य ।
 आयरिय-उवज्झाया पवरा तह सव्वसाहू य ॥ १ ॥
- एयाणं नमुक्कारो, पंचणह वि पवरलक्खणधराणं ।
 भवियाण होइ सरणं, संसारे संसरंताणं ॥ २ ॥
- उड्ड-मह-तिरियलोए, जिणनवकारो पहाणओ नवरं ।
 नर-सुर-सिवसुक्खाणं, कारणं इत्थ भुवणम्मि ॥ ३ ॥
- तेण इमो निच्चं चिय, पढियइ सुत्तुट्टिएहिं अणवरयं ।
 होइ च्चिय दुहदलणो सुहजणओ, भवियलोयस्स ॥ ४ ॥
- जाए वि जो पढिज्जइ, जेण य जायस्स होइ फलरिद्धी ।
 अवसाणे वि पढिज्जइ, जेण मओ सुग्गइं जाइ ॥ ५ ॥
- आवइहिं पि पढिज्जइ जेण य लंघेइ आवयसयाइं ।
 रिद्धीहिं वि पढिज्जइ जेणोसा जाइ वित्थारं ॥ ६ ॥
- नवसिरि हुंति सुराणं, विज्जाहस्तेय (ते य) नखरिंदाणं ।
 जाण इमो नवकारो, सासु व्व पइट्टिओ कंठे ॥ ७ ॥
- जह अहिणा दट्टाणं, गारुडमंतो विसं पणासेइ ।
 तह नवकारो मंतो, पावविसं नासइ असेसं ॥ ८ ॥
- किं एस महारयणं ? किं वा चिंतामणि व्व नवकारो ? ।
 किं कप्पहुमसरिसो ? न हु न हु ताणं पि अहिययो ॥ ९ ॥
- चिंतामणि-रयणाइं, कप्पतरू एगजम्मसुहहेऊ ।
 नवकारो पुण पवरो, सग्गऽपवग्गाण दायारो ॥ १० ॥
- जं किंचि परमतत्तं, परमप्पयकारणं च जं किंचि ।
 तत्थ इमो नवकारो झाइज्जइ परमजोगीहिं ॥ ११ ॥

जो गुणइ लक्खमेगं, पूएइ विहीइ जिणनमुक्कारो । तित्थयरनामगोत्तं, सो बंधइ नत्थि संदेहो	॥ १२ ॥
सट्टिसयं विजयाणं पवरणं जत्थ सासओ कालो । तत्थ वि जिणनवकारो पढिज्जए एस पढमयो	॥ १३ ॥
एवएहिं पंचहिं, पंचहिं भरएहिं सो च्चिय पढंति । जिणनवकारो एसो सासयसिवसुक्खदायारो	॥ १४ ॥
जेण मरंतेण इमो, नवकारो पाविओ कयत्थेण । सो गंतुं दियलोयं, परमपयं तं पि पावेइ	॥ १५ ॥
एसो अणाइकालो, अणाइजीवो, अणाइजिणधम्मो । तइया वि ते पढंता, एस च्चिय जिणनमुक्कारो	॥ १६ ॥
जे के वि गया मोक्खं, जे वि य गच्छंति कम्ममलमुक्का । ते सव्वे चिय जाणसु जिणनवकारप्पभावेणं	॥ १७ ॥
न हु किंचि तस्स पहवइ डाइणि-वेयाल-रक्ख-मारिभयं । नवकारपभावेणं नासंति सयलदुरिआई	॥ १८ ॥
वाहि-जल-जलण-तक्कर-हरि-करि-संगाम-विसहरभयाइ । नासंति तक्खणेणं, जिणनवकारप्पभावेणं	॥ १९ ॥
इय एसो नवकारो भणिओ सुर-सिद्ध-खयरपमुहेहिं । जो पढइ भत्तिजुत्तो सो पावइ परमनिव्वाणं	॥ २० ॥
अडवि-गिरि-रणमज्जे भयं पणासेइ चिंतिओ मंतो । रक्खइ भवियसयाइं, माया जह पुत्त-भंडाइं	॥ २१ ॥
थंभेइ जल जलणं, चिंतियमित्तो वि पंचनव(मु)कारो । अरि-मारि-चोर-रउल-घोरुवसग्गं पणासेइ	॥ २२ ॥
हिययगुहाए नवकार केसरी जाण संठिओ निच्चं । दुट्टुट्टुकम्मदोघट्टघडयं ताण परिणट्टं	॥ २३ ॥

जिणसासणस्स सारो, चउदसपुव्वाण जो समुद्धारो ।
 जस्स मणे नवकारो, संसारो तस्स किं कुणइ ॥ २४ ॥
 मंताण मंतो पस्सो इमो त्ति, धेयाण धेयं परमो इमो त्ति ।
 तत्ताण तत्तं परमं पवित्तं, संसारिसत्ताण दुहाहयाणं ॥ २५ ॥
 अणेगजम्मंतरसंचियाणं दुहाण सारीरिय-माणसाणं ।
 कत्तो उ भव्वाण हवेज्ज नासो न जाव पत्तो नवकारमंतो ॥ २६ ॥

पू. आ. श्री. जिनेश्वरसूरिविरचितम्

॥ सर्वतीर्थमहर्षिकुलकम् ॥

अट्टावयम्मि उसभो सिद्धिगओ वासुपूज्ज चंपाए ।
 पावाए वद्धमाणो अरिट्टिनेमी य उज्जंते ॥ १ ॥
 अवसेसा तित्थयरा जाईजरमरणबंधणविमुक्का ।
 सम्मेयसेलसिहरे वीसं पुरिनिव्वुया वंदे ॥ २ ॥
 चउसट्ठी तित्थयरा धाइयसंडे य निव्वुया वंदे ।
 चउसट्ठी पुण वंदे पुक्खरवड्ढे य दीवे य ॥ ३ ॥
 सोलस अवरविदेहेसु पुव्वविदेहम्मि सोलस य वंदे ।
 पंचेव य पंचेव य भरहे एरावए वंदे ॥ ४ ॥
 करि पंचंगपणामं भत्तिभ्रबरहलरसियरोमंचं ।
 सीमंधरजिणचंदं तत्थ ठियं इत्थ वंदांमि ॥ ५ ॥
 घाइयघाइकम्म परमेसरु, पुव्वविदेहठियओ तित्थेसरु ।
 पणधणुसयतणु सिद्धिइ गामिय, तुह पणामु सीमंधर सामिय ! ॥ ६ ॥
 अवरविदेहविभूसणह, केवलनाण धरह ।
 पहु पणामामु जुगंधरह, संजमसील धरह ॥ ७ ॥

जंबुद्वीव चउतीस वंदिमो विहरमाण तित्थयरा । धाइयसंडे दीवे अट्ठसट्ठिं च वंदामि	॥ ८ ॥
पुक्खरवड्ढे तित्थयर वंदिमो अट्ठसट्ठिं भावेण । सत्तरिसयं जिणाणं वंदे तिविहेण तिक्कालं	॥ ९ ॥
सिरिउसभवद्धमाणयचंदाणणवारिसेणपडिमाओ । वंदामि सासयाओ नंदीसरपवरदीवम्मि	॥ १० ॥
वंदे जुगंधरजिणं सीमंधरजिणवरं सया वंदे । वंदे बाहुजिणिदं सुबाहुतित्थेसरं वंदे	॥ ११ ॥
वरयणमणिमयाओ नियनियवन्नप्पमाणजुत्ताओ । जंघाविज्जाचारणसुरिंदनार्गिदपणयाओ	॥ १२ ॥
निम्मवियाओ भरहेसरेण अट्ठावंयम्मि सेलम्मि । चउवीसणहं तित्थंगरणं पणमामि पडिमाओ	॥ १३ ॥
गणहरसुहम्मसामिप्पमुहे दुप्पसहसूरिपज्जंते । वंदे कयकल्लणे जुगप्पहाणे गुणनिहाणे	॥ १४ ॥
सिरिवीरजिणं जियरागदोसमोहं नमामि सुरमहियं । गोयमपमुहचउदससमणसहस्सेहिं परियरियं	॥ १५ ॥
वंदे पसन्नचंदं दसन्नभदं सुदंसणमुणिं च । वंदामि भदबाहुं वयररिसिं थूलभदं च ॥	॥ १६ ॥
नमिमो अज्जमहागिरि अज्जसुहत्थिं च भद्दगुत्तं च । तह अज्जरक्खियं सालिभद्दसमणं च कयउत्तं	॥ १७ ॥
मेहकुमारं अभयं महामुणिं नंदिसेण अइमुत्तं । करकंडु दुमुह नमि नग्गइं च जंबुं च नमिमोहं	॥ १८ ॥
तह मासतुसं नमिमो समणं तह कूरगड्डुयमुणिं च । कुम्मापुत्तं मुत्तं तिगुत्तिगुत्तं तहा सरियं	॥ १९ ॥

वंदामि महासत्तं गयसुकुमालं अवंतिसुकुमालं । वंदे इलाइपुत्तं चिलाइपुत्तं च खंतिखमं	॥ २० ॥
बाहुबलिभरहसार्मि सणंकुमारं च ढंढणकुमारं । अज्जसुनक्खत्तरिंसि वंदे सव्वाणुभूइमिणं	॥ २१ ॥
सिरिगोयमेण जेसि पन्नरससयाण तावसाण सया । दिक्खियमित्ताण वि केवलाणि जायाणि तासि नमो	॥ २२ ॥
पणमामि पुंडरीयं तणमिव परिचत्तरज्जपब्भारं । थुणिमो दढप्पहारं दवदंतमहारिंसि वंदे	॥ २३ ॥
संबं पज्जुन्नरिंसि बलदेवरिंसि च तवनिहिं वंदे । सागरचंदमुणिदं मेयज्जं कालियज्जगुरुं	॥ २४ ॥
वंदे तेयलिपुत्तं तोसलिपुत्तं च अन्नियापुत्तं । अणगारं धम्मरुइं कत्तियमुणिसत्तमं वंदे	॥ २५ ॥
सित्तुंजयम्मि सिद्धा दविडनरिंदाण पंचकोडीओ । नमिमो पंच सयाइं खंदगसीसाण सुमुणीणं	॥ २६ ॥

॥ मंगलकुलयं ॥

पढमित्थ जिणवराणं उसभे सेअंसि मंगलं वुच्छं । मरुदेवि-बंधिसुंदरि-बाहुबली-भरह-मल्लि-रायमई	॥ १ ॥
गोअमभाऊ जंबू खंदिकुमारे अवंतिसुकुमारे । तह सालिभदनामे सणंकुमारे अ वुच्छामि	॥ २ ॥
मिअवइ चंदणअज्जा य थूलभदे अ जक्खिणी अज्जा । वरं च तहा चरिमं एआइं जहक्कमं भणिमो	॥ ३ ॥
जं मंगलं तित्थयराण आसी, उसभे जिणे वीरह मज्झिमाणं (?) । सिद्धि गयाणं परिनिव्वुआणं, तं मंगलं सो मम बोहिलाभो	॥ ४ ॥

जं मंगलं आसि नरिंदसीहे, उसभे जिणे पुत्तसयम्मि जाए ।
अट्टावयपव्वयमारुहंते, तं मंगलं सो मम बोहिलाभो ॥ ५ ॥
जं मंगलं हत्थिपुरम्मि आसी, सेअंसजाईसरखत्तिअस्स ।
भरहम्मि ताए पडिलाभयम्मि, तं मंगलं सो मम बोहिलाभो ॥ ६ ॥
जं मंगलं मरुदेवीइ आसी, छत्ताइछत्तं पणयस्स दट्ठुं ।
उप्पण्णनाणे वरकेवलम्मि, तं मंगलं सो मम बोहिलाभो ॥ ७ ॥
जं मंगलं पवरगुणाइ आसी, बंभीइ बंभव्वयधारिणीए ।
अज्जाइ तह पढमपवत्तिणीए, तं मंगलं-सो मम बोहिलाभो ॥ ८ ॥
जं मंगलं आसी सुंदरीए, समसट्टिसहस्साइं सयं चरित्ता ।
लोगस्स मज्जे पिउणो सगासे, तं मंगलं सो मम बोहिलाभो ॥ ९ ॥
जं मंगलं बाहुबलिस्स आसी, तेअस्सिणो माणविमूरणस्स ।
संवच्छं मेरू जह ट्टिअस्स, तं मंगलं सो मम बोहिलाभो ॥ १० ॥
जं मंगलं भरहनिवस्स आसी, आयंसगेहम्मि पइट्टियस्स ।
उप्पण्णनाणवरकेवलम्मि, तं मंगलं सो मम बोहिलाभो ॥ ११ ॥
जं मंगलं कुंभनिवस्स धीए मल्लीइ राईसरवंदिआए ।
धम्मे ठवंतीइ छ रायसीहे, तं मंगलं सो मम बोहिलाभो ॥ १२ ॥
जं मंगलं राईमईइ आसी, विवाहकज्जम्मि समुट्टिआए ।
अणुपालयंतीइ अरिट्टिनेमिं, तं मंगलं सो मम बोहिलाभो ॥ १३ ॥
जं मंगलं गोअमत्तउ आणं, इंदग्गिमाई सुहमाइआणं ।
अभिनिक्खमित्ता जिणपायमूले, तं मंगलं सो मम बोहिलाभो ॥ १४ ॥
जं मंगलं जंबुमुणिस्स आसी, अट्टेव कंताउ परिच्चइत्ता ।
निव्वेयओ कामपरम्महस्स, तं मंगलं सो मम बोहिलाभो ॥ १५ ॥
जं मंगलं खंदकुमारि आसी, विहरंतए छत्तधरिज्जमाणे ।
छट्टेण छट्टेण तवं चरित्ता, तं मंगलं सो मम बोहिलाभो ॥ १६ ॥

जं मंगलं अवंतिकुमालि आसी, जाईसरित्ता पडिमं ठिअस्स ।
उक्कंठिअस्स नलिणीविमाणे, तं मंगलं सो मम बोहिलाभो ॥ १७ ॥
जं मंगलं सालिभदंदिम्मि आसी, रिद्धीउ भज्जाउ परिच्चइत्ता ।
निव्वेयुओ भोगपरम्मुहस्स, तं मंगलं सो मम बोहिलाभो ॥ १८ ॥
जं मंगलं आसि सणंकुमारे, सत्तेव आ(वा)ही आहिआसयंते ? ।
नागिददेविदनमंसिअम्मि, तं मंगलं सो मम बोहिलाभो ॥ १९ ॥
जं मंगलं चेडयरजधीए, विणओणयाए गुरुणीइ पाए ।
अणुपालयंतीइ मिआवईए तं मंगलं सो मम बोहिलाभो ॥ २० ॥
जं मंगलं आसी चंदणाए, कोसंबिसइढीसुकुले समिद्धे ।
पडिलाभयंतीइ जिणिंदवीरं, तं मंगलं सो मम बोहिलाभो ॥ २१ ॥
जं मंगलं मंगलमंदिरस्स, उक्कोसगेहम्मि पइट्टिअस्स ।
सिस्थूलभदस्स अहेसि रिसिणो, तं मंगलं सो मम बोहिलाभो २२
जं मंगलं आसी जक्खिणीए, गंतुं विदेहे पडिआगयाए ।
आढत्तिअं भावणचूलिआए, तं मंगलं सो मम बोहिलाभो ॥ २३ ॥
..... ।
जं मंगलं बहु लद्धम्मि वयरे तं मंगलं सो मम बोहिलाभो ॥ २४ ॥
एआइं कल्लाणसुमंगलाइं, सव्वाइं लोए परिकित्तिआइं ।
महरिसीणं च पवत्ततीणं, तं मंगलं अम्ह सया वि होउ ॥ २५ ॥

॥ गुरुदर्शनहर्षकुलकम् ॥

गोअम सुहम्म जंबू, पभवो सिज्जंभवाइ आयरिया ।
अन्नेवि जुगप्पहाणा, तइं दिट्ठे सुगुरु ते दिट्ठा ॥ १ ॥
अज्ज कयत्थो जम्मो, अज्ज कयत्थं च जीवियं मज्झ ।
जेण तुह दंसणामय-रसेण सत्ताइं नयणाइं ॥ २ ॥

सो देसो तं नगरं, तं (सो) गामो सो अ आसमो धत्रो ।	
जत्थ पहु ? तुम्ह पाया, विहरंति सया वि सुपसन्ना	॥ ३ ॥
हत्था ते सुकयत्था, जे किईकम्मं कुणंति तुह चलणे ।	
वाणी बहुगुणखाणी, सुगुरुगुणा वन्निआ जीए	॥ ४ ॥
अवयरिया सुरधेणू, संजाया महगिहे कणयवुट्ठी ।	
दारिदं अज्ज गयं, दिट्ठे तुह सुगुरु ! मुहकमले	॥ ५ ॥
चिंतामणिसारिच्छं, समत्तं पावियं मए अज्ज ।	
संसारो दूरीकओ, दिट्ठे तुह सुगुरु ! मुहकमले	॥ ६ ॥
जा रिद्धी अमरगणा, भुंजंता पियतमाइसंजुता ।	
सा पुण कित्थियमित्ता, दिट्ठे तुह सुगुरु ! मुहकमले	॥ ७ ॥
मणवयकार्येहिं मए, जं पावं अज्जियं सया (भयवं) ।	
तं सयं अज्ज गयं, दिट्ठे तुह सुगुरु ! मुहकमले	॥ ८ ॥
दुल्लहो जिर्णिदधम्मो, दुल्लहो जीवाण माणुसो जम्मो ।	
लद्धे वि मणुअजम्मे, अइदुल्लहा सुगुरुसामग्गी	॥ ९ ॥
जत्थ न दीसंति गुरू, पच्चुसे उट्ठिएहिं सुपसन्ना ।	
तत्थ कहं जाणिज्जइ, जिणवयणं अमिअसारिच्छं	॥ १० ॥
जह पाउसम्मि मोरा, दिणयरउदयम्मि कमलवणसंडा ।	
विहसंति तेम तच्चिय, तह अम्हे दंसणे तुम्ह	॥ ११ ॥
जइ सरइ सुरहिं वच्छे, वसंतमासं च कोइला सरइ ।	
विंझं सरइ गइंदो, तह अम्ह मणं तुमं सरइ	॥ १२ ॥
बहुया बहुया दिवसडा, जइ मइं सुहगुरु दीठ ।	
लोचन बे विकसी र्हां, हीअडइं अमिय पइठ	॥ १३ ॥
अहो ते निज्जिओ कोहो अहो माणो पराजिओ ।	
अहो ते निरक्किया माया, अहो लोहो वसीकओ	॥ १४ ॥

अहो ते अज्जवं साहु, अहो ते साहु मद्वं ।	
अहो ते उत्तमा खंती, अहो ते मुत्ती उत्तमा	॥ १५ ॥
इहं सि उत्तमो भंते, पच्छ होहिसि उत्तमो ।	
लोगुत्तमुत्तमं ठाणं, सिद्धिं गच्छसि नीरओ	॥ १६ ॥
आयरिअ नमुक्कारो, जीवं मोएइ भवसहस्साओ ।	
भावेण कीरमाणो होइ पुणो बोहिलाभाए	॥ १७ ॥
आयरिय नमुक्कारो, सव्वपावप्पणासणो ।	
मंगलाणं च सव्वेसिं, तइयं हवइ मंगलं	॥ १८ ॥

॥ गुरुगुणषट्त्रिंशत्षट्त्रिंशिकाकुलकम् ॥

वीरस्स पए पणमिय, सिरिगोयमपमुहगणहराणं च ।	
गुरुगुणछत्तीसीओ, छत्तीसं कित्तइस्सामि	॥ १ ॥
चउविहदेसणकहध-म्मभावणासारणाइकुसलमई ।	
चउविहचउझाणविऊ, छत्तीसगुणो गुरू जयउ	॥ २ ॥
पणविहसम्मचरणवय-ववहारयारसमिइसज्झाए ।	
इगसंवेगे अ रओ, छत्तीसगुणो गुरू जयउ	॥ ३ ॥
इंदियविसयपमाया-सवनिदकुभावणापणगछके ।	
छसु काएसु सजयणो, छत्तीसगुणो गुरू जयउ	॥ ४ ॥
छव्वयणदोसलेसा-वस्सयसद्वव्वतक्कभासाण ।	
परमत्थजाणणेणं, छत्तीसगुणो गुरू जयउ	॥ ५ ॥
सगभयरहिओ सर्गपिंड-पाणएसणसुहेहि संजुत्तो ।	
अट्टमयठाणरहिओ, छत्तीसगुणो गुरू जयउ	॥ ६ ॥
अट्टविहनाणदंसण-चारित्तायारवाइगुणकलिओ ।	
चउविहबुद्धिसमिद्धो, छत्तीसगुणो गुरू जयउ	॥ ७ ॥

अट्टविहकम्मअट्टंग-जोगमहसिद्धिजोगदिट्ठिविऊ ।	
चउविहऽणुओगनिउणो, छत्तीसगुणो गुरू जयउ	॥ ८ ॥
नवतत्तणू नवबंध-गुत्तिगुत्तो नियाणनवरहिओ ।	
नवकप्पकयविहारो, छत्तीसगुणो गुरू जयउ	॥ ९ ॥
दसभेयअसंवरसंकिलेसउवघायविरहिओ निच्चं ।	
हासाइछक्करहिओ, छत्तीसगुणो गुरू जयउ	॥ १० ॥
दसविहसामायारी, दसचित्तसमाहिठाणलीणमणो ।	
सोलसकसायचाई, छत्तीसगुणो गुरू जयउ	॥ ११ ॥
पडिसेव-सोहिदोसे, दस दस विणयाइचउसमाहीओ ।	
चउभेयाउ मुणंतो, छत्तीसगुणो गुरू जयउ	॥ १२ ॥
दसविहवेआवच्चं, विणयं धम्मं च पडु पयासंतो ।	
वज्जियअकप्पछक्को, छत्तीसगुणो गुरू जयउ	॥ १३ ॥
दसभेयाइ रुईए, दुवालसंगेसु बारुवंगेसु ।	
दुविहसिक्खाइनिउणो, छत्तीसगुणो गुरू जयउ	॥ १४ ॥
एगार सड्डुपडिमा, बारसवय तेरकिरियठाणे य ।	
सम्मं उवएसंतो, छत्तीसगुणो गुरू जयउ	॥ १५ ॥
बारसउवओगविऊ, दसविहपच्छित्तदाणनिउणमई ।	
चउदसउवगरणधरो, छत्तीसगुणो गुरू जयउ	॥ १६ ॥
बारसभेयम्मि तवे, भिक्खूपडिमासु भावणासुं च ।	
निच्चं च उज्जमंतो, छत्तीसगुणो गुरू जयउ	॥ १७ ॥
चउदगुणठाणनिउणो, चउदसपडिरूवपमुहगुणकलिओ ।	
अट्टसुहुमोवएसी, छत्तीसगुणो गुरू जयउ	॥ १८ ॥
पंचदसजोगसन्ना-कहणेण तिगारवाण चाएण ।	
सल्लतिगवज्जणेणं, छत्तीसगुणो गुरू जयउ	॥ १९ ॥

सोलससोलसउग्गम-उप्पायणदोसविरहियाहारे । चउविहभिग्गहनिरओ, छत्तीसगुणो गुरू जयउ	॥ २० ॥
सोलसवयणविह्निन्नु, सतरसविहसंजमम्मि उज्जुत्तो । तिविराहणाविरहिओ, छत्तीसगुणो गुरू जयउ	॥ २१ ॥
नरदिक्खदोस अट्ठा-रसेव अट्ठार पावठणाइं । दूरेण परिहरंतो, छत्तीसगुणो गुरू जयउ	॥ २२ ॥
सीलंगसहस्साणं, धारंतो तह य बंभभेयाणं । अट्ठारसगमुयारं, छत्तीसगुणो गुरू जयउ	॥ २३ ॥
उस्सग्गदोसगुणवीस-वज्जओ सतरभेयमरणविहिं । भवियजणे पयडंतो, छत्तीसगुणो गुरू जयउ	॥ २४ ॥
वीसमसमाहिठाणे, दसेसणा पंच गासदोसे य । मिच्छतं च चयंतो, छत्तीसगुणो गुरू जयउ	॥ २५ ॥
इगवीससबलचाया, सिक्खासीलस्स पनरठणाणं । अंगीकरणेण सया, छत्तीसगुणो गुरू जयउ	॥ २६ ॥
बावीसपरीसहहियासणेण चाएण चउदसण्हं च । अब्भितरगंथाणं, छत्तीसगुणो गुरू जयउ	॥ २७ ॥
पणवेइयाविसुद्धं, छद्दोसविमुक्क पंचवीसविहं । पडिलेहणं कुणंतो, छत्तीसगुणो गुरू जयउ	॥ २८ ॥
सत्तावीसविहेहिं, अणगारगुणेहिं भूसियसरीरो । नवकोडिसुद्धगाही, छत्तीसगुणो गुरू जयउ	॥ २९ ॥
अडवीसलद्धिपयडण-पउणो लोए तहा पयासंतो । अडविहपभावगतं, छत्तीसगुणो गुरू जयउ	॥ ३० ॥
एगूणतीसभेए, पावसुए दूरओ विवज्जंतो । समविहसोहिगुणण्णू, छत्तीसगुणो गुरू जयउ	॥ ३१ ॥

महमोहबंधठाणे, तीसं तह अंतररिछकं च । लोए निवारयंतो, छत्तीसगुणो गुरू जयउ	॥ ३२ ॥
इगहियतीसविहाणं, सिद्धगुणाणं च पंच नाणाणं । अणुकित्तणेण सम्मं, छत्तीसगुणो गुरू जयउ	॥ ३३ ॥
तह बत्तीसविहाणं, जीवाणं रक्खणम्मि कयचित्तो । जियचउव्विहोवसग्गो, छत्तीसगुणो गुरू जयउ	॥ ३४ ॥
बत्तीसदोसविरहिय-वंदणदाणस्स निच्चमहिगारी । चउविहविगहविरत्तो, छत्तीसगुणो गुरू जयउ	॥ ३५ ॥
तित्तीसविहासायण-वज्जणजुग्गो य वीरिआयारं । तिविहं अणिगूहंतो, छत्तीसगुणो गुरू जयउ	॥ ३६ ॥
गणिसंपयऽट्टचउविह, बत्तीसं तेसु निच्चमाउत्तो । चउविहविणयपवित्तो, छत्तीसगुणो गुरू जयउ	॥ ३७ ॥
जइ वि हु सूरिवराणं, सम्मं गुणकित्तणं करेउं जे । सक्को वि नेव सक्कइ, कोहं पुण गाढमूढमई	॥ ३८ ॥
तह वि हु जहासुआओ, गुरुगुणसंगहमयाउ भत्तीए । इय छत्तीसं छत्तीसियाउ भणियाउ इह कुलए	॥ ३९ ॥
सिरिवयरसेणसुहगुरु-सीसेणं विरइयं कुलगमेयं । पढिऊणमसढभावा, भव्वा पावंतु कल्लणं	॥ ४० ॥

॥ दशश्रावककुलकम् ॥

वाणियगामपुरम्मि, आणंदो जो गिहवई आसी । सिवनंदा से भज्जा, दस सहस्स गोउला चउरो	॥ १ ॥
निहिववहारकलंतरठाणेसुं कणयकोडिबारसगं । सो सिरिवीरजिणेसरपयमूले सावओ जाओ	॥ २ ॥

चंपाई कामदेवो, भद्राभज्जो सुसावओ जाओ । छगोउल अट्टारस, कंचणकोडीण जो सामी	॥ ३ ॥
कासीए चुलणिपिया, सामा भज्जा य गोउला अट्ट । चउवीस कणयकोडी, सङ्गण सिरोमणी जाओ	॥ ४ ॥
कासीई सूरदेवो, धन्ना भज्जा य गोउला छच्च । कणयट्टारसकोडी, गहीयवओ सावओ जाओ	॥ ५ ॥
आलंभियानयरीए, नामेणं चुल्लसयगओ सङ्गे । बहुलानामेण पिया, रिद्धी से कामदेवसमा	॥ ६ ॥
कंपिल्लपट्टणम्मि, सङ्खो नामेण कुंडकोलियओ । पुप्फा पुण जस्स पिया, विहवो सिरिकामदेवसमो	॥ ७ ॥
सद्दालपुत्तनामो, पोलासम्मि कुलालजाईओ । भज्जा य अग्गिमित्ता, कंचणकोडीण से तिन्नि	॥ ८ ॥
चउवीस कणयकोडी, गोउल अट्टेव रायगिहनयरे । सयगो भज्जा तेरस, रेवइ अड सेस कोडीओ	॥ ९ ॥
सावत्थीनयरीए, नंदणिपियनाम सङ्खओ जाओ । अस्सिणिनामा भज्जा, आणंदसमो य रिद्धीए	॥ १० ॥
सावत्थीवत्थव्वो लंतगपिय सावगो य जो पवरो । फग्गुणिनामकलत्तो, जाओ आणंदसमविहवो	॥ ११ ॥
इक्कारस पडिमधरा, सव्वे वि वीरपयकमंलभत्ता । सव्वे वि सम्मदिट्ठी, बारसवयधारया सव्वे	॥ १२ ॥

॥ महासतीकुलकम् ॥

तिहुयणनमंसियाणं, निम्मलकित्तीण, धम्ममुत्तीणं । असरिसमहासईणं कित्तेमि गुणगण सईणं	॥ १ ॥
--	-------

चलणद्वियदिद्वीणं, अद्विट्टसहावदंतपंतीणं । कुलदेवयनारीणं, सीलपहाणाण ताण नमो	॥ २ ॥
सीलं महग्घमंडण-मक्खीणमहानिही सया सीलं । सीलं पवित्ततित्थं, सीलं मूलं कुलवहूणं	॥ ३ ॥
दुभगा विरूवगा वि य अभग्गसीला सुराण नमणिज्जा । गरुयकुला वि कुसीला, हसणिज्जा रूवरंभा वि	॥ ४ ॥
स च्चिय जयम्मि धन्ना, पुंसिसहस्साण समहिया नारी । जा सीलेण पवित्तइ जम्मं च कुलं च धम्मं च	॥ ५ ॥
नंदउ सा मरुदेवी, पढमा ओसप्पिणीए सिद्धाणं । जा पिच्छि वि जिणरिद्धि सुहभावा केवली जाया	॥ ६ ॥
बंधीपभिईण नमो सावज्जविवज्जियाण अज्जाणं । ससिजुणहाविमलसीला, विजयंतु जयम्मि जिणमाया	॥ ७ ॥
अंबिलतवसुसियंगां, आजम्ममहव्वया, महाभागा । इक्खागकुलपडागा, रिसहसुया सुंदरी धन्ना	॥ ८ ॥
उच्छलियतिल्लजाला, घुम्मियजणपणमिया, अमियदिद्वी । धन्ना चंपगमाला, बाला वि विसालसंमत्ता	॥ ९ ॥
सा सुकया दमयंती, वणम्मि दारुणभयाणि समयंती । अज्ज वि तवेण जीसे महिलाओ लहंति तवलीहं	॥ १० ॥
अंगारभरियचारा जलधारधोरणी कया जीए । सा तीणसमतुलियजिया, सीया सीलम्मि निव्वडिया	॥ ११ ॥
स च्चिय सुद्धजम्मा रायमई जंगमं तिजयतित्थं । रहनेमिपत्थणाए, जीइ न भग्गा नियपइण्णा	॥ १२ ॥
दोवइ पंडवजाया, सीमंतमणि व्व सीलवंतीणं । जा पउमपत्थिया वि हु, न खोहिया अवरकंकाए	॥ १३ ॥

कण्हेण अणुन्नाया गहियवया नेमिनाहपासम्मि ।	
तिव्वतवखवियचिक्कणघणकम्मा रुप्पिणी सिद्धा	॥ १४ ॥
चंपाए अणुग्घाडियपोलिमिसा सीलकित्तिथंभि व्व ।	
अज्ज वि छज्जइ जीसे, नमामि तीए सुभद्दाए	॥ १५ ॥
सुमिर्णम्मि सग्ग-नरए दट्टुं धम्मम्मि इत्ति पडिबुद्धा ।	
गुरुभत्तिखवियकम्मा, सिद्धा सिरिपुप्फचूलऽज्जा	॥ १६ ॥
मोयाविय पज्जोयं वीरजिणेणं विइन्नचारिता ।	
गुरुणीपयम्मि लीणा, मिगावई भगवई सिद्धा	॥ १७ ॥
तियलुक्कवंदणिज्जा नमयासुंदरिमहासई धन्ना ।	
तह दुहसयाइं सहिउं, नियसीलं रक्खियं जीए	॥ १८ ॥
कालिगगणहरभगिणी, निक्खंता गद्दभिल्लगहिया वि ।	
संसारपहपरम्महझाणरया जयउ सयकालं	॥ १९ ॥
मेरु व्व निप्पकंपा पासंडियवयणवायगुंजाहिं ।	
सिरिवीरचरणसरणा, कस्स न पुज्जा सया सुलसा ?	॥ २० ॥
धन्ना चंदणबाला सुरिंददंसियविसेसपयसत्ती ।	
छम्मासनिराहारो, जीए पाराविओ भयवं	॥ २१ ॥
सा साविया जयंती, सुकयत्था जीइ पुच्छिओ भयवं ।	
आहम्मिय-धम्मीणं जागरियापमुहपसिणाइं	॥ २२ ॥
अहह ! महासाहसिया, देवसिया विहियसीलेसन्नाहा ।	
भालम्मि अंकिरुणं, परिचत्ता जीए परपुरिसा	॥ २३ ॥
अहह ! दुहपिल्लियाए जीए न कलंकिओ कह वि अप्पा ।	
सा खंतिरंजियसुराऽचंकारियभट्टिया धन्ना	॥ २४ ॥
मणिरहगहा निलुक्का, विज्जाहरपत्थिया वि अडवीए ।	
निव्वडियसीलेरेहा, जयम्मि धन्ना मयणरेहा	॥ २५ ॥

जीए फासुयओसहदाणेणं वद्धमाणपत्तम्मि ।	
बद्धं तित्थयरत्तं सा रेवई जयउ कयकिच्चा	॥ २६ ॥
पउमावई पभावई जिणमयवासियसरोमसव्वंगा ।	
धन्ना अंजणसुंदरि, विरहम्मि वि धम्म-नियमरया	॥ २७ ॥
सीलेण कलावईइ, वरबाहुलया पुणन्नवा जाया ।	
अच्छरियभूयचरिया, जयम्मि आरामसोहा वि	॥ २८ ॥
रिसिदत्ता य सुनंदा मणोरमां रोहिणी य देवइ य ।	
अन्ना वि वंदणिज्जा महासई पवयणपसिद्धा	॥ २९ ॥
जे सुमरंति तिसंझं, महासईणं पवित्तचरियाइं ।	
ते सव्वदुहविमुक्का, सासयसुहभायणं हुंति	॥ ३० ॥

॥ सामान्यगुणोपदेशकुलकम् ॥

निहारियविसमसरं वीरं वंदितु दित्तरुइपसरं ।	
दित्रजियदिक्खसिक्खं भणामि सामन्नगुणसिक्खं	॥ १ ॥
ववहारसुद्धी जर्णाणिदणिज्जवावारचागणिप्फन्ना (व्यापारत्यागनिष्पन्ना)	
कालुस्सिवियलसद्धम्मकम्मपरिपालणसरूवा	॥ २ ॥
संखाणं धवलपहा गभीरया वि व महासमुद्धानं ।	
चंदाण सिसिरजोण्ह व्व णयणसोह व्व हरिणीणं	॥ ३ ॥
उच्चूण महरया विव धम्मियकुलयाण धम्मसब्भावो ।	
जइ वि हु सिद्धो तेसिं तह वि एवं समवसेया	॥ ४ ॥
णाणवयवुड्ढसेवा सत्थब्भासो परोवयारित्तं ।	
सच्चरियजणपसंसा दक्खिन्नपरायणत्तं च	॥ ५ ॥
उत्तमगुणाणुरागो अणुस्सुगतं अखुद्दभावो य ।	
परलोयभीरुयत्तं सव्वत्थ अणत्थपरिहारो	॥ ६ ॥

गुरुदेवातिहिपूयणमपक्खवाएण णायदरिसित्तं । असदग्गहवज्जणया सपणयपुव्वाभिभासित्तं	॥ ७ ॥
वसणम्मि सुधीरत्तं संपत्तीए अणुत्तणत्तं च । सगुणपसंसालज्जणमत्तुक्करिसस्स परिहारो	॥ ८ ॥
नयविक्रमसालित्तं लज्जालुत्तं सुदीहदरिसित्तं । उत्तमकमवत्तित्तं पडिवन्नभरेक्कधवलत्तं	॥ ९ ॥
उचियट्ठिइपरिवालणमदुशराहत्तणं जणपियत्तं । परपीडापरिहारो थिरया संतोससारत्तं	॥ १० ॥
अणवरयगुणब्भासो परत्थ संपाडणिक्करिसियत्तं । पयईए विणीयत्तं हिओवएसोवजीवित्तं	॥ ११ ॥
गुरुजणरायाईणं अवन्नवायाइकारिपरिहरणं । इहपरलोयावायाइचित्तणं चेव अइनिउणं	॥ १२ ॥
एमाइगुणगणो उत्तमेहिं इहपरभवे वि हियहेऊ । अप्पाणयम्मि णिच्चं णिवैसियव्वो पयत्तेणं	॥ १३ ॥
इय गुणजोगाऽऽराहिय सामन्नविहिं गिही अजत्तेणं । साहेइ विसेसविहिं पि नूणं तदवंग्गहेउ त्ति	॥ १४ ॥
सामन्नगुणाऽसत्तो किमलं धरिउं नरो विसेसगुणे ? । न हु सरिसवं पि वोढुं असमत्थो मंदरं धरिही	॥ १५ ॥
इय सामन्नगुणज्जणजुत्तो धीरो जएज्ज निच्चं पि । सुस्सावगसमणोचियगुणेषु तम्मूलगा जं ते	॥ १६ ॥
तेत्थ पुण विसेसगुणा अणुव्वयाई उ सावयाणुचिया । साहूणं खमा मद्दव अज्जव मुत्ती पहाणाओ	॥ १७ ॥
जह दुद्धं धेणूओ दुमाउ पुप्फं जलाउ जह कमलं । आयारपरबहुस्सुयगुरुसिक्खाओ तह गुणा वि	॥ १८ ॥

जं दक्खो वि न पेक्खइ गुरुसिक्खाविरहिओ गुणविसेसं ।	
जह निम्मला वि चक्खू पयासरहिया ण घडपडाइ	॥ १९ ॥
विउलो वि हेममउलो सुवन्नगारं विणा न हेमत्तं ।	
जह लहइ तहा भव्वो गुरुरहिओ भणियगुणनिवहं	॥ २० ॥
कल्लाणमित्तमेक्कं गुणपालणपावणोवचयहेऊ ।	
गिरिगुरुयगुणं सुगुरुं निच्चं ता पज्जुवासिज्जा	॥ २१ ॥
इय गुणरयणपहाणा सकयत्था एत्थ चेव जम्मम्मि	
सरयससिसरिसजसभरभरियदिगंता जियंति सुहं	॥ २२ ॥
परलोए पुण कल्लाणमालियामालिया कमेणेव ।	
अणुभूयचोक्खसोक्खा लहंति मोक्खं पि खीणरया	॥ २३ ॥
को नाम किर सकन्नो गुणेसु सुइजंतमेत्तसज्झेसु ? ।	
अप्पाणमगुणसंभा-वणा-मसी-मीसियं कुणइ	॥ २४ ॥
इय उवएसरसायणमुवणीयं आयरेण भव्वजणा ! ।	
पिबह णणुअज्जचरियं जइ काउमणा मणागं पि	॥ २५ ॥
विसउम्मग्गो वि एअमणुसासणंकुसं सिरसा ।	
धरमाणो निअमेणं करीव मग्गं जिओ जाइ	॥ २६ ॥

॥ धम्मरिहगुणोवएसकुलयं ॥

(उवजाइणिबद्धम्)

जिणिंदचंदाण कमारविदे, वंदित्तु संकंदणवंदणिज्जे ।	
भणेमि संखेवमहं गुणाणं, धम्मरिहाणं किल जे जिआणं	॥ १ ॥
लद्धणमाणुस्सभवं भवम्मि भवेज्ज भो भव्व ! भवा विरत्तो ।	
धम्मे दढारूढमणो जमेत्तो, न सुंदरं किंचिदिहन्नमत्थि	॥ २ ॥

चिंतामणी चित्तविचिंतिआणं, महोसहं सव्वदुद्दामयाणं ।
 आणाणुसारेण सरेज्जमाणो, किं नाम कल्लणमिमो न कुज्जा ? ॥ ३ ॥
 एअस्स लोगप्पहुणा पणीओ, जोग्गो जुओ जो गुणसंपयाए ।
 एसा अखुद्धत्त १ पसन्नरूव २, सहावसोमत्त ३ जणप्पिअत्तं ४ ॥ ४ ॥
 अकूरभावो ५ तह भीरुअत्ताऽ, ६, सठत्त ७ दक्खिण ८ सलज्जभावो ९
 दयालु १० मज्झत्थपसन्नदिट्ठि ११, गुणाणुरागित्त १२ मुदाहरंति ५
 सुइक्कहा १३ सुंदरपक्खगाहो १४ सुदीहदंसित्त १५ विसेसनाणं १६
 वुइद्धाणुगामित्त १७ विणीअभाव १८ कयन्नु सत्ताइं १९ परोवयारो २०
 सुलद्धलक्खत्तण २१ मेगवीसमिमे गुणा तेहिं विभूसिओ जो ।
 सो चेव संसुद्धजिणिंदधम्म-चिंतामणीपावणपच्चलो त्ति ॥ ७ ॥
 संपुण्णपुण्णो कुसलत्तणाइ-गुणोववेओ अ जणो जहेत्थ ।
 जोगो पहाणाण मणीण जाण, तहेव एअस्स वि एस भव्वो ॥ ८ ॥
 अखुद्धचित्तत्तणओ हवेज्ज, तओ तुमं धीरगहीरभावो ।
 अप्पुस्सुओ इट्ठसमागमेसु, कर्हिचि णिट्ठेसु अददुम्मणो अ ॥ ९ ॥
 पाएण बज्जे वि गुणा हवंति, रूवे पसण्णे महुरे नराणं ।
 अब्भंतरे किं पुण सीलरूवे, जएज्ज तो संठवणम्मि तस्स ॥ १० ॥
 सोमो जहा सोमसुदंसणिज्जो, सहावसोमत्तणओ गुणाओ ।
 तहा तुमं चेट्ठणभासणेसु, होज्जा महानंदकरो जणाणं ॥ ११ ॥
 जणप्पिओ सुंदरत्तेण तेण, अप्पा उवाएण जहोचिएण ।
 कज्जो जओ धम्मगुणाणुरागं, जणा कयाणंदमणा कुणंति ॥ १२ ॥
 सव्वस्स कल्लणविचिंतगाणं, समंतओ भद्दपरंपराओ ।
 भवंति कूरत्तणमप्पमतो, चएज्ज तं सत्तुजणम्मि विंत्ति ॥ १३ ॥
 जहा मसारिंधणमद्धदड्ढं, तहा जणो सीलकलंकिओ जो ।
 कलंकपंकाउ कुलाइहीला-निबंधणाओ भव भीरुभावो ॥ १४ ॥

पुव्वं मणो हुज्ज जहा तहेव, भासिज्ज चिट्ठिज्ज तुमं तहेव ।
 दढं दढतेण जणस्स होही, सुहं जसो निम्मल धम्मकम्मं ॥ १५ ॥
 धीरो गहीरो हयमच्छरो अ, पवण्णदक्खिण्णभरो भवित्ता ।
 परत्थमम्भत्थिअसूयाए, करेज्ज सव्वत्थ पसत्थचित्तो ॥ १६ ॥
 लज्जिज्ज सक्खं सपसंसणम्मि, मज्झे महंताण पहाणभावे ।
 कर्हिचि दि (दू) ट्ठाइ(य) कुलट्ठिईए, भंगे अणायारनिसेवणा य ॥ १७ ॥
 दयालुआ धम्मधणस्स मूलं, तओ तदत्थी पढमं तमेव ।
 करेज्ज ईसि पि परिच्चएज्जा, तुमं परुव्वेअकारिं पविर्त्ति ॥ १८ ॥
 अपक्खवाएण णिए परे अ, जणम्मि वट्ठिज्ज ठिइं ठर्वितो ।
 एवं च मज्झत्थगुणत्तणाओ, विस्संसणिज्जो सि तुमं जणाणं ॥ १९ ॥
 णिद्धं सुतारं सरलं सलोणं पप्फुल्लनीलोप्पलकोमलं व ।
 जणम्मि पीउसमिवुम्मुअंतं, चक्खुं पसण्णं सइ निक्खिवेज्जा ॥ २० ॥
 णीहारहारुज्जलसालिसीले, जणे गुणन्नुम्मि रइं करिज्जा ।
 जओ जिओ तग्गुणऽऽखित्तचित्तो, न रज्जए दोसविसे कर्हि पि ॥ २१ ॥
 मुंचिज्ज मिच्छाभिणिवेसबुद्धि, चए तहा दोसवइं सदा पि ।
 कहं च पक्खं च विसुद्धमेव, करेज्ज सद्धम्मपरायणाणं ॥ २२ ॥
 मा निप्फलारंभपरो हवेज्जा, पराभवट्ठाणकरो स जम्हा ।
 सुदीहदंसित्तणओ विहेज्ज, कज्जाइ पज्जंतसुहावहाइं ॥ २३ ॥
 जाणेज्ज सव्वत्थ तुमं विसेसं, गुणाण दोसाण य निव्विसेसं ।
 सुबुद्धिजोगेण तओ न होही, पओअणे कत्थइ विप्पलंभो ॥ २४ ॥
 वुइढाणुगामित्तणओ नराणं, बुद्धिउ सद्धाउ समुम्भवन्ति ।
 वयं च सत्थं च समिच्च वुइढे, तओ तुमं धीर ! सया सरेज्जा २५
 अप्पाणमच्चंतविणीअभावं, ठवेज्ज धम्मो विणयप्पहाणो ।
 तहा ण कल्लणमणूणमाणो जहा विणीओ विणया हवेइ ॥ २६ ॥

कयन्नुआ नाम गुणाण मूलं, दोसाण मूलं च कयप्पणासो ।
 थेवं पि मन्नेज्ज परोवयारं, न सव्वहा निण्हवमायरेज्जा ॥ २७ ॥
 जम्मं च जीअं च तमेव चारुं, चं चेव चित्तिज्ज सलक्खणं च ।
 जं मे परत्थम्मि समुज्जएक्कचित्तस्स साहेज्जकरं हवेज्ज ॥ २८ ॥
 विचित्तिऊणं निउणं हविज्ज, सव्वम्मि कज्जे लहु लद्धलक्खो ।
 एवं चमक्कारकराइ होंति, विणा किलेसेण पओअणाइं ॥ २९ ॥
 एए गुणे धीर ! तुमं धरितो, गुणाण लोगुत्तरसंगयाण ।
 अप्पाणमप्पेज्ज जमन्नहा ते, तदुब्भवत्तेण न चेव होंति ॥ ३० ॥
 अकारणा णत्थिह कज्जसिद्धी, न याणुवाएण वयंति तण्णा ।
 उवायवं कारणसंपउत्तो, साहेइ कज्जाइं पयत्तवं च ॥ ३१ ॥
 दुमम्मि पुप्फं च फलं च पच्छ, जहाकमेणेव रसप्पसिद्धीं ।
 भव्वे तहा लोगुणा तओ अ, लोगुत्तरा सिद्धी सुहं च तत्तो ॥ ३२ ॥
 हेच्छुकत्थाण(कंडाण) रसो सहावा, सीओ सिणिद्धो महुरो अ होइ ।
 एमेव एए सुकुलुग्गयाणं, भवंति पाएण गुणा जणाणं ॥ ३३ ॥
 जहा रसो सो परिकम्मणाओ, गुंडाइपज्जाय परंपराए ।
 वरि(वा)सोलगुप्पत्तिरसावसाणं, लहिज्ज मा होज्ज गुणं तहेव (?) ३४
 एआणमेते वि गुणा गुरूणं, चरित्तवंताण बहुस्सुआण ।
 संसग्गओ पण्णवणागुणाओ, लोगुत्तरत्तेण परीणमंति ॥ ३५ ॥
 लोगुत्तरे धम्मपहे पवण्णे, भवेज्ज सत्थुत्तविहिप्पहाणो ।
 मोहंधयाराउलिअम्मि लोए, न सत्थदीवादपरो पयासो ॥ ३६ ॥
 जिणाणमाणाणुगमेण हीणो, धम्मो न धम्मत्तणमावहेइ ।
 पेच्छच्छणो सिण्णविलोअणाणं, जहा सुचोक्खो वि न किंचिदेव ॥ ३७ ॥
 तंबं जहा सिद्धरसाणुविद्धं, चइज्ज तंबत्तमसेसमेवं ।
 भवस्स रूवं विसमं पि भव्वा, आणापरीणामगुणाण जाण ॥ ३८ ॥

भवत्तमित्थं किल तंबधाऊ, तंबत्तमक्खुद्दगुणाइभावो ।
 आणारसो सुद्धगुरु पसिद्धो, सुवण्णभावो अ जिआण मोक्खो ॥३९॥
 वेलाविहाणाइगुणोववेअं, करिज्ज चीवदण्णमायरेण ।
 अवंझनिव्वाणफलं तिसंझं, पमोअरोमंचचिअंगुवंगो ॥ ४० ॥
 जहोचिआओ किरिआउ हाणिं, सयं च तेसिं च न पाउणंति ।
 काले विहाणेण तुमं गुरूणं, करिज्ज पुज्जाणमुवासणं ति ॥ ४१ ॥
 तहा असंदेहमणो सुणिज्ज, सिद्धंतसंसिद्धपयत्थसत्थं ।
 कर्हिचि संदेहमुवागओ वि, बहुस्सुए तत्थ पमाणएज्जा ॥ ४२ ॥
 पयं पएणं परिसंठवितो, तयत्थणऽच्चत्थमणुस्सरंतो ।
 संवेअनिव्वेअरसं फुसंतो सज्झायमज्झीणमणे धरिज्ज ॥ ४३ ॥
 एवं च सामाइअमाइकिच्चे, लोगुत्तरे चत्तपमतभावो ।
 उदग्गवेरग्गसमग्गचित्तो, जुत्तं ससत्तीइ[य] पव्वएज्जा ॥ ४४ ॥
 अक्खंडचंडानिलसंपणुण्ण-विलोलजालासयसंकुलम्मि ।
 जहा पलित्तम्मि गिहे न जुत्तो, सुबुद्धिणो जागरओणुरागो ॥ ४५ ॥
 एमेवमच्चंतमभिद्दुअम्मि, जराइमच्चूइ भवम्मि निच्चं ।
 विवेअवं निक्खमणिक्कचित्तो, ण रज्जए कत्थइ वत्थुभेए ॥ ४६ ॥
 अच्चंगसीलंगमणंगरंगभंगक्खमं चत्तसमत्थसंगो ।
 पउत्त (त्थ) जत्तो अहजुत्तमेव, कयाणुचारित्तमहं चरिस्सं ॥ ४७ ॥
 एवं सुचिंतापरमो गिहम्मि, वेसागिहावाससमं वसिज्जा ।
 तुमं तओ अप्पडिबद्धभावो, णट्टे विणट्टुम्मि न झिज्जिसिंति ॥ ४८ ॥
 विसुज्झमाणज्झवसायजोगा, कम्मे किलिट्टुम्मि पलीयमाणे ।
 इट्ठं जसो चित्तजए सुहं च, सग्गोपवग्गो अ परत्थ होइ ॥ ४९ ॥
 तुम्हाणं भणिअं मए जिणमउद्देसेण संखेवओ,
 एअं निम्मलधम्मकम्मविसए जोगत्तसूआपरं ।

ता तुभ्मे भणिआणुसारविहिणा वट्टेज्जहा सव्वहा,
संसारसयसव्वदुक्खनिहणो मोक्खो जओ नत्रहा ॥ ५० ॥

॥ उवएसचउक्ककुलयं-१ ॥

निसुणंतु खणं परिरं-भिरुण भव्वा ! मणं समाहिम्मि ।
उवएसलेसमणवज्ज-कज्जमेवं भणिज्जंतं ॥ १ ॥

दुलहं ता मणुअत्ते पत्ते खित्तारिअत्तमेत्ते अ ।
निम्मलकुलजाइसमग्गरूवयारुग्गसामग्गी ॥ २ ॥

तत्थ वि महद्दहत्थिअकुम्मस्स मयंकमंडलालोओ ।
धम्मंतरेण दुलहो जह तह जीवाण जिणधम्मो ॥ ३ ॥

पत्तो वि पमत्तेहिं सत्तेहिं पत्तयाविउत्तेहिं ।
चित्तारयणं व महो-अहिम्मि हारिज्जए एसो ॥ ४ ॥

ता पाविरुण एअं मुक्कपमाएण कुसलपुरिसेण ।
एअथिरत्तनिमित्तं निसेवणिज्जाइं एआइं ॥ ५ ॥

जिणसासणाणुराओ १ निच्चमचागो सुसाहुसंगस्स २ ।
सम्मं च सुयब्भासो ३ तह तह भवभावणुल्लासो ४ ॥ ६ ॥

मरुपहपहिओ कप्प-दुदुमं व पोअं व जलहिजलपडिओ ।
चित्तारयणं व चिरं दालिंदोवद्दवाभिहओ ॥ ७ ॥

संपइ रे जीव ! तुमं धम्मं सव्वण्णुण्हपण्णत्तं ।
पत्तो कर्हिचि णूणं ता तं संपुन्नपुत्रो सि ॥ ८ ॥

सुलहं सव्वं पि जए रे जीव ! सुरेसरत्तणाईअं ।
निव्वुइसुहाण साहण-मणहो दुलहो अ जिणधम्मो ॥ ९ ॥

तम्हा इणमेव पुरो काउं हाउं च पावचरिआइं ।
जुत्तं पवित्तिउं ते जेण खणो दुल्लहो एसो ॥ १० ॥

एवमणुसासणिज्जो अप्पा निच्चं पि भवविरत्तेणं ।	
चित्तेणं जेण ण जाउ जिणमयं हाउमुच्छहइ	॥ ११ ॥
कमलुज्जलसीलसिरी-सुगंधिणो बंधुणो अ भुवणस्स ।	
निच्चं निसेवणिज्जा मुणिणो गुणिणो पयत्तेणं	॥ १२ ॥
दढमारूढगुणो वि हु जीवो इह साहुसंगपरिहीणो ।	
पाउणइ गुणविणासं जएज्ज ता तेसिं संगकए	॥ १३ ॥
सिद्धंतधारगाणं विसुद्धसीलंगसंगसुभगाणं ।	
दूरठिआणं पि मणे करेज्ज सुमुणीण संभरणं	॥ १४ ॥
मंतविवज्जिअमोमज्जणं व निज्जीवदेहकिरिअ व्व ।	
सुअबहुमाणविहीणं सुणं मन्नेज्जऽणुट्टाणं	॥ १५ ॥
तत्थ पढमं पढिज्जा सुत्तं ततो सुणेज्ज तस्सत्थं ।	
सुत्तविहीणं पुण सुअमपक्कफलसंसणसरिच्छं	॥ १६ ॥
सुत्तं पढिअं पि बहुं अपरिण्णायत्थमेत्थमक्खायं ।	
सुक्कस्स इक्खुणो भक्खणं व ण खमं सकज्जस्स	॥ १७ ॥
भणिआणायरणवओ समयणू पण्णवंति णाणं पि ।	
भारकरं चिअ दुब्भग-महिलाहरणं व बहुअं पि	॥ १८ ॥
ता भववाहिचिगिच्छासत्थं सुत्थिअपसत्थपरमत्थं ।	
जिणवयणमणुदिणं चिअ पढिज्ज निसुणेज्जणुट्टिज्जा	॥ १९ ॥
भाविज्ज भवसरूवं जह इह सरयब्भविब्भमं सव्वं ।	
जीअं जोव्वणपिअसंगमाइ खणदिट्टनट्टं ति	॥ २० ॥
उब्बणपवणपणोल्लिअमहल्लहल्लंतजलणजालम्मि ।	
गेहम्मि व मन्नेज्जा खणं पि ण खमो भवे वासो	॥ २१ ॥
जह दुज्जणजणसंगो भंगफलो तह दुहावसाणो अं ।	
संसारे तह तिअसत्तणाइसोक्खाण परिणामो	॥ २२ ॥

एकौत्थ समत्थपरमत्थवत्थुवित्थारफुरिअमाहप्पो ।	
पमुहावसाणसुंदरपरिणामो नवरि जिणधम्मो	॥ २३ ॥
तेण अलद्धं लद्धं लद्धं परिपालितं इमं तुब्भे ।	
परिपालिय परमं वुड्ढिं नेउं पयत्तिज्जा	॥ २४ ॥
धण्णा भवदुक्खाणं तिक्खाणमसंखलक्खसंखाणं ।	
एअं विरेअणोसहमुवएसं के वि पावंति	॥ २५ ॥

॥ उवएसचउक्ककुलयं-२ ॥

भो भो भव्वा ! सवणंजलीहि दुहदाहपसमणसमत्थं ।	
उवएसामयमेयं पिबह खणं मोक्खसोक्खकए	॥ १ ॥
गंभीरनीरनीरहिनिहित्तमुत्ताहलं व मणुयत्तं ।	
लद्धं सधम्मकम्मायेरेण सहलं विहेयव्वं	॥ २ ॥
तस्स य सुधम्मकप्पदुमस्स सुरणरसमिद्धिकुसुमस्स ।	
निव्वुइसुहविउलफलोहसालिणो मूलममियाइं	॥ ३ ॥
सिद्धंतसुई १ सुमुणीण संगमो २ मच्चुणो सया चिंता ३ ।	
तह दुक्कडसुकडाणं कडाण फलचिंतणं चित्तं ४	॥ ४ ॥
समयसुइसलिलसित्ता कसायदवदूमिया वि भव्वदुमा ।	
जायंति बहलवेरगपल्लवुल्लासिणो ज्झत्ति	॥ ५ ॥
मोहविसोवसमखमं जमोसहं विसमकम्मरोगाणं ।	
तस्स सपुण्णा समयामयस्स रसपाइणो होंति	॥ ६ ॥
निम्मलनाणपहाणा जलनिहिणो चरणकरणरयणाणं ।	
कप्पदुमव्व सययं सुसाहुणो सेवणिज्ज त्ति	॥ ७ ॥
निच्चं च खलियसीलेहिं संथवं सव्वहा विवज्जेज्जा ।	
जं जीवो संसग्गेण तम्मओ होइ अचिरेणं	॥ ८ ॥

होज्ज व ण वा पहुत्तं दोसाययणेसु वट्टमाणस्स । भूयफलदोसदरिसी भूयच्छयं विवज्जेइ	॥ ९ ॥
पिप्पलदलग्गलग्गो व्व जललवो चंचलं विचित्तेज्जा । जीयममुणियागमणं मरणं अइदारुणसहावं	॥ १० ॥
अनिवारणिज्जमेयं सयणधणाईण भावहेऊ य । ता एयम्मि अपत्ते जुत्तं हियमप्पणो काउं	॥ ११ ॥
चित्तेज्ज दुक्कडाणं पमायचरियाण विरसमवसाणं । दुस्सहदुरंतसयसंखदुक्खरूवं जओ भणियं	॥ १२ ॥
न तहा विसं न सत्थं न विसहरो दारुणो हुयासो य । जह जीवाण पमाओ अणत्थसयसाहणो होइ	॥ १३ ॥
सवसा चिणंति कम्मं पमायओ तेण परवसा होंति । सवसो दुरुहइ रुक्खं निवडेइ परव्वसो तत्ते	॥ १४ ॥
अमलं भावेज्ज फलं धम्माईणं विहाणविहियाणं । सुकुलुग्गमाइसग्गापवग्गसुहसंपयारूवं	॥ १५ ॥
कप्पहुमो वि चिंतामणी वि जीवाण कामधेणू वि । न तहा कप्पंति फलं जहप्पणो सुद्धचरियाइं	॥ १६ ॥
कप्पहुमं तणेण व काणकवड्डेण कामधेणू व । चिंतामणिमुवलेण व किणेज्ज देहेण धम्मधणं	॥ १७ ॥
इहइं पि सज्जणाणं सलाहणिज्जो सयं सुही चेव । सुविसुद्धधम्मकम्मे समुज्जओ जायए जीवो	॥ १८ ॥
ता सव्वहा जएज्जा तह जह मणुयत्तणाइसामग्गी । एसा जिणाणमाणाऽऽराहणओ फलवई होई	॥ १९ ॥
तत्थ सिवसाहणाणं चिइवंदणमाइयाण सव्वेसि । आवस्सयाण हाणी थेवाविय रक्खणिज्ज ति	॥ २० ॥

तहऽणुव्वयमाईणं पडिवन्नगुणाण पालणे जत्तो ।	
करणिज्जो अइयारा दूरं परिवज्जणिज्जा य	॥ २१ ॥
पसमामएण जह-जह कसायविसमुवसमं पवज्जेइ ।	
चिट्ठणभासणसंचितणाणि तह तह विजेयाणि	॥ २२ ॥
तुसखेडणं व मयमंडणं व तह सुन्नरत्तरुत्तं व ।	
संपुत्तं पि य जमुवसमसुत्तं मन्नेज्जऽणुत्ताणं	॥ २३ ॥
किं बहुणा ? कुसलासयकप्पतरू पडियरणीओ तहाऽपमत्तेहि ।	
जह न कुवियप्पदुक्कयदूसिओ निप्फलो होई	॥ २४ ॥
धन्ना हिओवएसाण भायणं पाणिणो परं होंति ।	
ता एयं अन्नं पि य जं जुत्तं तं विहेयव्वं	॥ २५ ॥

॥ धर्मोद्यमकुलकम् ॥

नरनरवइदेवाणं, जं सोक्खं सव्वमुत्तमं लोए ।	
तं धम्मेण विढप्पइ, तम्हा धम्मं सया कुणह	॥ १ ॥
उच्छिन्ना किं च जरा ?, नट्टा रोगा य किं मयं मरणं ?	
ठइयं च नरयदारं ? जेण जणो कुणइ न य धम्मं	॥ २ ॥
जाणइ जणो मरिज्जइ, पेच्छइ लोओ मरंतयं अन्नं ।	
न य कोइ जए अमरो, कह तह वि अणायरो धम्मे ?	॥ ३ ॥
जो धम्मं कुणइ नरो, पूइज्जइ सामिउ व्व लोएण ।	
दासो पेसो व्व जहा, परिभूओ अत्थतल्लिच्छो	॥ ४ ॥
इय जाणिऊण एयं, वीमंसह अत्तणो पयत्तेण ।	
जो धम्माओ चुक्को, सो चुक्को सव्वसुक्खाणं	॥ ५ ॥
धम्मं करेह तुरियं, धम्मेण य हुंति सव्वसुक्खाइं ।	
सो अभयपयाणेणं, पंचिन्दियनिग्गहेणं च	॥ ६ ॥

मा कीरउ पाणिवहो, मा जंपह मूढ ? अलियवयणाइं ।	
मा हरह परधणाइं मा परदारे मइं कुणह	॥ ७ ॥
धम्मो अत्थो कामो, अन्ने जे एवमाइया भावा ।	
हरइ हरंतो जीयं, अभयं दित्तो नरो देइ	॥ ८ ॥
न य किंचि इहं लोए, जीयाहिंतो जियाण दइययरं ।	
तो अभयपयाणाओ न य अन्नं उत्तमं दाणं	॥ ९ ॥
सो दाया सो तवसी, सो य सुंही पंडिओ य सो चेव ।	
जो सव्वसुक्खबीयं, जीवदयं कुणइ खंतिं च	॥ १० ॥
किं पढिएण सुएण व, वक्खाणिएण काइं किर तेण ।	
जत्थ न नज्जइ एयं, परस्स पीडा न कायव्वा	॥ ११ ॥
जो पहरइ जीवाणं, पहरइ सो अत्तणो सरीरम्मि ।	
अप्पाण वेरिओ सी, दुक्खसहस्साण आभाणी	॥ १२ ॥
जं काणा खुज्जा वामणा य, तह चेव रुवपरिहीणा ।	
उप्पज्जंति अहन्ना, भोगेहिं विवज्जिया पुरिसा	॥ १३ ॥
इय जं पारिविंति य दुहसयाइं, जणहिययसोगजणयाइं ।	
तं जीवदयाए विणा, पावाण वियंभियं एयं	॥ १४ ॥
जं नाम किंचि दुक्खं, नारयतिरियाण तह य मणुयाणं ।	
तं सव्वं पावेणं, तम्हा पावं विवज्जेह	॥ १५ ॥
सयणे धणे य तह परियणे य, जो कुणइ सासया बुद्धी ।	
अणुधावंति कुढेणं, रोगा य जरा य मच्चू य	॥ १६ ॥
नरए जीय ? दुस्सहवेयणाउ, पत्ताउ जाओ पइं मूढ ?	
जइ ताओ सरसि इन्हिं, भत्तं पि न रुच्चए तुज्झ	॥ १७ ॥
अच्छंतु ताव निरया, जं दुक्खं गब्भवासमज्झम्मि ।	
पत्तं तु वेयणिज्जं, तं संपइ तुज्झ वीसरियं	॥ १८ ॥

भमिरुण भवग्गहणे, दुक्खाणि य पाविरुण विविहाइं । लब्भइ माणुसजम्मं, अणेगभवकोडिदुल्लभं	॥ १९ ॥
तत्थ वि य केइ-गब्भे, मरंति बालत्तणम्मि तारुत्ते । अन्ने पुण अंधलया, जावज्जीवं दुहं तेसिं	॥ २० ॥
अन्ने पुण कोढियया, खयवाहीसहियपंगुभूया य । दारिद्रेणऽभिभूया, परकम्मकरा नरा बहवे	॥ २१ ॥
ते चेव जोणिलक्खा, भमियव्वा पुण वि जीव ! संसारे । लहिरुण माणुसत्तं, जं कुणसि न उज्जमं धम्मे	॥ २२ ॥
इय जाव न चुक्कसि, एरिसस्स खणभंगुरस्स देहस्स । जीवदयाउवउत्तो, तो कुण जिणदेसियं धम्मं	॥ २३ ॥
कम्मं दुक्खसरूवं दुक्खाणुहवं च दुक्खहेउं च । कम्मायत्तो जीवो, न सुक्खलेसं पि पाउणइ	॥ २४ ॥
जह वा एसो देहो, वाहीहिं अहिट्ठिओ दुहं लहइ । तह कम्मवाहिघत्थो, जीवो वि भवे दुहं लहइ	॥ २५ ॥
जायंति अपच्छओ, वाहिओ जहा अपच्छनिरयस्स । संभवइ कम्मवुड्ढी, तह पावाऽपच्छनिरयस्स	॥ २६ ॥
अइगरुओ कम्मरिऊ, कयावयारो य नियसरीरत्थो । एस उविक्खिज्जंतो, वाहि व्व विणासए अप्पं	॥ २७ ॥
मा कुणह गयनिमीलं, कम्मविघायम्मि किं न उज्जमह । लद्धूण मणुयजम्मं, मा हारह अलियमोहहया	॥ २८ ॥
अच्चंतविवज्जासिय, -मइणो परमत्थदुक्खरूवेसु । संसारसुहलवेसुं, मा कुणह खणं पि पडिबंधं	॥ २९ ॥
किं सुमिणदिट्ठपरमत्थ, -सुन्नवत्थुस्स करहु पडिबंधं ? सव्वं पि खणियमेयं, विहडिस्सइ पेच्छमाणानं	॥ ३० ॥

संतम्मि जिणुद्धिद्वे, कम्मक्खयकारणे उवायम्मि । अप्पायत्तम्मि न किं, तद्धिट्ठभया समुज्जेह	॥ ३१ ॥
जह रोगी कोइ नरो, अइदुसहवाहिवेयणादुहिओ । तददुहनिव्विन्नमणो, रोगहरं वेज्जमत्तिसइ	॥ ३२ ॥
तो पडिवज्जइ किरियं, सुवेज्जभणियं विवज्जइ अपच्छं । तुच्छन्नपच्छभोइ, इसी सुवसंतवाहिदुहो	॥ ३३ ॥
ववगयरोगायंको, संपत्ताऽऽरोगगसोक्खसंतुट्ठो । बहु मत्तेइ सुवेज्जं, अहिणं देइ वेज्जकिरियं च	॥ ३४ ॥
तह कम्मवाहिगहिओ, जम्मणमरणाउइन्नबहुदुक्खो । तत्तो निव्विन्नमणो, परमगुरुं तयणु अत्तिसइ	॥ ३५ ॥
लद्धम्मि गुरुम्मि तओ, तव्वयणविसेसकयअणुट्ठाणो । पडिवज्जइ पव्वज्जं, पमायपरिवज्जणविसुद्धं	॥ ३६ ॥
नाणाविहतवनिरओ, सुविसुद्धासारभिक्खभोइ य । सव्वत्थ अप्पडिबद्धो, सयणाइसु मुक्कवामोहो	॥ ३७ ॥
एमाइ गुरुवइट्ठं, अणुट्ठमाणो विसुद्धमुणिकिरियं । मुच्चइ निसंदिद्धं, चिरसंचियकम्मवाहीहिं	॥ ३८ ॥

॥ पुण्यकुलकम् ॥

संपुत्तइंदियत्तं, माणुसत्तं च आयरियखित्तं । जाइकुल-जिणधम्मो, लब्भंति पभूयपुण्णेहिं	॥ १ ॥
जिणचलणकमलसेवा, सुगुरुपायपज्जुवासणं चेव । सज्झायवायवडत्तं, लब्भंति पभूयपुण्णेहिं	॥ २ ॥
सुद्धो बोहो सुगुरुहिं, संगमो उवसमं दयालुत्तं । दाखिन्नं करणं जं, लब्भंति पभूयपुण्णेहिं	॥ ३ ॥

संमत्तं निच्चलत्तं, वयाण परिपालणं अमायत्तं ।	
पढणं गुणणं विणओ, लब्भंति पभूयपुण्णेहि	॥ ४ ॥
उस्सग्गे अववाये, निच्छयववहारम्मि निउणत्तं ।	
मणवयणकायसुद्धी, लब्भंति पभूयपुण्णेहि	॥ ५ ॥
अर्वियारं तारुन्नं, जिणाणं राओ परोवयारत्तं ।	
निक्कंपया य ज्ञाणे, लब्भंति पभूयपुण्णेहि	॥ ६ ॥
परनिदापरिहारो, अप्पसंसा अत्तणो गुणाणं च ।	
संवेगो निव्वेओ, लब्भंति पभूयपुण्णेहि	॥ ७ ॥
निम्मलसीलब्भासो, दाणुल्लासो विवेगसंवासो ।	
चउगइदुहसंतासो, लब्भंति पभूयपुण्णेहि	॥ ८ ॥
दुक्कडारिहा सुक्कडा-णुमोयणं पायच्छित्त तवचरणं ।	
सुहज्ञाण नमुक्कारो, लब्भंति पभूयपुण्णेहि	॥ ९ ॥
इयगुणमणिभंडारो, सामग्गी पाविऊण जेण कओ ।	
विच्छिन्नमौहपासा, लहंति ते सासयं सुक्खं	॥ १० ॥

॥ उपदेशकुलकम् ॥

(शार्दूलविक्रडितम्)

लध्दूणुत्तममाणुसत्तणमिणं कत्तो वि पुण्णेदया,	
धम्मं तित्थयरण तत्थ वि तहा पावित्तु तुब्भेहि भो ! ।	
नीहारेंदुसमुज्जलेण मणसा देवो जएक्कप्पहू,	
पूयापुव्वगमादरेण महया सम्माणणिज्जो जिणो	॥ १ ॥
पच्चक्खाणमणुक्खणं जलहरासारेवमाणो तहा,	
कामक्कोहदवग्गिनासणकए सग्गापवग्गावहो ।	
सज्जाओ पडिवन्नपुन्ननियमाणऽच्चंतमभुज्जमो,	
कायव्वो जिणदेसिएण विहिणा दीणाइदाणे विय	॥ २ ॥

बाढं नायपरायणत्तणि रई नीहारहारुज्जले,
 लोलत्तं जमसंगहम्मि गुरुई दक्खिन्नबुद्धी विय ।
 निच्चं मच्चुकडप्पवाहतसणं तप्पेत्तणे जो सुए,
 मग्गो तस्स निरूवणं सुनिउणं पज्जंतकालोचियं

॥ ३ ॥

वच्छल्लं समधम्मियाण परमं जीवाण रक्खा दढा,
 वेरगं विसएसु दुग्गइपुरीपंथेसु लोलैसु य ।
 अन्नो वित्थ विही जिणंदसम्मए जो बंभचेराइओ,
 पन्नतो सुपवित्तसंपयकरो सो सेवणिज्जो स्या

॥ ४ ॥

लब्भो कप्पतरुं वि कप्पियफलो चिंतामणी चिंतिओ
 धेणू कामदुहा निहाणमणहं दिव्वोसहीओ वि य ।
 नो लब्भंति सुहेण धम्मगुरवो सन्नाणनीरागरा,
 सुद्धायारपरा सुदेसणसुहाकोसा अरोसा स्या

॥ ५ ॥

जे गोसीससरिच्छसोरभभरा सीलेण लीलाएँ जे,
 भग्गुड्डामरवम्महारिपसरा जे बुद्धसुद्धागमा ।
 साहूणं समधम्मियाण य तुमं मुंचेज्ज मा संगमं,
 तेसिं दोसविसोसहाण महिमामाणिक्कठाणाण य

॥ ६ ॥

नो भूपालपए न रोगविलए नो चेव देवालाए,
 नो चिंतामणिणो न कप्पतरुणो लाभे वियंभेज्ज सो ।
 निव्विन्नाण भवन्नवाउ धणियं निव्वाणकंखीण जो,
 संजाएज्ज गुणन्नुयम्मि सुयणे दिट्ठे पमोओ मणे

॥ ७ ॥

सम्मं नाहिगयाऽऽगमा गुरुकुले संविग्गमग्गाणुगे,
 नो वुच्छ पसमं सभाववसओ नो पत्तपुव्वा तथा ।
 तेसिं मूढमणाण देसणगुणाजोग्गाण जा देसणा,
 सा दूरेण दवग्गिधूमियमहारणं व वज्जा ज (ओ)

॥ ८ ॥

नो सत्थं न विसं न साइणिवसो नो पेयभूयग्गहो,
दुक्कालो न दुराउलं न जलणो जालाकरालो य तं ।
सिद्धंतो जिणभसिओ कुमइणा लोएण मिच्छागहा,
संपाडेज्ज अणत्थसत्थमिह जं देसिज्जमाणोऽन्नहा ॥ ९ ॥

एसो धम्मोवएसो निबिडतमतमुत्तारतारप्पईवो,
एसो धम्मोवएसो मयमयणमहावाहिणासोसही य ।
एसो धम्मोवएसो सिवसुहभवणारोहसोपाणसेणी,
एसो धम्मोवएसो भवियजण ! तए णावणिज्जो मणाओ ॥ १० ॥

॥ श्रीगौतमकुलकम् ॥

लुद्धा नरा अत्थ परा हवंति, मूढा नरा कामपरा हवंति ।
बुद्धा नरा खंति परा हवंति मिस्सा नरा तित्ति वि आयरंति ॥ १ ॥
ते पंडिया जे विरया विरोहे, ते साहुणो जे समयं चरंति ।
ते सत्तिणो जे न चलंति धम्मं, ते बंधवा जे वसणे हवंति ॥ २ ॥
कोहाभिभूया न सुहं लहंति, माणंसिणो सोयपरा हवंति ।
मायाविणो हूति परस्सपेसा, लुद्धामहिच्छा नरयं उर्विति ॥ ३ ॥
कोहो विसं किं अमयं अहिंसा, माणो अरी किं हियमप्पमाओ ।
माया भयं किं सरणं तु सच्चं, लोहो दुहं किं सुहमाह तुट्ठि ॥ ४ ॥
बुद्धी अचंडं भयए विणीयं, कुद्धं कुसीलं भयए अकित्ती ।
संभिन्नचित्तं भयए अलच्छी, सच्चे द्वियं संभयए सिरी य ॥ ५ ॥
चयंति मित्ताणि नरं कयग्घं, चयंति पावाइं मुणि जयंतं ।
चयंति सुक्काणि सराणि हंसा, चयंति बुद्धी कुवियं मणुस्सं ॥ ६ ॥
अरोईअत्थे कहीए विलावो, असंपहारे कहीए विलावो ।
विक्खित्तचित्ते कहीए विलावो, बहु कुसीसे कहीए विलावो ॥ ७ ॥

दुद्रा निवा दंडपरा हवंति, विज्जाहरा मंतपरा हवंति ।
 मुक्खा नरा कोवपरा हवंति, सुसाहुणो तत्तपरा हवंति ॥ ८ ॥
 सोहा भवे उगतवस्स खंती, समाहिजोगो पसमस्स सोहा ।
 नाणं सुझाणं चरणस्स सोहा, सीसस्स सोहा विणए पविती ॥ ९ ॥
 अभूसणो सोहइ बंभयारी, अर्किचणो सोहइ दिक्खधारी ।
 बुद्धिजुओ सोहइ रायमंती, लज्जाजुओ सोहइ एगपत्ती ॥ १० ॥
 अप्पा अरी होइ अणवट्ठिअस्स, अप्पा, जसो सीलमओ नरस्स ।
 अप्पा दुरप्पा अणवट्ठियस्स, अप्पा जिअप्पा सरणं गई य ॥ ११ ॥
 न धम्मकज्जा परमत्थि कज्जं, न पाणिहिंसा परमं अकज्जं ।
 न पेमरागा परमत्थि बंधो, न बोहिलाभा परमत्थि लाभो ॥ १२ ॥
 न सेवियव्वा पमया परक्का, न सेवियव्वा पुरिसा अविज्जा ।
 न सेवियव्वा अहिमाणीहिणा, न सेवियव्वा पिसुणा मणुस्सा ॥ १३ ॥
 जे धम्मिया ते खलु सेवियव्वा, जे पंडिया ते खलु पुच्छियव्वा ।
 जे साहुणो ते अभिवंदियव्वा, जे निम्ममा ते पडिलाभियव्वा ॥ १४ ॥
 पुत्ता य सीसा य समं विभत्ता, रिसी य देवा य समं विभत्ता ।
 मुक्खा तिरिक्खा य समं विभत्ता, मुआ दरिद्दा य समं विभत्ता ॥ १५ ॥
 सव्वा कला धम्मकला जिणेइ, सव्वा कहा धम्मकहा जिणेइ ।
 सव्वं बलं धम्मबलं जिणेइ, सव्वं सुहं धम्मसुहं जिणेइ ॥ १६ ॥
 जूए पसत्तस्स धणस्स नासो, मंसं पसत्तस्स दयाइ नासो ।
 मज्जं पसत्तस्स जसस्स नासो, वेसा पसत्तस्स कुलस्स नासो ॥ १७ ॥
 हिंसापसत्तस्स सुधम्मनासो, चोरीपसत्तस्स सरीर नासो ।
 तहा परत्थिसु पसत्तयस्स, सव्वस्स नासो अहमा गई य ॥ १८ ॥
 दाणं दरिद्दस्स पहुस्स खंति, इच्छ निरोहो यं सुहोइयस्स ।
 तारुन्नए इंदियनिग्गहो य, चत्तारि एआणि सुदुक्करणि ॥ १९ ॥

असासयं जीवियमाहु लोए, धम्मं चरे साहु जिणोवइट्टं ।
धम्मो य ताणं सरणं गई य, धम्मं निसेवित्तु सुहं लहंति ॥ २० ॥

॥ विषयविरत्तिकुलकम् ॥

विसमो विसयविसदुमो वेरग्गकरेण जेण मूलाओ ।
उम्मूलिओ सुहत्थी सो जयइ जिणो महावीरे ॥ १ ॥
विसयासुइलोलानं विसयविसावेसपरवसमणाणं ।
अणुसासणं जियाणं इणमो भव्वा ? निसामेह ॥ २ ॥
जह मंसं कुट्ठीणं अहवा जह जरपराण घयपाणं ।
जह वि-दलं मूसीणं तह विसया मोहबहुलाणं ॥ ३ ॥
ते पुण पंच पयारा सद्दा रूवा रसा य गंधा य ।
फासा य भावरोगो अणाइमं तेसु जा मुच्छ ॥ ४ ॥
खीणे इमम्मि तं नत्थि जन्न दुक्खं जियाण किल झीणं ।
तं नत्थि किं पि कल्लणमेत्थ भुवणे न जं पत्तं ॥ ५ ॥
विसयविवागनिहालणमिह विसयविरत्तसत्तसरणं च ।
संतोसभावणं चिय इमस्स खमणे निमित्ताइं ॥ ६ ॥
जो रोगो जो सोगो खेओ भेओ य जो य जीवाणं ।
जं कारुत्तं रुत्तं च कारणं तत्थ विसयविसं ॥ ७ ॥
जं णारगाण दुक्खं जं च तिरिक्खाण जं च मणुयाणं ।
देवाण जं च तं पि य विसयपिवासुब्भवं सव्वं ॥ ८ ॥
विसया विसं व विसमा विसया वडिसामिसं व मरणकरा ।
विसया सेविज्जंता छलबहुला तह मसाणं व ॥ ९ ॥
निसियग्गखग्गपंजरघरं व सव्वंगछेइणो विसया ।
किंषागपागसरिसा विसया मुहमहुरभावेणं ॥ १० ॥

खणदिद्वा खणनद्वा खणजणमणमीलणोवमा विसया ।	
किं बहुणा सर्व्वेसिं विसया मूलं अणत्थाणं	॥ ११ ॥
कोसासंसग्गीए अग्गीइ व जो तया सुवन्नं व ।	
उच्छलियबहलतेओ स थूलभद्दो मुणी जयइ	॥ १२ ॥
धन्नो सो वइररिसी भिन्नो वइरं व जो ण तारुत्ते ।	
लायन्नपुन्नकन्नापत्थणघणघायघडणाहिं	॥ १३ ॥
कस्स ण चोज्जं अज्जा रइमई विजणगिरिगुहामज्जे ।	
रहनेमिमत्तहत्थी सुमग्गमोयारिओ जीए	॥ १४ ॥
अज्जा वि पुप्फचूला सीलुज्जलमहिलपुप्फचूल व्व ।	
पुव्वपियब्भासम्मि वि केवलमाराहियं जीए	॥ १५ ॥
भुवणे सुदंसणो खलु सुदंसणो सांवओ वि जो तइया ।	
अभयाए पडिमाठिओ ण खोभिओ मरणवसणे वि	॥ १६ ॥
ते धन्ना समणोवासया वि जे दूरविरयविसयरसा ।	
जणपत्थणिज्जचरिया सिवजम्मे जंबुणामो व्व	॥ १७ ॥
सच्चं खु सुंदरी सुंदरि त्ति विसएसु निप्पिवासाए ।	
सट्ठिं वाससहस्सा आयाममणुट्ठियं जीए	॥ १८ ॥
भुवणत्तयपच्चक्खं उम्मीलियविमलसीलमाहप्पा ।	
जयवंदणिज्जचलणा सीया सुलसा सुभद्दा य	॥ १९ ॥
अइद्दुग्गमविसयग्गामसामिउद्दामकाममयमलणे ।	
अन्ने वि महासत्ते सत्ते निच्चं चिय सरेज्जा	॥ २० ॥
संतोसरसामयपरिणइवसेण निम्महियविसमविसयतिसा ।	
परमाणंदमया इव इहं पि सुहिणो जणा होंति	॥ २१ ॥
संतोसनंदणवणे कत्तो चित्तस्स संचरंतस्स ।	
संसारमरुत्थलभमणविसयतणहुब्भवो दाहो ?	॥ २२ ॥

संतोसपासपडिओ न परं मणमक्कडो तडप्फडइ ।	
अइविसमविसदुमसंनिभेसु विसएसु बद्धरसो	॥ २३ ॥
एसो सो अमयस्सो परमाणंदो इमं परं तत्तं ।	
जं विसयलालसाणं विणिग्गहो इंदियमणाणं	॥ २४ ॥
विसउम्मग्गविलग्गो वि एयमणुसासणंकुसं सिरसा ।	
धरमाणो नियमेणं करीव मगं जिओ जाइ	॥ २५ ॥

॥ नारीशीलरक्षाकुलकम् ॥

नमिऊण महावीरं, भणामि हं सीलगुत्तिवरकुलयं ।	
सीलस्स रक्खणट्टा, वज्जेयव्वं इमं निच्चं	॥ १ ॥
पुरिसेण समं हासं, संवासं वत्तकरणमेगंते ।	
एगट्टाणे सयणासणाइ, पइरिक्कठाणं च	॥ २ ॥
पुरिसस्स वालविवरण-मंगोहलिदाण-ण्हाण-मब्भंगं ।	
दिट्ठीइ दिट्ठिबंधं, विलेवणं, चलणधुवणं च	॥ ३ ॥
तंबोल कुसुम कुंकुम कप्पूरं सुरहितिल्ल कत्थूरी ।	
केस-सरीरनियंसण-वासण-मिलणाइ सिरिखंडं	॥ ४ ॥
नह-दंत-अलय-सीमंत-केस-रोमाण तह य परिकम्मं ।	
अच्चंतमुच्चधम्मिल्लबंधणं, वेणिकरणं च	॥ ५ ॥
नाहि-निअंब-उरत्थलपयासणं, पुरिसवेसकरणं च ।	
नर-सुर-तिरिए दट्टुं कामकहं पुव्वरइसरणं	॥ ६ ॥
सव्वं चिअ आभरणं, अलत्तयं, अंजणं च अणुवरत्तं ।	
हिंडोलय-खट्टाए सयणं तह तूलिआए उ	॥ ७ ॥
कोसुंभपट्टउलं, तिलवासाईणि अच्छवत्थाणि ।	
इगभत्तीए जुयलस्स परिहणं उब्भडं वेसं	॥ ८ ॥

खीरं कामुद्दीवणवञ्जण-माहारमइपणीयं च ।	
जणसमवाए कोउगपलोयणं धम्मठाणबहिं	॥ ९ ॥
परगिहगमणं एगागिणीइ, रत्तीइ बाहिनिससरणं ।	
चमचमिरथूलतोआल-तलियाण परिहरणं	॥ १० ॥
सिंगारत्थं दप्पणपलोयणं, मिंतिआइ नहरगो ।	
एमाइ विहवमहिला विवज्जए सीलरक्खट्टा	॥ ११ ॥
धण-भवण-रंयणमाई, सव्वं किज्जइ पुणो विणट्ठं पि ।	
सीलं जइ वि विणट्ठं, तओ विणट्ठं जगं सव्वं	॥ १२ ॥
चुक्कंति अ धम्माओ, सुनिम्मलं नियकुलं कलंकंति ।	
लज्जावंति गुरूणं सीलब्भट्टाओ नारीओ	॥ १३ ॥
निम्मल-निम्मुल्ल-महल्लसीलमाणिक्कमंडीअंगीणं ।	
कुंडल-हाराइविभूसणेहिं का नाम आसंसा	॥ १४ ॥
सुविसुद्धसीलगोसीसचंदणालेवलडहदेहाणं ।	
मिगनाहि-कुंकुमाईसु, मणयं पि मणो न वीसमई	॥ १५ ॥
चंदुज्जलसीलनियंसणेण सव्वंगचंगिमधुरीणं ।	
पडिपट्टघट्टसिंगारमाइ भारु च्चिअ सईणं	॥ १६ ॥
विसयविसवल्लिपल्लवतुल्लेसुं नागवल्लिपत्तेसुं ।	
रज्जंति सच्चदल-सील-पूगसुरहीकयनिअंगा	॥ १७ ॥
वंकं गमणं, वंकं पलोयणं, तह य वंकमालवणं ।	
अइहासुब्भडवेसो, पंच वि सीलस्स दोसा उ	॥ १८ ॥
खंती तवोविहाणं, लज्जा विणओ, अ इंदियदमो अ ।	
नाणऽब्भासो अहियासणाई, इय सीलभूसणया	॥ १९ ॥
साहम्मियसंसग्गी, गुरुसामग्गी, कुसंगविणिवत्ती ।	
सुविसालसीलकप्पहुमस्स हुंति वाडीओ	॥ २० ॥

वसहि १ कह निसिज्जिं ३ दिय ४ कुडुंतर ५ पुव्वकीलिय ६ पणीए ७
 अइमायाहार ८ विभूसणाइं ९ नव बंभगुत्तीओ ॥ २१ ॥
 एअं वरसीलकुलं जो पढइ मुणेइ भत्तिराएणं ।
 सो पावइ निव्वाणं अचिरेण विमाणवासं वा ॥ २२ ॥

॥ मदादिविपाककुलकम् ॥

रज्जाइभोगतिसिया, अट्टवसट्टा पडंति तिरिएसुं ।
 जाईमएण मत्ता, किमिजाइं चेव पावंति ॥ १ ॥
 कुलमत्ति सियालित्ते, उट्टाईजोणि जंति रुवमए ।
 बलमत्ते वि पयंगा, बुद्धिमए कुक्कडा हुंति ॥ २ ॥
 रिद्धिमए साणाइ, सोहग्गमएण सप्पकागाई ।
 नाणमएण बइल्ला, हवंति मय अट्ठ अइदुट्ठा ॥ ३ ॥
 कोहणसीला सीही, मायावी बगत्तणम्मि वच्चंति ।
 लोहिल्ल मूसगत्ते, एवं कस्साएहिं भमडंति ॥ ४ ॥
 माणसदंडेणं पुण, तंदुलमच्छ हवंति मणदुट्ठा ।
 सुयतित्तरलावाई, होउ वायाइ बज्जंति ॥ ५ ॥
 काएण महामच्छ, मंजारा (उ) हवंति तह कूर ।
 तं तं कुणंति कम्मं, जेण पुणो जंति नरएसुं ॥ ६ ॥
 फासिदियदोसेणं, वणसुयरत्तम्मि जंति जीवां वि ।
 जिहालोलुय वग्घा, घाणवसा सप्पजाईसुं ॥ ७ ॥
 नयण्णिदिए पयंगा, हुं ति मया पुण सवणदोसेणं ।
 एए पंच वि निहणं, वयंति पंचिदिएहिं पुणो ॥ ८ ॥
 जत्थ य विसयविराओ, कसायचाओ गुणेसु अणुराओ ।
 किरिआसु अप्पमाओ, सो धम्मो सिवसुहो लोए ॥ ९ ॥

॥ पव्वज्जाविहाणकुलयं ॥

(पवित्रजिषुहितशिक्षाकुलकम्)

- संसार विसम सायरभवजलपडिआण संसरंताणं ।
जीवाण कह वि जइ होइ जाणवत्तं व मणुअत्तं ॥ १ ॥
- तत्थ वि बोही जिणदेसिअम्मि धम्मम्मि निक्कलंकम्मि ।
पव्वज्जापरिणामो सुकयप्पुण्णस्स जइ होइ ॥ २ ॥
- सा पुण दुप्परिअल्ला पुरिसाण सया विवेगरहिआणं ।
वोढव्वाइं जम्हा पंचेव महव्वयवयाइं ॥ ३ ॥
- राईभोअणविर्इं निम्ममत्तं सया वि देहम्मि ।
पिंडो उगमउप्पाय-एसणाए सया सुद्धो ॥ ४ ॥
- इरियाइपंचसमिईहिं तीहिं गुत्तीहिं तवविहाणम्मि ।
निच्चुज्जुत्तो अममो अकिंचणो गुणसयावासो ॥ ५ ॥
- मासाइआउ पडिमा अणेगरूवा अभिग्गहा बहवे ।
दव्वे खित्ताणुगया काले भावे अ बोधव्वा ॥ ६ ॥
- जावज्जीवममज्जण-मणवरयं भूमिसयणमुद्दिट्ठं ।
केसुद्धरणं च तहा निप्पडिकम्मत्तणमपुव्वं ॥ ७ ॥
- गुरुकुलवासो अ सया छुहापिवासाइआउ सोढव्वा ।
बावीसं च परीसहा तहेव उस्सग्ग दिव्वाइं ॥ ८ ॥
- लद्धाबलद्धविती सीलंगाणं च तह सहस्साइं ।
अट्टारसेव सययं वोढव्वा आणुपुव्वीए ॥ ९ ॥
- तरिअव्वो अ समुद्धो बाहाहिं इमो महल्लकल्लोलो ।
नीसाय (अ) वालुगाए चावेअव्वो सया कवल्लो ॥ १० ॥
- चंकमिअव्वं निसिअग्गखग्गधाराइ अप्पमत्तेणं ।
पायव्वा य सहेलं हुअवहजालावली सययं ॥ ११ ॥

गंगापडिसोएत्तं तोलणिअव्वो तुलाइ सुरसेलो ।	
जइयव्वं तहं एगागिणा वि भीमारिदुट्टभरं	॥ १२ ॥
रहावेहविणिम्मिअंचक्कट्टिअलक्खमग्गपुत्तलिआ ।	
विधेअव्वावस्सं उवसग्गापरीसहे जेउं	॥ १३ ॥
तिहुअणजयप्पडागा अगहिअपुव्वा तहेव गहिअव्वा ।	
इअ एवमाइ साहूण दुक्करा होइ पव्वज्जा	॥ १४ ॥
जिणधम्मो मुखफलो सासय-सुक्खो जिणेहिं पन्नत्तो ।	
नरसुरसुहाइं अणुसंगिआई इह किसिपलालं व्व	॥ १५ ॥
भुवणज्जस्स भवणं जिणस्स न कयं न य बिब नेअ पूइआ साहू ।	
दुद्धरवयं न धरिअं जम्मो पस्सिहारिओ तेहिं	॥ १६ ॥
मुणिवूढो सीलभरो विसयपसत्ता तरंति नो वोढुं ।	
किं करिणो पल्लणं उव्वोढुं रासभो तरइ	॥ १७ ॥
अन्नह सा पव्वज्जा वज्जिअसावज्जजोगकरणिज्जा ।	
अन्नह पमायबहुलो जीवो वि नडेइ अप्पाणं	॥ १८ ॥
अन्नह सो परमत्थो अन्नह लोआण चिट्ठिअं इण्हिं ।	
अन्नं चिअ दंता गयवराण चावंति अन्नेहि	॥ १९ ॥
वंसी सुहेण छिज्जइ कड्डिज्जइ दुक्करं कुडंगा उ ।	
पव्वज्जा सुहगहिआ सीलभरो दुव्वहो होइ	॥ २० ॥
बुज्झंति नाम भार तच्चिअ बुज्झंति वीसमंतेहि ।	
सीलभरो वोढव्वो जावज्जीवं अवीसामो	॥ २१ ॥
ता तुंगो मेरुगिरी मयरहरो ताव होइ दूत्तारो ।	
ता विसमा कज्जगई जाव न धीरा पव्वज्जंति	॥ २२ ॥
दुच्चिअ हुंति गईओ साहसवंताण धीरपुरिसाण ।	
विप्लहलकमलहत्था रायसिरी अहव पव्वज्जा	॥ २३ ॥

पूअंति जेण जिणिंदे वयाइं धारंति सुद्धसम्मत्ता ।	
साहूणं दिण्णदाणा न हु ते मरणाउ बीहंति	॥ २४ ॥
तव निअमेण य मुखो दाणेण य हुंति उत्तमा भोगा ।	
देवच्चणेण रज्जं अणसणमरणेण इंदत्तं	॥ २५ ॥
काले सुपत्तदाणं सम्मत्तविसुद्धबोहिलाभं च ।	
अंते समाहिमरणं अभव्वजीव न पाविति	॥ २६ ॥
खणभंगुरे सरीरे मणुअभवे अब्भपडलसारिच्छे ।	
सारं इत्तिअमित्तं जं कीरइ सोहणो धम्मो	॥ २७ ॥
अथिरेण थिरो समलेण निम्मलो परवसेण साहीणो ।	
देहेण जइ विटप्पइ धम्मो ता किं न पज्जत्तं	॥ २८ ॥
अलसा होह अकज्जे पाणिवहे पंगुला सया होह ।	
परतत्तीसु बहिरा जच्चंधा परकलत्तेसु	॥ २९ ॥
जइ सुकयज्झवसाओ धम्मज्झयमूसिअं इमं वइर (वीर !)	
गिण्ह लहुं रयहरणं कम्मरयपमज्जणं धीर	॥ ३० ॥
अइ गरुओ मोहतरू अणाइभवभावणाविगयमूलो ।	
दुक्खं उम्मूलिज्जइ अच्चंतं अप्पमत्तेणं	॥ ३१ ॥
सावयघरम्मि वर हुज्ज चेडओ नाणदंसणसमेओ ।	
मिच्छत्तमोहिअमई मा राया चक्कवट्टी वि	॥ ३२ ॥
संतोसो करणजुओ पसण्णचित्तं दयालुभावो अ ।	
सच्चं सोअं दुज्जणपरिहारो इअ सुहा सत्त	॥ ३३ ॥

पू.आ.श्री परमानंदसूरि विरचितम्

॥ प्रव्रज्याविधानकुलकम् ॥

(प्रव्रजितहितशिक्षाकुलकम्)

- त्वं धन्योऽसि महात्मन् ! येनासौ पारमेश्वरी दीक्षा ।
लब्धा सम्प्रति यदसा-वतिदुष्प्रापाऽऽगमेऽभिहिता ॥ १ ॥
- तथाहि पञ्चेन्द्रियत्वनृत्वा-ऽऽयदेशकुलकल्पतायुषां भावे ।
सद्गुरुसङ्गश्रवण-श्रद्धासु च सर्वविरतिः स्यात् ॥ २ ॥
- तदिमां चिन्तामणिकामधेनुकल्पद्रुमोपमां लब्ध्वा ।
दीक्षां क्षणमपि कार्यो न हि प्रमादस्त्वया तस्याम् ॥ ३ ॥
- ग्रहणाऽऽसेवनशिक्षाविषये यतितव्यमविरतमिदानीम् ।
धर्मतरुमूलकल्पे विनयेऽभिरतिर्विधातव्या ॥ ४ ॥
- पञ्चमहाव्रतरत्नानि नित्यमेवानुशीलनीयानि ।
षड्विधजीवनिकायो, हि रक्षणीयः स्वजीववत् (इव) ॥ ५ ॥
- वाक्यं मृषा न वाच्यं, परपीडाहेतुकं च सावद्यम् ।
नैवादत्तं स्तोकमपि, वस्तु परकीयमादेयम् ॥ ६ ॥
- चरणीयं ब्रह्मव्रत-मनघं श्रीस्थूलभद्रमुनिनेव ।
मूर्च्छपरिग्रहोऽपि च, परिहार्योऽनेकदोषनिधिः ॥ ७ ॥
- वर्ज्यं च चतुर्भङ्ग्यपि, सर्वदा रात्रिभोजनं सर्वम् ।
विज्ञानाराधनयो-र्यतितव्यं चरणकरणानाम् ॥ ८ ॥
- दशविधदशधासामा-चार्याः कार्यस्तथाऽऽदरः परमः ।
सच्चक्रवालसामा-चारी चाहर्निशं सेव्या ॥ ९ ॥
- अष्टवप्याराध्या, मातर इव मातरः प्रवचनस्य ।
शीलाङ्गानामष्टा-दशसाहस्री च वोढव्या ॥ १० ॥
- कार्या च पिण्डशय्या-कर्पटयात्रादिविषयिणी शुद्धिः ।
ग्रामकुलस्वजनादिषु, परिहरणीयं ममत्वं च ॥ ११ ॥

गुणवृद्धिमूलहेतु-गुरुकुलवासो न जातु मोक्तव्यः । कर्त्तव्या द्रव्यादि-प्रतिबद्धाऽभिग्रहजिघृक्षा	॥ १२ ॥
विकृतित्यागः षष्ठा-ष्टमादिकष्टं तपश्च चरणीयम् । जेया परीषहचमू-र्महोपसर्गाश्च सोढव्याः	॥ १३ ॥
अनियतवासो भिक्षा-टनं च तलिकोपभोगपरिहारः । शीतातपदंशाद्या-हितपीडाविषणं कार्यम्	॥ १४ ॥
स्नानविलेपनभूषा-द्यभिलाषश्चेतसाऽपि नो कार्यः । भूमौ शयनक्लेशो, लुञ्चनमपि दुष्करं सह्यम्	॥ १५ ॥
प्रतिमाभ्यासः कायोत्सर्गो नानाविधासनविधानम् । इत्यादिरनेकविधः, कायक्लेशो विधातव्यः	॥ १६ ॥
क्षान्तिक्षमैश्च भाव्यं, क्रोधाहङ् कारनिकृतिलोभाश्च । शत्रव इव निग्राह्या, दमनीयः करणहयमिचयः	॥ १७ ॥
अन्यच्च चरेत्तिष्ठे-दासीत तथा शयीत भुञ्जीत । भाषेत शान्तचितः, सदैव किल यतनया साधुः	॥ १८ ॥
मानापमानलाभालाभेष्वविकारमानसैर्भाव्यम् । सोढव्या दुर्जनवचन-कण्टकाहितमहापीडा	॥ १९ ॥
दण्डत्रितयं शल्य-त्रयं च विकथा स्वपरपरिवादः । ऋद्धिरससातगौरव-मदविषया दूरतस्त्याज्याः	॥ २० ॥
किं बहुना पैशाचिक-माख्यानं कुलवधूकथां श्रुत्वा । नित्यं संयमयोगै-र्धार्यश्चात्माऽक्षणिक एव	॥ २१ ॥
एतत्समुद्रतरणं, बाहुभ्यां श्रोतसि प्रतिश्रोतः । गमनं सिक्ताकवलस्य चर्वणं शिखिशिखापानम्	॥ २२ ॥
मेरोस्तुलया तोलन-मिदं तु निशि निशितखड्गधारयाम् । चङ्कमण शत्रुबले, युद्धं चैकाकिनश्चैतत्	॥ २३ ॥

ग्राह्या च जयपताका, राधावेधं विधाय नन्वेषा । इत्यादिभिरुपमानैः, सुदुष्करा भवति जिनदीक्षा	॥ २४ ॥
अथवेयं प्रव्रज्या, सुदुष्करा भवति कातरनरणाम् । वीराणां मोक्षसुखा-भिलाषिणां हन्त सुकरैव	॥ २५ ॥
अपरं च सर्वमपि धर्मकृत्यमिह भावतः कृतं सफलम् । स्यादिति भावविशुद्ध्या, परिपाल्याऽसौ सदा भद्रैः	॥ २६ ॥
इति दीक्षाविधिमेनं, यो भव्यजनः करोति भावेन । स भवेत्परमानन्दः, सूरिः सज्ज्ञानचारित्रः	॥ २७ ॥
अथ तस्मिन्नेव भवे, भवान्तरे वा मनुष्यसंबद्धे । हत्वा मोहं लब्ध्वा, च केवलं शिवपदं लभते	॥ २८ ॥

श्रीमद् आनन्दविजयगणिविरचितम्

॥ अत्रायउंछकुलकम् ॥

अत्रायउंछगहणे कयचित्तो निक्खमिज्ज वसहीए । को नाम नाणपमुहे रयणे विक्किज्ज पिंडत्थी	॥ १ ॥
आहारे खलु सुद्धी दुलहा समणाण समणधम्मम्मि । ववहारे पुण सुद्धी गिहिधम्मे दुक्करा भणिआ	॥ २ ॥
अणहीआ खलु जेणं पिंडेसण-सिज्ज-वत्थ-पाएसा । तेणाऽऽणिआणि जइणो कप्पंति न पिंडमाईणि	॥ ३ ॥
पिंडं सिज्जं च वत्थं च चउत्थं पायमेव य । अकप्पिअं न इच्छिज्जा पडिगाहिज्ज कप्पिअं	॥ ४ ॥
पिंडं असोहयंतो अचरिन्ती इत्थ संसओ नत्थि । चारिन्त्तम्मि असंते सव्वा दिक्खा निरत्थिआ	॥ ५ ॥

सिज्जं असोहयंतो अचरिती इत्थ संसओ नत्थि । चारित्तम्मि असंते सव्वा दिक्खा निरत्थिआ	॥ ६ ॥
वत्थं असोहयंतो अचरिती इत्थ संसओ नत्थि । चारित्तम्मि असंते सव्वा दिक्खा निरत्थिआ	॥ ७ ॥
पत्तं असोहयंतो अचरिती इत्थ संसओ नत्थि । चारित्तम्मि असंते सव्वा दिक्खा निरत्थिआ	॥ ८ ॥
समणत्तणस्स सारा भिक्खायरिआ जिणेहिं पन्नत्ता । इत्थ परितप्पमाणं तं जाणसु मंदसंवेगं	॥ ९ ॥
नाण-चरणस्स मूलं भिक्खायरिया जिणेहिं पन्नत्ता । इत्थ य उज्जममाणं तं जाणसु तिक्खसंवेगं	॥ १० ॥
धम्मरुई अणगारो सो नंदउ नंदिसेणसमणो वि । जे एसणाइ समिआ पसंसिआ सक्कपमुहेहिं	॥ ११ ॥
पिंडेण अकप्पेण वि पोसिज्जइ अहह एरिसो देहो । सुद्धेणं चिअ धीर पिंडं पिंडेण पोसंति	॥ १२ ॥
जह अब्भंगणलेवा सगडक्ख वणाण जुत्तिओ हुंति । इअ संजमभरवहणट्टयाए साहूण आहारो	॥ १३ ॥
जो जहव तहव लद्धं गिण्हइ आहार-उवहिमाईअं । समण-गुण-मुक्कजोगी संसारपवड्डओ भणिओ	॥ १४ ॥
निरवज्जाहारेणं साहूणं निच्चमेव उववासो । उत्तरगुणवुड्ढिकए तह वि उववासमिच्छंति	॥ १५ ॥
गहिअमसुद्धं केण वि कारणजाएण भोअणावसरे । तं चयमाणो सुद्धो भुंजंतो लिप्पए नियमा	॥ १६ ॥
अविकिअवयणपमाणे कवले बत्तीस साहुमाहारं । भणिऊण नमोक्कारं पयासदेसट्ठिओ जिमइ	॥ १७ ॥

अद्धमसणस्स सव्वंजणस्स कुज्जा दवस्स दो भाए । वाउपविआरणट्टा च्छब्भागं ऊणगं कुज्जा	॥ १८ ॥
सीओ उसिणो साहारणो य कालो तिहा मुणेअव्वो । साहारणम्मि काले तत्थाहारे इमा मत्ता	॥ १९ ॥
सीए दवस्स एगो भत्ते चत्तारि अह व दो पाणे । उसिणे दवस्स दोत्ति उ तिन्नि व सेसा उ भत्तस्स	॥ २० ॥
कडपयरच्छेएणं भोत्तव्वं अहव सीहखइएणं । एगेण अणेगेहि व वज्जिता धूम इंगालं	॥ २१ ॥
बायालीसेसणसंकडम्मि गहणम्मि जीव न हु च्छलिओ । इण्हिं जह न च्छलिज्जसि भुंजंता रागदोसेहि	॥ २२ ॥
जइ इच्छसि भो साहु बारसविहतवफलं महाविउलं । तो मण-वय-कार्हेहि भोअणगिद्धि विवज्जेसु	॥ २३ ॥
असुरसुरं अचबचबं अहुअमविलंबिअं च आहारं । रागदोसविमुक्को जिमिज्ज सायं अगिण्हंतो	॥ २४ ॥
नो दाहिणाओ वामं न वामहणुआउ दाहिणं नेइ । पन्नगमिव आहारं जावणमित्तं जई जिमइ	॥ २५ ॥
सरसरसेहिं न तूसइ विरसविगंधेहिं जाइ न पओसं । सो रसचाइसमणो सुमणो सिद्धि समल्लिअइ	॥ २६ ॥
तह परिसाडिविमुक्कं जिमंति जइणो जिहंदिआ निच्चं । जह जिमिआजिमिआणं ठाणविसेसो न लक्खिज्जा	॥ २७ ॥
तित्तगं च कडुअं च कसायं अंबिलं च महुरं लवणं वा । एअलद्धमन्नट्ट पउत्तं महुघयं व भुंजिज्ज संजए	॥ २८ ॥
अरसं विरसं वा वि सूइअं वा असूइअं । उल्लं वा जइ वा सुक्कं मंथुकुम्मासभोअणं	॥ २९ ॥

उप्पन्नं नाइहीलिज्जा अप्पं वा बहुफासुअं ।
 मुहालद्धं मुहाजीवी भुंजिज्जा दोस वज्जिअं ॥ ३० ॥
 दुल्लहाउ मुहादाई मुहाजीवी वि दुल्लहा ।
 मुहादाई मुहाजीवी दो वि गच्छंति सुगइं ति बेमि ॥ ३१ ॥

पू.मु.श्रीविजयविमलविरचितम्

॥ पडिलेहणाविचारकुलकम् ॥

सुत्तत्थतत्तदिट्ठी १ दंसणमोहत्तिगं च ४ रागतिमं ७ ।
 देवाई तत्ततिगं १० तह य अदेवाइऽतत्ततिगं १३ ॥ १ ॥
 नाणाइतिग १६ तह तव्विरहणा १९तिन्नि गुत्ती २२ दंडतिगं २५ ।
 इय मुहणंतयपडिलेहणाउ कमसो विचिंतेज्जा ॥ २ ॥
 हासो रई य अरई ३ भयसोगदुगुंछाओ ६ तह विवज्जिज्जा ।
 भुयजुअलं पेहतो सीसे अपसत्थलेसतिगं ९ ॥ ३ ॥
 गारवतिगं च वयणे १२ उर सल्लतिगं १५ कसाय चउ पीठे १९ ।
 पएसु छजीववहं २५ तणुपेहाए विजाणमिणं ॥ ४ ॥
 जइ वि पडिलेहणाए हेऊ जियरक्खणं जिणाणा य ।
 तह वि इमं मणमक्कडनिजंतणत्थं मुणी बिंति ॥ ५ ॥
 पडिलेहणाविसेसं वुच्छमि विहायारजाणणट्ठाए ।
 सामायारीजुगं मगं जाणन्ति मुणिनिवहा ॥ ६ ॥
 वत्थरयहरणपट्टयपत्ताईयाण हुंति पणवीसं ।
 दस दंडगाण अक्खा जइणमवि पडिलेहणा तेर ॥ ७ ॥
 वत्थरयहरण ओण्णाइयाण मुहणंतयव्व पडिलेहा ।
 दंडाइयाण दसगं तिगं तिगं मज्झि सिरमूले ॥ ८ ॥

दिट्टिपडिलेह एगा अक्खो पक्खो तिगं तिगं छक्कं ।
 बज्झभंतंर बारस पडिलेहा हुंति अक्खाणं (स्थापनाचार्याणां) ॥ ९ ॥
 दिट्टिपडिलेह एगा परिहितेगे तिण्णि तिण्णि तिगं छूढा ।
 मज्जे बाहिर बारस पणवीसं हुंति पत्ताणं ॥ १० ॥
 दिट्टिपडिलेह एगा चउपाए तिन्नि तिन्नि इय बार ।
 बाहिर चउरो पाए पट्टाणं हुंति पणवीसं ॥ ११ ॥
 अण्णे भणंति बारस अब्भंतंर तह चउसु परिहीसुं ।
 अड तिगं चउवीसाणं पडिलेहा हुंति पट्टाणं ॥ १२ ॥
 पणवीसं तणुपेहा इत्थीणं तह य हुंति पन्नरस ।
 मुहि (मुखे) हियए वि तिगं तिगं पिट्ठे चउरो विवज्जिज्जा ॥ १३ ॥
 तह जोगाणुट्टाणे पडिलेहा हुंति जेण पणसयरि ।
 पत्तयपत्ताबंधाणं पडलयकप्पादियाणं च ॥ १४ ॥
 सङ्घाणं सङ्घीणं पोसहजुत्ताणं होन्ति दुगवेला ।
 पडिलेहा सक्खाणं मुणिं व्व णेया जहाजुग्गं ॥ १५ ॥
 गोसे (प्रभाते) जहण्ण पुव्वी पुत्ती धम्मज्झयं (रजोहरणम्) निसीहितिगं
 कडिसुत्तं चोलपट्टो इरिया अक्खाणं पडिलेहा ॥ १६ ॥
 बालाणं बुद्धाणं (उंवगरणं) तओ य उवहिसमग्गपडिलिहणं
 तउ इरिया पुणं दंडगप्पडिलेहणं कायजुद्धरणं (कचवरकः) ॥ १७ ॥
 पुणं इरियं पडिक्कमित्ता वसहिं कालं तओ पडिक्कम्म ।
 सज्झायज्झाणपरो हविज्जं जा तावं जामदुगं ॥ १८ ॥
 तओ-चिइवंदणं जिणाणं पडिलेहियं पुत्तिं पोरसीयाए ।
 तहं पच्चक्खाणं पुणं पारित्ता भंडगाणं च ॥ १९ ॥
 पडिलेहित्ता गोयरमग्गओ एसणाइसमिइपरो ।
 इरियमुवओगकिरियं किच्चा गुरुआणमासज्जा ॥ २० ॥

तह निरवज्जाहारं गहिऊणं गुरुसमीवमागम्म ।	
आलोइत्ता सम्मं छज्जीवणियं भणित्ता यं	॥ २१ ॥
दीणगुरुभत्तिपुव्वं दच्चा भुत्तुं गुरुणमह पच्छ ।	
आहारमायेरइ भोयणदोसं विवज्जंतो	॥ २२ ॥
मंडलिं पमज्जिऊणं किच्चा चिइवंदणं पुणो वि तहा ।	
सज्झायज्झाणपरो हुज्जा गुरुवयण पवणो य	॥ २३ ॥
पुण पोरिसिम्मि इरियं पुत्ती वसहिं तओ य कडिसुत्तं ।	
चोलं तओ य अक्खा पुत्ती पुण तह य सज्झायं	॥ २४ ॥
वंदणगं दाऊणं पच्चक्खाणं करिज्ज सत्तीए ।	
उवहिसमगं तत्तो कंबलपुव्वं पडिलिहिज्जा	॥ २५ ॥
दवरयकंबल निसिहियदंडय मुणिवरझयं ति पडिलिहणं ।	
जइ पुण उववासपरो तो पडिलेहिज्ज, कडिवत्थं	॥ २६ ॥
तो इरियं पुण दंडय पडिलेहिता य कायउद्धरणं (काजो) ।	
इरियं पडिक्कमित्ता भंडोवगरणं पडिलिहिज्जा	॥ २७ ॥
सङ्घाण पुणो एवं पोसहजुत्ताण तत्थ भिउ णत्थि ।	
पडिलिहिय वसहिसालं पुच्छयं तउ अ आयरिया	॥ २८ ॥
तउ कढिऊण कज्जं इरियं पुण कुणइ जइजणुव्व परं ।	
पुणरवि कायुद्धरणं सज्झायपरो तओ हुज्जा	॥ २९ ॥
सङ्घीणं पुण एवं परं विसेसो त्थि वत्थपडिलेहे ।	
उगहपटपरिहाणयवत्थे पुण कायउद्धरणं	॥ ३० ॥
तिगवेल कढिज्जह कायउद्धरणं च जीवजयणट्टाए ।	
पुण साहुणीणमेव य करेइ उग्घाडियसिरा य	॥ ३१ ॥
पडिलेहणावियारो लिहिओ भव्वाण जाणणट्टाए ।	
आणंदविमलसूरिस्सरसीसेण विजयविमलेणं	॥ ३२ ॥

॥ विवेककुलकम् ॥

- धणिणो कविणो जइणो, तवस्सिणो दाणिणो बहू लोया ।
परमप्पनाणिणो पुण, विवेइणो के वि दीसंति ॥ १ ॥
- जह विहिमग्गविलग्गा, भवउव्विग्गा सया वि संविग्गा ।
उवसमगुणिणो मुणिणो, विवेइणो ते विरायंति ॥ २ ॥
- जहट्टियवत्थुनिरिक्खण, परमं चक्खू अकित्तिमं सुक्खं ।
अन्नाणतिमिरभेओ, फुरइ विवेओ सउत्ताणो ॥ ३ ॥
- देवं गुरुं च धम्मं, जहट्टियं वरविवेइणो लिति ।
देवा गुरुणो धम्मा, विवेयवियलाण सव्वे वि ॥ ४ ॥
- गुणजुत्तगणहराणं, गुरुगुणरहियाण आयरियसद्धो ।
अद्दइ जह हरिसद्धो, देविदे ददुरे य तहा ॥ ५ ॥
- जह विट्ठी चेय भद्दा, अंगारो मंगलो विसं महुरं ।
तह विवरीयायरणा, आयरिया के वि भन्नंति ॥ ६ ॥
- एणो कह वि पयासइ, जिणागमं नासयंति पुण बहवे ।
ता कह तत्थ पहुप्पइ, घडमाणो फोडमाणण ॥ ७ ॥
- हिंदुयसिद्धंतकरी, विवेयवणमद्दणो जहिं भमइ ।
तहिं कह जाणंति जण्ण, जिणागमं सुगुरुपरिहीणा ॥ ८ ॥
- पासत्थसत्थनडिया कुबोहजडिया विवेयपरिवडिया ।
कुग्गहगइंदचडिया जीवा भवसायरे पडिया ॥ ९ ॥
- अच्छरियं अच्छरियं, आगमविहिरयणि विज्जमाणे वि ।
मिच्छत्तमुच्छियमणा, अविहिवराडिं जडा लिति ॥ १० ॥
- बहुयपसिद्धिगुणेषुं, इयरणं आयरो जहा होइ ।
न तहा परमगुणेषु, गयाणुगामी जणो जेणं ॥ ११ ॥

कमलवणं पि हु वियसइ, उसिणकरे मउलियइ अमयकिरणे ।
 अहवा जडाण संगो, सुविवेयविणासणो होइ ॥ १२ ॥
 सुविवेयरयणहरणो, कसायकलुसाण संगमो नियमा ।
 पाडोसिए पलित्ते, किं डज्जइ अप्पणो न गिहं ॥ १३ ॥
 सुयनाणं मुत्तूणं, निययायरणं न साहए सिद्धिं ।
 किं होइ परित्राणं भमुहाहिं गएहिं नयणेहिं ॥ १४ ॥
 निक्कारणं पि के वि हू, अवंवायपयं बहुं पयांसिति ।
 गंगगयं कहंति य, केरठियं मारियं न पुणो ॥ १५ ॥
 इयरभणियम्मि तोसो, जिणिंदवयणम्मि जहं(जेसिं)पुण पउसो ।
 तेसिं विसं पि अमयं, अमयं विसं हा महामोहो ॥ १६ ॥
 दिणयरकरनियरं पिव, जिणागमं तमहरं पि तिमिरकरं ।
 घूयस्स व जइ हवए, ताहं फुडं व(रि?)पुरिह मोहो ॥ १७ ॥
 लोइयमिच्छत्तविसं, आगममंतेण नासइ असेसं ।
 लोगुत्तरं तु विसमं, न पहू चक्कं सगुत्तस्स ॥ १८ ॥
 विसयमहाविसघारिय, सिद्धंतसुहारसेण जीवंति ।
 जिणवयणामयसित्ता वि, घारिया ते कहं हुंति ॥ १९ ॥
 ता किं दसमच्छेरं, अह दूसमदोसगरुयमाहप्पं ।
 जेण जिणमगगलग्गा, हा हीलिज्जंति इयरेहिं ॥ २० ॥
 न कुणंति सयं सम्मं, जिणधम्मं उवहसंति कुणमाणं ।
 जह अप्पणा वि रंडा, सहवउ अन्ना वि हु य विहवा ॥ २१ ॥
 एगो करेइ धम्मं, बीओ पुण मच्छेरेण तहिं दुक्खी ।
 अग्गिमसिरम्मि भारो, खिज्जइ पच्छट्ठिओ चुज्जं ॥ २२ ॥
 लग्गा लोइयधम्मे, मूढा वयणेहिं भणंति जिणधम्मं ।
 सच्चमिणं कन्नाडी, गावी वासेइ मरहट्टं ॥ २३ ॥

जे अन्नधम्मलगा, का जिणवयणे वियारणा तेसिं ।	
अंतेउरस्स सारा, किं जाणइ पोलिपाहरिओ	॥ २४ ॥
अन्नत्थ भमइ मूढो, कज्जं अन्नत्थ कत्थइ असेसं ।	
अन्नत्थ सालओ जह, खित्तं अन्नत्थ अइदूरं	॥ २५ ॥
अन्नह (हि) भमइ सुहत्थी, साहीणे वि हु विवेयवरसुक्खे ।	
दिप्पंतदीवहत्थो, मूढो अग्गिं गवेसेइ	॥ २६ ॥
अवरहकारि अन्ने, भिडंति अविवेयलोय अन्नेसिं ।	
सूर्येहिं वल्ल भक्खिय, पिट्टिज्जइ पड्डुगाण मुहं	॥ २७ ॥
दिंति उवाइयमेगे, जीवियकज्जम्मि मच्चुणो अन्ने ।	
गुरुमोहमूढचित्ता, समरससित्ता न एगस्स	॥ २८ ॥
धम्मियजणाण चित्तं, पासत्थाइकसायअग्गीए ।	
उत्तवियं पि कणगं व, किं चयइ वन्नपरिणामं	॥ २९ ॥
जइ वि हु दुहत्तचित्तो, उत्तमसत्तो तहा वि जिणभत्तो ।	
भग्गो वि कणयकलसो, न हु सरिसो इयरकलसाण	॥ ३० ॥
जइ वि न चरित्तसज्जो, सुविसुद्धपरूवगो सुकयकज्जो ।	
दहणो मलिणंगो वि हु, होइ पईवो जणे पुज्जो	॥ ३१ ॥
इक्को विवेयदीवो, सुविसुद्धं जिणपहं पयासेइ ।	
तम्हा पण्णावियव्वो, सो चेव सया वि सरियव्वो	॥ ३२ ॥

॥ कर्मविपाककुलकम् ॥

तियलुक्किक्कमल्लस्स महावीरस्स दारुणा ।	
उवसग्गा कहं हुंता, न हुंतं जइ कम्मयं ?	॥ १ ॥
वीरस्स मिंढियग्गामे केवलिससा वि दारुणो ।	
अईसारो कहं हुंतो, न हुंतं जइ कम्मयं ?	॥ २ ॥

दारुणाओ सलागाओ,कत्रेसुं वीरसामिणो ।	
पक्खिवंतो कहं गोवो, न हुंतं जइ कम्मयं ?	॥ ३ ॥
वीसं वीरस्स उवसग्गा जिर्णिदस्सा वि दारुणा ।	
संगमाओ कहं हुंता, न हुंतं जइ कम्मयं ?	॥ ४ ॥
वीरस्स अट्टियग्गामे जक्खाओ सूलपाणिणो ।	
वेअणाओ कहं हुंता, न हुंतं जइ कम्मयं ?	॥ ५ ॥
गयसुकुमालस्स सीसम्मि खाइंगारसंचयं ।	
पक्खिवंतो कहं भट्टो, न हुंतं जइ कम्मयं ?	॥ ६ ॥
सुसीसा खंदगस्साऽवि पीलिज्जंता तया कहं ।	
जंतेण पालएणाऽवि, न हुंतं जइ कम्मयं ?	॥ ७ ॥
सणंकुमारपामुक्खा चक्किणो वि सुसाहुणो ।	
वेयणाओ कहं हुंता, न हुंतं जइ कम्मयं ?	॥ ८ ॥
कोसंबीए नियंठस्स दारुणा अच्छिवेयणा ।	
धणिणो वि कहं हुंता, न हुंतं जइ कम्मयं	॥ ९ ॥
नमिस्संऽगे महादाहो नरिदस्साऽवि दारुणो ।	
मिहिलाए वि कहं हुंतो, न हुंतं जइ कम्मयं ?	॥ १० ॥
अंधत्तं बंभदत्तस्स सदेवस्साऽवि दुस्सहं ।	
चक्किस्स वि कहं हुंतं, न हुंतं जइ कम्मयं ?	॥ ११ ॥
नीयगुत्ते जिर्णिदो वि भूरिपुण्णो वि भारहे ।	
उप्पज्जंतो कहं वीरो न हुंतं जइ कम्मयं ?	॥ १२ ॥
अवंतीसुकुमालो वि उज्जेणीए महाजसो	
कहं सिवाए खज्जंतो, न हुंतं जइ कम्मयं ?	॥ १३ ॥
सीयाइ महासईए कलंकं अइदारुणं ।	
अरण्णवासो कहं हुंतो, न हुंतं जइ कम्मयं ?	॥ १४ ॥

सईए सुद्धसीलाए भत्तार पंच पंडवा ।	
दोवईए कहं हुंता, न हुंतं जइ कम्मयं ?	॥ १५ ॥
मियापुत्ताइजीवाणं कुलीणाण वि तारिसं ।	
महादुक्खं कहं हुंतं, न हुंतं जइ कम्मयं ?	॥ १६ ॥
वसुदेवाईणं हिंडी रायवंसुब्भवाण वि ।	
तारुण्णे वि कहं हुंता, न हुंतं जइ कम्मयं ?	॥ १७ ॥
वासुदेवस्स पुत्तो वि नेमिसीसो वि ढंढणो ।	
अलाभिल्लो कहं हुंतो, न हुंतं जइ कम्मयं ?	॥ १८ ॥
कण्हस्स वासुदेवस्स मच्चू एगागिणो वणे ।	
भाउयाओ कहं हुंतो, न हुंतं जइ कम्मयं ?	॥ १९ ॥
नावारूढस्स उवसग्गा वद्धमाणस्स दारुणा ।	
सुदाढाओ कहं हुंता, न हुंतं जइ कम्मयं ?	॥ २० ॥
पासामिस्स उवसग्गो गाढो तित्थंकरस्स वि ।	
कमठाओ कहं हुंतो, न हुंतं जइ कम्मयं ?	॥ २१ ॥
अणुत्तरा सुरा सारा सुक्खसोहग्गलालिया ।	
कहं लहंति चवणं, न हुंतं जइ कम्मयं ?	॥ २२ ॥
तम्हा एयं विआणित्ता सहिअव्वं सुसाहुणा ।	
जेण कम्मक्खयं किच्चा सिद्धिं गच्छइ सासयं	॥ २३ ॥

॥ क्षमाकुलकम् ॥

नमिऊण पुव्वपुरिसाण, पसमरससुद्धियाण पयकमलं ।	
नियजीवस्सऽणुसिद्धिं, कसायवसगस्स वुच्छामि	॥ १ ॥
गयमेयज्जमहामुणि - खंदगसीसाण साहुचरियाइं ।	
सुमरंतो कह कुप्पसि, इत्तियमित्ते वि रे जीव !	॥ २ ॥

पिच्छसु पाणविणासे वि, नेव कुप्पंति ते महासत्ता ।	
तुज्ज पुण हीणसत्तस्स, वयणमित्ते वि एस खमा	॥ ३ ॥
अक्कोस - हणण - मारण - धम्मब्भंसाण बालसुलभाणं ।	
लाभं मन्नइ धीरो, जहुत्तराणं अभावम्मि	॥ ४ ॥
रे जीव ! सुहदुहेसुं, निमित्तमित्तं परो जीयाणं पि ।	
सकयफलं भुंजंतो, कीस मुहा कुप्पसि परस्स	॥ ५ ॥
'कोहवसट्टे भंते !, जीवे किं जणइ' इय विजाणंतो ।	
भगवयवयणं निल्लज्ज, देसि कोवस्स अवंगासं	॥ ६ ॥
पढमं चिय तं जंतुं, कोहग्गी डहइ जत्थ उववज्जे ।	
तत्थुप्पन्नो तं चेव, इंधणं धूमकेउ व्व	॥ ७ ॥
रे जीव ! कसायहुआसणेण दड्ढे चारित्तघरसारे ।	
भमिहिसि भवकंतारे, दीणमणो दुत्थिउ व्व तुमं	॥ ८ ॥
इहयं चिय पच्चक्खं, दुक्खमिणं तुज्ज कोहवसगस्स ।	
जं पुण परम्मि लोए, तं जाणइ जीव ! सव्वन्नू	॥ ९ ॥
न मुणंति परं अप्पं, कयमकयं सुंदरं व इयरं वा ।	
धणमित्तनासमरणं, वेरं न गणंति कोहंधा	॥ १० ॥
सपरोभयाण संताव - कारओ कुगइगमणहेऊ अ ।	
पीईवुच्छेअकरो, कोहो तवनियमवणदहणो	॥ ११ ॥
जं अज्जियं चरित्तं, देसूणाए वि पुव्वकोडीए ।	
तं पि हु कसायमित्तो, हारेइ नरो मुहुत्तेणं	॥ १२ ॥
जं अज्जियं समीपल्लवेहिं तवनियमबंधमाइएहिं ।	
मा हु तयं कलहंता, उल्लिचह सागपत्तेहिं	॥ १३ ॥
पढउ सुअं धरउ वयं, कुणउ तवं चरउ बंधचेरई ।	
तह वि तयं सव्वं पि हु, निरत्थयं कोहवसगस्स	॥ १४ ॥

जइ जलइ लोए जलउ, कुसत्थपवणाहओ कसायग्गी ।
तं चुज्जं जं जिणवयण - वारिसित्तो वि पज्जलइ ॥ १५ ॥
हयमम्हाणं नाणं, हयमम्हाणं मणुस्समाहणं ।
जं किर लद्धविवेगा, विचिट्ठिमो बालबालु व्व ॥ १६ ॥
पट्ठिअस्स तस्स. मुणिअस्स तस्स सिद्धंतसुद्धबोहस्स ।
सुहगुरुउवएसस्स य, अवसाणं एरिसं जीव ! ॥ १७ ॥
अप्पविसुद्धिनिमित्तं, किलिस्ससे ता चएसु कोवरिऊ ।
विमलत्तमहिलसंतो, कह मज्जसि पंकिलजलम्मि ॥ १८ ॥
एगस्स वि निअहिअयस्स जीव ! विनिवारणे जइ न सत्ती ।
ता कह णु पारभविअं, महारिविनिवारणं तुज्झ ॥ १९ ॥
सव्वो वि इह पसंतो, पसंतजणमज्झसंठिओ संतो ।
सइ कोवकारणे जो, अकोहणो सो इह पसंतो ॥ २० ॥
जइ खमसि दोसवन्ते, ता तुह खंतीइ होइ अवगासो ।
अह न खमसि ता तुह, अविसयाइ खंतीइ वावारो ॥ २१ ॥
जइ खमसि तो नमिज्जसि, छज्जइ नामं पि तुह खमासमण ।
अह न खमसि न नमिज्जसि, नामं पि निरत्थयं वहसि ॥ २२ ॥
दड्ढो अं तवो फुसिओ अ, संयमो मइलिअं च चारित्तं ।
हारविअं सामन्नं, कोहकसायं वहंतेण ॥ २३ ॥
कोहानलवसगाणं, पसमामयभावियाण य हवंति ।
इहयं चिय दोसगुणा, नायमचंकारिभट्ठि त्ति ॥ २४ ॥
एअं खंतीकुलयं, दुद्धमजीवाणुसासणं अहवा ।
जो परिभावइ सम्मं, सो पावइ पसमवररणं ॥ २५ ॥

पू.आ.श्री वासुदेव(=हरि.)सूरिविरचितम्
(भवविरहाङ्कितम्)

॥ क्षान्तिकुलकम् ॥

अरिहंत सिद्ध सूरी उवझाए साहुणो नमेऊण ।	
एयं धम्मरहस्सं भणिमो जीवाण सुहहेऊ	॥ १ ॥
कोहस्स य निग्गहणं खंती जीवो (ए) य संजमो भणिओ ।	
खंती गुणाण मूलं खंती धम्मस्स सव्वस्सं	॥ २ ॥
खंतिपहाणो धम्मो पयासिओ जिणवरेण वीरेण ।	
सइ सामत्थे सोढो उवसग्गपरीसहे घोरे	॥ ३ ॥
तित्थयरगणहराणं चक्कीण बलाण वासुदेवाणं ।	
रिद्धीओ पवराओ खंतिपभावेण लब्भंति	॥ ४ ॥
अन्नियपुत्तायरिया गयसुकुमालो य खंदगसुसीसा ।	
अहियासिओवसग्गा खंतीए ते सिवं पत्ता	॥ ५ ॥
मेयज्ज दढपहारी सुदंसणो चंडरुद्दसीसो य ।	
तह कूरगइडुयाई खंतिजुया केवली जाया	॥ ६ ॥
मणिरहकुमारसाहू कामगइंदो य वइरगुत्तरिसी ।	
खंतीइ जुया सिद्धा सयंभुदेवो महरहो य	॥ ७ ॥
करकंडुमाइणो तह हल्लविहल्ल य चरमदेहधरा ।	
पसमाइखंतिकलिया निव्वाणमणुत्तरं पत्ता	॥ ८ ॥
अन्नेवि वंकचूला चिलाइपुत्ताइणो खमासहिया ।	
पत्ता विमाणवासं अच्छरगणसंकुलं रम्मं	॥ ९ ॥
जे के वि हुंति मुणिणो केवलिमणपज्जवोहिसुयनाणी ।	
भयवंतो लद्धिजुया खंतीसामत्थओ ते उ	॥ १० ॥
रिसिदत्तं गुणसुंदरी दक्खिणि दवदन्ति दोणि जंबुवई ।	
रुप्पिणि रायमईए सिद्धा खंतीए धीधणिणो	॥ ११ ॥

पउमसिरि मलयसुन्दरि सुन्दरि बम्भी य पुष्कचूला य ।	
चन्दणबालमिगावइ खंतिगुणेणं च सिद्धिगया	॥ १२ ॥
जिणजणणिजणयपमुहा सागरचन्दो य खंतिधम्माओ ।	
चेडयचंडवर्डिसय सुगइं गया कामदेवो य	॥ १३ ॥
दुन्नि सुलसा सुभद्दा देवय रोहिणी पभावई पउमा ।	
पुट्टिलवीरसुमावय पत्ता तियसेसु खंतीए	॥ १४ ॥
कामो य कामिणीणं भत्ता गुणरूवसंपयाकलिओ ।	
मणदइओ संपज्जइ आणवडिच्छे खमाधम्मे	॥ १५ ॥
सयलकलाकुसलाओ निम्मलकुलसीलपुत्रकलियाओ ।	
लब्भंति लच्छिनिलया महिलाओ खंतिधम्माओ	॥ १६ ॥
वरभवणसयणधणधन्नसंपया हुंति खंतिधम्माओ ।	
मणुयाण मणुयजम्मे इच्छियभोगेण संपत्ती	॥ १७ ॥
फासुयसयणासणभोयणाणि वत्थाणि भूसणवराणि ।	
इट्ठा मिट्ठाहार रसायणा हुंति खंतीए	॥ १८ ॥
कुंकुमकप्पूरागरुकत्थूरीकुसुमचन्दणाईणि ।	
घाणिदियअणुकूला गंधा खंतीए लब्भंति	॥ १९ ॥
रूवाणि य नयणमणोहराणि सिंगारचारुसोहाणि ।	
संपज्जंति खमाए सुइसुहया वेणुसद्दाइं	॥ २० ॥
खंतीए गुणसमेओ मन्निज्जइ माणवो विरूवो वि ।	
जह नंदिसेणसाहू पसंसिओ तियसनाहेण	॥ २१ ॥
न वि तं करेइ माया नेव पिया नेव बन्धवजणो य ।	
उवयारं जह खंती सुसेविया सव्वजीवाणं	॥ २२ ॥
सव्वे वि गुणा खंतीइ वज्जिया नेव दिंति सोहग्गं ।	
हरिणंककलविहूणा रयणी जह तारयइढा वि	॥ २३ ॥

नयणविहूणं वयणं कमलविहूणं च सरवरं जह य ।	
न य सोहइ तह खंतीए बाहिरं माणुसं लोए	॥ २४ ॥
उव्वहइ जडामउडं कावडिमालं तिदंडपिच्छई ।	
तवनियमेण किलिस्सइ जइ न खमा नत्थि साहारो	॥ २५ ॥
नाणी सम्मत्तजुओ चारिती जइ वि मुणिवरो होइ ।	
तह वि हु खंतिविहूणो न पावए परमनिव्वाणं	॥ २६ ॥
जह खंतिखग्गजुत्ता पंचिदियसुहडसंकुले समरे ।	
पार्विति जयपडागं जिणिऊण य मोहरायं तु	॥ २७ ॥
खंतिदयादमजुत्तो जो मणुओ होइ जीवलोगम्मि ।	
सो जसकित्ती पावइ कल्लाणपरंपरं विउलं	॥ २८ ॥
इहलोए परलोए सुहाण सव्वाण कारणं खंती ।	
तम्हा जिणाण आणा कायव्वा मुख्खफलहेऊ	॥ २९ ॥
एयं खंतीकुलयं रइयं सिरिवासुदेवसूरीहिं ।	
कोहग्गिसमुल्हवणं भवविरहं कुणइ भवियाणं	॥ ३० ॥
अग्गिट्ठइ सिरिजालियइ, को मन्नइ उवयारु ? ।	
खंतीअ पसाइण मुख्ख गओ, राणउ गयसुकुमालु	॥ ३१ ॥

नवाङ्गवृत्तिकार आ.श्रीमदभयदेवसूरिविरचितम्

॥ सार्धमिकवात्सल्यकुलकम् ॥

नमिऊण जिणं पासं वुच्छं साहम्मियाण वच्छल्लं ।	
धीरेहिं विहेयव्वं जाणिअजिणवयणसारेहि	॥ १ ॥
साहम्मियाण वच्छल्लं, कायव्वं भत्तिनिब्भरं ।	
देसियं सव्वदंसीहिं, सासणस्स प्पभावगं	॥ २ ॥

महानुभावेण गुणायरेण, वयरेण पुर्विं सुयसायरेण । सुयं सरतेण जिणुत्तमाणं, वच्छल्लयं तेण कयं तु जम्हा	॥ ३ ॥
तम्हा सव्वपयत्तेण, जो नमुक्कारधारओ । सावगो सो वि दट्ठव्वो, जहा परमबंधवो	॥ ४ ॥
विवायं कलहं चैव, सव्वहा परिवज्जए । साहम्मिएहिं सद्धिं तु, जओ सुत्ते वियाहियं	॥ ५ ॥
जो किर पहरइ साहम्मियम्मि कोवेण दंसणमणम्मि । आसायणं च सो कुणइ निक्खिवो लोगबंधूणं	॥ ६ ॥
सो अत्थो तं च सामत्थं, तं विन्नाणमणुत्तमं । साहम्मियाण कज्जम्मि, जं विच्चंति सुसावया	॥ ७ ॥
अन्नऽन्नदेसाण समागयाणं, अन्नऽन्नजाईसु समुब्भयाणं । साहम्मियाणं गुणसुट्ठियाणं, तित्थंकराणं वयणे ठियाणं	॥ ८ ॥
क्वथेहि पाणासणखाइमेहिं, पत्तेहिं पुप्फेहिं य पुप्फफलेहिं । सुसावयाणं करणीयमेयं, कयं तु जम्हा भरहाहिवेणं	॥ ९ ॥
वज्जाउहस्स रामेणं, जहा वच्छल्लयं कयं । ससत्तिअणुरूवं तु, तहा कायव्वयं पुणो	॥ १० ॥
साहम्मिआण वच्छल्लं, अन्नं एयं जिणाहियं । धम्मट्ठणम्मि सीयंतं, सव्वभावेण चोयए	॥ ११ ॥
सारणा वारणा चैव, चोयणा पडिचोयणा । कायव्वा सावएणाऽवि, सावयाणं हियट्ठिया	॥ १२ ॥
रुसओ वा परो मा वा, विसं वा परियत्तओ । भासियव्वा हिया भासा, पच्चक्खगुणकारिया	॥ १३ ॥
कल्लं पोसहसालाए, नेय दिट्ठो जिणालए । साहूणं पायमूलम्मि, केण कज्जेण ? अक्खि मे	॥ १४ ॥

तओ य कहिए कज्जे, जो पमायवसं गओ ।	
वत्तव्वो सो जहाजुग्गं, धम्मियं चोयणं इमं	॥ १५ ॥
दुल्लंभो माणुसो जम्मो, धम्मो सव्वन्नुभासिओ ।	
साहुसाहम्मियाणं च, सामग्गी पुण दुल्लहा	॥ १६ ॥
चलं जीयं धणं धन्नं, बंधुमित्तसमागमो ।	
खणेण दुक्कए वाही, ता पमाओ न जुत्तओ	॥ १७ ॥
न तं चोराऽवि लुंपंति, न तं अग्गी विणासए ।	
न तं जूए वि हारिज्जा, जं धम्मम्मि पमत्तओ	॥ १८ ॥
किण्हसप्पं करग्गेणं, विसं घुंटेण घुंटे ।	
निहाणं सो पमुत्तूणं, कायखंडं च गिण्हए	॥ १९ ॥
लद्धे जिणिंदधम्मम्मि, सव्वकल्लाणकारए ।	
वियाणंतो भवं घोरं, पमायं जो न छडुए	॥ २० ॥
ता सम्मत्तं वियाणंतो, मग्गं सव्वन्नुदेसियं ।	
पमायं जं न मिल्लेसि, तं सोएसि भवन्नवे	॥ २१ ॥
एवंविहाहि वग्गूहिं, चोएयव्वो सुसावओ ।	
भाववच्छल्लयं एयं, कायव्वं च दिणे दिणे	॥ २२ ॥
इय दव्वभावभेयं काउं साहम्मियाण वच्छल्लं ।	
सव्वत्थ वयणसारं सिवफलमाराहियं होइ	॥ २३ ॥
विहिकयचेइयभवणे जिणबिम्बं जो विहीए पूएइ ।	
तिक्कालं मलमुक्को सो जायइ सासओ सिद्धो	॥ २४ ॥
इय साहम्मियकुलयं अक्खायं अभयदेवसूरीहिं ।	
धन्ना धरंति हियए कयपुत्रा जे महासत्ता	॥ २५ ॥

सिद्धान्तशिरोमणिनेमिचन्द्रसूरिणा साध्ववस्थायां कृतम्

॥ आत्मबोधकुलकम् ॥

- जम्मजरामरणजले नाणाविहवाहिजलयराइन्ने ;
भवस्सयरे असारे, दुल्लहो खलु माणुसो जम्मो ॥ १ ॥
- तम्मि वि आरियखित्तं, जाइकुलरूवसंपयाउयं ;
चिंतामणिसारित्थो, दुल्लहो धम्मो य जिणभणिओ ॥ २ ॥
- भवकोडिसएहिं, परिहिंडिउण सुविसुद्धपुत्रजोएण ;
इत्तियमित्ता संपइ, सामग्गी पाविया जीव ! ॥ ३ ॥
- रूवमसासयमेयं, विज्जुलयाचंचलं जए जीयं ;
संझाणुरागसरिसं, खणरमणीयं च तारुण्णम् ॥ ४ ॥
- गयकन्नचंचलाओ, लच्छीओ तियसचावसारिच्छं ;
विसयसुहं जीवाणं, बुज्झसु रे जीव ! मा मुज्झ ॥ ५ ॥
- किंपाकफलसमाणा, विसया हालाहलोवमा पावा ;
मुहुमुहरत्तणसार, परिणामे दारुणसहावा ॥ ६ ॥
- भुत्ता य दिव्वभोगा, सुरेसु असुरेसु तहय मणुएसु ;
न य जीव ! तुज्झ तित्ती, जलणस्स व कट्टनियरेहिं ॥ ७ ॥
- जह संझाए सउणाणं, संगमो जह पहे य पहियाणं ;
सयणाणं संजोगो तहेव खणभंगुरो जीव ! ॥ ८ ॥
- पियमाइभाइभइणी, - भज्जापुत्तत्तणे वि सव्वे वि ;
सत्ता अणंतवारं, जाया सव्वेसिं जीवाणं ॥ ९ ॥
- ता तेसिं पडिबंधं, उवरिं मा तं करेसु रे जीव !
पडिबंधं कुणमाणो इहयं चिय दुक्खिओ भमिसि ॥ १० ॥
- जाया तरुणी आभरणवज्जिया, पाढिओ न मे तणओ ;
धूया नो परिणीया, भइणी नो भत्तुणो गमिया ॥ ११ ॥

थोवो विहवो संपइ, वट्टइ य रिणं बहुव्वेओ गेहे ; एवं चिंतासंतावदुब्धिओ दुःखमणुहवसि	॥ १२ ॥
कारुणवि पावाइं, जो अत्थो संचिओ तए जीव ? सो तेसिं सयणाणं, सव्वेसिं होइ उवओगी	॥ १३ ॥
जं पुण असुहं कम्मं, इक्कुचिय जीव ! तं समणुहवसि ; न य ते सयणा सरणं, कुगइए गच्छमाणस्स	॥ १४ ॥
कोहेणं माणेणं, माया लोभेणं रगदोसेहिं ; भवरंगओ सुइरं, नडु व्व नच्चाविओ तं. सि	॥ १५ ॥
पंचेहिं इंदिएहिं, मणवयकाएहिं दुट्टजोगेहिं ; बहुसो दारुणरूवं, दुःखं पत्तं तए जीव !	॥ १६ ॥
ता एअन्नाउणं, संसारसायरं तुमं जीव ! सयलसुहकारणम्मि, जिणधम्मो आयरं कुणसु	॥ १७ ॥
जाव न इंदियहाणी, जाव न जररक्खसी परिप्फुरइ ; जाव न रोग वियारा, जाव न मच्चु समुल्लियइ	॥ १८ ॥
जह गेहम्मि पलित्ते, कूवं खणियं न सक्कइ को वि ; तह संपत्ते मरणे, धम्मो कह कीरण जीव ?	॥ १९ ॥
पत्तम्मि मरणसमए, डज्झम्मि सो अग्गिणा तुमं जीवं ? वग्गुरपडिओ व मओ, संवट्टमिउ जह वि पक्खी	॥ २० ॥
ता जीव ! संपयं चिय, जिणधम्मो उज्जमं तुमं कुणसु ; मा चिन्तामणिसम्मं, मणुयत्तं निप्फलं णेसु	॥ २१ ॥
ता मा कुणसु कसाए, इंदियवसगो य मा तुमं होसु ; देविंदसाहुमहियं, सिवसुखं जेण पाविहिसि	॥ २२ ॥

सिरिमुणिचन्दसूरिविरइयं
॥ धम्मोवएसकुलयं ॥

(सिलोगणिबद्धं)

- सुणेहू भो भव्वजणा ! भवित्ता, सम्मं समाहाणपहाणचित्ता ।
 असारसंसारविरागहेउं, धम्मोवएसं सहलं विहेउं ॥ १ ॥
- पलित्तमंदिरागारो, सच्चमच्चंतभीसणो ।
 एसो भवोअही तिवख-दुखलक्खोवलक्खिओ ॥ २ ॥
- अवंझं कारणं जम्भो, मरणस्स सरीरिणो ।
 दूरंतो अ कयंतो वि, कयनासो समंतओ ॥ ३ ॥
- परं पराभवट्ठाणं, दालिदं रोदरूवयं ।
 अब्भच्छाय व्व लच्छीओ, तुच्छउ पिच्छ निच्छिअं ॥ ४ ॥
- जलम्मि मच्छलुच्छल्ल-तुल्लो अ पिअसंगमो ।
 खणं पणिट्ठिआ कट्ट-मणिट्ठाणं समागमा ॥ ५ ॥
- तहाऽविच्छिन्नविच्छेहच्छेहवंतो जिआ इहं ।
 जहारचित्तिअमत्थाणं, संपत्ति पुण दुल्लहा ॥ ६ ॥
- धम्मारांभि अ विग्घसय कारओ वल्लहो जणो ।
 पायं सब्भावगब्भेण, पिम्मेण य विविज्जओ ॥ ७ ॥
- मग्गमेत्तगवेसीओ, आवय्णओ खणे खणे ।
 पच्चासन्नं निसन्नो अ, निच्चं मच्चू सरीरिणं ॥ ८ ॥
- जोव्वणं जीविअं रूवं, विज्जुविज्जोअचंचलं ।
 ता इत्थं पडिबंधस्स, ठाणमत्थि न किंचि वि ॥ ९ ॥
- जह महासमुदम्मि, चुओ चिंतामणी तथा ।
 दुल्लहो माणुसो जम्भो, सुद्धजाइकुलन्निओ ॥ १० ॥
- तं लद्धूण महाभाग ! भंगादेगंतओ तओ ।
 परमायस्स खमो काउं, तुम्हाणं धम्म उज्जमो ॥ ११ ॥

तत्थ विच्छिन्नसंसार-कंठारुत्तारकारओ ।	
देवो जिणो पयत्तेणं, सेवणिज्जो विहाणओ	॥ १२ ॥
तहा भीमभवुव्विग्गा, सम्मं मग्गाणुगामिणो ।	
गिहाणि णाणमाईणं, वंदणिज्जा सुसाहुणो	॥ १३ ॥
कामग्गहमहामंतो, कम्मदारुदवानलो ।	
मोहदावजलुप्पीलो, मिच्छत्ततमदीवओ	॥ १४ ॥
कल्लाणकंदलीकंदो, जिणिंदपरिभासिओ ।	
सोअव्वो सुप्पणीहाणं, सिद्धंतो तेसिमंतिए.	॥ १५ ॥
तहा तस्साणुसारेण, पसण्णेण मणेण य ।	
कज्जो चिइवंदणाइम्मि, धम्मकज्जे समुज्जमो	॥ १६ ॥
मूलओ चेव दुस्सील-जणसंसगिवज्जणं ।	
सुसीलजणसंवासो, कसायइंदिअनिग्गहो	॥ १७ ॥
तहाणुग्गहमाईआ, जे उ पुव्वमभिग्गहा ।	
पवणा जायए बुद्धी, जहा ताण तहा करे	॥ १८ ॥
दिज्जा दीणाइणं दाणं, सीलिज्जा सीलमुज्जलं ।	
जहासत्तीइ तप्पेज्जा, तवं भावेज्ज भावणं	॥ १९ ॥
साहूविस्सामणाइम्मि, रमिज्जा विणए तहा ।	
अपुव्वापुव्वरूवे अ, पवज्जिज्जा अभिग्गहे	॥ २० ॥
सुसद्धसज्झायझाणेसु, अपुव्वपढणम्मि अ ।	
सदोसगुणचिंताए, चित्तं दिज्जा निरंतरं	॥ २१ ॥
वज्जित्ता सेससावज्जं, कज्जं पव्वज्जमुज्जलं ।	
कया अहं पवज्जामि, इह चिंतिज्ज निच्चवसो	॥ २२ ॥
मित्ततं सव्वजीवेसु, गुणरगो गुणनुसु ।	
दुक्खिएसु दयालुत्तं, निग्गुणाणमुवेहणं	॥ २३ ॥

गंभीरत्तमुदारत्तं, धीरभावो थिरत्तणं ।

एवमाइ गुणग्गामं, सुट्टु सब्भूअमब्भसे

॥ २४ ॥

एसो मए तुम्हमणुग्गहत्थो, हिओवएसो भणिओ महत्थो ।

एआणुसारेण तओ अ निच्चं, ज्ञायव्वमित्तो सयलं पि किच्चं ॥ २५ ॥

पू.आ.श्रीमुनिचन्द्रसूरिविरचितम्

॥ धम्मोपदेशकुलकम् ॥

भुवणजणवंदणिज्जं वंदिय दियमाणमच्छरं वीरं ।

धम्मोवएसलेसं समासओ किं पि जंपेमि

॥ १ ॥

इह भीमे भवरत्ने सन्नाणविवज्जिओ इमो जीवो ।

भमिओ चिरं न पत्तो कर्हिं वि जिणदेसियं धम्मं

॥ २ ॥

ता पाविओ इह तइ संपइ विवरेण असुहकम्माणं ।

दहगयकच्छभगीवाससिबिबालोयणसमाणो

॥ ३ ॥

एसो मणकप्पियकप्पपायवो साहिओ जिणिदेहिं ।

कल्लणकामिणा तो जणेण एसो च्चिय विहेओ

॥ ४ ॥

एयस्स मूलहेऊ जीवदयाई परूविओ दसहा ।

ता एयम्मि गुणगणे निच्चं जत्तो विहेयव्वो

॥ ५ ॥

जह सेलाण सुमेरू सयंभूरमणो जहा जल्लनिहीणं ।

जह चंदो ताराणं गुणाण सारा तहेह दया

॥ ६ ॥

सच्चेण जणपसिद्धी धम्मविसुद्धी य होइ सच्चेणं ।

सच्चेण सुगइलाभो सच्चसरिच्छं परं नत्थि

॥ ७ ॥

एगंतविरत्तमणा जे परदव्वावहारकरणाओ ।

किं तेसिमिह न सोक्खं ? को न जसो किं व कल्लणं ?

॥ ८ ॥

जे बंभवयपहाणा पुरिसा बंभा वि तेसि पणमेइ ।	
नत्थि असज्झं कज्जं तेसि सयले वि भुवणे वि	॥ ९ ॥
तेसि न अत्थि अपिओ न पिओ ते सयलदुक्खदूरचर ।	
जे सयलफरिग्गहनिग्गहेण सव्वत्थ वट्टंति	॥ १० ॥
कयकल्लाणकलावा ते इह नूणं नर न उण अत्रे ।	
विसहरविसरोगसमं मिच्छत्तं जेहि परिचत्तं	॥ ११ ॥
कोहो कद्दमकोहो व्व कस्स न हु होइ पत्तवित्थारो ।	
उव्वेयकारणं दारुणाण दुक्खाण मूलखणी	॥ १२ ॥
माणो विणयविणासो माणो दुक्खदुदुमोदगसमाणो ।	
माणो अमाणवसणो माणा नाणाइगुणहाणी	॥ १३ ॥
माया य वाउली विव उच्छालइ दोसधूलिमइबहलं ।	
जीएँ परद्धा जीवा न दोसगुणदंसिणो ह्येति	॥ १४ ॥
लोहो भुयंगमो विव लद्धपयारो विसंतुलं कुणइ ।	
उदामदोसविसवेगदूसियं कं न जियलोए ?	॥ १५ ॥
एवंविहा कसाया कसिणा निक्कासिया मणगिहाओ ।	
निम्मलसमाहिजोगा जेहिं सुहं ते जियंति जए	॥ १६ ॥
एयगुणाराहणओ जो जो धम्मो जया जया कोई ।	
कीरइ सो परिणामे अमयं व सुहावहो होइ	॥ १७ ॥
तिहुयणजणनमणिज्जो जिणो सया परमभत्तिमंतेहिं ।	
पुज्जो नमंसणिज्जो संभरणिज्जो विहाणेणं	॥ १८ ॥
पंचविहायारपर परोवयारुज्जया सया कालं ।	
गुणिणो मुणिणो य मणे गुरुत्तणेणं ठवेयव्वा	॥ १९ ॥
संझादुगसज्झाओ पच्चक्खाणं खणे खणे परमं ।	
चित्तमलपावणाओ य भावणाओ सरेयव्वा	॥ २० ॥

दुदंतेदियदमणं समणं कामाइवइरिवग्गस्स । पियपुव्वाभासित्तं सुयणत्तमकित्तिमं चेव	॥ २१ ॥
साहम्मियवच्छल्लं सत्तीइ तवो सुपत्तदाणं च । सीलविसुद्धी सद्धा सययं सद्धम्मकरणम्मि	॥ २२ ॥
नवनवसत्थब्भासो नवनवगुणअज्जणे असंतोसो । अप्पसमाहिय गुणगामधामजणमज्झसंवासो	॥ २३ ॥
सीलंगसंगसुहगं समणत्तणमप्पमत्तचित्तेणं । कइया णु मए कज्जं ? खणे खणे इय विचित्तेज्जा	॥ २४ ॥
मुणिचंदायरियाणं उवएसाणं इमाण कयपुत्ता । भविया हवंति भायणमकलंकगुणा परं केई	॥ २५ ॥

पू.आ.श्रीमुनिचन्द्रसूरिविरचितम्

॥ उपदेशामृताकुलकम् ॥

वरहेमसमसरीरो वीरो संपत्तमोहमलतीरो । साहियसिवनयरपहो सुरविहियमहामहो जयइ	॥ १ ॥
लद्धे माणुसजम्मे रम्मे निम्मलकुलाइगुणकलिए । घडियव्वं मोक्खकए णरेण बहुबुद्धिणा धणियं	॥ २ ॥
धम्मो अत्थो कामो जओ न परिणामसुंदरा एए । किपागपाग-खललोयसंग-विसभोयणसमाणा	॥ ३ ॥
जम्मि न संसारभयं जम्मि न मोक्खाभिलासलेसो वि । इहं धम्मो सो नेव उ विणा कओ जो जिणाणाए	॥ ४ ॥
पावाणुबंधिणो च्चिय मायाइमहल्ल सल्लदोसेणं । एत्तो भोगा भुयग व्व भीसणा वसणसयहेऊ	॥ ५ ॥
जो पुण खमापहाणो परूविओ पुरिसपुंडरीएहिं । सो धम्मो मोक्खो च्चिय जमक्खओ तप्फलं मोक्खो	॥ ६ ॥

पच्चक्खमेव अत्थो कामो य अणत्थहेउभावेणं ।	
दीसंति परिणमंता किमहियमिय भाणियव्वमओ?	॥ ७ ॥
इयविवरीओ मोक्खो जमेत्थ नो मच्चुकेसरिकिसोरो ।	
हिंडइ उदंडमकंडखंडियासेसजीवमिओ	॥ ८ ॥
जोव्वणवणदावानलजालामाला ण एत्थ अत्थि जर ।	
नो दुद्धरो समुद्धरमयरद्धय सरविसरपंसरो	॥ ९ ॥
नो लोभभुयंगमसंगमो वि नो कोहकोहउच्छलो ।	
तह नो अन्नकसाओ ण विसाओ नो मयप्प्रिसाओ	॥ १० ॥
वल्लहलोगवियोगो दुहमूलं जत्थ नत्थि तह रागो ।	
किं बहुणा जो दोसो सव्वो जत्थाकयपदोसो?	॥ ११ ॥
लोयालोयविलोयणलोयणसमणाणदंसणालोया ।	
साहीणाऽणोवमसोक्खसंगया होंति तत्थ जिआ	॥ १२ ॥
जह खज्जोओ पज्जोयणाउ तह जदभिलासमेत्ताओ ।	
भुवणब्भुयो वि विभवो ण किंचि तेणुत्तमो मोक्खो	॥ १३ ॥
तं सद्दंसणणाणाइकज्जमज्जा जओ पवज्जंति ।	
तो तुब्भे एएसुं गुणेसु सत्तीएँ वट्टेज्जा	॥ १४ ॥
निच्चं तिकालचीवंदणेण विहिविविहपूयपुव्वेण ।	
चेइयकज्जाणं बहुविहाणमइनिउणकरणेणं	॥ १५ ॥
आयारपराण बहुस्सुयाण सुमुणीण वंदणेणं च ।	
बहुणा बहुमाणेणं गुणीसु तह वच्छलत्तेणं	॥ १६ ॥
संकाइसल्लपडिपेल्लणेण सइ दंसणं विसोहेज्जा ।	
तह जिणजम्मणठाणाइदंसणेणं जओ भणियं	॥ १७ ॥
जम्मणनिक्खमणाइसु तित्थयरारणं महाणुभावाणं ।	
एत्थं च जिणवराणं आगाढं दंसणं होइ	॥ १८ ॥

णाणं च पुण सुतित्थे विहिणा सिद्धंतसारसवणेणं ।	
नवनवसुअपढणेणं गुणणेणं पुव्वपढियस्स	॥ १९ ॥
कालाइविवज्जयवज्जणेण तत्ताणुपेहेणेणं च ।	
परियाणियसमयाए संगेण समाण धम्माणं	॥ २० ॥
सोहेज्ज चरित्तं पि हु आसवदारदढसन्नरोहेणं ।	
सइ उत्तरुत्तराणं गुणाणमहिलासकरणेणं	॥ २१ ॥
जह सुमिणो जह मियतण्हियाउ जह इंदजालकीलाओ ।	
जह बालधूलिहरविलसियाइं तह एस जियलोओ	॥ २२ ॥
एत्थ विहवी अविहवी सुही वि असुही गुणी वि किल अगुणी ।	
बंधू वि सिय अबंधू धी अणवत्थो भवत्थजणो	॥ २३ ॥
इय भावणाबलेणं सत्तीएँ तवेण पत्तदाणेणं ।	
अइर्नियइंदियबंदियाण निक्कंदणेण तहा	॥ २४ ॥
एए नियफलवंतो सुद्धा संतो भवंति जेण गुणा ।	
तो तेसिमसोहिसमावहाइं वज्जेज्ज ठाणाइं	॥ २५ ॥
सुज्झंतेसु इमेसुं दिणम्मि कमलायरव्व समकालं ।	
सवियासा सेसगुणा भवंति अच्चब्भुयब्भूया	॥ २६ ॥
गंभीरत्तणसुयणत्तणाइं दक्खिन्नमपरपेसुन्नं ।	
दूरमपारं कारुन्नपुत्रओ तह नओ विणओ	॥ २७ ॥
लोयाणुवित्तिकुसलत्तमुत्तमं चिरपरूढिच्छंत्तो ।	
एसो वि अज्जकालियजणो जहा मग्गमोयरइ	॥ २८ ॥
परमिह संतोससुहं कल्लणमुहं समुज्जला कित्ती ।	
पेच्चा अच्चवंतसुहो सग्गो तत्तोऽपवग्गो य	॥ २९ ॥
सइंसणाइरयणत्तयस्स लाभे पलालपूलनिभा ।	
चित्तामणिसुरतरुकामधेणुनिहिणो खणा होंति	॥ ३० ॥

सो च्विय जए सुजाओ सो च्विय संपन्नपत्थियत्थो य ।
नीसेसगुणसमग्गो सिवमग्गो जेण संपत्तो ॥ ३१ ॥

तुब्भे उवएसाऽमयमेयं पाऊण सयलमुणिचंदा ! ।
होउमजरामरपयं जह लहह तहा जएज्जाह ॥ ३२ ॥

पू.आ.श्रीमुनिचन्द्रसूरिविरचितम्

॥ शोकनिवारणकुलकम् ॥

सुहभावणावसाओ सोयपिसाओ सुहेण जस्स तया ।
वसमुवगओ स वीरो सुरगिरिधीरो चिरं जयंउ ॥ १ ॥

सोयानलकलियाणं जियाण परिगलियमणविवेगाणं ।
णवजलहरजलसरिसं उवएसं किंपि जंपेमि ॥ २ ॥

पिच्छह दिणराईओ आउय(यं)मे पुणोयं पुणो घित्तुं ।
जंति नईओ इव नो कर्हिं वि पुण पडिनियतंति ॥ ३ ॥

अणुसमयमयं देहो खज्जंतो नज्जए न केणावि ।
आमघडो व्व जलगओ दीसइ सहसा परं भिन्नो ॥ ४ ॥

सइ सन्निहियावाओ काओ वसणाण संपयाउ पर्यं ।
सवियोगा संयोगा सव्वमहो भंगुरसरूवं ॥ ५ ॥

जम्मि दिणे किर जीवो गब्भे संकमइ तद्दिणप्पभिइं ।
अखलियपयाणमेसो मच्चुसमीवे समल्लियइ ॥ ६ ॥

वज्झट्टाणाभिमुहं जह वज्झो जाइ नियपएहिं तहा ।
जमसन्निहाणमेसो जाइ जणो कालगलणेणं ॥ ७ ॥

नियमत्थओवरिगयं जइ मच्चुं पेच्छई इमो लोगो ।
तो नाहारे वि रुइं करेज्ज किमकज्जकरणम्मि ? ॥ ८ ॥

मरमाणे य सुए तह बंधू अन्ने वि पाणिणो नियइं ।
ही परिसुन्नमणो कह ण जणो मच्चुं विचित्तेइ ? ॥ ९ ॥

ता अज्ज वि आरंभा फुरंति निरवग्गहा जणाण मणे ।	
जाव जममुग्गदंडं चिताविसयं न ते नेंति	॥ १० ॥
होज्जा जस्स जमेणं सह मेत्ती जो हवेज्ज अमरो वा ।	
जुज्जेज्ज तस्स वोत्तुं कल्लम्मि इमं करिस्साभि	॥ ११ ॥
समजाइवओरूवे मच्चुहए जंतुणो नियंतो वि ।	
उव्विज्जइ जं न जणो तं नूणं वज्जमयहियओ	॥ १२ ॥
पउरजरकेसरभासुरेण गुरुरोगकाणणगएणं ।	
मच्चुहरिणा जणोऽयं समंतओ पाविओ तासं	॥ १३ ॥
तम्हा बुहो पभाए पडिबुद्धो निच्चमेव चित्तेज्जा ।	
अज्ज विओगो रोगो मरणं वा किं पि नो पडिही	॥ १४ ॥
जह पिप्पलजललग्गो जलबिंदू पवणताडिओ न थिरो ।	
तह जीवियं जियाणं अणेयवसणाउलं जाण	॥ १५ ॥
कथ गया रायाणो सगराई सबलवाहणा जेसिं ।	
अज्ज वि इमा मही किर विओगसक्खित्तणं वहइ	॥ १६ ॥
एवं सच्छंदचरे मच्चुम्मि चलेसु जोव्वणधणेसु ।	
कथ इमो पडिबंधं परिणइपिच्छी जणो कुणइ ?	॥ १७ ॥
इय तियसिंदसहस्सा चक्कहराईण सयसहस्साइं ।	
दीव व्व वाउंणा पाविंयाइ कालेण निहणपयं	॥ १८ ॥
मच्चुमणागयकाले वि संपयं चिय उवट्टियं जाण ।	
जम्हा इमो वि कालो तव पुव्वमणागओ आसि	॥ १९ ॥
जंपि कुणंतो जीवो जायइ सुहसंगओ तयं चव ।	
कज्जं समायरंतो कालवसा दुक्खिओ होइ	॥ २० ॥
णइपूरे पडियाणं दारूण समागमो जहा होइ ।	
तत्तो पुणो विओगो इय जीवाणं पि संसारे	॥ २१ ॥

ता तप्पन्ति न हियए वीरा पत्ते वि पियविओगम्मि । एवंविहो च्चिय भवो किमिह अपुव्वं समुप्पण्णं?	॥ २२ ॥
अत्थमणंतो दिवसो रविउदयंता य सव्वरी होइ । अन्नोऽन्नंतरियाइं सुहदुक्खाइं पि जीवाणं	॥ २३ ॥
तह सोगे कीरंते रूवं परिगलइ टलइ देहबलं । नासइ नाणं मा माणसम्मि सोगं जणा ! कुणह	॥ २४ ॥
जह संपइ अन्नजणं मयमणुसोयसि तहा तुमं पि इमो । कयवइदिणावसाणे बंधुजणो सोइही लग्गो	॥ २५ ॥
एत्तो च्चिय जे धीरा परम्महा होंति सव्वसंगेसुं । जं संगमूलमेयं दुक्खं जीवाण संसारे	॥ २६ ॥
तस्स न जसो न धम्मो न चेव अत्थो न किं पि कल्लणं । अन्नं पि अत्थि नट्टं जो मूढमणो विचिंतेइ	॥ २७ ॥
सोगो नासेइ मइं सुबहुं पि सुयं विणासई सोगो । सोगो धीनासकरो सोगसरिच्छे रिवू णत्थि	॥ २८ ॥
मइमं सुयसच्छच्छे जो होइ जिइंदिओ दमियचित्तो । सो च्चिय दुक्खकरालं जणो जिणइ सोगवेयालं	॥ २९ ॥
ता उज्झियसोगभरा तुब्भे होरुण जिणमयं सरह । जेण न रोगो सोगो इट्ठवियोगो पुणो होइ	॥ ३० ॥
वयसुद्धी सज्झाओ ज्ञाणं दाणं जिणिंदपूया य । एमाइकुसलकज्जुज्जमेण दियहा गमेयव्वा	॥ ३१ ॥
ते धुयकिलेसलेसा न सोयवसवत्तिणो दढं होंति । एयं उवएसामयमणुदिवसं जे पियंति जणा	॥ ३२ ॥
मुणिचंदायरियाणं उवएसाणं सुहासरिच्छणं । एयारिसाण विरला केइ परं भायणं होंति	॥ ३३ ॥

पू.आ.श्रीमुनिचन्द्रसूरिविरचितम्

॥ रत्नत्रयकुलकम् ॥

- चंदद्धसमणिडालं झंपियनिस्सेसकुगइपायालं ।
मंगलकमलमरालं वंदे वीरं गुणविसालं ॥ १ ॥
- लद्धे माणुसजम्मे रम्मे निम्मलकुलाइगुणकलिए ।
घडियव्वं मोक्खकए णरेण बहुबुद्धिणा धणियं ॥ २ ॥
- देवगुरुधम्मतत्ते वित्राए मोक्खसंभवो भविणो ।
अमुणियमग्गसरूवा ण इट्ठपुरगामिणो होंति ॥ ३ ॥
- जियरागो जियदोसो जियमोहो जो मओ स इह देवो ।
अरिहंतो च्चिय सो पुण नउ अत्रे हरिहराईया ॥ ४ ॥
- भवविसतरुबीयसमा दोसा रागाइणो जयस्सावि ।
जे सामन्नामन्नाण ताण कह होउ देवत्तं ? ॥ ५ ॥
- सरयससिसोमरूवो सुरपयडियपाडिहेरमाहप्पो ।
परमपयसत्थवाहो भवसागरपारगो भगवं ॥ ६ ॥
- एसो च्चिय णमणिज्जो णमंसणिज्जो य पूयणिज्जो य ।
संभरणिज्जो महया तोसेण निभालणिज्जो य ॥ ७ ॥
- जो जारिसओ देवो तारिसमाराहिओ फलं देई ।
न कयाइ निंबरुक्खा फलंति कप्पदुमफलाइं ॥ ८ ॥
- णिव्वाणसोक्खसामी सव्वन्नु च्चिय निसेविए तम्मि ।
अवियप्पेण मणेट्टं लब्भइ भव्वेहि सिद्धिसुहं ॥ ९ ॥
- सयलभुवणेक्कबंधू अइसयसयरयणरोहणगिरिंदो ।
देविंदचंदमहिओ धन्नाण जिणो हवइ देवो ॥ १० ॥
- अमलियसीलसहावा उवसमजलखलियमयणवणदावा ।
परियाणियसब्भावा जे निम्मलफलिसमभावा ॥ ११ ॥

चंदकिरणुज्जलाइं चिंतामणिकामधेणुसरिसाइं ।	
पंच वि महव्वयाइं सुविणे वि ण जेसिं खलियाइं	॥ १२ ॥
सेवियगुरुकुलवासा सम्मं विन्नायपवयणरहस्सा ।	
एसणगवेसणासु य जे दढमारूढपरिणामा	॥ १३ ॥
जे जीवियमरणेसुं लाभालाभेसु सुक्खदुक्खेसु ।	
पूयापूयासु तहा नो विसममणा मणागं पि	॥ १४ ॥
जे दूसमावसेण वि पायं पडिखलियसुयणसीलेण ।	
दोसदुमवारिणा दारुणेण नो निहयमाहप्पा	॥ १५ ॥
जेसिं सीलंगाइं सुरनरसिवसोक्खसाहणंगाइं ।	
नो पावियभंगाइं कर्हिं चि हयमयणरंगाइं	॥ १६ ॥
कारुन्नपुत्रहियया दक्खिन्नमहोयही महासत्ता ।	
जे साहुणो तए च्चिय हवंति गुरुणो गुणिजणाणं	॥ १७ ॥
जेसिमकल्लाणाइं निहणं पत्ताइं जेसिं सुहरिद्धी ।	
सन्निहिया तेहि इमे गुरुणो परियाणिया होंति	॥ १८ ॥
जत्थ दया जीवाणं जत्थ जिणो देवया गुरु गुणिणो ।	
सो च्चिय धम्मो धम्मियजणाण धम्मो ति पडिहाइ	॥ १९ ॥
एणो तत्थ गिहीणं अन्नो साहूण तत्थ गिहिधम्मो ।	
पूया जिणाण दाणं मुणीण निम्महियमोहाणं	॥ २० ॥
साहम्मियजणपीईं गुरुजणसुस्सूसणं सुनिउणं च ।	
दूरमणुव्वयसुद्धी बुद्धी सज्झायझाणेसु	॥ २१ ॥
नयसारो ववहारो उदारभावेण दीणदाणाईं ।	
कज्जाणं च विवज्जणमइसावज्जाण दूरेणं	॥ २२ ॥
पाणिवहाईयाणं पावट्टाणाण जावजीवं पि ।	
जं सव्वहा विवज्जणमेसो धम्मो जईण पुणो	॥ २३ ॥

एसो देवो एसो गुरू य धम्मो य एस न उ अन्नो । इय पडिवत्तिपराणं सम्मत्तं होइ सत्ताणं	॥ २४ ॥
सम्मत्ताउ ण अन्नो बंधू व पिया व होज्ज जीवाणं । नो मित्तं न निहाणं ण पिहाणं नरयदारस्स	॥ २५ ॥
एगम्मि वि सम्मत्ते लद्धे लब्भंति सयलसोक्खाइं । चित्तामणिम्मि एगम्मि चेव जह चित्तियफलाइं	॥ २६ ॥
इह जीवियमरणाणं अमयविसाणं जह किल विरोहो । तह सम्मत्तगुणाणं वियाण मिच्छत्तदोसाणं	॥ २७ ॥
ता मिच्छत्तपवित्तिं तिविहं तिविहेण जावजीवाए । सुविणे वि मा कुणिज्जसु सुंदरगुणहाणिसंजणणिं	॥ २८ ॥
धन्ना पाविति इमं धन्नयरा पावियं पि पालेति । ततो विय धन्नतमा निययफलेणं फलावेति	॥ २९ ॥
पीऊसपाणसरिसो एसुवएसो मणे परिणयम्मि । एयम्मि कुभावविसं विसमं पि समं पव्रज्जेइ	॥ ३० ॥
रयणत्तयकुलयमिणं रइयं मुणिचंदसूरिणा सम्मं । भव्वा भावेता पुण कम्मक्खयहेउसंपत्ता	॥ ३१ ॥

सिरिसोमसुंदरसूरिविरइयं

॥ गुणानुरागकुलकम् ॥

सयलकल्लणनिलयं, नमिऊण तित्थनाहपयकमलं । परगुणगहणसरूवं, भणामि सोहग्गसिरिजणयं	॥ १ ॥
उत्तम गुणाणुराओ, निवसइ हिययम्मि जस्स पुरिसस्स । आतित्थयरपयाओ, न दुल्लहा तस्स रिद्धीओ	॥ २ ॥

ते धन्ना ते पुत्रा, तेसु पणामो हविज्ज मह निच्चं ।	
जेसिं गुणाणुराओ, अकित्तिमो होइ अणवरयं	॥ ३ ॥
किं बहुणा भणिएणं, किं वा तविएण किं व दाणेणं ।	
इक्कं गुणाणुरायं, सिक्खह सुक्खाण कुलभवणं	॥ ४ ॥
जइ वि चरसि तवं विउलं, पढसि सुयं करिसि विविहकट्टाइं ।	
न धरसि गुणाणुरायं, परेसु ता निप्फलं सयलं	॥ ५ ॥
सोऊण गुणुकरिसं, अन्नस्स करेसि मच्छं जइ वि ।	
ता नूणं संसारे, पराहवं सहसि सव्वत्थ ।	॥ ६ ॥
गुणवंताण नराणं, ईसाभरतिमिरपूरिओ भणसि ।	
जइ कह वि दोसलेसं, ता भमसि भवे अपारम्मि	॥ ७ ॥
जं अब्भसेई जीवो, गुणं च दोसं च इत्थ जम्मम्मि ।	
तं परलोए पावई, अब्भासेणं पुणो तेणं ।	॥ ८ ॥
जो जंपइ परदोसे, गुणसयभरिओ वि मच्छभरेणं ।	
सो विउसाणमसारो, पलालपुंज व्व पडिभाइ	॥ ९ ॥
जो परदोसे गिण्हइ, संतासंते वि दुट्ठभावेणं ।	
सो अप्पाणं बंधइ, पावेण निरत्थएणावि	॥ १० ॥
तं नियमा मुत्तव्वं, जत्तो उपज्जए कसायग्गी ।	
तं वत्थुं धारिज्जा जेणोवसमो कसायाणं	॥ ११ ॥
जइ इच्छह गुरुयत्तं, तिहुयणमज्झम्मि अप्पणो नियमा ।	
ता सव्वपयत्तेणं, पदरदोसविवज्जणं कुणह	॥ १२ ॥
चउहा पसंसणिज्जा, पुरिसा सव्वुत्तमुत्तमा लोए ।	
उत्तम उत्तम उत्तम, मज्झिमं भवा य सव्वेसिं	॥ १३ ॥
जे अहम अहम अहमा, गुरूकम्मा धम्मवज्जिया पुरिसा ।	
ते वि य न निंदणिज्जा, किंतु दया तेसु कायव्वा	॥ १४ ॥

पच्चंगुब्भडजुव्वतीणं सुरहिसारदेहाणं ।	
जुवईणं मज्झगओ, सव्वुत्तम रूववंतीणं	॥ १५ ॥
आजम्म बंभयारी, मणवयकाएहिं जो धरइ सीलं ।	
सव्वुत्तमुत्तमो पुण, सो पुरीसो सव्वनमणिज्जो	॥ १६ ॥
एवंविह जुवइगओ, जो रागी हुज्ज कह वि इग समयं ।	
बीयसमयम्मि निंदइ, तं पावं सव्वभावेणं	॥ १७ ॥
जम्मम्मि तम्मि न पुणो, हविज्ज रागो मणम्मि जस्स कया ।	
सो होइ उत्तमुत्तम, रूवो पुरिसो महासत्तो	॥ १८ ॥
पिच्छई जुवईरूवं, मणसा चिंतेई अहव खणमेगं ।	
जो न चरइ अकज्जं, पत्थिज्जंतो वि इत्थीहिं	॥ १९ ॥
साहू वा सइढो वा सदारसंतोससायरो हुज्जा ।	
सो उत्तमो मणुस्सो, नायव्वो थोवसंसारो	॥ २० ॥
पुरिसत्थेसु पवट्टइ, जो पुरिसो धम्मअत्थपमुहेसु ।	
अनुत्तमव्वाबाहं, मज्जिमरूवो हवइ एसो	॥ २१ ॥
एएसिं पुरिसाणं, जइ गुणगहणं करेसि बहुमाणा ।	
तो आसन्नसिवसुहो, होसि तुमं नत्थि सदेहो	॥ २२ ॥
पासत्थाइसु अहुणा, संजमसिढिलेसु मुक्कजोगेसु ।	
नो गरिहा कायव्वा, नेव परससा सहामज्जे	॥ २३ ॥
कारुण तेसुं करुणं, जइ मन्नइ तो पयास्सए मग्गं ।	
अह रूसइ तो नियमा, न तेसिं दोसं पयासेइ	॥ २४ ॥
संपइ दूसमसमए, दीसइ थोवो वि जस्स धम्मगुणो ।	
बहुमाणो कायव्वो तस्स सया धम्मबुद्धीए	॥ २५ ॥
जउ परगच्छि सगच्छे, जे संविग्गा बहुस्सुया मुणिणो ;	
तेसिं गुणाणुसयं, मा मुंचसु मच्छरप्पहओ	॥ २६ ॥

गुणरयणमंडियाणं, बहुमाणं जो करेइ सुद्धमणो ;
 सुलहा अन्नभवम्मि य, तस्स गुणा हुंति नियमेण ॥ २७ ॥
 एयं गुणाणुरायं, सम्मं जो धरइ धरणि मज्झम्मि ;
 सिरिसोमसुंदरपयं, सो पावइ सव्वनमणिज्जं ॥ २८ ॥

सिरिसोमसुंदरसूरिविरइयं

॥ संविज्ञसाधुयोग्यनियमकुलकम् ॥

भुवणिक्कपइवसमं, वीरं नियगुरुपए अ नमिऊणं ।
 चिरइअरदिक्खिआणं, जुगो नियमे पवक्खामि ॥ १ ॥
 निअउअरपूरणफला, आजीविअमित्तं होइ पवज्जा ।
 धूलिहडीरयत्तण-सरिसा, सव्वेसिं हसणिज्जा ॥ २ ॥
 तम्हा पंचायारा-रहणहेउं गहिज्ज इअ निअमे ।
 लोआइकट्टरूवा, पव्वज्जा जह भवे सफला ॥ ३ ॥
 नाणाऽरहणहेउं, पइदिअहं पंचगाहपढणं मे ।
 परिवाडीओ गिण्हे, पणगाहा णं च सट्ठा य ॥ ४ ॥
 अण्णेसिं पढणत्थं, पण गाहाओ लिहेमि तह निच्चं ।
 परिवाडीओ पंच य, देमि पढंताण पइदियहं ॥ ५ ॥
 वासासु पंचसया, अट्टय सिसिरे अ तिन्नि गिम्हम्मि ।
 पइदियहं सज्जायं, करेमि सिद्धंतगुणणेणं ॥ ६ ॥
 परमिट्ठिनवपयाणं, सयमेगं पइदिणं सरामि अहं ।
 अह दंसणआयारे, गहेमि निअमे इमे सम्मं ॥ ७ ॥
 देवे वंदे निच्चं, पणसक्कत्थएहिं एकवारमहं ।
 दो तिन्निय वा वारा, पइजामं वा जहासत्ति ॥ ८ ॥

अट्टमीचउद्दसीसुं, सव्वाणि वि चेइयाइं वंदिज्जा ।	
सव्वे वि तथा मुणिणो, सेसदिणे चेइअं इक्कं	॥ ९ ॥
पइदिणं तिन्नि वारा, जिट्टे साहू नमामि निअमेणं ।	
वेयावच्चं किंची, गिलाण वुड्ढाइणं कुव्वे	॥ १० ॥
अह चारित्तायारे, निअमग्गहणं करेमि भावेणं ।	
बहिभूगमणाईसुं, वज्जे वत्ताइं इरियत्थं	॥ ११ ॥
अपमज्जियगमणम्मि असंडासपमज्जिउं च उवविसणे ।	
पाउंछणयं च विणा, उवविसणे पंचनमुक्कार	॥ १२ ॥
उग्घाडेण मुहेपं, नो भासे अहव जत्तिया वारा ।	
भासे तत्तिअमित्ता, लोगस्स करेमि उस्सग्गं	॥ १३ ॥
असणे तह पडिक्कमणे, वयणं वज्जे विसेसकज्ज विणा ।	
सक्कियमुवहिं च तथा, पडिलेहंतो न बेमि सया	॥ १४ ॥
अन्नजले लब्भंते, विहरे नो धावणं सकज्जेणं ।	
अगलिअजलं न विहरे, जरखाणीयं विसेसेणं	॥ १५ ॥
सक्कियमुवहिमाइ, पमज्जिउं निक्खिवेमि गिण्हेमि ।	
जइ न पमज्जेमि तओ, तत्थेव कहेमि नमुक्कारं	॥ १६ ॥
जत्थ व तत्थ व उज्झणि, दंडगउवहीण अंबिलं कुव्वे ।	
सयमेगं सज्झायं, उस्सग्गे वा गुणेमि अहं	॥ १७ ॥
मत्तगपरिद्ववणम्मि अ, जीवविणासे करेमि निव्वियं ।	
अविहीइ विहरिरुणं, परिठवणे अंबिलं कुव्वे	॥ १८ ॥
अणुजाणह जस्सुग्गह, कहेमि उच्चारमत्तगठाणे ।	
तह सन्नाडगलगजोग, कप्पतिपाइ वोसिरे तिगं	॥ १९ ॥
रागमये मणवयणे, इक्किक्कं निव्वियं करेमि अहं ।	
कायकुचिट्ठाए पुणो, उववासं अंबिलं वा वि	॥ २० ॥

बेंदियमाईण वहे, इंदिअसंखा करेमि निव्वियया ।	
भयकोहाइवसेणं, अलीयवयणम्मि अंबिलयं	॥ २१ ॥
पढमालियाइ न गिण्हे, घयाइवत्थूण गुरुअदिट्ठुणं ।	
दंडगतप्पणगाइ, अदिन्नगहणे य अंबिलयं	॥ २२ ॥
एगित्थीहिं वत्तं, न करे परिवाडिदाणमवि तार्सि ।	
इगवरिसारिहमुवहि, ठावे अहिगं न ठावेमि	॥ २३ ॥
पत्तग टुप्परगाइ, पत्तरस उवारीं न चेव ठावेमि ।	
आहाराण चउण्हं, रोगे वि अ संनिहिं न करे	॥ २४ ॥
महारोगे वि अ काढं, न करेमि निसाइ पाणीयं न पिबे ।	
सायं दो घडियाणं, मज्जे नीरं न पिबेमि	॥ २५ ॥
अहवा निच्छिअ सूरु, काले नीरं करेमि सायकालं ।	
अणहारोसहसंनिहि, -मवि नो ठावेमि वसहीए	॥ २६ ॥
तवआयारे गिण्हे, अह नियमे कइवए ससत्तीए ।	
ओगाहियं न कप्पइ, छट्टाइतवं विणा जोगं	॥ २७ ॥
निव्वियतिगं च अंबिल-दुगं च विणु नो करेमि विगयमहं ।	
विगइदिणे खंडाई-गकार नियमो अ जाजीवं	॥ २८ ॥
निव्विअयाइं न गिण्हे, निव्वियतिगमज्झि विगइदिवसे अ ।	
विगइं नो गिण्हेमि अ, दुत्ति दिणे कारणं मुत्तुं	॥ २९ ॥
अट्टमीचउदसीसुं, करे अहं निव्वियाइं तिन्नेव ।	
अंबिलदुगं च कुव्वे, उववासं वा जहासत्ति	॥ ३० ॥
दव्वखित्ताइगया, दिणे दिणे अभिग्गहा गहेअव्वा ।	
जीयम्मि जओ भणिअं, पच्छित्तमभिग्गहाभावे	॥ ३१ ॥
विरियायारनियमे, गिण्हे केइ अवि जहासत्ति ।	
दिणपणगाहाइणं, अत्थं गिण्हे मणेण सया	॥ ३२ ॥

पणवारं दिणमज्झे, पमाययंताण देमि हियसिक्खं । एणं परिट्टवेमि अ, मत्तयं सव्वसाहूणं	॥ ३३ ॥
चउवीसं वीसंवा, ल्लोगस्स करेमि काउसग्गम्मि । कम्मखयट्ठा पइदिण, सज्झायं वा वि तम्मिंतं	॥ ३४ ॥
निद्दाइपमाएणं, मंडलिभंगे करेमि अंबिलयं । नियमा करेमि एणं, विस्सामणयं च साहूणं	॥ ३५ ॥
सेहगिलाणाइणं, विणा वि संघाडयाईसंबंधं । पडिलेहणमल्लगपरि-ठवणाइ कुव्वे जहासत्ति	॥ ३६ ॥
वसहीपवेसि निग्गम्मि, निसीहिआवस्सियाण विस्सरणे । पायाऽपमज्जणे वि य, तत्थेव कहेमि नवकारं	॥ ३७ ॥
भयवं पसाउ करिउं, इच्छइ अभासणाम्मि वुड्ढेसु । इच्छकाराऽकरणे, लहुसु साहूसु कज्जेसु	॥ ३८ ॥
सव्वत्थ वि खलिएसुं, मिच्छकारस्स अकरणे तह य । सयमन्नाउ वि सरिए, कहियव्वो पंच नवकारो	॥ ३९ ॥
वुड्ढस्स विणा पुच्छं, विसेसवत्थुं न देमि गिण्हे वा । अत्रं पि अ महकज्जं, वुड्ढं पुच्छिय करेमि सया	॥ ४० ॥
दुब्बलसंघयणाण वि, एए नियमा सुहावहा पायं । किंचिवि वेरगेणं, गिहिवासो छड्डिओ जेहिं	॥ ४१ ॥
संपइकाले वि इमं, काउं सक्के करेइ नो निअमे । सो साहुत्तगिहित्तण-उभयभट्टो मुणेयव्वो,	॥ ४२ ॥
जस्स हिअयम्मि भावो, थोवो वि न होइ नियमगहणाम्मि । तस्स कहणं निरत्थय, -मसिरावणि कूवखणणं व	॥ ४३ ॥
संघयणकालबलदूसमा, -रयालंबणाइं धित्तूणं । सव्वं चिअ निअमधुरं, निरुज्जमाओ पमुच्चंति	॥ ४४ ॥

वुच्छिन्नो जिणकप्पो, पडिमाकप्पो अ संपइ नत्थि ।
 सुद्धो अ थेर कप्पो, संघयणार्इण हाणीए ॥ ४५ ॥
 तह वि जइ एअ नियमा-रंहणविहिए जएज्ज चरणम्मि ।
 सम्ममुवउत्तचित्तो, तो नियमाराहगो होइ ॥ ४६ ॥
 एए सव्वे नियमा, जे सम्मं पालयंति वेरग्गा ।
 तेसिं दिक्खा गहिआ, सहला सिवसुहफलं देइ ॥ ४७ ॥

सिरिदेविंदसूरिविरइयं

॥ दानकुलकम् ॥

परिहरिअ रज्जसारो, उप्पाडिअ संजमिक्कगुरुभारो ।
 खंधाउ देवदूसं, विअरंतो जयउ वीरज्जिणो ॥ १ ॥
 धम्मत्थकामभेया, तिविहं दाणं जयम्मि विक्खायं ।
 तह वि अ जिणिंदमुणिणो, धम्मियदाणं पसंसंति ॥ २ ॥
 दाणं सोहग्गकरं, दाणं आरुग्गकारणं परमं ।
 दाणं भोगनिहाणं, दाणं ठाणं गुणगणाणं ॥ ३ ॥
 दाणेण फुरइ कित्ती, दाणेण होइ निम्मला कंती ।
 दाणावज्जिअहिअओ, वइरो वि हु पाणियं वहइ ॥ ४ ॥
 धणसत्थवाहजम्मे, जं घयदाणं कयं सुसाहूणं ।
 तक्कारणमुसभजिणो तेलुक्कपियामहो जाओ ॥ ५ ॥
 करुणार्इ दिन्नदाणो, जम्मंतरगहिअपुत्रकिरिआणो ।
 तित्थयरचक्करिंदि, संपत्तो संतिनाहो वि ॥ ६ ॥
 पंचसयसाहुभोयण, दाणावज्जिअसुपुन्नपब्भारो ।
 अच्छरिअ चरिअ भरिओ, भरहो भरहाहिवो जाओ ॥ ७ ॥

मूळं विणा वि दाउं, गिलाणपडिअरणजोगवत्थूणि ।	
सिद्धो अ रयणकंबल-चंदणवणिओ वि तम्मि भवे	॥ ८ ॥
दारुण खीरदाणं, तवेण सुसिअंगसाहुणो धणिअं ।	
जणजणिअचमक्कारो, संजाओ सालिभद्दो वि	॥ ९ ॥
जम्मंतरदाणाओ, उल्लसिआऽपुव्वकुसलझाणाओ ।	
कयउन्नो कयपुन्नो, भोगाणं भायणं जाओ	॥ १० ॥
घयपूस वत्थपूसा, महरिसिणो दोसलेसपरिहीणा ।	
लद्धीइ सयलगच्छे-वग्गहगा सुहगइं पत्ता	॥ ११ ॥
जीवंतसामिपडिमाए, सासणं विअरिऊण भत्तीए ।	
पव्वइऊण सिद्धो, उदाइणो चरमरायरिसी	॥ १२ ॥
जिणहरमंडिअवसुहो, दाउं अणुकंपभत्तिदाणाई ।	
तित्थप्पभावगरेहिं, संपत्तो संपइराया	॥ १३ ॥
दाउं सद्धासुद्धे सुद्धे कुम्मासए महामुणिणो ।	
सिरिमूलदेवकुमारो, रज्जसिर्णि पाविओ गुरुइं	॥ १४ ॥
अइदाणमुहरकविअण, विरइअ सयसंखकव्ववित्थरिअं ।	
विक्कमनरिंदचरिअं, अज्ज वि लोए परिप्फुरइ	॥ १५ ॥
तियलोयबंधवेहिं, तब्भवचरिमेहिं जिणवरिंदेहिं ।	
कयकिच्चेहिं वि दिअं, संवच्छरियं महादाणं	॥ १६ ॥
सिरिसेयंसकुमारो, निस्सेयससामिओ कहं न होइ ।	
फासुअदाणपवाहो, पयासिओ जेण भरहम्मि	॥ १७ ॥
कहं सा न पसंसिज्जइ, चंदणबाला जिणिंददाणेणं ।	
छम्मासिअ तव तविओ, निव्वविओ जीए वीरजिणो	॥ १८ ॥
पढमाइं पारणाई, अकरिसु करंति तह करिस्संति ।	
अरिहंता भगवंता, जस्स घरे तेसिं धुवं सिद्धी	॥ १९ ॥

जिणभवणबिंबपुत्थय, संघसरूवेसु सत्तखित्तेसु ।
वविअं धणं पि जायइ, सिवफल्यमहो अणंतगुणं ॥ २० ॥

सिरिदेविदसूरिविरइयं

॥ शीलकुलकम् ॥

सोहग्गमहानिहिणो, पाए पणमामि नेमिजिणवइणो ।
बालेण भुयबलेणं, जणइणो जेण निज्जिणिओ ॥ १ ॥
सीलं उत्तमवित्तं, सीलं जीवाण मंगलं परमं ।
सीलं दोहग्गहरं, सीलं सुक्खाण कुलभवणं ॥ २ ॥
सीलं धम्मनिहाणं, सीलं पावाण खंडणं भणियं ।
सीलं जंतूण जए, अकित्तिमं मंडणं परमं ॥ ३ ॥
नरयदुवारनिरुंभण, कवाडसंपुडसहोअरच्छयं ।
सुरलोअधवलमंदिर-आरुहणे पवरनिस्सेणं ॥ ४ ॥
सिरिउग्गसेणधूया, रईमई लहउ सीलवई-रेहं ।
गिरिविवरगओ जीए, रहनेमी ठाविओ मग्गे ॥ ५ ॥
पज्जलिओ वि हु जलणो, सीलप्पभावेण पाणीअं होई ।
सा जयउ जए सीआ, जीसे पयडा जस पडया ॥ ६ ॥
चालणीजलेण चंपाए, जीए उग्घाडिअं दुवारतिगं ।
कस्स न हरेइ चित्तं, तीए चरिअं सुभद्दाए ॥ ७ ॥
नंदउ नमयासुंदरी, सा सुचिरं जीए पालिअं सीलं ।
गहिलत्तणं पि काउं, सहिआ य विडंबणा विविहा ॥ ८ ॥
भइं कलावईए, भीसणरत्नम्मि रायचत्ताए ।
जं सा सीलगुणेणं, छिन्नंगा पुणन्नवा जाया ॥ ९ ॥
सीलवईए सीलं, सक्कइ सक्को वि वन्निउं नेव ।
रायनिउत्ता सचिवा, चउरो वि पवंचिआ जीए ॥ १० ॥

सिरिवद्धमाणपहुणा, सुधम्मलाभु त्ति जीए पट्टविओ ।	
सा जयउ जए सुलसा, सारयससिविमलसीलगुणा	॥ ११ ॥
हरिहरबंधपुरंदर-मयभंजण पंचबाणबलदप्पो ।	
लीलाइ जेण दलिओ, स थूलभद्धो दिसउ भद्धं	॥ १२ ॥
मणहरतारुन्नभरे, पत्थिज्जंतो वि तरुणिनियरेणं ।	
सुरगिरिनिच्चलचित्तो, सो वयरमहारिसी जयउ	॥ १३ ॥
थुणित्तं तस्स न सक्का, सड्ढस्स सुदंसणस्स गुणनिवहं ।	
जो विसमसंकडेसु वि, पडिओ वि अखंडसीलधणो	॥ १४ ॥
सुंदरि-सुनंद-चिल्लण-मणोरमा-अंजणा-मिगावई अ ।	
जिणसासणसुपसिद्धा, महासईओ सुहं दिंतु	॥ १५ ॥
अच्चंकारिअ दट्टूण को न धुणइ किर सीसं ।	
जा अखंडिअसीला, भिल्लवईकयत्थिआ वि	॥ १६ ॥
नियमित्तं नियभाया, नियजणओ नियपियामहो वा वि ।	
नियपुत्तो वि कुसीलो, न षल्लहो होइ लोआणं	॥ १७ ॥
सव्वेसिं पि वयाणं, भग्गाणं अत्थि कोइ पडिआरो ।	
पक्कघडस्स व कन्ना, ना होइ सीलं पुणो भग्गं	॥ १८ ॥
वेआलभूअरक्खस-केसरिचित्तयगइंदसप्पाणं ।	
लीलाइ दलइ दप्पं, पालंतो निम्मलं सीलं	॥ १९ ॥
जे केइ कम्ममुक्का, सिद्धा सिज्झंति सिज्झिंहिति तहा ।	
सव्वेसिं तेसिं बलं, विसालसीलस्स माहप्पं	॥ २० ॥

सिरिदेविदसूरिविरइयं

॥ तपःकुलकम् ॥

- सो जयउ जुगाइजिणो, जस्संसे सोहए जडामउडो ।
तवझाणग्गिपज्जलिअ-कम्मिंधणधूमलहरिव्व (=पंतिव्व) ॥ १ ॥
- संवच्छरिअतवेण, काउस्सग्गाम्मि जो ठिओ भयवं ।
पूरिअनिययपइत्तो, हरउ दुरिआइ बाहुबली ॥ २ ॥
- अथिरं पि थिरं वंकं, पि उजुअं दुल्लहं पि तह सुलहं ।
दुस्सज्झं पि सुसज्झं, तवेण संपज्जए कज्जं ॥ ३ ॥
- छट्टं छट्टेण तवं, कुणमाणो पढमगणहरो भयवं ।
अक्खीणमहाणसीओ, सिरिगोयमसामिओ जयउ ॥ ४ ॥
- सोहइ सणकुमारो, तवबलखेलाइलद्धिसंपत्तो ।
निट्टुअ खवडियंगुलिं, सुवन्नसोहं पयासंतो ॥ ५ ॥
- गोबंभगब्भगब्भिणी, बंभिणीघायाइ गुरुअपावाई ।
काऊण वि कणयं पि व, तवेण सुद्धो दढप्पहारी ॥ ६ ॥
- पुव्वभवे तिव्वतवो, तविओ जं नंदिसेण महरिसिणा ।
वसुदेवो तेण पिओ, जाओ खयरीसहस्साणं ॥ ७ ॥
- देवा वि किंकरत्तं, कुणंति कुलजाइविरहिआणं पि ।
तवमंतपभावेणं, हरिकेसबलस्स व रिसिस्स ॥ ८ ॥
- पडसयमेगपडेणं, एगेण घडेण घडसहस्साइं ।
जं किर कुणंति मुणिणो, तवकप्पतरुस्स तं खु फलं ॥ ९ ॥
- अनिआणस्स विहिए तवस्स तविअस्स किं पसंसामो ।
किज्जइ जेण विणासो, निकाईयाणं पि कम्माणं ॥ १० ॥
- अइदुक्करतवकारी, जगगुरूणं कन्हपुच्छिण तंदा ।
वाहरिओ सो महप्पा, समरिज्जओ ढंढणकुमारो ॥ ११ ॥

पइदिवसं सत्तजणे, हाणिऊण(वहिऊण)गहियवीरजिणदिक्खो
 दुग्गाभिग्गहनिरओ, अज्जुणओ मालिओ सिद्धो ॥ १२ ॥
 नंदीसररुअगेसु वि, सुरगिरिसिहरेवि एगफालाए ।
 जंघाचारणमुणिणो, गच्छंति तवप्पभावेणं ॥ १३ ॥
 सेणियपुरओ जेसिं, पसंसिअं सामिणा तवोरूवं ।
 ते धन्ना धन्नमुणी, दुण्ह वि पंचुत्तरे पत्ता ॥ १४ ॥
 सुणिऊण तव सुंदरी-कुमरीए अंबिलाण अणवरयं ।
 सट्ठि वाससहस्सा, भण कस्स न कंपए हिअयं ॥ १५ ॥
 जं विहिअमंबिलतवं, बारसवरिसाईं सिवकुमारेण ।
 तं दट्ठु जंबुरूवं, विम्हइओ सेणिओ राया ॥ १६ ॥
 जिणकप्पिअ परिहारिअ, पडिमापडिवन्नलंदयाईणं ।
 सोऊण तवसरूवं, को अन्नो वहउ तवगव्वं ॥ १७ ॥
 मासद्धमासखवओ, बलभदो रूवं पि हु विरत्तो ।
 सो जयउ रत्नवासी, पडिब्बोहिअ सावयसहस्सो ॥ १८ ॥
 थरहरिअधरं झलहलिअ-सायरं चलयसयलकुलसेलं ।
 जमकासी जयं विण्हु, संघकए तं तवस्स फलं ॥ १९ ॥
 किं बहुणा भणिएण, जं कस्स वि कह वि कत्थ वि सुहाईं ।
 दीसंति(तिहुअण)भवणमज्झे, तत्थ तवो कारणं चेव ॥ २० ॥

सिरिदेविंदसूरिविरइयं

॥ भावकुलकम् ॥

कमठासुरेण रइयम्मि, भीसणे पलयतुल्लजलबोले ।
 भावेण केवललच्छिं, विवाहिओ जयउ पासजिणो ॥ १ ॥
 निच्चुन्नो तंबोलो, पासेण विणा न होइ जह रंगो ।
 तह दाणसीलतवभावणाओ, अहलाओ सव्व भावविणा ॥ २ ॥

मणिमंतओसहीणं, जंततंताण देवयाणं पि ।	
भावेण विणा सिद्धि, न हु दीसइ कस्स वि लोए	॥ ३ ॥
सुहभावणावसेणं, पसन्नचंदो मुहुत्तमित्तेण ।	
खविरुण कम्मगंठि, संपत्तो केवलं नाणं	॥ ४ ॥
सुस्सूसंती पाए, गुरुणीणं गरहिरुण नियदोसे ।	
उप्पन्नदिव्वनाणा, मिगावई जयउ सुहभावा	॥ ५ ॥
भयवं ईलाइपुत्तो, गुरुए वंसम्मि जो समारुढो ।	
दट्टूण मुणिवरिदं सुहभावओ केवली जाओ	॥ ६ ॥
कविलो अ बंभणमुणी, असोगवणिआई मज्झयारम्मि ।	
लाहालोह त्ति पयं, पढंतो (झायंतो) जायजाइसरो	॥ ७ ॥
खवगनिमंतणपुव्वं, वासिअभत्तेण सुद्धभावेण ।	
भुंजंतो वरनाणं, संपत्तो कूरगड्डु वि (कूरगड्डुओ)	॥ ८ ॥
पूव्वभवसूरिविरइअ-नाणासाअणपभावदुम्मेहो ।	
नियनामं झायंतो, 'मा-स-तु-सो' केवली जाओ	॥ ९ ॥
हत्थिम्मि समारुढा, रिद्धि दट्टूण उसभसामिस्स ।	
तक्खण सुहझाणेणं, मरुदेवी सामिणी सिद्धा	॥ १० ॥
पडिजागरमाणीए, जंघाबलखीणमन्निआपुत्तं ।	
संपत्तकेवलाए, नमो नमो पुप्फचूलाए	॥ ११ ॥
पन्नरसयतावसाणं, गोअमनामेण दिन्नदिक्खाणं ।	
उप्पन्नकेवलाणं, सुहभावाणं नमो ताणं	॥ १२ ॥
जीवस्स सरीराओ, भेअं नाउं समाहिपत्ताणं ।	
उप्पाडिअनाणाणं, खंदकसीसाणं तेसिं नमो	॥ १३ ॥
सिरिवद्धमाणपाए, पूअत्थी सिंदुवारकुसुमेहिं ।	
भावेणं सुरलोए, दुग्गइनारी सुहं पत्ता	॥ १४ ॥

भावेण भुवणनाहं, वंदेउं ददुरो वि संचलिओ ।	
मरिऊण अंतंगले, नियनामंको सुरो जाओ	॥ १५ ॥
विरयाविरयसहोदर, उदगस्स भरेण भरिअसरिआए ।	
भणियाए साविआए, दिन्नो मग्गु त्ति भाववसा	॥ १६ ॥
सिरिचंडरुद्दगुरुणा, ताडिज्जंतो वि दंडघाएणं ।	
तक्कालं तस्सीसो, सुहलेसो केवली जाओ	॥ १७ ॥
जं न हु भणिओ बंधो, जीवस्स वहं वि समिड्गुत्ताणं ।	
भावो तत्थ पमाणं, न पमाणं कायवावारो	॥ १८ ॥
भाव च्चिय परमत्थो, भावो धम्मस्स साहगो भणिओ ।	
सम्मत्तस्स वि बीअं, भाव च्चिय बिंति जगगुरुणो	॥ १९ ॥
किं बहुणा भणिएणं, तत्तं निसुणेह भो ! महासत्ता !	
मुखसुहबीयभूओ, जीवाण सुहावहो भावो	॥ २० ॥
इय दाणसीलतवभावणाओ, जो कुणइ सत्तिभत्तिपरो ।	
देविंदविंदमहिअं, अइरा सो लहइ सिद्धिसुहं	॥ २१ ॥

पू.आ. श्रीरत्नसिंहसूरिविरचितम्

॥ उपदेशकुलकम् ॥

चित्तसु उवायमेयं संसारे गरुयमोहनियत्ताओ ।	
चिरकालसेवियाओ रे मुच्चसि इह कहं ? जीव !	॥ १ ॥
मोहविसं अवणेउं गुरुदेसणमंतसंगमवसाओ ।	
परिभारितो तत्तं उवएसामयरसं पियसु	॥ २ ॥
कुणसु दयं भणसु पियं मुंच परधणं चएसु परमहिलं ।	
इच्छं निरुंभिऊणं इंदियपसरं तह जिणेसु	॥ ३ ॥

सयलं पि हु सामग्गिं धम्मे लहिरुण करवि रे जीव ।	
सययं चोइज्जंतो मा हारह एरिसं जम्मं	॥ ४ ॥
कह एयं मणुयत्तं कह एसो तुज्झ जीव ! जिणधम्मो ।	
हद्धी पमायजडिओ मा वच्चह घोरसंसारं	॥ ५ ॥
का माया को य पिया को पुत्तो पणइणी वि का तुज्झ ? ।	
जह विज्जुल्लजुक्को दीसइ एयं तथा सयलं	॥ ६ ॥
किं नेहं किं दविणं देहं पि हु तुज्झ जीव ! किं एयं ? ।	
नडपेच्छणयसरूवं नाउं तं चयसु गयमोहो	॥ ७ ॥
एक्को च्चिय जीव ! तुमं भमिओ अइदुक्खिओ अणाहो य ।	
तो तुज्झ परित्ताणं विहियं केणइ मणागं पि ?	॥ ८ ॥
निसुणंतो जिणधम्मं हुंकारं देसि वायरहिउ व्व ।	
थेवं पि जं न कज्जे वट्टसि तं अहह मूढंतं	॥ ९ ॥
पेच्छसि तुच्छे भोए नो पाससि नरयगरुयदुक्खाइं ।	
जीव ! बिरालो व्व तुमं पेच्छसि दुद्धं न उण लट्ठि	॥ १० ॥
अन्नभवे विहरमणो कंपंतो दुस्सहायवेयणए ।	
हा हा करुणसरेणं पच्छ बहुयं विझूरिहिसि	॥ ११ ॥
सव्वो वि तुहुवएसो दिन्नो तत्तंसि जाइ जह बिंदू ।	
पेरिज्जंतो सययं न हु चेयसि कीस अप्पाणं ?	॥ १२ ॥
दूरे सहणं दंसणमच्छउ नरउब्भवाए वियणाए ।	
सुव्वंतीए वि जिए उक्कंपो जायए गरुओ	॥ १३ ॥
सा वि तए सहियव्वा कहं तए हियय ! कहसु सम्भावं ।	
कंटेण वि परिभग्गे जं कंदंतो तथा दिट्ठो	॥ १४ ॥
जइ वियरसि परपीडं नारुण वि दुक्खकारणं विउलं ।	
तं जाणिय पाणहरं हा परिभुंजसि विसं मूढ !	॥ १५ ॥

इह काउणं पावं संपत्तो घोरणरयठाणेसुं ।	
नो दीणं विलवंतो छुट्टिसि चोरो इव सलोत्तो	॥ १६ ॥
भणसि मुहेणं सव्वं तत्तं अइसुंदरं तुमं जीव ! ।	
जं न कुणसि कारुणं तं मन्ने गरुयकम्मो सि	॥ १७ ॥
जाव य इंदियगामो वट्टइ आणाएँ तुज्झ रे जीव ! ।	
ता सुमरसु अप्पाणं मा तम्मसु अहव पच्छ उ	॥ १८ ॥
रे गिहकज्जेसु सया दक्खो छेओ अईव सूरुो सि ।	
भविउं कायरदेहो सुत्तो वि य सुणसि गुरुवयणं	॥ १९ ॥
किं चिंताए किं पलविण्ण किं तुज्झ जीव ! रुत्तेणं ? ।	
नो कत्थइ कल्लाणं धम्माउ विणा तुमं लहसि	॥ २० ॥
देहमिणं गेहं पिव जं गहियं भाडएण पणदियहं ।	
झरइ सया सव्वत्थ वि पडिपुन्नं असुइधारुहिं	॥ २१ ॥
निच्चं अपोसियं पुण जं मेल्लइ झत्ति निययमज्जायं ।	
तत्थ वि का तुज्झ रई ? रे जीव ! निल्लक्खणसहाव !	॥ २२ ॥
जं जं भणामि अहयं सयलं पि बहिं पलाइ तं तुज्झ ।	
भरियघडयस्स उवरिं जह खिवियं पाणियं किंपि	॥ २३ ॥
इय जीय ! मुणसि परलोयसंसारे तं विडंबणं सयलं ।	
मन्ने जं न विरज्जसि तं वंछसि नरयदुहाइं	॥ २४ ॥
वयणेणं भणिउमिणं तरामि नो सिक्खिउं चवेडाए ।	
सम्मं विभाविऊणं जं जुत्तं तं करेज्जासु	॥ २५ ॥
एयं उवएसकुलं जो पढइ सुणेइ अहव सद्धाए ।	
सो उवमिज्जइ तेए दुहणेण रयणांसिहेणं	॥ २६ ॥

पू.आ. श्रीरत्नसिंहसूरिविरचितम्

॥ आत्महितकुलकम् ॥

- नियगुरुपायपसाया नाउं संसारविलसियविवागं ।
सम्मं विरत्तचित्तो अप्पहियं किं पि चिंतेमि ॥ १ ॥
- कालोचिय जिणआणं काउं तण्हालुयस्स मह सययं ।
हा ! जिय ! पमायवेरी न देइ धम्मज्जमं काउं ॥ २ ॥
- जइ एयं सामग्गिं धम्मे लहिऊण कह वि हारेसि ।
ता तं पच्छयावा विहलं विलवेसि परल्लेए ॥ ३ ॥
- रागंधो मोहंधो कज्जाकज्जं न याणसि हयास ! ।
धत्तूरभामिओ इव सव्वं पिच्छसि सुवन्नमहो ॥ ४ ॥
- वेरगगमगलीणं खणमेगं जइ करेमि अप्पाणं ।
चंचलचित्तेण पुणो विहलिज्जइ ही नियंतस्स ॥ ५ ॥
- एक्को चेव दुरंतो नियचरियं जो वियाणई अप्पा ।
सो ताव रंजियव्वो जइ इच्छसि साहिउं धम्मं ॥ ६ ॥
- जइ इच्छसि अप्पसुहं खिन्नो सि दुहाण ता कुण उवायं ।
मा कोद्वे ववंतो सालीण गवेसणं कुणसु ॥ ७ ॥
- जं आसि धम्मबीयं पुव्वभवे वावियं तए जीव ! ।
तं इह लुणासि संपइ वावियमिण्हिं लुणासि अग्गे ॥ ८ ॥
- इय नाऊण अकज्जं दूरे वज्जेसि किं ? न हु अणज्ज ! ।
अह कालपासबद्धो जुत्ताजुत्तं कह मुणेसि ? ॥ ९ ॥
- इंदियचोरेहिं अहं मा भवरत्तम्मि भणसु जं मुसिओ ।
जाणिय चोरेहिं तुमं जो गहिओ तस्स किं भणिमो ? ॥ १० ॥
- परजणरंजणहेउं भणेसि अन्नं करेसि अवरं च ।
तत्थ वि पयडं कवडं हा दीसइ तुज्झ सव्वत्थ ॥ ११ ॥

लहुए वि धम्मकज्जे तइया साहूहि चोइओ संतो । असमत्थो भणिय ठिओ अहुणा सोएसि किं तम्हा ?	॥ १२ ॥
चिट्ठइ राई पासइ न कोइ हंवउ जह तह वऽणुट्ठाणं । इय मूढ ! लोयरंजय कुणमाणो किं न लज्जेसि ?	॥ १३ ॥
गुणिएसु मच्छरित्तं वहसि पओसं च निग्गुणजणम्मि । परिद्धीए तम्मसि परपरिवायं तह करेसि	॥ १४ ॥
निच्चं पमायसीलो सुहाभिलासी य चोइओ कुवसि । सोहग्गमंजरीयं अप्पम्मि तहा वि वग्गमणो	॥ १५ ॥
इय सयलं जाणेमि काउं न तरामि भणसि गुरुकम्मो । कंठमणसोसणेणं धिरत्थु तुह मूढ ! नाणेणं	॥ १६ ॥
अज्जं करेमि कल्लं करेमि धम्मुज्जमं तुमं भणसि । इय निप्फलवंछाहिं समप्पिही जम्मपरिवाडी	॥ १७ ॥
पेच्छंतो पच्चक्खं जियलोयं जीव ! इंदयालसमं । ठगिओ इव धुत्तेहिं हा !! चेयसि किं ! न अप्पाणं ?	॥ १८ ॥
सउणाणं जह रुक्खे पहियाणं जह य देसियकुडीरे । मैलावगो अणिच्चो मणुयाणं तह कुडुंबम्मि	॥ १९ ॥
अज्ज वि किं पि न नट्टं जइ चेयसि हंदि किंपि अप्पाणं । विलवणमित्तिओ पुण अरुत्तरुत्तं समायरसि	॥ २० ॥
सुणहाई तिरिया वि हु भोए भुंजंति, भोयणं तह य । एरिसचरिय नराणं को संखं कुणइ पुरिसेसुं ?	॥ २१ ॥
जे एवं जंपंती पमायवेरिं छ्लेह भो लोया ! । ते वि छलिज्जंति जया तया अहं कस्स किं काहं ?	॥ २२ ॥
बाहुल्लेणं लोओ पेच्छइ नयणेहिं नेव हियएणं । तेणं विसएहितो कहं विरत्तो कुणउ धम्मं ?	॥ २३ ॥

एयाइ दुम्मईए माहप्पं भंजिऊण रे जीव ! । धम्मारा मे रम्मे उज्जमदक्खाफलं चरसु	॥ २४ ॥
गुरुआणाए सम्मं परोवयारम्मि संजमे नाणे । खाओवसमियभावे सया वि एएसु उज्जमसु	॥ २५ ॥
एयं खु धम्मरज्जं कहमवि लद्धूण गणिय दियहाइं । सपरोवयारहीणो खणं पि मा सुयंह वीसत्थो	॥ २६ ॥
अह एत्तियभणिणएण वि हीइ अहन्नाण को गुणो भणसु ? । असुइं मुत्तूण किमी अन्नत्थ रइं कह क्खेइ ?	॥ २७ ॥
एयं मुत्तूण भवं पत्तो संसारसायरे घोरे । को जायइ किर कइया गुरुपाएहिं लहिस्सामि ?	॥ २८ ॥
ओ ! तं जीव ! अलज्जि ! भणिओ धम्मोवएसलक्खेहिं । जइ नेव किं पि लगं ता सरणं मज्झ किर मोणं	॥ २९ ॥
विसयविरत्ता मुणिणो कालोचियसंजमम्मि जे निरया । आजम्मम्मि तिसंझं पयधूलिं वंदिमो ताणं	॥ ३० ॥
पइदियहं पइसमयं खणं पि मा मुयसु एयमुवएसं । जइ भवदुहाण तित्तो तिसिओ उण परमसोक्खाणं	॥ ३१ ॥
सिरिधम्मसूरिपहुणो निम्मलकित्तीइ भरियभुवणस्स । सीसलवेहिं कुलयं रइयं सिरिरयणसूरीहिं	॥ ३२ ॥

पू.आ. श्रीरत्नसिंहसूरिविरचितम्

॥ आत्मानुशासनकुलकम् ॥

सिरिधम्मसूरिसुगुरुं पुणो पुणो पणमिऊण भावेणं । तिहुयणसारं तत्तं अप्पहियं किं पि जंपेमि	॥ १ ॥
गीयं अमियं इट्टं नहु मिट्टं किं पि जीवलोगम्मि । पुरिसविसेसस्स मुहे जह मिट्ठा भारईदेवी	॥ २ ॥

उवसमविवेयसंवरपयाण अत्थं न कोइ सुणइ किमु ।	
सुव्वइ न कोइ अवरो चिलाइपुत्तो जहा भयवं	॥ ३ ॥
तरतमजोगा भेए रसो पयासेइ धाउविसयम्मि ।	
ता जाव सहवेहे अओ परं नत्थि रससिद्धी	॥ ४ ॥
धाउ व्व उवसमाई रसो व्व चित्तं इमाण संजोओ ।	
ता जाव सिद्धी सिद्धी सो भन्नइ सहवेहविही	॥ ५ ॥
वक्खाणंति मुणीयो (णओ) सुणंति तत्तं सिरं पि धूणंति ।	
रोमंचं वहइ दढं भिज्जइ न मणो न तो किं पि	॥ ६ ॥
जो पुण विरत्तचित्तो भावणवंसग्गसंठिओ होउं ।	
अप्पाणं झूरंतो स इलापुत्तो धुवं होइ	॥ ७ ॥
मुत्तूण लोयचित्तं जइ जिय ! झाएसि अप्पणो तत्तं ।	
ता तुह जम्मो सहलो अहवा झूरेसि बहु पच्छ	॥ ८ ॥
भवचारयवेरग्गं विसयाइदुगुंछणं च इच्चाई ।	
वयण च्चिय सव्वेसिं हियए केसिंचि धन्नाणं	॥ ९ ॥
जे एवं जंपंति पमायवेरिं छलेह भो लोया ! ।	
ते वि छलिज्जंति जया तया अहं तस्स किं काहं ?	॥ १० ॥
अन्नोऽन्नं जायंता मन्नंता अत्तणो य धन्नत्तं ।	
संसारइंदयालं दरिसंता जे भणंति इमं	॥ ११ ॥
वेयइ न कोइ हियए वयणेहिं अणिच्चयं, भणइ सव्वो ।	
अन्नह मणवइकाए अन्नोऽन्नं कह विसंवाओ ?	॥ १२ ॥
एए वि कहं कहगा अत्तपमायं न चितयंति फुडं ।	
जं दूसमाइ सव्वं छोदुं वट्टंति वज्जसिरा	॥ १३ ॥
परगरिहं मुत्तूणं अहवा चित्तेसु अत्तणोऽन्नत्तं ।	
अन्नह तुमं पि होहिसि पुव्वाणं मूढ ! सारिच्छो	॥ १४ ॥

जा न विहाई रयणी तावय चितेसु जीव ! किं पि तुमं ।	
अन्नह आउम्मि गए कीणा चिताइ तुज्ज कहा ?	॥ १५ ॥
कामवियारविहूणो धन्नो इह चितए परं तत्तं ।	
जइ पत्तो वि वियारं चितइ धन्नाण सो राओ	॥ १६ ॥
कारुण गुरुपइन्नं मणमोहणकरिवरम्मि जह चडिओ ।	
चुक्कइ नियवयणाओ धन्नो वि तहा वियारगओ	॥ १७ ॥
ता पढमं पि वियारं मणमोहणकरिवरस्स सारिच्छं ।	
वारह दुहसयमूलं जइ इच्छह सुहसमिद्धीओ	॥ १८ ॥
पंचहि वि इंदिएहिं अणंतसो नत्थि जं किर न भुत्तं ।	
तह वि न जाया तत्ती ता चेययसि हा कया मूढ !	॥ १९ ॥
अह चेययसि कइया वि हु थेवो वि ह जत्थ नत्थि कोइ गुणो ।	
एसा पुण सामग्गी कयायि होहिति को मुणइ ?	॥ २० ॥
सयलं पि भवसरूवं नाऊणं गुरुमुहाओ मुणिणो वि ।	
वट्टंति जे अकज्जे अहह महामोहविप्फुरियं	॥ २१ ॥
भणसि मुहेणं सव्वं तत्तं अइसुंदरं तुमं जीव ! ।	
जं न कुणसि काएणं तं मन्ने गरुयकम्मो सि	॥ २२ ॥
चिट्ठइ राई पासइ न कोइ हवउ जह तहवऽणुट्टाणं ।	
इय मूढ ! लोयरंजय कुणमाणो किं पि न लहेसि !	॥ २३ ॥
जइ एगो च्चिय रागो निग्गहिओ होज्ज जीव ! संसारे ।	
अट्टण्ह वि कम्माणं ता उच्छेओ कओ झत्ति	॥ २४ ॥
को दिव्वं लंघेउं अहवा सक्कइ वियाणमाणो वि ।	
तह वि हु उज्जमसीलो होज्ज सया रायविजयम्मि	॥ २५ ॥
जो चितइ न परतत्तं देइ कुबुद्धि वयाउ भंसेइ । -	
तेण समं संसग्गी वज्जह दूरेण मणसा वि	॥ २६ ॥

पाएण दूसमाए धम्मे संसग्गिया इह पमाणं ।	
तेण सुमित्तेहिं समं संसग्गिं कुणसु जाजीवं	॥ २७ ॥
जइ पुच्छह निच्छयओ न गिही साहू वि पावइ भवंतं ।	
भावेण केवलं पि हु लद्धूणं जाइ निव्वाणं	॥ २८ ॥
गाहाण सिलोगाणं अत्थं नाऊण सव्वभंगेहिं ।	
तत्थ वि तं महुनायं भावण अमियं जओ झरइ	॥ २९ ॥
अवहियहियओ होउं खणे खणे अप्पयं विभावेसु ।	
कत्तो अहमायाओ गंतूण कहिं कमणुहोहं ?	॥ ३० ॥
सव्वगुणाणं जोगं अप्पाणं जिय ! पमाइणं नाउं ।	
किं न रुयंतो विरमसि सत्तीए उज्जमं काउं ?	॥ ३१ ॥
धम्मं परमरहस्सं रे जिय ! संवेगचोयणासारं ।	
चूरिय जुयलं झायसु जइ अप्पा वेरिओ नेव	॥ ३२ ॥
धम्मुज्जमम्मि सत्ती जइ जिय ! तुह नत्थि काइ किर ताव ।	
अप्पाणं झूरंतो मा विरमसु तह वि कइया वि	॥ ३३ ॥
एएण वि बीएणं कया वि धम्मुज्जमो वि तुह होज्जा ।	
अन्नह दुहसयबुड्डो पायालं जासि सत्तमयं	॥ ३४ ॥
कीयं आहाकम्मं नीयावासो गिहीसु पडिबंधो ।	
अमिओ परिग्गहो तह हुंति जईणं इमे दोसा	॥ ३५ ॥
एक्केको वि हु गरुओ मिलिया सव्वे वि जइ पुणो हुंति ।	
अदंसणेण तेसिं साहूणं मह नमोक्कारो	॥ ३६ ॥
नामेणं चिय साहू साहूसु न ताण होइ अवयारो ।	
किं परविकत्थणेणं ? अहवा चित्तेसु अप्पाणं	॥ ३७ ॥
अहयं पि एरिसो अह सुद्धं मग्गं च इह परूवंतो ।	
संविग्गपक्खियत्ता धन्नं मन्नामि अप्पाणं	॥ ३८ ॥

एवं ठियस्स सययं मम मणभावस्स पत्तियइ को वा ? ।
 पच्चाइएण किं वा ? अप्प च्चिय सक्खिओ एत्थ ॥ ३९ ॥
 जं पुण वायाए च्चिय भणामि काएण किं पि न करेमि ।
 तत्थऽत्थि गरुयदुक्खं मणमंदिरसंठियं मज्झ ॥ ४० ॥
 सुद्धालोयणदाणं काउं मित्तिं च सव्वसत्तेसुं ।
 अप्पाणं गरिहंतो भावेमु अहं कया तत्तं ॥ ४१ ॥
 एगं चिय मह सल्लइ जन्नं सहाए लहामि मणइट्ठे ।
 एवं ज्ञायंतस्स उ को जाणइ किं पि होहि त्ति ॥ ४२ ॥
 आणंदं दाऊणं समग्गसंघस्स गहियआसीसो ।
 अप्पाणं भावेतो विहरेमु जया तया अहयं ॥ ४३ ॥
 अह कह वि जाइ दियहं रत्ती न हु जाइ अप्पचित्ताए ।
 थोवजले मच्छस्स व तल्लोवलिं कुणंतस्स ॥ ४४ ॥
 चेयहु ! चेयहु !! चेयहु !!! हं हो मूढमइ !,
 कहिय कहाणिय सव्वप्पयारेहिं तुम्ह माइ ।
 हियडइ ताविय पुण पुण सोढे सहु धरणि,
 परित न को ण वि होसइ तर्हि पत्तइ मरण ॥ ४५ ॥
 हियडइ रंगु न जाह तहं सउं बकुसु पडिहाइ ।
 जइ पुण केवइं रंगु तउ नयणिहिं नीरु न माइं ॥ ४६ ॥
 जलणसमं कामीणं नीरसलोयाण तुसवुससमाणं ।
 विरयाणं अमियसमं एयं सव्वं पि जं भणियं ॥ ४७ ॥
 गंतव्वं कत्थ मए कहि एसो वंदिणो य जिये लोआ ।
 कह माइसयणविहवो इय झूरसि हा ! हयासतया ॥ ४८ ॥
 एयाए भावणाए जइ अवसाणं पि मज्झ किर होज्जा ।
 ता अहयं चिय धन्नो न हु अन्नं पत्थणिज्जंति ॥ ४९ ॥

भावणअमियं अहवा कम्मवसा मा समुल्लसउ मज्झ ।	
अन्नस्स वि दट्ठुणं एयं घुटेसु किं कइया ?	॥ ५० ॥
वेरगभावणाए-किं वा वच्चंतु मज्झ दियहाइं ।	
नियहिययर्चितियाइं लब्भंति नवत्ति को मुणइ ?	॥ ५१ ॥
एयं भावणतत्तं सव्वंगं तुज्झ जीव ! जइ फुरइ ।	
पंचुत्तरवासीण वि सोक्खं मन्नामि ता तुच्छं	॥ ५२ ॥
एगंते होऊणं मुहुत्तमेत्तं विसिट्ठमंतं व ।	
पइदियहं झाएज्जह एयं उवएसवरतत्तं	॥ ५३ ॥
जह दीवाओ दीवो बोहिज्जइ भावणाए तह भावो ।	
इय पढह गुणह झायह भविया एयं सया सत्थं	॥ ५४ ॥
सिरिरयर्णासहसूरो भावणासहरम्मि आरुहेऊणं ।	
अप्पाणुसासणं भो जंपइ जिणसासणे सारं	॥ ५५ ॥
बारसअउणत्ताले वइसाहे सेयपंचमिदिणम्मि ।	
अणहिल्लवाडनयरे विहियमिणं अप्पसरणत्थं	॥ ५६ ॥

पू.आ.श्रीरत्नसिंहसूरिविरचितम्

॥ संवेगकुलयं ॥

नारीण बाहिरंगे जह दिट्ठे माणसं समुल्लसइ ।	
तह अंतरसयलंगे जं दिट्ठे होइ तं सुणह	॥ १ ॥
रणरणओ दीणत्तं महाभउव्वेअतासकलमलयं ।	
एअं अणुहविरऊणं अप्पा वि हु वुड्डुणं महइ	॥ २ ॥
विरल च्चिअ धावंतो धम्मो धम्मो त्ति कोडिमज्झम्मि ।	
अप्पाणं रंजंतो जो मुंचइ विसयगहिलत्तं	॥ ३ ॥

ता नत्थि इह कहाओ ते दिट्ठंता न ताउ जुत्तीओ ।
 संसारुच्छेअकरा मह कण्णे जा (न) पत्ताओ ॥ ४ ॥
 ता नत्थि इह कलाओ परंजणविम्हक्कजणणीओ ।
 जाणामि जा न पयडं मुत्तुं निअरंजणं इक्कं ॥ ५ ॥
 किं गहिलो किं सज्जो किं मुखो पंडिओ अ किं अहयं ।
 'मा साहसे' सउणिसम किं वा चिट्ठामि घंघलिओ ॥ ६ ॥
 गुरु अनिकाइअकम्मो किं ठगिओ धुत्तिओ अ सुत्तो वा ।
 किं गत्तसूअरोहं रंजेमि मणो न जं धम्मे ॥ ७ ॥
 परिदेवणमित्तं चिअ अहयं पिच्छमि अत्तणे इक्कं ।
 जं उज्जमे न सत्ती होही होहं कहमहंति ॥ ८ ॥
 अज्जं करेमि कल्लं करेमि धम्मुज्जमं तुमं भणसि ।
 इअ णिप्फलवंछाहिं समप्पिही जम्मपस्विआडी ॥ ९ ॥
 जाणइ दिक्खइ संभलइ सउममलववहार ।
 धम्मि न लगगइ अहह तुवि कुणइ अ सव्व असारं ॥ १० ॥
 दिट्ठम्मि वि दिट्ठंते खणभंगुरजीविअस्स पच्चक्खं ।
 थेवं पि हु न चइज्जइ जीवेहिं गुरुअकम्मोहिं ॥ ११ ॥
 सिरिधम्मसूरिमुणिवइ-सीसेहि रयणसिंहसूरीहिं ।
 संवेगमेरुसिहरे भविआ ! विलसंतु कहिअमिणं ॥ १२ ॥

पू.आ.श्रीरत्नसिंहसूरिविरचितम्

॥ धर्माचार्यबहुमानकुलकम् ॥

नमिउं गुरुपयपउमं धम्मायरियस्स निययसीसेहिं ।
 जह बहुमाणो जुज्जइ काउमहं तह पयपेमि ॥ १ ॥
 गुरुणो नाणाइजुया महणिज्जा सयलभुवणमज्झम्मि ।
 किं पुण नियसीसाणं आसन्नुवयारहेऊहिं ? ॥ २ ॥

गरुयगुणेहिं सीसो अहिओ गुरुणो हविज्ज जइ कह वि ।	
तह वि हु आणा सीसे सीसेहिं तस्स धरियव्वा	॥ ३ ॥
जइ कुणइ उग्गदंडं रूसइ लहुए वि विणयभंगम्मि ।	
चोयइ फरुसगिराए ताडइ दंडेण जइ कह वि	॥ ४ ॥
अप्पसुए वि सुहेसी हवइ मणागं पमायसीलो वि ।	
तह वि हु सो सीसेहिं पूइज्जइ देवयं व गुरू	॥ ५ ॥
सो च्विय सीसो सीसो जो नाउं इंगियं गुरुजणस्स ।	
वट्टइ कज्जम्मि सया सेसो भिच्चे वयणकारी	॥ ६ ॥
जस्स गुरुम्मि न भत्ती निवसइ हिययम्मि वज्जरेह व्व ।	
किं तस्स जीविएणं ? विडंबणामेत्तरूवेणं	॥ ७ ॥
पच्चक्खमह परोक्खं अवन्नवायं गुरूण जो कुज्जा ।	
जम्मंतरे वि दुलहं जिणिंदवयणं पुणो तस्स	॥ ८ ॥
जा काओ रिद्धीओ हवंति सीसाण एत्थ संसारे ।	
गुरुभत्तिपायवाओ पुप्फसमाओ फुडं ताओ	॥ ९ ॥
जलपाणदायगस्स वि उवयारो नेव तीरण काउं ।	
किं पुण भवन्नवाओ जो तारइ तस्स सुहगुरुणो ?	॥ १० ॥
गुरुपायरंजणत्थं जो सीसो भणइ वयणमेत्तेषं ।	
मह जीवियं पि एयं जं भत्ती तुम्ह पयमूले	॥ ११ ॥
एयं कहं कहंतो न सरइ मूढो इमं पि, दिट्ठंतं ।	
साहेइ अंगणं चिय घरस्स अब्भितरं लच्छिं	॥ १२ ॥
एस च्विय परमकला एसो धम्मो इमं परं ततं ।	
गुरुमाणसमणुकूलं जं किज्जइ सीसवग्गेणं	॥ १३ ॥
जुत्तं चिय गुरुवयणं अहव अजुत्तं च होज्ज दइवाओ ।	
तह वि हु एयं तित्थं जं हुज्जा तं पि कल्ल्राणं	॥ १४ ॥

किं ताए रिद्धीए चोरस्स व वज्झमंडणसमाए ? ।	
गुरयणमणं विराहिय जं सीसा कह वि वंछंति	॥ १५ ॥
कंडूयणनिट्ठीवणऊसासपमोक्खमइलहुयकज्जं ।	
बहुवेलाए पुच्छिय अन्रं पुच्छेज्ज पत्तेयं	॥ १६ ॥
मा पुण एगं पुच्छिय कुज्जा दो तिन्नि अवरकिच्चाइं ।	
लहुएसु वि कज्जेसुं एसा मेरा सुसाहूणं	॥ १७ ॥
काउं गुरुं पि कज्जं न क्कहंति य पुच्छिया वि गोविंति ।	
जे उण एरिसचरिया गुरुकुलवासेण किं त्ताणं ?	॥ १८ ॥
जोग्गाजोग्गसरूवं नाउं केणा वि कारणवसेणं ।	
सम्माणाइविसेसं गुरुणो दं(दि)संति सीसाणं	॥ १९ ॥
एसो सया वि मग्गो एगसहावा न हुंति जं सीसा ।	
इय जाणिय परमत्थं गुरुम्मि खेओ न कायव्वो	॥ २० ॥
मा चित्तह पुण एयं किं पि विसेसं न पेच्छिमो अम्हे ।	
रत्ता मूढा गुरुणो असमत्था एत्थ किं कुणिमो ?	॥ २१ ॥
रयणपरिक्खगमेगं मुत्तुं समकंतिवन्नरयणाणं ।	
किं जाणंति विसेसं ? मिलिया सव्वे वि गामिल्ल ?	॥ २२ ॥
एयं चिय जाणमाणा ते सीसा साहयंति परलोयं ।	
अवरे उयरं भरिउं कालं वोर्लिति महिवलए	॥ २३ ॥
एयं पि हु मा जंपह गुरुणो दीसंति तारिसा नेव ।	
जे मज्झत्था होउं जहट्टियवत्थुं वियारंति	॥ २४ ॥
समयाणुसारिणो जे गुरुणो ते गोयमं व सेवेज्जा ।	
मा चित्तह कुवियप्पं जइ इच्छह साहिउं मोक्खं	॥ २५ ॥
वक्कजडा अह सीसा के वि हु चित्तंति किं पि अघडंतं ।	
तह वि हु नियकम्माणं दोसं देज्जा न हु गुरुणं	॥ २६ ॥

चक्कित्तं इंदत्तं गणहरअरहंतपमुहचारुपयं ।	
मणवंछियमवरं पि हु जायइ गुरुभत्तिजुत्ताणं	॥ २७ ॥
आराहणाओ गुरुणो अवरं न हु किं पि अत्थि इह अमियं ।	
तस्स य विराहणाओ बीयं हालाहलं नत्थि	॥ २८ ॥
एयं पि हु सोऊणं गुरुभत्ती नेव निम्मला जस्स ।	
भवियव्वया पमाणं किं भणिमो तस्स पुण अन्नं ?	॥ २९ ॥
साहूण साहूणीणं सावयसङ्कीण एस उवएसो ।	
दुण्हं लोगाण हिओ भणिओ संखेवओ एत्थ	॥ ३० ॥
परलोयलालसेणं किं वा इहलोयमत्तसरणेणं ।	
हियएण अहव रोहा जह तह वा इत्थ सीसेणं	॥ ३१ ॥
जेण न अप्पा ठविओ नियगुरुमणपंकयम्मि भमरो व्व ।	
किं तस्स जीविएणं ? जम्मेणं अहव दिक्खाए ?	॥ ३२ ॥
जुत्ताजुत्तवियारो गुरुआणाए न जुज्जए काउं ।	
दइवाओ मंगुलं पुण जइ हुज्जा तं पि कल्लणं	॥ ३३ ॥
सिरिधम्मसूरिपहुणो निम्मलकित्तीएँ भरियभुवणस्स ।	
सिरियणसिंहसूरी सीसो एवं पयंपेइ	॥ ३४ ॥

पू.आ.श्रीरत्नसिंहसूरिविरचितम्

॥ मनोनिग्रहभावनाकुलकम् ॥

सिरिधम्मसूरिपहुणो उवएसामयलवं मुणेऊणं ।	
तं चेव तिहा नमिउं मणनिग्गहभावणं भणिमो	॥ १ ॥
संसारभवणखंभो नरयानलपावणम्मि सरलपहो ।	
मणमणिवारियपसरं किं किं दुक्खं न जं कुणइ ?	॥ २ ॥

वायाए काएणं मणरहियाणं न दारुणं कम्मं ।	
जोयणसहस्समाणो मुच्छिममच्छो उयाहरणं	॥ ३ ॥
वइकायविरहियाण वि कम्माणं चेतमेतविहियाणं ।	
अइघोरं होइ फलं तंदुलमच्छो व्व जीवाणं	॥ ४ ॥
गलियविवेयाण मणो निग्गहिउं दुक्करं फुडं ताव ।	
संजायविवेगाण वि दुक्करमेयं, पि किरं होन्ति	॥ ५ ॥
करयलगयमुत्तीणं तित्थयरसमाण चरणभावाणं ।	
ताणं पि हु जं दुक्करमेयमहो महमच्छरियं	॥ ६ ॥
मणनिग्गहवीसासो कइयावि न जुज्जए इहं काउं ।	
अप्पडिवायं नाणं उप्पन्नं जा न जीवाणं	॥ ७ ॥
थेवमणदुक्खियस्स वि जाणंतो अइवदारुणविवागं ।	
जइ कह वि खंचिय मणं धारेमी एगवत्थुंमि	॥ ८ ॥
पाणिपुडनिबिडपीडियरसं व पेच्छामि तह वि उत्तिगयं ।	
अह ओवायं पुणरवि केरिसमन्नं अणुसरामि ?	॥ ९ ॥
मयमत्तं पिव हत्थिं धम्माराणं पुणो वि भंजंतं ।	
दट्टुं विवेयर्मिठो सुहझाणक्खंभमल्लियइ	॥ १० ॥
उल्लसिओ आणंदो खणमेगं जाव ताव चित्तेमि ।	
ता सिद्धमंतिओ इव दीसइ अन्नत्थ किं करिमो ?	॥ ११ ॥
मणमक्कडेण सुइरं मह देहं तावियं अहो बाढं ।	
ता कह निग्गहिऊणं होहामि अहं सुही एत्थ ?	॥ १२ ॥
सिद्धिपुरीए सिद्धी जाव फुडं तुज्ज होइ रे जीव ! ।	
ता मणराएण समं मा विग्गहउवरमं कुणसु	॥ १३ ॥
अह विग्गहम्मि चत्ते पत्ते निक्कंटागम्मि रज्जम्मि ।	
एस तुहं तं काही सया वि जह दुक्खिओ होइ	॥ १४ ॥

जइ इंदजालिएणं काउं मुट्टीइ दंसियं वत्थू ।	
धरिओ जणेण मुट्टी दिट्ठं नट्ठं तयं वत्थू	॥ १५ ॥
एवं चिय मणवत्थू संजममुट्टीइ धारियं कह वि ।	
सुहभावलोयधरिओ ही नट्ठं हीनपुन्नस्स	॥ १६ ॥
न हु अत्थि किं पि नूणं चंचलमन्नं मणाउ भुवणम्मि ।	
तं पुण उवमामेत्तं पवणपडागाइ जं भणियं	॥ १७ ॥
साहूण सावगाण य धम्मे जो कोइ वित्थरो भणिओ ।	
सो मणनिग्गहसारो जं फलसिद्धी तओ भणिया	॥ १८ ॥
जत्थ मणो तरलिज्जइ सो संगो दूरओ वि चइयव्वो ।	
बहुरयणसणाहेणं दुज्जयचोराण जह पंथो	॥ १९ ॥
जिय ! अज्जं अहं कल्ले परलोए तुह पयाणयं होही ।	
दीहरसंसारकए निरंकुसं कह मणं कुणसि ?	॥ २० ॥
किमहं करेमि कस्स व कहेमि चिंतेमि अहव किं तत्तं ? ।	
जेण मणो पसरंतं धारेमी मत्तहत्थि व्व	॥ २१ ॥
संपइ सत्थसरीरे सुमरंति न जीव ! पुव्वदुक्खाइं ।	
कह एसु न उव्वेओ कह होहिसि तं न याणामि ?	॥ २२ ॥
जाणिय तत्तं पि मणो धारिज्जइ दुक्करं सरलमग्गे ।	
दुक्खं च सिक्खविज्जइ एसो अप्पा दुरप्पा हु	॥ २३ ॥
आवडिए जिय ! दुक्खे जाणासि किरु संजमो हवइ धम्मो ।	
संपइ पुण गयधम्मो परलोए होसि अहह कहं ?	॥ २४ ॥
इंदियलोलो को वि हु वट्टइ सदाइएसु विसएसुं ।	
तह वि हु न होइ तित्ती तण्ह च्चिय वित्थरइ नवरं	॥ २५ ॥
इंदियधुत्ताण अहो तिलतुसमित्तं पि देसु मा पसरं ।	
अह दिन्नो तो नीओ जत्थ खणो वरिसकोडिसमो	॥ २६ ॥

धत्तूरभामिओ इव ठगधुत्तेणं व धुत्तिओ संतो ।	
भूएण व संगठिओ वाएण व दिट्ठिमोहेणं	॥ २७ ॥
जह एए अवेरेहिं जुत्तिसहस्सेण पन्नविज्जंता ।	
ताणं विय गहिलत्तं अवियप्पं वाहरंति सया	॥ २८ ॥
तह रगाइवसत्तो न मुणसि थेवं पि कज्जपरमत्थं ।	
अह मुणसि तो पयंपह चरिएणं कह विसंवयसि ?	॥ २९ ॥
दुग्गंधअसुइपुत्तो बाहिं सव्वत्थ चित्तिओ करगो (कलसो) ।	
पट्टंसुयनत्त (ढंक) णयं दाउं पिहिओ य पुप्फेहिं	॥ ३० ॥
दिट्ठो हरेइ चित्तं गंधो असुईएँ सरइ तं चेव ।	
मूढो वि तं न गहिउं कुणइ मणं किं पुण विवेगी ?	॥ ३१ ॥
एवं चिय नारीसुं वत्थालंकारभूसियंगीसु ।	
आवायमेत्तरूवं पेच्छिय तत्तं विभावेसु	॥ ३२ ॥
असुईए अट्ठीणं सोणियकिमिजालपूईमंसाणं ।	
नामं पि चित्तियं खलु कलमलयं कुणइ हिययम्मि	॥ ३३ ॥
पच्चक्खमिणं पेच्छह वन्नियमित्तं तु जइ न पत्तियह ।	
एक्कारससोएहिं नीहरमाणं सया चेव	॥ ३४ ॥
इय तत्तभावणगओ सया वि मणनिग्गहं करेमाणो ।	
पच्चक्खरक्खसीणं नारीणं न गोयरो होसि	॥ ३५ ॥
जिणवयणभाविएणं सुत्तत्थसमग्गपारगेणं पि ।	
भवभमणभीरुगेणं सुहसंसग्गिं पवन्नेणं	॥ ३६ ॥
अवगयपरमत्थेणं निच्चं सुहझाणझायगेण मए ।	
कह वि गयं चिय अपहे मणमेयं ही कहं दिट्ठं ?	॥ ३७ ॥
जह लद्धलक्खचोरो हरमाणो नेव नज्जए दविणं ।	
तह विगयं चिय दीसइ मणं पि एयं कहं होमि ?	॥ ३८ ॥

हु दुक्करे वि मग्गे विमग्गि एत्थेव अत्थि हूवाओ ।	
खणमित्तं पि न दिज्जइ मणपसरो जं पंमायस्स	॥ ३९ ॥
परमत्थं जाणंतो दंसियमग्गे सया वि वट्टंतो ।	
जइ खलइ कोइ कहमवि सरणं भवियव्वया तत्थ	॥ ४० ॥
कित्तियमित्तं बहुसो मणनिग्गहकारणं पयंपेमि ।	
धन्नाण एत्तियं पि हु जायइ चिंतामणिसमाणं	॥ ४१ ॥
गुरुकम्माणं एयं पुणरवि जाणावयं पि किर कह वि ।	
पत्तं पि वरनिहाणं वियलियपुत्तस्स व न ठाइ	॥ ४२ ॥
पइदियहं जइ एवं झाएमी तुह जिण्णिद ! आणाए ।	
तो जयथुयपायपउम ! नाहं बीहेमि भवरत्ते	॥ ४३ ॥
सद्धासंवेगजुओ मणनिग्गहभावणं इमं जीवो ।	
झायंतो निव्विग्घं कल्लणपरंपरं लहइ	॥ ४४ ॥

पू.आ. श्रीरत्नसिंहसूरिविरचितम्

॥ पर्यन्ताराधनाकुलकम् ॥

(मरणकालिकधीरताकुलकम्)

सुहियो(ओ) वा दुहिओ वा थोवं जीवित्तु अहव बहु लोए ।	
मा सो करेउ खेयं जइ पावइ पंडियं मरणं	॥ १ ॥
जे संसारे पुव्वं मणुयभवा पाविया तएऽणंता ।	
सव्वाण वि ताण अहो एसो च्चिय लहइ तिलयत्तं	॥ २ ॥
जेण सा सामग्गी पत्ता तुमए अणंतसुहजणणी ।	
ता धीरत्तं काउं ठावसु चंदे नियं नाम	॥ ३ ॥
परहत्थगएण तए पुव्विं रे जीव ! किं न जं सहियं ।	
संपइ सुहडो होउं किं न हु गिण्हेसि जयपडायं ?	॥ ४ ॥

जइ पीडाए तुज्झं विहरत्तं अत्थि जीव ! अइगरुयं ।	
तह वि हु कन्नं दाउं एगं चिय सुणह मह वयणं	॥ ५ ॥
अइकडुओ वि हु लिंबो अच्छी निमिलित्तु साहसं काउं ।	
खणमेगं घुंटिज्जइ जह दीहं जीवियत्थीहिं	॥ ६ ॥
तह सुहभावो होउं परमिट्ठिं सरसु कुणसु धीरत्तं ।	
चइउं कुटुम्बमोहं परिभाविस्सु एरिसं तत्तं	॥ ७ ॥
जिणधम्मो मह सरणं गुरुचलणे भावओ नमंसांमि ।	
सव्वजिएसुं मित्तिं नियदुच्चरियं च गरिहाम्मि	॥ ८ ॥
आजम्मं जं तुमए तीसु वि संज्ञासु मग्गियं भद्द ! ।	
राहावेहसमं तं सीहिय गिण्हेसु जयपडायं	॥ ९ ॥
जइ जिय ! तुह नवकारो होहिइ हिययम्मि भावणासहिओ ।	
ता सग्गसिवसुहं मह जाणसु करसंठियं अज्ज	॥ १० ॥
एयं परमरहस्सं तं निसुण महाणुभाव ! एक्कमणो ।	
जिणमयभावियचित्तो जं अज्ज करेसि सुहडत्तं	॥ ११ ॥
दाणं दाऊण बहुं तवं पि तविउं सुदीहरं कालं ।	
सीलं चरिऊण चिरं पढिउं तह णेगसत्थाइं	॥ १२ ॥
कारिय जिणभवणाइं सद्धाए सेविऊण गुरुपाए ।	
सव्वस्स वि फलमेयं जं अज्ज करेसि धीरत्तं	॥ १३ ॥
एयं काऊण तुमं मा पत्थसु मणुयसग्गरिद्धीओ ।	
मग्गसु पुणो वि एयं सुहाण सव्वंगवरबीयं	॥ १४ ॥
मंगलनिहिपायपउमनाहम्मि जिणे हवेज्ज पडिवित्ती ।	
जिणधम्मम्मि गुरुसु य चित्तिज्ज तुमं इमं जीव !	॥ १५ ॥
इय तं पंडियविहिणा काउं आराहणं चरिमसमए ।	
तं नत्थि किं पि नूणं कल्लणं जं न पाविहिसि	॥ १६ ॥

॥ अप्पविसोहिकुलयं ॥

- अरहंत-सिद्ध-गणहरपमुहाणं अभिमुहो अहं ठाउं ।
अंजलि काऊण सिरे नियदुच्चरियं समालोए ॥ १ ॥
- जं किंचि कयमकज्जं आउट्टि-पमाय-दप्प-कप्पेणं ।
सुहुमं व बायरं वा तं निंदे तं च गरिहामि ॥ २ ॥
- नाणे जो अइयारो अट्टपयारो वि कह व मे रइओ ।
जाणेण अयाणेण य तं निंदे तं च गरिहामि ॥ ३ ॥
- जिणभणियम्मि पयत्थे अवितहरूवम्मि मइपमोहेणं ।
जं सहहियं नो मे तं निंदे तं च गरिहामि ॥ ४ ॥
- मणि-लेट्टु-कंचणेसुं सयणे तह कंचणम्मि रिउवगो ।
जं समभावो न कओ तं निंदे तं च गरिहामि ॥ ५ ॥
- छव्विहजीवनिकाए बायर-सुहुमम्मि जं कयं किंचि ।
जाणामि न जाणामि य तिविहं तिविहेण तं निंदे ॥ ६ ॥
- जं जंपियं मुसं मे हास-पओसेणऽयाणमाणेणं ।
सव्वं पि पीडजणयं तिविहं तिविहेण तं निंदे ॥ ७ ॥
- जं मे अदत्तयं पि हु परसंतं कह वि लोहमूढेणं ।
गहियं अवलवियं वा तिविहं तिविहेण तं निंदे ॥ ८ ॥
- जो मे मेहुणभावो फासाइसु तिरिय-मणुय-देवेसु ।
मण-वय-कार्हि कओ तं निंदे तं च गरिहामि ॥ ९ ॥
- जो य परिगहभावो सच्चित्त-अचित्त-मीसदव्वेसु ।
मुच्छाए कह व कओ तिविहं तिविहेण तं निंदे ॥ १० ॥
- रईए जं भुत्तं जीहादोसेण नाणरहिएण ।
कारणिएण य कत्थइ तिविहं तिविहेण तं निंदे ॥ ११ ॥

रगग्निदीविएणं अट्टज्जाणं तु ज्ञायमाणेणं । जं मइलियं चरित्तं तिविहं तिविहेण तं निंदे	॥ १२ ॥
दोसपिसायवसेणं नट्टविवेगेण असुहलेसेणं । जं कलुसियं चरित्तं तिविहं तिविहेण तं निंदे	॥ १३ ॥
कोहानलसंजलिओ मायासल्लेण सल्लियसरीरो । माणमहागहगहिओ जं भमिओ निंदिमो तं पि	॥ १४ ॥
लोहसमुद्दनिबुद्धो मोहमहामज्जमोहियविवेओ । जं ववसिओ सुबहुसो तं पि य तिविहेण निंदामि	॥ १५ ॥
आहार-भय-परिग्गह-मेहुणसन्नाए पस्सिओ संतो । जं पि अकज्जपवत्तो संजाओ तं पि निंदामि	॥ १६ ॥
चरणे करणे य तथा सीलंगेसु यं सुभिक्षुपडिमासु । जो अइयारो कत्थइ निंदामि य तं पि तिविहेणं	॥ १७ ॥
जिण-सिद्ध-गणहरिद-उवज्जाए साहुणो य गुणपवरे । आसाइया मए जं पावेणं तं पि निंदामि	॥ १८ ॥
अन्नं पि य दुच्चरियं पमायदोसेण जं कयं किंचि । जाणामि न याणामि य तं पि य तिविहेण पडिकंतं	॥ १९ ॥
उवगरणवग्गो [? य इमो] बज्झो सव्वो वि मज्झ संयोगो । दंसण-नाणसमग्गो मह जीवो सासओ एत्थ	॥ २० ॥
जइ कह वि होज्ज मरणं पमायजुत्तस्सऽयाणमाणस्स । तो आहारं सव्वं चउविहरूवं पि वोसिरियं	॥ २१ ॥
सेसं चिय उवगरणं सेज्जं देहं च एत्थ जं मज्झ । तं चरिमे नीसासे तिविहं तिविहेण वोसिरियं	॥ २२ ॥
सव्वण्णू मह देवो सिद्धा साहू य सासणं सरणं । जिणनवकारेण समं भवे भवे [? होउ] मह जम्मो	॥ २३ ॥

अप्पविसोही एसा जो भावइ निच्चकालउवउत्तो ।
सो अचिरेणं साहइ नियजीयं सुद्धपरिणामो

॥ २४ ॥

॥ आराहणाकुलयं ॥

नाणे दंसण चरणे तव विरिए सिद्धसक्खियं सुद्धि !

गिण्हामी उच्चरामी वयाइं जहगहियभंगाइं ॥ १ ॥

पुढवि-दग-अगणि-वारु-वण-बि-ति-चउरिदिएसु जीवेसु ।

नारय-तिरिय-नराऽभरजिएसु खामेमि खमयामि ॥ २ ॥

पाणिवहाऽलिय-चोरिय-मेहुण-धणमुच्छ-कोह-मय-माया ।

लोहं पिज्जं दोसं कलहऽभक्खाण पेसुणं ॥ ३ ॥

अरइइ परविवायं मायामोसं च मिच्छसल्लं च ।

इय पावट्टाणाइं अट्टारस वोसिरामि अहं ॥ ४ ॥

जं राग-दोस-मोहेण त्रिविहतिविहेण तिहुयणम्मि मए ।

विहियं धम्मविरुद्धं इहऽन्नभवियं पि तं निंदे ॥ ५ ॥

जिण-सिद्ध-सूरि-उज्जाय-साहु-साहम्मि-भव्वजीवेसु ।

तिक्कालं जं सुकयं तमहं अणुमोयए सम्मं ॥ ६ ॥

सागारमणागारं सरणं जिण-सिद्ध-साहु-धम्मेसु ।

पंचपरमेट्टिमंतं सरेमि सुहभावसंजुत्तो ॥ ७ ॥

नाहं कस्स, न मज्झ वि को वि, अहं निम्ममो सदेहे वि ।

किंतु सिरिवीरपाया गई मई हुंतु सयकालं ॥ ८ ॥

॥ आलोयणाकुलयं ॥

जिण-सिद्ध-केवलीणं मणपज्जवनाणि-ओहिनाणीणं ।

चउदस-दसपुव्वीणं दुन्नियचरियं समालोए ॥ १ ॥

निंदांमि य गरहामि य आलोएमि कयंजली इणमो ।	
आगमववहारीणं सच्चं पच्चक्खनाणीणं	॥ २ ॥
नाणस्स दंसणस्स य चरणस्स य जिणवरिंदभणियस्स ।	
जे मे के अइयारा तं निंदे तं च गरहामि	॥ ३ ॥
मूलगुणाणऽइयारे पाणवहाईण, उत्तरगुणाणं ।	
पिंडविसुद्धाईणं तं निंदे तं च गरहामि	॥ ४ ॥
रणेण व दोसेण व मोहेण व मोहिणएण अवसेणं ।	
जं किंचि कयमकज्जं तं निंदे तं च गरिहामि	॥ ५ ॥
कोहेण व माणेण व माया लोभेण सेवियं जं च ।	
सुहुमं व बायरं वा तं निंदे तं च गरिहामि	॥ ६ ॥
आउट्टियदप्पेणं अहव पमाएण सेवियं जं च ।	
वसणेणाऽऽयंकेण व तं निंदे तं च गरिहामि	॥ ७ ॥
अण्णाणतमंधेणं मिच्छत्तविमोहिणएण कलुसेण ।	
इह-परलोयविरुद्धं तं निंदे तं च गरिहामि	॥ ८ ॥
जिण-पवयण-साहूणं आसायण-अविणयं च जं किंचि ।	
मण-वय-काएण कयं तं निंदे तं च गरिहामि	॥ ९ ॥
रगाउरेण धणियं कसायदंडुक्कडेण मूढेण ।	
इंदियविसयगएसुं तं निंदे तं च गरिहामि	॥ १० ॥
तं एस जिणिंदाणं सिद्धाण य केवलीण पच्चक्खं ।	
जिणबिंबाण य पुरओ तिविहं तिविहेणमालोए	॥ ११ ॥
एवं आलोएंतो दढसत्तो अइविसुद्धपरिणामो ।	
सच्चरिणएण समगो वच्चइ अयरामरं ठाणं	॥ १२ ॥

॥ खामणाकुलयं-१ ॥

जो को वि य पाणिगणो दुक्खे ठविओ मए भमंतेणं ।	
सो खमउ मज्झ इण्हिं मिच्छ मे दुक्कडं तस्स	॥ १ ॥
एवं सीमन्नेणं चउगइसंसारसायरे घोरे ।	
भणियं सव्वजियाणं संपइ खामेमि भेएणं	॥ २ ॥
नेइयाणं मज्झे मूढेणं पावकम्मवसगेणं ।	
दुक्खविया जं जीवा मिच्छ मे दुक्कडं तस्स	॥ ३ ॥
तिरिएसु वि जे जीवा नाणाविहजीवरासिमज्झम्मि ।	
वेलविया सुहमिच्छ मिच्छ मे दुक्कडं तस्स	॥ ४ ॥
मणुयाणं पि य मज्झे अन्नाणंधेण पावकम्मेण ।	
हासेण वि दुक्खविया मिच्छ मे दुक्कडं तस्स	॥ ५ ॥
देवाणं पि य मज्झे सुहदुल्लिएण कह वि मूढेण ।	
जिणवयणबाहिरेणं जं इयं दुक्कडं तस्स	॥ ६ ॥
नारय-तिरिय-नराऽमरजीवाणं खामणा कया जा उ ।	
एसा दुहनिद्लणाहेउ विसेसेण मज्झं पि	॥ ७ ॥
अरिहंत-सिद्ध-आयरिय-उज्जायाणं पि सव्वसाहूणं ।	
जा काइ कया निंदा निंदे तिविहेण तं पावं	॥ ८ ॥
दंसण-नाण-चरित्ते सम्मत्ते जिणवरेहिं पन्नत्ते ।	
जा जणिया सा खिसा तिविहं तिविहेण तं निंदे	॥ ९ ॥
चउविहसंघसमुद्धो महव्वय-अणुव्वयेहिं संपुण्णो ।	
जं खलिओ पावेणं तस्स य हं दुक्कडं देमि	॥ १० ॥
रे जीव ! तुमं भमिओ पुढवाईयाण जाव तसकाओ ।	
जं न वि सुमरेसि तुमं दे मिच्छ दुक्कडं तस्स	॥ ११ ॥

सव्वे वि य आसि महं माया भाया पिया य पुत्ता य ।	
भत्ता जे संसारे, अहं पि तेसिं न संदेहो	॥ १२ ॥
एयं चिय से परमं परमपवित्तं च मंगलं एयं ।	
जिणसासणस्स सारं पुणो पुणो तेण से देमि	॥ १३ ॥
मिच्छादाणेण जिओ मोहं हणिऊण केवली होइ ।	
जह जाया रायसुया मिगावईनाम नामेणं	॥ १४ ॥
मिच्छा दुक्कडकुलयं अहवा अत्ताणखामणा रइया ।	
अहवा भावणकुलयं सम्मद्दिट्ठिस्स जीवस्स	॥ १५ ॥

॥ खामणाकुलयं-२ ॥

जो कोइ मए जीवो, चउगइसंसारभवकडिल्लमि ।	
दूहविओ मोहेणं, तमहं खामेमि तिविहेणं	॥ १ ॥
नरएसु य उववन्नो, सत्तसु पुढवीसु नारगो होउं ।	
जो कोइ मए जीवो, दूहविओ तं पि खामेमि	॥ २ ॥
घायणचुन्नणमाइ, परोप्परं जं कयाइं दुक्खाइं ।	
कम्मवसएण नरए, तं पि य तिविहेण खामेमि	॥ ३ ॥
निद्दयपरमाहम्मिअ-रूवेणं बहुविहाइं दुक्खाइं ।	
जीवाणं जणियाइं, मूढेणं तं पि खामेमि	॥ ४ ॥
हा ! हा ! तइया मूढो, न याणिमो परस्स दुक्खाइं ।	
करवत्तयछेयण-भेयणेहिं, केलीए जणियाइं	॥ ५ ॥
जं किं पि मए तइया, कलंकलीभावमागएण कयं ।	
दुक्खं नेरइयाणं, तं पि य तिविहेण खामेमि	॥ ६ ॥
तिरियाणं चिय मज्जे, पुढवीमाइसु खारभेएसु ।	
अवरोप्परसत्थेणं, विणासिया ते वि खामेमि	॥ ७ ॥

बेइंदियतेइंदिय-त्रउरिदिमाइणेगजाइसु ।	
जे भक्खिय दुक्खविया, ते वि य तिविहेण खामेमि	॥ ८ ॥
जलयरमज्जगएणं, अणेगमच्छइरूवधारेणं ।	
आहारट्टा जीवा, विणासिया ते वि खामेमि	॥ ९ ॥
छिन्ना भिन्ना य मए, बहुसो दुट्टेण बहुविहा जीवा ।	
जे जलमज्जगएणं, ते वि य तिविहेण खामेमि	॥ १० ॥
सप्पसरिसवमज्जे, वानरमज्जारसुणहसरहेसु ।	
जे जीवा वेलविआ, दुक्खत्ता ते वि खामेमि	॥ ११ ॥
सद्दूलसीहगंडयजाइसुं, जीवघायजणिआसु ।	
जे उववन्नेण मए, विणासिया ते वि खामेमि	॥ १२ ॥
ओलावगिद्धकुक्कुड, -हंसबगाइसुं, सउणजाइसुं ।	
जे छुहवसेण खद्धा, किमिमाइ ते वि खामेमि	॥ १३ ॥
मणुएसु वि जे जीवा, जिब्भेदियमोहिएण मूढेण ।	
पारद्धिमतेणं, विणासिया ते वि खामेमि	॥ १४ ॥
फासगढिएण जे च्चिय, परदारइसु गच्छमाणेणं ।	
जे दुमिय दूहविया, ते वि य खामेमि तिविहेणं	॥ १५ ॥
चक्खिंदियघाणिंदिय-सोइंदियवसगएण जे जीवा ।	
दुक्खम्मि मए ठविया, ते हं खामेमि तिविहेणं	॥ १६ ॥
सामित्तं लहिरुणं, जे बद्धा घाइया य मे जीवा ।	
सावराहनिरवराहा, ते वि य तिविहेण खामेमि	॥ १७ ॥
अक्कमिउणं आणा, कारविया जे उ माणभंगेणं ।	
तामसभावगएणं, ते वि य तिविहेण खामेमि	॥ १८ ॥
अब्भक्खाणं जं मे, दिन्नं दुट्टेण कस्सइ नरस्स ।	
रोसेण व लोभेण व, तं पि य तिविहेण खामेमि	॥ १९ ॥

परआवयाए हरिसो, पेसुत्रं जं कयं मए इहइं । मच्छ्रभावठिएणं, तं पि य तिविहेण खामेमि	॥ २० ॥
रुद्धो खुद्दसहावो, जाओ णेगासु मिच्छजाइसु । धम्मो त्ति सुहो सद्धो, कत्रेहि वि तत्थ नो विसुओ	॥ २१ ॥
परलोगनिप्पिवासो, जीवाण सया वि घायणपसत्तो । जं जाओ दुहहेउ, जीवाणं तं पि खामेमि	॥ २२ ॥
आरियखित्ते वि मए, खट्टिगंवागुरियडुम्बजाइसु । जे वि हया जियसंघा, ते वि य तिविहेण खामेमि	॥ २३ ॥
मिच्छत्तमोहिएणं, जे वि हया के वि मंदबुद्धिए । अहिगरणकारणेणं, वहाविआ ते वि खामेमि	॥ २४ ॥
दवदाणपलीवणयं, काऊणं जे जीवा मए दइढा । सरदहतलायसोसे, जे वहिया ते वि खामेमि	॥ २५ ॥
सुहदुल्ललिएण मए, जे जीवा केइ भोगभूमिसु । अंतरदीवेसुं वा, विणासिया ते वि खामेमि	॥ २६ ॥
देवत्ते वि य पत्ते, केलिपओसेण लोहबुद्धीए । जे दूहविया सत्ता, ते वि य खामेमि सव्वे वि	॥ २७ ॥
भवणवइणं मज्जे, आसुरभावम्मि वट्टमाणेणं । निद्दयहणणमणेणं, जे दूमिया ते वि खामेमि	॥ २८ ॥
वंतरूवेणं मए, केलीकिलभावओ य जं दुक्खं । जीवाणं संजणियं, तं पि य तिविहेण खामेमि	॥ २९ ॥
जोइसिएसु गएणं, विसयामिसमोहिएण मूढेणं । जो कोवि कओ दुहिओ, पाणी मे तं पि खामेमि	॥ ३० ॥
पररिद्धिमच्छरेणं, लोहनिबुद्धेण मोहवसगेणं । अभियोगिएण दुक्खं, जाण कयं ते वि खामेमि	॥ ३१ ॥

इय चउगइमावन्ना, जे के वि य पाणिणो मए वहिया ।	
दुक्खे वा संठविया, ते खामेमो अहं सव्वे	॥ ३२ ॥
सव्वे खमंतु मज्झं; अहं पि तेसिं खामेमि सव्वेसिं ।	
जं कुणइ अवरद्धं, वेरं चइउण मज्झत्थो	॥ ३३ ॥
न य कोइ मज्झ वेसो, सयणो वा एत्थ जीवलोगम्मि ।	
दंसणनाणसहावो, एक्को हं निम्ममो निच्चो	॥ ३४ ॥
जिणसिद्धा सरणं मे, साहू धम्मो य मंगलं परमं ।	
जिणनवकारो पवरो, कम्मक्खयकारणं होउ	॥ ३५ ॥
इय खामणा उ एसा, चउगइमावन्नयाण जीवाणं ।	
भावविसुद्धीए महं, कम्मक्खयकारणं होउ	॥ ३६ ॥

॥ मिच्छादुक्कडवोसिरणविहिकुलयं ॥

संसारे संसरंतेणं नाणाजोणिगए मए ।	
जंतुणो ठाविया दुक्खे तस्स मिच्छा मि दुक्कडं	॥ १ ॥
भवे भवे य जे आसि मायरो पियरो मम ।	
संपयं वोसिरामि त्ति, तस्स मिच्छा मि दुक्कडं	॥ २ ॥
भवे भवे य जं आसि कलत्तं पाणवल्लहं ।	
संपयं वोसिरामि त्ति, तस्स मिच्छा मि दुक्कडं	॥ ३ ॥
भवे भवे य जं आसि मित्त पुत्ता य धीयुरो ।	
संपयं वोसिरामि त्ति, तस्स मिच्छा मि दुक्कडं	॥ ४ ॥
एग्गिदिएसु जीवेसु रग-दोसवसेण मे ।	
पाणाइ हणियं चैव वोसिरामि त्ति पावगं	॥ ५ ॥
मुसावाओ य जो पुव्विं रग-दोसेहिं भासिओ ।	
इहं भवे परलोए तस्स मिच्छा मि दुक्कडं	॥ ६ ॥

जो कओ लोभदोसेण नवभेओ परिग्गहो । इहं भवे परलोए तस्स मिच्छा मि दुक्कडं	॥ ७ ॥
रत्तीए भुंजियं जं च असणाईयं मया पुरा । इहं भवे परलोए तस्स मिच्छा मि दुक्कडं	॥ ८ ॥
मिच्छत्तमोहमूढेणं साहवो जं न सेविया । इहं भवे परलोए तस्स मिच्छा मि दुक्कडं	॥ ९ ॥
साहम्मियवच्छल्लं जं पुरा नो कयं मए । इहं भवे परलोए तस्स मिच्छा मि दुक्कडं	॥ १० ॥
चउव्विहम्मि संघम्मि जा भत्ती न कया मए । इहं भवे परलोए तस्स मिच्छा मि दुक्कडं	॥ ११ ॥
सदेवमणुयाऽसुर-नारयम्मि, तिरिक्खजीवेसु जगत्तयम्मि । रगेण दोसेण व जं कयं मए पावं तु तं तं तिविहेण वोसिरे ॥१२॥	
अज्जप्पभिई देवो जावज्जीवं जिणेसरो । पूइओ देव-देवीहिं मोक्खत्थो कम्मवज्जिओ	॥ १३ ॥
साहवो गुरवो मज्झं जावज्जीवाइ भावओ । भवोयहिम्मि बुड्डाणं सत्ताणं तारणक्खमा	॥ १४ ॥
परमेट्टिपरममंतं सम्मं भावेण झाइमो । संपयं पावदावग्गीवारिवाहं महाफलं	॥ १५ ॥
खामेमि सव्वजीवेसु तसेसुं थावरेसु य । खमंतु ते वि मे सव्वं मित्तीभावं गयस्स उ	॥ १६ ॥
एवं मिच्छउक्कड-वोसिरणविही य सयलसत्तस्स । सग्गऽपवग्गसुहाइं सुलहाइं नरस्स, किं बहुणा ?	॥ १७ ॥

॥ ईर्यापथिकीमिथ्यादुष्कृतकुलकम् ॥

- वीरजिणंद नमक्वि जगनाह दुहदविदद्धजीवजलवाह ।
चउगइभेदहि जीवह सत्थ पभणीसु खमासमणपरमत्थ ॥ १ ॥
- सत्तनरंगि नारगीय जन्ति सत्तभेदि तेसं मण हुंति ।
पज्जत्तापज्जत्त मिलंति जीवरासि ते चउद हवंति ॥ २ ॥
- पुढविक अपतेउवाउअणंतवणसइ पंच भेद इम हुंति ।
थूलसुहुमदसभेदे निरुत्त वीस हुंति अपजत्तपजत्त ॥ ३ ॥
- पजअपजत्तवणसइपत्तेय इम एगिंदिय बावीसभेय ।
बिंदियतिंदियचउरिंदियभेय पजअपजत्त हुंति छब्भेय ॥ ४ ॥
- जलथलखेयरउरपरिसप्प, भुजपरिसप्प पणभेदि अप्प ।
असन्निअसन्नि भेयदस जाणि, पंजअपज्जत्त वीसंपरिआणि ॥ ५ ॥
- अडयालिसभेदे तिरिगत्ति ते हुं खामिउम्बि बहुजत्ति ।
पनर करमभूमि माणुसगत्ति तीस अकरमभूमि पुण हुंति ॥ ६ ॥
- छप्पन्नंतरदीवियभेय एकोत्तर सय माणुसभेय ।
पज्जत्तापज्जभेय इम हुंति, बिसइं बिलोतर म करसि भ्रंति ॥ ७ ॥
- वंतपितअसन्निअपजत्त, मणुअभेद एकोत्तरसत्त ।
एवं तिसयतिडोतरभेय, मणुयगत्ति खामउं सविवेय ॥ ८ ॥
- भवणनिवासीय भेय दस देव, परमाहम्मिय पनरस चेव ।
दस जंभगसुर वंतर सोल, चरथिरजोइस दस सुरलोय ॥ ९ ॥
- तिन्नि किल्विष (स)वेमाणिय बार, गिविज लोगंतिय नव नव सार ।
पंच अनुत्तर एवं अमर, नव्वाणूं वइ भेद ते पवर ॥ १० ॥
- पज्जापज्जत्तभेद आणेउ, अट्टाणुंसो अमरह भेउ ।
एवं चउगइ जीव ज जाणि, पणसयतिसट्ठि इण परिआणि ॥ ११ ॥

दस अभिहयापमुहपयजोडि, अंकसगुणकारइ इमं होइ ।
 पंच सहस छ सइ अनइ तीस, मिच्छदुक्कड मज्झ सवि दीस ॥१२
 इण परि चउगइजीवहरासि खामइ ते न पंडइ भवपासि ।
 विलसइ विविहलेय पावंति, सिद्धिनयरि सुह म करसि भ्रंति ॥१३

॥ जीवानुशास्तिकुलकम् ॥

रे जीव ! किं न बुज्झसि, चउगइसंसारसायरे घोरे ;
 भमिओ अणंतकालं, अरहट्टघडि व्व जलमज्झे ॥ १ ॥

रे जीव ? चित्तसु तुमं, निमित्तमित्तं परो हवइ तुज्झ ;
 असुहपरिणामजणियं, फलमेयं पुव्वकम्माणं ॥ २ ॥

रे जीव ! कम्मभरियं, उवएसं कुणसि मूढ ! विवरिअं ;
 दुग्गइगमणमणाणं, एस च्चिय हियइ (हवइ) परिणामो ॥ ३ ॥

रे जीव ! तुमं सीसे, सवणा दाऊण सुणसु मह वयणं ;
 जं सुखं न वि पाविसि, ता धम्मविवज्जिओ नूणं ॥ ४ ॥

रे जीव ! मा विसायं, जाहि तुमं पिच्छिऊण पररिद्धी ;
 धम्मरहियाण कुत्तो ?, संपज्जइ विविहसंपत्ती ॥ ५ ॥

रे जीव ! किं न पिच्छसि ?, झिज्झंतं जुव्वणं धणं जीअं ;
 तह वि हु सिग्घं न कुणसि, अप्पहियं पवरजिणधम्मं ॥ ६ ॥

रे जीव ! माणवज्जिअ, साहसपरिहीण दीण गयलज्ज ;
 अच्छसि किं वीसत्थो, न हु धम्मे आयरं कुणसि ॥ ७ ॥

रे जीव ! मणुयजम्मं, अकयत्थं जुव्वणं च वोलीणं ;
 न य चिण्णं उगततवं, न य लच्छी माणिआ पवरा ॥ ८ ॥

रे जीव ! किं न कालो, तुज्झ गओ परमुहं नीयंतस्सं ;
 जं इच्छियं न पत्तं, तं असिधारवयं चरसु ॥ ९ ॥

इय मा मुणसु मणेणं, तुज्झ सिरी जा परस्स आइत्ता ;
ता आयरेण-गिण्हसु, संगोवय विविहपयत्तेण ॥ १० ॥

जीविअं मरणेण-समं, उप्पज्जइ जुव्वणं सह जराए ;
रिद्धी विणाससहिआ हरिसविसाओ न कायव्वो ॥ ११ ॥

॥ प्रतिसमयजागृतिकुलकम् ॥

समए समए रे जीव ! आउयं गलइ तुह नियंतस्स ।
तह वि हु धम्मम्मि तुमं, मणं पि नो देसि जिणभणिए ॥ १ ॥

समए समए रे जीव ! जुव्वणं गलइ चंचलं अंगं ।
तह वि विसयासपासा बंधं अइनिट्टुरं कुणसि ॥ २ ॥

समए समए रे जीव ! जीविआसापसत्तचित्तेणं ।
जं पोसियं सरीरं, तं पि, न तुह चेव साहीणं ॥ ३ ॥

समए समए रे जीव ! जं धणं संचियं सुहासाए ।
तं पि मरणावसाणे, पयं पि नो देइ तुह गमणे ॥ ४ ॥

समए समए रे जीव ! अज्जियं जं तए असुहकम्मं ।
तं तिलतुसमित्तं, भुंजेयव्वं तए नूणं ॥ ५ ॥

समए समए रे जीव ! जं न चित्तेसि धम्ममुवउत्तो ।
तं नारय-तिरिय-भवाडवीइ अइदुक्खिंओ भमसि ॥ ६ ॥

समए समए रे जीव ! जं न भावेसि भावणा सययं ।
तं संसारउरहट्टे, पुणरुत्तं भमसि गोणु व्व ॥ ७ ॥

इय-जाणिऊण रे जीव ! जिणवरिदेहि देसिए मग्गे ।
अब्भुट्ठाणं काउं, खणमवि मा काहिसि पमायं ॥ ८ ॥

पू.आ.श्रीदेवभद्रसूरिविरचितम्
॥ संवेगमंजरीकुलयं ॥

- सद्देसणमलयानिल-मंजरिअविसुद्धभावसहयारो ।
जयइ जयाणंदयरो वसंतसमउ व्व जिणवीरो ॥ १ ॥
- संसारसायरं दुत्तरं पि लीलाइ किल समुत्तिण्णा ।
संवेगपवहणगया सप्पुरिसा भरहमाईआ ॥ २ ॥
- ता रे जीव ! तुमं पि हु लहिउं मणुअत्तणाइसामग्गिं ।
संवेगपवहणगओ भवजलहिं कीस न तरेसिं ? ॥ ३ ॥
- न पुणो पुणो पि एअं तुह संभवेमि जीव ! सामग्गिं ।
ता रे हारेसि कहां पमायमइराइ उम्मत्तो ? ॥ ४ ॥
- कोडिं वराडिअकए हारेसि दहेसि चंदणतरुं पि ।
छारकए विक्किणसि अ तणेण कप्पदुदुमं मूढ ! ॥ ५ ॥
- जं विसमविससरिच्छेसु तुच्छविसएसु लालसो होउं ।
न करेसि सिववहूसंगमिक्कदूअं तवं विउलं ॥ ६ ॥
- जलपडिबिबिअतरुअरफलेहिं को णाम पाविओ तत्ति ? ।
सुमिणोवलद्धअत्थेण ईसरो को व संजाओ ? ॥ ७ ॥
- कस्स वि निव्वीआइखित्ते रोहंति सयलसस्साइं ।
को वा धम्मेण विणा वि भायणं होइ सुक्खाणं ॥ ८ ॥
- सत्तो वि तवं तविउं सुअं च पढिउं चरित्तमवि चरिउं ।
जइ न (व)तव(सि)न पढसि नेअ चरसि सुहलालसो संतो ॥ ९ ॥
- ता किं थिरचित्तो सत्तुमित्तभेअं विहाय खणमेगं ।
भावेसि भावणं नेव जीव ! निल्लज्ज ! कइआ वि ॥ १० ॥
- पिच्छसि ताव सयं चिअ निसुणसि सत्थेसु पावकम्माणं ।
कडुअं विवागमायरसि तह वि रे ! पावकम्माइं ॥ ११ ॥

कइआ वि किंपि संपप्प कारणं जायए जह विरागो ।
 खणमेगं सो जइ तुह सया वि ता किं न पज्जत्तं ? ॥ १२ ॥
 विसविसमं पि हु पावं करेसि अमयं व हरिसिओऽणज्ज ! ।
 अमयमहुरं पि धम्मं मन्नसि लिबाउ कडुअयरं ॥ १३ ॥
 विसएसु लोलुअं तुह चित्तं चित्तं कुलालचक्रं व ।
 परिभममाणं दुग्गइ-दुहभंडे घडइ अक्खंडे ॥ १४ ॥
 रज्जेण न संतुस्सइ न तप्पए अमरजणविलासेहिं ।
 रे पाव ! तुज्झ चित्तं रंकस्स व लज्जपरीहीणं ॥ १५ ॥
 किंचि जया जं पिच्छसि तं तं अप्पुव्वमेव मन्नेसिं ।
 भणसि अपुव्वं न कयाइ सुक्खमेवंविहं पत्तं ॥ १६ ॥
 चित्तेसि न उण एअं अणंतसो सुरनरेसु सुक्खाइं ।
 पत्ताइं ताइं न सरसि मणे मणागं पि रे पाप ! ॥ १७ ॥
 जइ पुण ताइं थेवं पि सरसि ता नेव तुज्ज दुहभारो ।
 कुरुचंदस्स व देहे गेहे भुवणि व्व माइज्जा ॥ १८ ॥
 रे मूढ ! तुह अकज्जे लीलाइं चहुट्टए जहा चित्तं ।
 तह जह कज्जे वि तओ हविज्ज कहआ (नवि) दुक्खं ? ॥ १९ ॥
 रइइ अंधयारे विदूरदेसट्ठिअस्स लीलाए ।
 जह रागवसेण फुडं पिअस्स निव्विन्नसे रूवं ॥ २० ॥
 तह जह कयाइ कहमवि कहिं पि ईसिं पि परमपुरिसाणं ।
 मुहकमलं पिच्छसि लहसि नूणं ता सयलसुक्खाइं ॥ २१ ॥
 आमूलाओ सोअग्गिणा वि दइढस्स तुज्झ रे जीव ! ।
 उम्मील्लंति सया रागपल्लवा नव-नवा चेव ॥ २२ ॥
 हद्धी कहं न लज्जसि पावं अयरामरु व्व जं कुणसि ।
 पिच्छंतो जललवलोलमेवमेअं जयं सयलं ॥ २३ ॥

पिच्छंतस्स वि तुह दारुणो इमो मच्चुकेसरिकिसोरो । ही हरइ वल्लहे सरणविरहिण बालहरिण व्व	॥ २४ ॥
दट्टूण वि हीरंतं विसंतुलं जगमिणं जमभडेहिं । किं नच्चंतो चिट्ठसि रे पाव ! विवेगपरिहीणो	॥ २५ ॥
पच्चक्खं रे जिअ ! मोह-रयधाडी गिहम्मि लुडेइ । सव्वस्स तह वि तुमं आणाए तस्स वट्टेसि	॥ २६ ॥
हा ! हा ! कहं न हीणस्स तव मिच्छत्तमंतिणा सद्धिं । निच्चं पि वंचणपरेण मूढ एयारिसोदे(ने)हो	॥ २७ ॥
अज्ज वि मुंचसु एअं मा मा दुक्खाण भायत्तं होसु । सद्धम्ममहारयं पडिवज्जसु सामिअं जीव !	॥ २८ ॥
सम्मत्तमहामंतं कल्लणकलावकारणं पयओ । आराहसु जेण सो दावइ तुह सिवपुरे रज्जं	॥ २९ ॥
इअ जइ संवेगपरो खणं रे जीव ! होसि ता तुज्झ । सुलहा सिवसुहलच्छी लद्धमणुअदेवभदस्स	॥ ३० ॥
संवेगमंजरिमिमं सवणावयंस-भावं नयंति सुअणा ! अमिलाणसोहं । जं निच्चमेव सिरिसिद्धिवहूकडक्ख,- लक्खोवलक्खिअतणू खलु ते हवंति	॥ ३१ ॥

॥ प्रमादपरिहारकुलकम् ॥

दुक्ख-सुक्खे सया मोहं, अमोहं जिणसासणं । तेसिं कयणामो हं , संबोहं अप्पणो करे	॥ १ ॥
दसहिं चुल्लाईहिं दिट्ठतेहिं कयाइओ । संसरंता भवे सत्ता पावंति मणुयत्तणं	॥ २ ॥

नरते आरियं खित्तं, खित्ते वि विउलं कुलं ।	
कुले वि उत्तमा जाई, जाईए रूवसंपया	॥ ३ ॥
रूवे वि हु अरेगित्तं, अरेगे चिरजीविअं ।	
हियाहियं च विन्नाणं, जीविए खलु दुल्लहं	॥ ४ ॥
सद्धम्मसवणं तम्मि, सवणे धारणं तहा ।	
धारणे सहहाणं चं, सहहाणे अ संजमो	॥ ५ ॥
एवं रे जीव ! दुल्लभं बारसंगाण संपयं ।	
संपयं पाविरुणेह पमाओ नेव जुज्जए	॥ ६ ॥
पमाओ अ जिणिदेहिं अट्टहा परिवन्निओ ।	
अन्नाणं १ संसओ २ चेव मिच्छन्नाणं ३ तहेव य	॥ ७ ॥
रगो ४ दोसो ५ मइब्भंसो ६ धम्मम्मि य अणायरो ७ ।	
जोगाणं दुप्पणिहाणं ८ अट्टहा वज्जियव्वओ	॥ ८ ॥
वरं वाही, विसं भुत्तं, वरं अग्गीपवेसणं ।	
वरं सत्तूहिं संवासो, वरं सप्पेहिं कीलियं	॥ ९ ॥
ण धम्मम्मि पमाओ, एग मच्चू विसाइणो ।	
पमाएणं अणंतानि जम्माणि मरणाणि य	॥ १० ॥
चउदसपुव्वी आहारगा य मणनाणी वीयरगा वि ।	
हुंति पमायपरवसा, तयणंतरमेव चउगइया	॥ ११ ॥
मग्गा-उपवग्गमग्गम्मि लग्गा वि जिणसासणे ।	
पडिया हा ! पमाएणं संसारे सेणियाइया	॥ १२ ॥
सोद्धइं तिक्खदुक्खाइं सारीर-माणसाणि य ।	
रे जीव ! नरए घोरे पमाएणं अणंतसो	॥ १३ ॥
दुक्खाइं पेगलक्खाइं, छुहा-तण्हाइयाणि य ।	
त्ताणि तिरियत्ते वि पमाएणं अणंतसो	॥ १४ ॥

रोग-सोग-विओगाइं, रे जीव ! मणुयत्तणे । अणुभूयं महादुक्खं पमाएणं अणंतसो	॥ १५ ॥
कसाय-विसयाईया, भयाईणि सुरत्तणे । पत्ते पत्ताइं दुक्खाइं पमाएणं अणंतसो	॥ १६ ॥
जं संसारे महादुक्खं, जं मुक्खे सुक्खमक्खयं । पावंति पाणिणो तं पि, पमाया अपमायओ	॥ १७ ॥
पत्ते वि सुद्धसम्मत्ते सुत्तासुत्तनिउत्तया । उवउत्ता जं न मग्गम्मि, हा ! पमाओ दुरंतओ	॥ १८ ॥
बाढं पढंति पाढिति नाणासत्थविसारया । भुल्लंति ते पुणो मग्गा, हा ! पमाओ दुरंतओ	॥ १९ ॥
अत्रेसिं दिति संबोहं निस्संदेहं दयालुया । सयं मोहहया ते वि, हा ! पमाओ दुरंतओ	॥ २० ॥
पंच सयाण मज्झम्मि खंदगायरिओ तथा । कहं विराहओ जाओ ? हा ! पमाओ दुरंतओ	॥ २१ ॥
तयं वत्थं तथाहूओ खुड्डुदेवेण बोहिओ । अज्जऽऽसाढमुणी कट्टं हा ! पमाओ दुरंतओ	॥ २२ ॥
सूरी वि महुर मंगू सुत्त-अत्थधरो थिरं । पुरनिद्धमणे जक्खो, हा ! पमाओ दुरंतओ	॥ २३ ॥
जं हरिस-विसाएहिं चित्तं जित्तं जए फुडं । महामुणीण संसारे, हा ! पमाओ दुरंतओ	॥ २४ ॥
अप्पायत्तं कयं सत्तं, चित्तं चारित्तसंगयं । परायत्तं पुणो होइ, हा ! पमाओ दुरंतओ	॥ २५ ॥
एयावत्थं तुमं जाओ सव्वसुत्तो गुणायरो । संपयं पि न उज्जुत्तो, हा ! पमाओ दुरंतओ	॥ २६ ॥

हा ! हा ! तुमं कहं होसि पमायकुलमंदिरं ? ।
 जीव ! मुखे सयासुखे, किं न उज्जमसी लहुं ? ॥ २७ ॥
 पावं करेसि किच्छेणं, धम्मं सुखेहिं नो पुणो ।
 पमाणं दुरतेणं कहं होसि ? न याणिमो ॥ २८ ॥
 जहा पयट्ठंति अणज्जकज्जे तथा वि निच्चं मणसा वि नूणं ।
 तथा खणेगं जइ धम्मकज्जे ता दुक्खिओ होइ न कोइ लोए ॥ २९ ॥
 जेणं सुलद्धेण दुहाइं दूरं वयंति, आयंति सुहाइं नूणं ।
 रे जीव ! एयम्मि सुहालयम्मि जिणंदधम्मम्मि कहं पमाओ ? ॥३०॥
 हा ! हा ! महापमायस्स सव्वमेयं वियंभियं ।
 न सुणंति न पिच्छंति कन्न-दिट्ठीजुया वि हु ॥ ३१ ॥
 सेणावई मोहनिवस्स एसो, सुहाण जं विग्घकरो दुरप्पा ।
 महारिऊ सव्वजीयाण एसो, अहो ! हु कट्ठं ति महापमाओ ॥ ३२ ॥
 एवं वियाणिऊणं मुंच पमायं सया वि रे जीव ! ।
 पाविहिसि जेण सम्मं जिणपयसेवाफलं रम्मं ॥ ३३ ॥

॥ जीवजोणिभावणाकुलयं ॥

रे जीव ! किं न याणसि चउगइसंसारसायरे घोरे ।
 भमिहिसि चक्काइट्टे चउससीजोणिलक्खेसु ॥ १ ॥
 रे जीव ! सत्तलक्खाजोणीणं पुढविकायमज्झम्मि ।
 कालमसंखं दुक्खं पत्तं अन्नाणमूढेण ॥ २ ॥
 रे जीव ! सयसहस्सा जोणीणं सत्त सत्त पत्तेअं ।
 अलवाउतेउकाए संपत्ता दुट्टदुक्खेहिं ॥ ३ ॥
 रे जीव ! किं भूअं अणंतकालं पि वणस्सइगएण ।
 दुक्खं तर्हि तर्हि चिअ दसचउदसजोणिलक्खेहिं ॥ ४ ॥

रे जीव ! किं न मुणिअं विगर्लिदिगईगएण दुक्खेहिं । दो दो तर्हि पत्तेअं लक्खाजोणीभमंतेणं	॥ ५ ॥
रे जीव ! किं न सहिअं नारयसुरविविहदुक्खसहिएण । चउरो चउरो लक्खा जोणीणं परिभमंतेण	॥ ६ ॥
रे जीव ! तिरिअमज्जे बहुविहदुक्खेहिं दुम्मिअमणस्स । तुह वोलीणो कालो चउरो लक्खाइ जोणीणं	॥ ७ ॥
रे जीव ! साणुअभावे नाणाविहरोगसोगसंततो । दसचउरो लक्खेहिं जोणीणं किं न निव्विण्णो ?	॥ ८ ॥
रे जीव ! सुमर सुमरह निच्चं चिअ इंदिएहिं संमूढो । सरसल्लिअ व्व अंगे विब्भलनयणो चिरं भमसि	॥ ९ ॥
रे जीव ! तइं संचिअ कइआ दुक्खाण एस रिंछेली । ता मूढ ! कुणसु धम्मं जिणभणिअं लोगविक्खायं	॥ १० ॥
रे जीव ! भावणाओ नवनवसंवेगवड्ढियपयावा । निट्ठवणं कम्माणं कुणसु धुवं थेवकालेणं	॥ ११ ॥

॥ देहकुलकम् ॥

नमिरुण जिणं वीरं किंचि सरूवं भणामि देहस्स । पिट्ठिकरंडा अट्टारसेव बारस य पंसलिया	॥ १ ॥
सत्त सिराण सयाइं पुरिसस्सिस्थीण तीसरुणाइं । दसरुणाइ नपुंसे तित्रि सया अट्टिदामाणं	॥ २ ॥
पंचसय पेसियाइं नरण महिलाण तीसरहियाइं । दसरुणाइं नपुंसे मम्माण सयं च सत्तऽहियं	॥ ३ ॥
नव ण्हारूण सयाइं नव धमणीओ य संधि सट्टिसयं । परिणमइ उ उच्चारो पढम पासेय दाहिणए	॥ ४ ॥

थूलंते तणुयंते दो यं(दं)ता पंच वामया हुंति । परिणमइ उ उच्चारे पढम बीए अ पासवणं	॥ ५ ॥
बत्तीसमेव दंता पणवीसपलाइं तह य कालिज्जं । अद्धुपलं हिययं कुच्छी य विहत्थिसुपमाणा	॥ ६ ॥
सत्तंगुलाइं चउरो पलाइं जीहा सिरं चउकवालं चउरंगुलिया गीवा पलजुयलं लोयणजुगम्मि	॥ ७ ॥
सुक्कस्स अद्धकुडवो कुडवो पित्तस्स तहय सिंभस्स । अद्दाढयं च वसए रुहिरस्स य आढयं एगं	॥ ८ ॥
मुत्ताढयं पुरीसे छप्पत्था मुत्थर्लिग पत्थो य । पुरिसस्स पंच कुट्ठा छट्ठा गब्भम्मि इत्थीए	॥ ९ ॥
नवई य सयसहस्सा रोमकूवाणि केसमुच्छ विणा । अद्धु रोमकूवा कोडी सह केसमंसूहिं	॥ १० ॥
पुरिसस्स सोयनवगं इक्कारस सोइ जाण इत्थीए । पुरिसाईणं कवला बत्तीसऽडवीस चउवीसा	॥ ११ ॥
सत्ताहं कललं होई, सत्ताहं होइ अब्बुयं । अब्बुया जायए पेसी, पेसीयो अ घणं भवे	॥ १२ ॥
पढमे मासे करिसूणं, पलं बीए घणो नीई (भवे) । तइए मासे अ माऊणं, डोहलं जणइ अणुरूवं	॥ १३ ॥
चउत्थे मासे माऊए अंगोवंगाइ पीणए गब्भो । करचरणसिरिउरे पंचमए पंचयं करे	॥ १४ ॥
छट्ठे मासे गब्भो उवचिणइ सोणियं च गब्भम्मि । सत्त सिरण सयाइं एमाई सत्तमे मासे	॥ १५ ॥
अट्ठमे वित्तीकप्पे उ, नवदसमेसु जायति । गब्भस्स य सुअणजागर सुहदुक्खं जणणिअणुरूवं	॥ १६ ॥

जायमाणस्स जं दुक्खं, मरमाणस्स जंतुणो ।	
तेण दुक्खेण संततो, न सरइ जाइमप्पणो	॥ १७ ॥
सूईहिं अग्गिवन्नाहिं, संभिन्नस्स निरंतरं ।	
जावइयं गोयमा ! दुक्खं, गब्भे अट्टगुणं तओ	॥ १८ ॥
गब्भाओ णीहरंतस्स, जोणीजंतणिलणे ।	
सयसाहस्सियं दुक्खं, कोडाकोडिगुणं पि वा	॥ १९ ॥
उयरे को वि वसंतो धम्मं सुणिरुण चित्ततल्लेसो ।	
तदप्पिअकरणो मरिउं सुहभावा जाइ सुरत्तमेअं	॥ २० ॥
ओही परबल दट्टुं चउहा सेण्णं वेउव्विउं जुज्जे ।	
तदप्पिअकरणो मरिउं वच्चइ एसो महानरण	॥ २१ ॥
दोहि असईहि पसई दुप्पसइ सेइआं चउ कुडवो ।	
चउकुडवो मगहपत्थो चउपत्थो आढओ होई	॥ २२ ॥
एयं देहसरूवं कहियं वीरेहि गोयमाईहिं ।	
तंदुलवेयालियसुए भविअजणविबोहणट्टाए	॥ २३ ॥

॥ अभव्यकुलकम् ॥

जह अभवियजीवेहिं, न फासिया एवमाइया भावा ।	
इंदत्तमणुत्तरसुर, सिलायनर नारयत्तं च	॥ १ ॥
केवलिगराणहरहत्थे, पव्वज्जा, तित्थ वच्छं दाणं ।	
पवयणसुरी सूरत्तं, लोगंतिय देवसामित्तं	॥ २ ॥
तायत्तीससुरत्तं, परमाहम्मिय जुयलमणुअत्तं ।	
संभिन्नसोय तह, पुव्वधराहारयपुलायत्तं	॥ ३ ॥
मइनाणाई सुलद्धी, सुपत्तदाणं समाहिमरणत्तं ।	
चारणदुगमहुसप्पिय, खीरासवखीणठणत्तं	॥ ४ ॥

तित्थयरतित्थपडिमा-तणुपरिभोगाइ कारणे वि पुणो ।	
पुढवाइयभावम्मि वि, अभव्वजीवेहिं नो पत्तं	॥ ५ ॥
चउदस रयणत्तं पि, पत्तं न पुणो विमाणसामित्तं ।	
सम्मत्तनाणसंयम, तवाइ भावा न भावदुगे	॥ ६ ॥
अणुभव्वजुत्ता भत्ती, जिणाण साहम्मियाण वच्छल्लं ।	
न य साहेइ अभव्वो, संवेगत्तं न सुप्पक्खं	॥ ७ ॥
जिणजणयजणणिजाया, जिण जक्खा जक्खणीजुगपहाणा ।	
आयरियपयाइ दसगं, परमत्थ गुणड्डमप्पत्तं	॥ ८ ॥
अणुबंधहेउसरूवा, तत्थ अहिंसा तिहा जिणुदिट्ठा ।	
दव्वेण य भावेण य, दुहा वि तेसिं न संपत्ता	॥ ९ ॥

॥ विरतिफलकुलकम् ॥

छत्तीसदिनसहस्सा, वाससये होइ आउपरिमाणं ।	
झिञ्जत्तं पईसमयं, पिच्छओ धम्मम्मि जइअव्वं	॥ १ ॥
जइ पोसहसहिओ, तव नियमगुणेहिं गम्मइ एगदिणं ।	
ता बंधइ देवाउ, इत्तियमित्ताइं पलियाइं	॥ २ ॥
सगवीसं कोडीसया, सत्तहुत्तरी कोडिलक्ख सहस्सा य ।	
सत्तसया सत्तहुत्तरि, नवभार्गा सत्तपलियस्स	॥ ३ ॥
अट्ठासीई सहस्सा, वाससये दुन्निलक्खपहण्णं ।	
एगोविअ जइ पहरे, धम्मजुओ ता इमो लाहो	॥ ४ ॥
तिसयसगं चत्तकोडि, लक्खा बावीस सहस बावीसा ।	
दुसइ दुवीस दुभागा, सुराउबंधो य इगपहरे	॥ ५ ॥
दस लक्ख असीय सहसा, मुहुत्त संखाय होइ वाससए ।	
जइ सामाइअसहिओ, एगोविअ ता इमो लाहो	॥ ६ ॥

बाण वयकोडीओ, लक्खा गुणसट्टि सहस्स पणवीसं ।	
नवसयपणवीस जूआ, सतिहा अडभाग पलियस्स	॥ ७ ॥
वाससये घडिआणं, लक्खिगवीसं सहस्स तह सट्टी ।	
एगा वि अ धम्मजूआ, जइ ता लाहो इमो होइ	॥ ८ ॥
छायालकोडी गुणतीस लक्ख छासट्टी सहस्स सयनवगं ।	
तेसट्टीकिंचूणा, सुराउ बंधेइ इगघडिए	॥ ९ ॥
सट्टी अहोरत्तेणं, घडिआओ जस्स जंति पुरिसस्स ।	
नियमेण वि रहिआओ, सो दिअहओ, निप्फलो तस्स	॥ १० ॥
चत्तारी अ कोडिसया, कोडीओ सत्त लक्ख अडयाला ।	
चालीसं च सहसा, वाससय हुंति ऊसासा	॥ ११ ॥
इक्को वि अ ऊसासो, न य रहिओ होइ पुण्णपावेहिं ।	
जइ पुण्णेणं सहिओ, एगो विअ ता इमो लाहो	॥ १२ ॥
लक्ख दुग सहस पण चत्तं, चउसया अट्टु चेव पलियाइं ।	
किंचूणा चउभागा, सुराउ बंधो इगुसासे	॥ १३ ॥
एगुणवीसं लक्खा, तेसट्टी सहस्स दुसय सत्तट्टी ।	
पलियाइं देवाउं, बंधेइ नवकारउस्सग्गो	॥ १४ ॥
लक्खिगसट्टी पणतीस, सहस दुसय दसपलिय देवाउ ।	
बंधेइ अहियं जीवो, पणवीसुसासउस्सग्गो	॥ १५ ॥
एवं पावपराणं, हवेइ निरयाउअस्स बंधो वि ।	
इअ नाउं सिरिजिणकित्तिअम्मि धम्मम्मि उज्जमह	॥ १६ ॥

॥ संज्ञाकुलकम् ॥

रुक्खाण जलाहारे १ संकोइणिया भएण संकुचिया २ ।	
नियतंतुएहिं वेढई वल्ली रुक्खे परिगहे य ३	॥ १ ॥
इत्थियंपरिंभेणं कुरुबगतारुणो फलंति मेहूणे ४ ।	
तह कोकणयस्स कंदो हुंकारे मुयइ कोहेणं ५	॥ २ ॥
माणे भरइ रुयंती ६ छयइ वल्ली फलाइं मायाए ७ ।	
लोभे बिल्लपलासा खिवंति मूलं निहाणुवरिं ८	॥ ३ ॥
खणीए संकोओ कमलाणं होइ लोकसन्नाए ९ ।	
ओहे चइत्तु मगं चढंति रुक्खेसु वल्लीओ १०	॥ ४ ॥
ए दस थावरसन्ना सुह १ दुह २ मोहाइ ३ तह दुगुंछ ४ य ।	
सोणे ५ धम्मो ६ एए सोलस सन्ना तसजिएसुं	॥ ५ ॥

॥ सम्मत्तकुलयं-१ ॥

लच्छीकुलहररूवं सम्मत्तं धम्मकप्पहुमबीअं ।	
एवं भावेअव्वं बहुमाणा निउणदंसीपि(हिं)	॥ १ ॥
सव्वन्नु सव्वदंसी अविंतहवाई तिलोअनमणिज्जो ।	
च्चिअरगदोसमोहो अरिहं देवो महं होउ	॥ २ ॥
वररयणत्तयधार संविग्गा भिक्खभोइणो, मुणिणो ।	
सुद्धवएस असंगा सुसाहुणो मम सया गुरुणो	॥ ३ ॥
सव्वत्थ जत्थ भणिअं अहिंससच्चं तहा अचोरिक्कं ।	
बंधमपरिगहो वि अ सो धम्मो मे सया होउ	॥ ४ ॥
सम्मत्तरयणमेव जे सम्मं निअमणे वि भावित्ति ।	
हे लद्धसुद्धत्ता पावित्ति समीहिअं सिद्धि	॥ ५ ॥

॥ सम्यक्त्वकुलकम्-२ ॥

- ★ वेसागिहेसु गमणं, जहा विरुद्धं महाकुलवहूणं ।
जाणाहि तहा सावय ! सुसावगाणं कुतित्थेसु ॥ १ ॥
- ★ भणइ जणो नारीणं सइत्तणं कत्थ वेसागिहगमणे ? ।
एवं कुतित्थगमणे, सम्मत्तं सावगस्स कहं ? ॥ २ ॥
- ★ किर धम्मम्मि य कुसलो, सुसावओ सो वि आगओ तत्थ ।
तम्हा एस पहाणो, सिवाय भणिओ जओ धम्मो ॥ ३ ॥
- ★ एवं तब्भत्ताणं थिरत्तणं कुणइ तत्थ वच्चंतो ।
वड्ढेइ च मिच्छत्तं, स बोहिबीयं हणइ तेसि ॥ ४ ॥
- ★ अन्नेसि सत्ताणं मिच्छत्तं जो जणेइ मूढप्पा ।
सो तेण निमित्तेण, न लहइ बोहि जिणाभिहियं ॥ ५ ॥
- ★ चिंतामणि व्व लद्धं, सम्मत्तं कह वि पुण्णजोएणं ।
तं हारवेइ मूढो लोइयतित्थेसु वच्चंतो ॥ ६ ॥
- ★ सो परमप्पाणं वि य, पाडेइ दुरुत्तरम्मि संसारे ।
मिच्छत्तकारणां जाव न वज्जेइ दूरेणं ॥ ७ ॥
- ★ दंसणविराहगाणं तल्लंभुक्कोसऽणंतकालाओ ।
तम्हा दंसणरयणं, सव्वपयत्तेण रक्खिज्जा ॥ ८ ॥
- अविरयसंजयवसहिं, गमणाऽऽगमणं न तत्थ कायव्वं ।
जायइ जेणालावो, आलावा पीइ-पणउ त्ति ॥ ९ ॥
- पीए वि हु दक्खिण्णं, दक्खिण्णे उचियकज्जपडिवत्ती ।
तीए संथवणाई कीरंती पुणपुणो ताणं ॥ १० ॥
- तेहिं कीरंतेहिं, सम्मत्तं इत्थ दूसियं होइ ।
सम्मत्तदूसणाए नासइ जिणदेसिओ धम्मो ॥ ११ ॥

जिणवरधम्मेण विणा संसारमहोदही अपारिल्लो । तरिउं न जेण तीरइ, तेण निसिद्धो गमो तत्थ	॥ १२ ॥
दुविहं लोइयमिच्छे देवगयं गुरुगयं मुणेयव्वं । लोगुत्तरं च दुविहं देवगयं गुरुगयं चव	॥ १३ ॥
चउभेयं मिच्छत्तं तिविहं तिविहेण जो विवज्जेइ । अकलंकं सम्मत्तं, होइ फुडं तस्स जीवस्स	॥ १४ ॥
ते धन्ना, ताण नमो, ते च्चिय चिरजीविणो, बुहा ते य । जे निइयारमेयं धरंति सम्मत्तवररणं	॥ १५ ॥

॥ सम्यक्त्वकुलकम्-३ ॥

★वेसागिहेसु गमणं, महाविरुद्धं जहा कुलवहूणं । जाणाहि तहा सावय !, सुसावगाणं कुतित्थेसु	॥ १ ॥
★भणइ जणो नारीणं, सइत्तणं कत्थ वेसगिहगमणे । एवं कुतित्थगमणे, सम्मत्तं सावगस्स कहं	॥ २ ॥
★किर धम्ममि कुसलओ, सुसावगो सो वि आगओ इहइं । तम्हा एस पहाणो, सिवाइभणिओ य जो धम्मो	॥ ३ ॥
★एवं तब्भत्ताणं, थिरकरणं कुणइ तत्थ वच्चंतो । वद्दारइ मिच्छत्तं, सुबोहिबीयं हणइ तेसिं	॥ ४ ॥
★अन्नेसि सत्ताणं, मिच्छत्तं जो करेइ मूढप्पा । सो तेण निमित्तेणं, न लहइ बोहिं जिणाभिहियं	॥ ५ ॥
★सो परमप्पाणं चिय, पाडेइ दुरुत्तरम्मि संसारे । मिच्छत्तकारणाइं, जो न विवज्जेइ दूरेणं	॥ ६ ॥
★चित्तामणि व्व दुलहं सम्मत्तं पाविऊण अन्नेहिं । तं हारवेइ जीवो, लोइयतित्थेसु जंतंणं	॥ ७ ॥

*दंसणविराहगाणं, तल्लभुक्कोसणंतकालाओ ।	
तम्हा दंसणरयणं, सव्वपयत्तेण रक्खंति	॥ ८ ॥
जह सियंवडेण रहियं, न तरइ भव(र)सायरम्मि बोहित्थं ।	
तह सम्मत्तेण विणा, किरियरुई न तरइ भवोहं(हिं)	॥ ९ ॥
जह व विणट्ठे तुंबे, साहारो नेह होइ अरएहिं ।	
तह सम्मत्तेण विणा, ताणं च न होइ चरणेण	॥ १० ॥
जह विच्छयं पउमं, हवइ विणट्ठम्मि कन्नियामते ।	
तह विच्छया किरिया, हवइ हु सम्मत्तनासम्मि	॥ ११ ॥
जह महआययणं पिय, पीढविणासे विणस्सए सव्वं ।	
सम्मत्तपीढनासे, तह नासइ गुरु तवच्चरणं	॥ १२ ॥
जह वा सालीपल्लो, कीडखइओ हवेज्ज नीसारो ।	
खीणे तह सम्मत्ते, हवइ असारं तवच्चरणं	॥ १३ ॥
अंधारनच्चियं पिव मयदेहोवट्ठणं जहा विहलं ।	
इय सम्मत्तेण विणा, सव्वमवस्समणुट्ठाणं	॥ १४ ॥
ता इत्थेव पयत्तो, कायव्वो दुल्लहं पुणो एयं ।	
दंसणरयणं रयणं व, दुल्लहं मंदपुत्राणं	॥ १५ ॥
जह य बहुविग्घपउरो, महानिही पायडो वि लोगम्मि ।	
पुत्रोवयाररहिएहिं, न उण पाविज्जए कह वि	॥ १६ ॥
महया सामग्गीए, माणुसखित्ताइसवणसद्धाए ।	
पाविज्जए कहमवि, इमं अणुत्तरं कम्मविवरेणं	॥ १७ ॥
ता तुब्भेहिं वि पत्तं, पुव्वज्जियनिययकम्मविवरेणं ।	
संकाइदोसरहियं, धरियव्वं अप्पमत्तेहिं	॥ १८ ॥
न वि तं करोइ अग्गी, नेव विसं नेव किन्हसप्पो वा ।	
जं कुणइ महादोसं, तिव्वं जीवस्स मिच्छत्तं	॥ १९ ॥

हारवियं सम्मत्तं, सामन्नं नासियं धुवं तेहिं । परचित्तरंजणट्टा, आणाभंगो कओ जेहिं	॥ २० ॥
आणाए अवट्टंतं, जो उववूहिज्ज जिणवरिंदाणं । तित्थयरस्स सुयस्स य, संघस्स य पच्चणीओ सो	॥ २१ ॥
किं वा देइ वराओ, मणुओ सुट्टु वि धणी वि भत्तो वि । आणाइक्कमणं पुण, तणुयं पि अणंतदुहहेउं	॥ २२ ॥
तम्हा सइ सामत्थे, आणाभट्टम्मि नो खलु उवेहा । अणुकुलगइयेरेहिं, अणुसट्टी होइ दायव्वा	॥ २३ ॥
सो धन्नो सो पुत्तो, स माणणिज्जो य वंदणिज्जो य । गड्डुरिगाइपवाहं, मुत्तुं जो मन्नए आणं	॥ २४ ॥

॥ सङ्घस्वरूपकुलकम् ॥

केई उम्मगगठियं उम्मगगपरूवयं बहुं लोयं । दट्ठं भणंति संघं, संघसरूवं अयाणंता	॥ १ ॥
सुहसीलाओ सच्छंदचारिणो वेरिणो सिवपहस्स । आणाभट्टाओ बहुजणाओ मा भणह संघु त्ति	॥ २ ॥
अम्मापियसारिच्छे सिवघरथंभो य होइ य सुसंघो । आणाबज्झो संघो सप्पु व्व भयंकरो इण्हिं	॥ ३ ॥
अस्संघं संघं जे भणंति रागेण अहव दोस्रेणं । छेओ वा मूलं वा पच्छित्तं जायए तेसिं	॥ ४ ॥
कारुण संघसइं अव्ववहारं कुणंति जे के वि । पप्फोदियसउणीअंडगं व ते हुंति निस्सारा	॥ ५ ॥
संघसमागममिलिया जे समणा गारवेहिं कज्जाइं । साहिज्जेण करिंती सो संघाओ न सो संघो	॥ ६ ॥

जो साहिज्जे वट्टइ आणाभंगे पयट्टमाणाणं । मणवायाकाएहि समाणदोसं तयं बिंति	॥ ७ ॥
आणाभंगं दट्ठुं मज्झत्था ठिति जे तुसिणिआए । अविहिअणुमोयणाए तेसिं पि य होइ वयलोवो	॥ ८ ॥
तेसिं पि य सामन्नं भट्टं भग्गव्वया य ते हुंति । जे समणा कज्जाइं, वित्तरक्खाइ कुव्वंति	॥ ९ ॥
ता तित्थयरारहणपरेण सुयसंघभत्तिमंतेण । आणाभट्टजणम्मि य अणुसट्ठी सव्वहा देया	॥ १० ॥
सव्वो वि नाणदंसणचरणगुणविभूसियाण समाणाणं । समुदाओ होइ संघो गुणसंघाउ त्ति कारुण	॥ ११ ॥
इक्को वि नायवाई अवलंबंतो विसुद्धववहारं । सो होइ भावसंघो जिणाणंमाणं अलंघंतो	॥ १२ ॥
एगो साहू इगा य साहुणी सावओ य सड्ढी य । आणाजुत्तो संघो सेसो पुण अट्टिसंघाओ	॥ १३ ॥
निम्मलनाणपहाणो दंसणसुद्धो चरित्तगुणवंतो । तित्थयरण वि पुज्जो वुच्चइ एयारिसो संघो	॥ १४ ॥
आगमभणियं जो पन्नवेइ सदहइ कुणइ जहसत्ति । तयलुक्कवंदणिज्जो दूसमकाले वि सो संघो	॥ १५ ॥

॥ मिथ्यात्वमथनकुलकम् ॥

न गुले मणिए गुलियं निंबे कडुयं कया वि हवइ मुहं ।	
न गुणे हवंति दोसा वायामित्तेण कइया वि	॥ १ ॥
तंबमयं आभरणं कणगमयं भाणिऊण परिहेइ ।	
कणगमयं न हु जायइ बहुयाहि वि वासकोडीहि	॥ २ ॥

कायमणी वेडुज्जो भणिरुणं रक्खिओ पयत्तेणं । वाससएण वि तह वि हु वेडुज्जधणं न पावेइ	॥ ३ ॥
रणी दोसी मोही सव्वन्नु भणेवि संथुया जइ वि । तह वि न सव्वन्नुफलं दिति पभूएहि वि दिणेहि	॥ ४ ॥
परियाणिरुण वि इमं अन्नियपुरिसावयंति भणिरुण । केइ बहुकालवरियं भणियं मिच्छं न छडुंति	॥ ५ ॥
जइ पुव्वपुरिसपरिवाडियागयं कालियं च दालिदं । ता तं न हु मुत्तव्वं इंतीए विउलरिद्धीए ?	॥ ६ ॥
जइ खयकुट्टुभगंदरवाहीओ आसि पुव्वपुरिसाणं । ता निरुज्जे लद्धे हवंति किं पत्थणीयाओ ?	॥ ७ ॥
जइ आसि पुव्वपुरिसा अंधलया अंधकूवए पडिया । ता किं सज्जक्खेण वि झडत्ति तत्थेव पडियव्वं ?	॥ ८ ॥
जइ कह वि अंधकूवे पडिओ अंधो अपिच्छिओ नाम । अं पिच्छंतो निवडइ अव्वो अच्चब्भुयं एयं	॥ ९ ॥
जइ पुव्वपुरिसवाहा मारिता आसि सत्तसंघाया । पच्छिमपुरिसेण दया जइ गहिया किं न धम्मु त्ति ?	॥ १० ॥
जइ पुव्वपुरिसा अलिया पच्छिमपुरिसा य सच्चवया जाया । किं ताण न सच्चफलं होइ अह पच्छिमनराणं ?	॥ ११ ॥
जइ पुव्वपुरिसा चोरत्तणं च परदारयं च कुव्वंता । तां किं तं कायव्वा पच्छिमपुरिसेण विउसेण ?	॥ १२ ॥
पुव्वपुरिसाभिमाणं करेसि जइ मुत्तुं नियहियं सययं । पुव्वपुरिसा मइल्ल जीविज्जइ जं तमघडंतं	॥ १३ ॥
एवं वियाणिरुणं न पुव्वपुरिसागएण इह किं चि । पुव्वपुरिसागएण वि लज्जिज्जइ कूरकम्मेहि	॥ १४ ॥

केइ पुणो सुणिरुणं एयं अवियारगा मिसिमिसंत । जंपंति अहो निंदा एस कया सव्वधम्माणं	॥ १५ ॥
जइ हुयवहुं ति वुत्तो अइउण्हो ताव णो सधूमुं ति । भणिओ डहणसहावो का निंदा ? सग्गुणा एए	॥ १६ ॥
जइ कंटकाउलपहो कहिओ दुगमुत्ति ताव णो सूरो । ता सब्भूयं पुण पहे निंदा नामेण का इत्थ ?	॥ १७ ॥
सप्पो कसिणो कुडिलो कूरो विसपुंजओ डसेऊण । मारेइ परिहरेज्जह दूरेणं इत्थ का निंदा ?	॥ १८ ॥
कूरो सीहो वग्घो मज्जारो नाहरो अणप्पणओ । पीई एएहिं समं न कीरेण निन्द का इत्थ ?	॥ १९ ॥
एसो हि अंधकूवो अणुत्तरो इह पडिज्जे जइ ता । जीवस्स हवइ हाणी वइज्ज किं कावि निंद ति	॥ २० ॥
इत्थ अणज्जा मिच्छ वसंति पल्लीइ निग्घिणा रुद्धा । नासेयव्वं दूरेण इत्थ किं कावि निंद ति	॥ २१ ॥
हालाहलं पि घोरं अविगिच्छं दारुणं विसं विसमं । मारेइ फरिसियं पि हु चइज्ज किं कावि निंद ति	॥ २२ ॥
एसो रागी देवो इंदियविसएहिं विनडिओ कामी । पावफलं नमिण वि वइज्ज नय निंदियं तस्स	॥ २३ ॥
एसो दोसी देवो आउहनियरेण मारेइ अभत्ते । किं नमिओ वा होइ व दिज्ज फलं इत्थ का निंदा ?	॥ २४ ॥
एसो मूढो जवमालियाकरो गणइ जह य पसुपालो । पसुलिडियाहि गन्नं गणेइ कह सिवफलं दिज्जा ?	॥ २५ ॥
बहुकालिओ अणाई संसारो मिच्छदंसणं एयं । जेहिं न वंतं अइय बहुकालं ते भमीहिंति	॥ २६ ॥

पू.आ.श्रीजयानन्दसूरिविरचितम्
॥ मिथ्यात्वकुलकम् ॥

पबलमिच्छतविच्छित्तिभरभंजणं, परमजोईसरं नमवि वीरं जिणं ।
 भणिमु भावेण हं किमवि मिच्छत्तयं, तं निसामेह भो भवियणा ! संपयं

जह य जग्गंतु चोरेहिं न हु धिप्पए,
 नयणि पिकखंतु अवमग्गि न पयट्टए ।
 हत्थठियदीवु कूवम्मि नो निवडए,
 नायमिच्छत्तफलु न भवि जिउ भमडए

॥ २ ॥

वायगुंगलियपोय व्व जिणि दुल्लए,
 भूअगहिअ व्व, गहिलु व्व जिणि बुल्लए ।
 जेण अंधु व्व न हु किंपि जिउ पिकखए,
 तमिह मिच्छत्तयं को नरो कंखए ?

॥ ३ ॥

जेण लोहु व्व जिउ भवजले बुडुए, कोसगारु व्व अप्पं पि जिणि बंधए
 जेण तिलु जेम जिउ पिळ्ळणं पावए, तस्स मिच्छस्स कुइ कारणे धावए
 मिच्छुतिहु धम्म-गुरु-देवयासंगयं, अहव पंचविह अणभिगह-ऽभिग्गहमयं
 अभिनिवेसेण संसइय-मणभोगयं, चयह भवहेउ सव्वं पि मिच्छत्तयं

मास-छमास-वच्छरिअसद्दाइयं, जत्त कयभोयणं, नवमियं, तज्जियं ।

पिंडदाणं च, गहणेसु न्हाणाइयं, सन्निवारम्मि विरयंति तिल्लइयं ६

भुज्जदाणं ज परिवत्ति, सिवरत्तिआ जाग, सलिलंजली दम्भतिलजुत्तिया
 अन्नतित्थीयगुरु-देवयावंदणं, गीइ ससि-रोहिणी, माउराठवणं ॥ ७ ॥

चंददसिआ य, छट्ठीदिणे जग्गणं, होलि परिदक्खिणोवाइए मन्नणं ।

खित्त-जल-गुत्तपत्ताइ सुरसेवणं, दान खणकरणयं, गिण्ह उत्तारणं ८

संडवीवाह, परतित्थथुइ गमणयं, कुमरिभत्तं च, तरुरोवणं नमणयं ।

दिसिबली, उंबरं बिळ्ळि चुल्हिच्चवणं, परवदाणं च, रेवंतपहपूअणं ९

लाहकज्जम्मि लंबोयरायक्खणं, सवकि-पिअरण मुत्तीण कारावणं ।
 सोनिणी-रुप्पिणी-रंगिणीअच्चणं, कूवखणणं च, खित्तेसु गोचारणं
 धेणुदाणाइ, महलच्छी, संकंतिआ, कज्जली, संकडाचउत्थि, जियरत्तिआ
 मयगकज्जम्मि जलभरिअघडमिल्हणं, भूसरावाइ, गोपुच्छउच्छेहणं ११
 तिहिसु अक्कत्तणं, दहिअ विलोडणं, मावसाए अजामांइजणभोअणं ।
 मुद्धसत्तमिदिणे वइजनाहच्चणं, सीयकालम्मि अग्गिट्टियाबियरणं १२
 वुड्ढिभरणुत्तरायणय, कन्नाहलं, गउरिहत्थं य, माहमि घय-कंबलं ।
 माहन्हाणं च, नवरत्त, नागच्चणं नागपंचमिआ, सूरहपूअणं ॥ १३ ॥
 मूलरिक्खाइजाएसु तक्कम्मयं, बारसीदाण, बुद्धऽट्टमीकरणयं ।
 अक्खतइया य एगारसीपालणं, अक्कछट्टी अ जम्मट्टमीराहणं ॥ १४ ॥
 गोमयतइअ, तहऽणंतया चउदसी, दोअजुअ अट्टमी, उच्छयाबारसी ।
 अक्कवाराइ संघेरिपरिपूअणं, लोइअं एहु मिच्छतु सुहचूरणं ॥ १५ ॥
 एवमाईहिं भेएहिं परिचत्तयं, जे अ पालंति सुविसुद्धसम्मत्तयं ।
 अद्धपुग्गलह परिमाणु संसारउ ताण हुइ, न पुण तह सो वि दुहकारउ
 दुग्गइदुहवारणं सुग्गइसुहकारणं निमित्तं जेहिं सम्मत्तपरिपालणं ।
 ताण जीवाण भंडारि पडिया छुरी, तह य जाया य सोहग्गवरमंजरी १७
 सुलह सुरसुरहि, सुलहो अ कप्पदुमो, सुलह सुरयणु, तह कामघडु निरुवमो
 इक्कु दुलहं तु संसारिसम्मत्तयं, जेण पत्तेण पावंति सिवखित्तयं ॥ १८ ॥
 रायगिहि रायसिरिसेणिउ नरवरो, जस्स अद्धासणं अप्पए सुरवरो ।
 नाण-चारित्तहीणो वि सम्मत्तओ, पउमनाहो जिणो होहिही पढमओ
 वासुदेवो वि तह अद्धचक्कीसरो, सुद्धसम्मत्तओ बारमो जिणवरो ।
 सुलस-रेवइमुहा लद्धजिणसंपया, साविया सुगुण होहिंति सम्मत्तया
 इय दुक्खह मूलं, सुहपडिकूलं, मिच्छु जि छंडइं भवियनर ।
 ते पालिअ सम्मं जिणमयरम्मं, कमिण हुंति सिवलच्छिवर ॥ २१ ॥

॥ मिथ्यात्वविचारकुलकम् ॥

चित्तद्वमि, महनवमी, कतियसंकंति, सूर-ससिगहणं ।	
पवभरण, पडण-पाडण, गवाइदाणं च, सद्दाई	॥ १ ॥
सत्तमि-पंचमि-गोमयतिहीअ, दो अट्टमी, तिहिविसेसा ।	
सिवरत्ति, उत्तरायण, एगारिसि, गउरहत्थाई	॥ २ ॥
तरुरेवण कन्नाहल अक्खयतइया य, संडवीवाहं ।	
रविवार-सोमवारे, जलंजली, बारसिपयाणं	॥ ३ ॥
गिम्हुत्तराण, परतित्थगमण खणकरण होमकरणाई ।	
तह खित्त-गुत्तपत्ताइं, देवयापूअणं चेव	॥ ४ ॥
छम्मासिय-मासिय-वरिसियाइं नवमीइ तज्जियं चेव ।	
मिच्छत्तजत्त-भोअण, लोइयगुरुपायपडणं च	॥ ५ ॥
महलच्छी कज्जलिया जागाई भोजणदाण परिवेत्ता ।	
दिसिबलि, अंबिलि-उंबरपूआ चुल्हीयमाईणं	॥ ६ ॥
मिच्छद्दिट्ठीजक्खाइपूयणं, जिणमए असद्दहणं ।	
मिच्छत्तकारणाइं तिविहं तिविहेण वज्जिज्जा	॥ ७ ॥
मिच्छत्तमोहमूढो जीव ! तुमं कत्थ कत्थ न हु भमिओ ।	
छेयण-भेयणपमुहं किं किं दुक्खं न पत्तो सि ?	॥ ८ ॥
न वि तं करेइ अग्गी, नेय विसं, नेय किण्हसम्पो य ।	
जं कुणइ महादोसं, तिव्वं जीवस्स मिच्छत्तं	॥ ९ ॥
जइ इच्छसि सिद्धिपुरं, गंतुं संसारसायरं तरिउं ।	
ता जीव ! तिविह तिविहं, सव्वं मिच्छं विवज्जेह	॥ १० ॥
मिच्छत्तं उच्छिंदिय, सम्मत्तारोवणं नियकुलस्स ।	
जो कुणइ तेण वंसो, सिद्धिपुरीसम्मुहो विहिओ	॥ ११ ॥

जो गिहकुडंबसामी संतो मिच्छत्तरोवणं कुणइ । तेण सयलो वि वंसो, पक्खित्तो भवसमुद्दम्भि	॥ १२ ॥
कट्टं करेसि, अप्पं दमेसि, अत्थं वहेसि धम्मत्थं । एगं न चयसि मिच्छत्तविसलवं तेण वुड्ढिहिसि	॥ १३ ॥
जइ न कुणसि तवचरणं, न पढसि, न गुणेसि देसि नो दाणं । ता इत्तियं न सक्कसि, जं देवो इक्क अरिहंतो	॥ १४ ॥
दुविहं लोइयमिच्छं देवगयं गुरुगयं मुणेयव्वं । लोउत्तरं वि दुविहं देवगयं गुरुगयं चेव	॥ १५ ॥
चउभेयं मिच्छत्तं, तिविहं तिविहेण जो विवज्जेइ । अकलंकं सम्मत्तं होइ फुडं तस्स जीवस्स	॥ १६ ॥
सुलहो विमाणवासो, एगच्छत्ता य मेइणी सुलहा । दुलहा पुण जीवाणं जिर्णिदवरसासणे बोही	॥ १७ ॥

॥ सम्यक्त्वस्वरूपकुलकम् ॥

जह सम्मत्तसरूवं, परूवियं वीरजिणवरिदेणं । तह कित्तणेण तमहं, थुणामि सम्मत्तसुद्धिकए	॥ १ ॥
सामिय ! अणाइऽणंते, चउगइसंसारघोरकंतारे । मोहाइक्कम्मगुरुठिइविवागवसओ भमइ जीवो	॥ २ ॥
पल्लुवलुवमाइ अहापवित्तिकरणेण को वि जइ कुणइ । पलियाऽसंखयभागोणकोडिकोडऽयरठिइसेसं	॥ ३ ॥
तत्थ वि गंठिं घणरगदोसपरिणइमयं अभिदंतो । गंठिअ जीवो वि हहा ! न लहइ तुह दंसणं नाह !	॥ ४ ॥
पहिय-पिवीलिअनाएण को वि पज्जत्तसन्निपंचिदी । भव्वो अवड्डुपुगलपरियट्टऽवसेससंसारे	॥ ५ ॥

अप्युक्वकरणमुग्गरघायविहियदुट्टगंठिभेऊ सो ।	
अंतमुहुत्तेण गओ ऽनियट्टिकरणे विसुज्जंतो	॥ ६ ॥
सो तत्थ रणे सुहडु व्व, वेरिजयजणिअपरमआणंदं ।	
सम्मत्तं लहइ जीवो, सामन्नेणं तुह पसाया	॥ ७ ॥
तं चेगविहं, दुविहं, तिविहं तह चउविहं च पंचविहं ।	
तत्थेगविहं जं तुह पणीयभावेसु तत्तरुई १	॥ ८ ॥
दुविहं तु दव्व १ भावा २, निच्छयश्चवहारओ २, अ अहवाऽवि ।	
निस्सग्गु १ वएसाओ २, तुह वयणविऊहिं निद्धिट्ठं	॥ ९ ॥
तुह वयणे तत्तरुई, परमत्थमजाणओ वि दव्वगयं १ ।	
सम्मं भावगयं पुण परमट्टवियाणओ होइ २	॥ १० ॥
निच्छयओ सम्मत्तं, नाणाइमयऽप्पसुहपरिणामो १ ।	
इयरं पुण तुह समए भणिअं सम्मत्तहेऊहिं २	॥ ११ ॥
जल-वत्थ-मग्ग-कुद्दव-जराइनाएहिं जेण पण्णत्तं ।	
निस्सग्गुवएसभवं सम्मत्तं तस्स, तुज्झ नमो १-२	॥ १२ ॥
तिविहं कारग १ रोयग २ दीवग ३ भेएहिं तुह मयविऊहिं ।	
खाओवसमो १ वसमिय २ खाइय ३ भेएहिं वा कहियं	॥ १३ ॥
जं जह भणियं तुमए, तं तह करणम्मि कारगं होइ १ ।	
रोयगसम्मत्तं पुण रुइमित्तक्कं तु तुह धम्मे २	॥ १४ ॥
सयमिह मिच्छद्दिट्ठी, धम्मकहाईहिं दीवइ, परस्स ।	
दीवगसम्मत्तमिणं, भणंति तुह समयमयमइणो ३	॥ १५ ॥
अप्युक्वकयतिपुंजो मिच्छमुइण्णं खवित्तु अणुइण्णं ।	
उवसमिउं अनियट्ठीकरणाओ परं खओवसमो १	॥ १६ ॥
अकयतिपुंजो ऊसर-दवईलिअदड्ढुरुक्खनाएहिं ।	
अंतरकरणुवसमिओ उवसमिओ वा स सेणिगओ २	॥ १७ ॥

मिच्छाइखए खइओ, सो सत्तगखीणि होइ बद्धारु ।	
चउ-तिभवभाविमुक्खो तब्भवसिद्धी अ इअरो अ ३	॥ १८ ॥
चउहा उ ससासाणं, गुलाइ वमणु व्व, मालपडणु व्व ।	
उवसमियाउ पडंतो, सासाणो मिच्छमप्पत्तो ४	॥ १९ ॥
वेयगजुअपंचविहं, तं तु दुपुंजखयम्मि तईयस्स ।	
खयकालचरमसमए सुद्धाणुयवेयणे होइ ५	॥ २० ॥
अंतमुहुत्तोवसमो, छावलि सासाण, वेयगो समओ ।	
साहियतित्तीसायर खइओ, दुगुणो खओवसुमो	॥ २१ ॥
उक्कोसं सासायण-उवसमिया हुंति पंचवार उ ।	
वेयग-खयगा इक्कसि, असंखवार खओवसमो	॥ २२ ॥
बीयगुणे सासाणो, तुरियाइसु अट्टिगार-चउ-चउसु ।	
उवसमग-खयग-वेयग-खाओवसमा कमा हुंति	॥ २३ ॥
तिस्सुद्धि३ लिंग३ लक्खण५ दूसण५ भूसण५ पभावगा८ ऽऽगार ६	
सद्दहण ४ जयण६ भावण६ ठाण ६ विणय१०गुरुगुणाईयं ॥ २४ ॥	
वित्थारं तुह समया संयासरंताण भव्वजीवाणं ।	
सामिय ! तुह प्पसाया हवेउ सम्मत्तसंपत्ती	॥ २५ ॥

॥ सम्मत्तुप्पायविहीकुलकम् ॥

भुवणजणवंदणिज्जं वंदिअ दि(जि)अमाणमच्छरं वीरं ।	
सम्मत्तुप्पायविहिं भणामि समयाणुसारेण	॥ १ ॥
दुविहत्तं सिद्धंते सम्मुप्पायम्मि बिंति मुणिवसभा ।	
तत्थ किल कोइ जीवो अहापवत्तेण करणेण	॥ २ ॥
सुज्झिता जा गंठिं अपुव्वकरणं तओ पवज्जेइ ।	
तं भिदंतो मिच्छत्तमोहणिज्जं तिहा कुणइ	॥ ३ ॥

सुद्धं अद्धसुद्धं अविसुद्धं चेव करणकालं जा ।	
ततोऽनिअट्टिकरणं अंतमुहुत्तं पवज्जिता	॥ ४ ॥
तप्पज्जंते सुद्धं पुंजं समुदीरिऊण वेअंतो ।	
खाओवसमिगसम्मत्त-कारगो होइ सो पच्छ	॥ ५ ॥
अंतोमुहुत्तमवरं छावट्टि सागराइ उक्कोसं ।	
चउगइगओ वि एवं सम्मत्तं लहइ भव्वजिओ	॥ ६ ॥
अण्णो वि तव्विहो च्चिअ नवरि तिपुंजं करेइ नापुव्वे ।	
करणम्मि सुज्झइ च्चिअ ठिइरसघायाइकरणेण	॥ ७ ॥
ततोऽनिअट्टिकरणे वट्टिता सुज्झिऊण य तहेव ।	
तव्विरमे विक्खंभिअ मिच्छत्तुदयं तओ भवइ	॥ ८ ॥
उवसमसम्मद्दिट्ठी अंतमुहुत्तं तओ स निअमेण ।	
वेअइ मिच्छत्तं चिअ तदुवरमे कलुसपरिणामो	॥ ९ ॥
कोई पुण सासाणो होउं उवसमिग अंतभागम्मि ।	
वेअइ मिच्छत्तं चिअ तं चिअ जं तस्स संतं तु	॥ १० ॥
उवसमिअसम्मकाले तस्स पएसोदएण मिच्छत्तं ।	
केइ भणंति भणिअं एअं पुण कप्पभासम्मि	॥ ११ ॥
जो अत्रया उ सम्मं अपुव्वं लहइ अद्धसुद्धं सो ।	
पुंजं करिउं तव्वेअगो असुद्धं तओ कुणइ	॥ १२ ॥
असुद्धविसुद्धाओ कड्ढिऊण कोई तहाविहो सं वा ? ।	
पच्छ खाओवसमिग-समद्दिट्ठी जिओ होइ	॥ १३ ॥
जे कम्मपयडिपाहुड-विअक्खणा ते भणंति पुण एवं ।	
उवसमिअसम्मकाले सम्मत्तमहापवत्तेण	॥ १४ ॥
तत्थ पढमं विसुज्झिअ अभवजिआओ अणंतगुणणाए ।	
ततो अपुव्वकरणं भिन्नमुहुत्तं पव्वज्जेइ	॥ १५ ॥

टिइघाओ रसघाओ गुणसेढी तह अपुव्वटिइबंधो । तत्थ पवत्तंती पढम-मेव गुणसंकमो न उण	॥ १६ ॥
ततोऽनिअट्टिकरणे गयम्मि तह चेव नवरि सेसम्मि । संखिज्जयमे(म्मि) भागे अंतमुहुत्तं अहो मुच्चा	॥ १७ ॥
करणोवरि अंतुमुहुत्त-मिन्तिआओ ठिईउ मिच्छस्स । उक्किरइ भाववसओ तं दलिअमहोवारिं च खिवे	॥ १८ ॥
एवं अंतरकरणे कयम्मि. खीणेऽनिअट्टिकालम्मि । अंतरकरणपवेसे उवसमिअं लहइ सम्मं सो	॥ १९ ॥
सम्मत्तगुणेण तओ विसोहई कम्ममेस मिच्छत्तं । सुज्झंति कोद्वा जह मयणा ते ओसहेणेव	॥ २० ॥
गुणसंकमेण पढमं अंतमुहुत्तं तओ तदंतम्मि । विज्झाय नामगेणं संकमत्तेएण सुज्झंति (?)	॥ २१ ॥
अंतरकरणस्संते अज्झवसाणाणुरूवमेगयरं । पडिवज्जइ सो पुंजं अह कहमवि सासणो होइ	॥ २२ ॥
छावलसेसाइ परं अवरं इगसमयसावसेसाए । उवसमिअद्धाइ अणंतनामकलुसोदयवसाओ	॥ २३ ॥
होउं सासणदिट्ठी पच्छ मिच्छत्तमेव वेएइ । खीणम्मि उ पुंजदुए पुणो वि तं कुणइ सो एवं	॥ २४ ॥
नवरं तप्पडिरूवाइं तस्सत्तिन्नि हवंति करणाइं । उवसमिअसमहिट्ठी उवसमसेढीइ जो पडइ	॥ २५ ॥
सो कह मिच्छट्ठिट्ठी हविज्ज निअमा ससासणो होउं । मिच्छत्तं पडिवज्जइ सासणभावे अणेगंतो	॥ २६ ॥
चउसुं पि अविख्याइसु संते जं आउगाइं चत्तारि । भणिआणि गुणेषु तहा खाइअसम्मत्तउप्पत्ती	॥ २७ ॥

जे बद्धाउचउक्का ते रोविअ खाइमं लहंति त्ति ।

नज्जइ नो पडिंसेहो विसेसओ दीसई तत्थ ॥ २८ ॥

सम्मत्तुप्पायविहिं भव्वा भावंतगा इमं सम्मं ।

मिम्महिअमोहजोहा हवंति संसुद्धसम्मत्ता ॥ २९ ॥

पू.आ.श्रीजिनभद्रसूरिविरचितम्

॥ श्रीद्वादशाङ्गीपदप्रमाणकुलकम् ॥

नमिऊण जिणं अंगाण पयप्पमाणं अहं पयंपेमि ।

तत्थ पयमत्थ उवलद्धि जत्थ किर एवमाईअं ॥ १ ॥

अट्टारस छत्तीसा बावत्तरि सहस तह य अणुक्कमसो ।

आयारे सूअगडे ठणंगे चेव पयसंखा ॥ २ ॥

समवाए अ पमाणं लक्खो एगो सहस्स चउआला ।

भगवईए पयसंखा दो लक्खा सहस्स अडसीइ ॥ ३ ॥

न्याधम्मकहंगे अद्धचउत्थकोडीकलाकलिए ।

पण लक्खा छवत्तरि सहस उवासगदसाअंगे ॥ ४ ॥

सत्तम्मि लक्खिगारस सहस्स बावन्न अट्टुमे अंगे ।

अंतगडदसानामे लक्खा तेवीस चउसहस्सा ॥ ५ ॥

तहणुत्तरोववाई नवमे अंगम्मि लक्ख छायाला ।

अडसहसा अह दसमे पण्हावागरणनामम्मि ॥ ६ ॥

बाणवई लक्खाइं सोल सहस्सा तहा विव्वागसुए ।

इक्कारसमे अंगे पयप्पमाणं इमं वुच्छं ॥ ७ ॥

एगा कोडी चुलसीइ लक्खा बत्तीस सहस्स इअ माणं ।

इक्कारस अंगाणं भणिअमहं बारसंगम्मि ॥ ८ ॥

तं पुण दिट्ठीवाओ स पंचहा वण्णिओ अ समयम्मि ।

परिकम्मसुत्तपुव्वगय-णुओग तह चूलिआओ अ ॥ ९ ॥

तत्थ य पुव्वगयम्मि पढमे उप्पायनामए पुव्वे ।	
कोडी एगा अह बीअ अग्गेणियम्मि पुव्वम्मि	॥ १० ॥
छण्णवई लक्खाइं तइए वीरिअपवायपुव्वम्मि।	
पयलक्खाइं सत्तरि अहत्थिनत्थिप्पवायम्मि	॥ ११ ॥
तुरिए पुव्वं सट्ठी लक्खा अह पंचमम्मि पुव्वम्मि ।	
नाणप्पवायनामे इग कोडी एगपयहीणा	॥ १२ ॥
छट्ठे सच्चपवाए पुव्वे इग कोडि छहि पएहिं अहिआ ।	
आयप्पवायपुव्वे सत्तमि पयकोडि छव्वीसां	॥ १३ ॥
कम्मप्पवायपुव्वे अट्ठम्मि इगकोडि सहस अस्सीइ ।	
नवमे पच्चक्खाणप्पवाइ लक्खाण चुलसीइ	॥ १४ ॥
विज्जणुपवाय दसमे पुव्वे इगकोडि दस य लक्खाइं ।	
इक्कारसे अवंग्गे पुव्वे पयकोडि छव्वीसां	॥ १५ ॥
पाणाउणामपुव्वे बारसमे छपण लक्ख इग कोडी ।	
किरिआविसालपुव्वे तेरसमे कोडि नवगम्मि	॥ १६ ॥
तह लोग्गिंदुसारे चउदसमे पुव्वि बारकोडीओ ।	
लक्खा तह पन्नासं इअ सव्वंगे पयपमाणं	॥ १७ ॥
एयं पयप्पमाणं दुवालसंगस्स सुअसमुद्दस्स ।	
नेयमुवंग्गाईण वि सुआण समयानुसारेणं	॥ १८ ॥
उप्पन्नविमलकेवल-नाणेणं जिणवरेण वीरेण ।	
परमत्थरूवअत्थो निदंसिओ सव्वसुत्ताणं	॥ १९ ॥
सुत्तं तु गणहरकयं तम्हा सव्वप्पयत्थसंजुत्ता ।	
पणमह जिणिंद वीरं भवजलहीवारमिच्छंता	॥ २० ॥
इअ नंदिसुत्तविवरणमणुसरिरुणंऽगपयपमाणमिणं ।	
जिणगणहरोवइट्ठं लिहिअं जिणभद्दसूरीहिं	॥ २१ ॥

॥ योगानुष्ठानकुलकम् ॥

- जोगाणुट्टाणविहिं, संखेवेणं मुणंतु मुणिवसहा ।
 आवस्सयसुअक्खंधे, दुनंदि अडदिण च्छ अज्झयणा ॥ १ ॥
- दसयालिअसुअक्खंधे, दिणपनरदु नंदि बार अज्झयणा ।
 पंचमनवमे दोचउ, उद्देस अकालिया एए ॥ २ ॥
- कालिय उत्तरज्झयणे, सुअक्खंधे दुत्तिनंदि सगवीसं ।
 दिवसाइ जइ असंखं, एगदिणायामिहीइज्जा ॥ ३ ॥
- बीयदिणि पढिअनिवियं, अन्नह आयामु एगदिणवुड्ढी ।
 चउदसमं जा इगकालि, एगु परओ दुअज्झयणा ॥ ४ ॥
- जत्थंगे इगुक्खंधो, तर्हि नंदितिगंति अंबिलचउक्कं ।
 जत्थंगे दोखंधा, तर्हि पणनंदी तिआयाम ॥ ५ ॥
- आयारे पन्नदिणा, दो खंधा पढमि अज्झयणा ।
 तेसु कमुद्देसा सग-छ चउ चउ छ पण अड चउरो ॥ ६ ॥
- सत्तज्झयणुद्देसा, एगारस ति ति चउसु दु दु कमसो ।
 सगसत्तिक दुचूला, बीए इअ सोल अज्झयणा ॥ ७ ॥
- सुअगडपढमक्खंधे, पणज्झयणुद्देस चउ ति चउ दो दो ।
 केवल इगार, बीए केवल सगज्झयण तीसदिणा ॥ ८ ॥
- इगु इक्कासरं चउ चउ-चउ तिअ उद्देस चउसुं पणिगसर ।
 इगु खंधु अत्तारदिणा, ठणे समवाइ तिन्नि दिणा ॥ ९ ॥
- भगवइअंगे खंधो, न अत्थि हुंति हु सयाणि इगचत्ता ४१ ।
 सगसयरि ७७ काल छासिय १८६, स यदिण दो नंदि गणिनामं १० ॥
- तिसु दस दस उद्देसा, पण सग सग काल जेण बीयसए ।
 पढमे खंधुद्देसे, दो कालायामपणदत्ती ॥ ११ ॥

तइयसए पुण बीओ, उद्देसो चमरउत्ति खंधसमो ।	
तत्थुग्गाहिमविगई, उस्सग्गो छट्टजोगो य	॥ १२ ॥
तुरियसए दसुद्देसा, आइल्लंतिल्ल अड इगकाले ।	
दो सेसा एककाले, मूलाओ काल इगवीसं	॥ १३ ॥
पंचाइ अडंतसए, पणपणकालेहिं दस दसुद्देसा ।	
नवमा चउदसंता, आइल्लंतिल्लिगिगकाले	॥ १४ ॥
पनरसमे गोसालसए, दुआयामकाल दत्तितिंगं ।	
अट्टमजोगो गुणवन्ना ४९, काल मूलाओ हुंति इहं	॥ १५ ॥
सेसा छव्वीससया, आइल्लंतिल्लनवनवुस्सग्गा ।	
नवरं तित्तीसाइसु, आइल्लंतिल्लसयनेया	॥ १६ ॥
तित्तीसदिणा नायाइ, खंधि गुणवीसज्झयणमिक्कसर ।	
दस वग्गबीयखंधे, आइल्लंतिल्ल अज्झयणा	॥ १७ ॥
उवासगइगुक्खंधे, केवलदसज्झयण चउद दिण सव्वे ।	
इगुखंधु पुव्वविहि, अट्टवग्ग दिणबार अंतगडे	॥ १८ ॥
नवमंगे इगुखंधो, सत्तदिणा तिन्नि वग्गपुव्वविही ।	
दसमंगे दसज्झयणा, केवल दिण चउद इगुखंधो	॥ १९ ॥
दोसु वि खंधं दस दस, अज्झयणा केवला विवागसुए ।	
चउवीसदिणाइं तओ, परं उवंगाइं एयाइं	॥ २० ॥
उक्कालि उवाइ चउ, कालि तिपन्नत्ति तिगतिगायामं ।	
निरयावलिया खंधे, सगदिण पणवग्ग दो नंदी	॥ २१ ॥
दसदिणवीसुद्देसा, निसीहिकप्पाइखंधिवीसदिणा ।	
दुसु छद्दस उद्देसा, दसासु दसज्झयणनंदिदुगं	॥ २२ ॥
सुत्तनवसोल सोलस, बारस चउछवीस उद्देसा ।	
अज्झयणा दुनंदि-दिवड्ढमासं खंधे महानिसीहे	॥ २३ ॥

एगंबिलपणकप्पे, तिति नीविनंदिणोगदारेसु ।	
इगनिवियजीयकप्पे, तेरपइन्नेसु तेय इमे	॥ २४ ॥
कुसलाणुंबधि भत्त, परित्रा आउरपच्चक्खाणं च ।	
संधारय तह तंडुल-वेयालिय चंदविज्झाय	॥ २५ ॥
देविदत्थय गणिविज्ज-या य महपच्चक्खाणवीरत्थउ ।	
अज्जीवकप्पगच्छ-यारो तह मरणविधिचरमो	॥ २६ ॥
सुत्तत्थभत्तकाला-वस्सयसज्झाय तह य संधारे ।	
सगमंडलि सव्व के, मासागुणवीस तिन्निदिणा	॥ २७ ॥
उत्तरज्जयणासत्तिक, भगवई महनिसीहदसमंगं ।	
इअ आगाढा उत्तर-ज्झयणविणा आउत्तवाणम्मि	॥ २८ ॥
इय सव्वाणुद्वाणे, नंदी इगवन्नं कालसयचउरो ।	
बावीसय अडुत्तर, सगवीसुस्सास उस्सग्गा	॥ २९ ॥
इय मुणिणो मुणिऊणं, जोगविहिं विहिअतत्तवचरणा ।	
चरणकरणोवउत्ता, तागु सुत्तं अहिज्जंतु	॥ ३० ॥

॥ विविधतपोदिनाङ्ककुलकम् ॥

नमिऊण वद्धमाणं, तवस्सरूवं कहेमि भवियाणं ।	
जेण इमे जाणेउं, तवे तवंतीह सिवहेउं	॥ १ ॥
चउवीसजिणाणं पणकल्लाण दिणेसु होइ तंवियव्वं ।	
सत्तीइ नाणपंचमी - तवं पि सययं पि कायव्वं	॥ २ ॥
पंचलतापुरिमेगा-सण निव्विगइ अंबिलोववासमया ।	
इंदियजयम्मि चउ पुण, कसायविजए पुरिमवज्ज	॥ ३ ॥
पुरिमेगासणरहिया, तिन्निलया हुंति जोगसुद्धीए ।	
आणे दंसणचरणे, उववासतिगं तिगं होइ	॥ ४ ॥

पढमदुई उवहाणे, दुवालस अंबिलऽट्ट अट्टमंगं । उववासतिगं अंबिल, बत्तीसा तइयउवहाणे	॥ ५ ॥
तुरिए चउत्थमंबिल-तिगं तहा पंचमे चउत्थतिगं । पणवीस अंबिलाणि य, चउत्थ पंचंबिला छट्टे	॥ ६ ॥
सव्वंगसुंदरतवे, उववासा अट्ट अंबिलंतरिया । सियपक्खे कसिणम्मि य, निरुजसिहतवे वि एमेव	॥ ७ ॥
बत्तीसमंतरंबिल, आयइजणगे य परमभूसणगे । सोहग्गकप्परुक्खो, चित्ते एगंतरुववासो	॥ ८ ॥
एगाइपनरसंत य, पंचदसाई इगंतकवलेहिं । चंदायणो समप्पइ, मासेण अमावसाए जवमज्जे	॥ ९ ॥
विवरीओ वज्जमज्झो, मासेण पुत्तिमाए से अंतो । अडबारसोलसचउ - वीसिगतीसकवल ऊणोरी	॥ १० ॥
उववास एगभत्तं, एगलसित्थं च एगठाणं च । इगदत्ति निव्विवगइं, अंबिलमट्टकवलं च	॥ ११ ॥
उववासमेगभत्तं, इगसित्थं एगठाणमिगदत्तिं । निव्विवगइं अंबिल अड, कम्मसूरणे अट्ट कवलमद्ध लया	॥ १२ ॥
एगासणेण सुमई, वसुपुज्जो निग्गओ चउत्थेण । पासो मल्ली वि य अ - ट्टमेण सेसा उ छट्टेणं	॥ १३ ॥
नाणं तु अट्टमेणं, पासो सह मल्लिग्गिद्वेनेमीणं । वसुपुज्जस्स चउत्थेण, छट्टभत्तेण सेसाणं	॥ १४ ॥
निव्वाणपयं पहुणो, छहिं उववासेहिं रिसहनाहस्स । मासेण उ सेसाणं, वीरजिग्गिदस्स छट्टेणं	॥ १५ ॥
अंबिल वीसा वीसा, चउवीस वि जिणाण दवदंती । एगुत्तरवुड्ढिका - सणेहि पुण वड्डमाणे य	॥ १६ ॥

भद्दि एगाइपणंता, महभद्दिसगंतिगाइं भहुत्तरे ।	
पंचाइनवंता मह - भहुत्तरि पणाइगारंता	॥ १७ ॥
अणुपंति मज्झंकां, आई काउं कमेण सेसियरे ।	
पण सत्त पंच सत्त य, लया उ ठाविज्ज तवचउगे	॥ १८ ॥
हवइ गुणरयण संव - च्छम्मि एगेग दिवसओ पढमे ।	
जो सोलदिणेहिंतो, पारणयं सोलसममासे	॥ १९ ॥
अंबिलदुगे वि इग दुति, अट्ट ट्ट तिगा य गंठियजुगे वि ।	
एगाइ सोलसंता, उभओ चउवीस तिगपयगे	॥ २० ॥
कणगावलि तह रयणा-वली वि किंतु दुग गंठिपयगेसु ।	
मुत्तावली इगंतर, इगाइ सोलंत उभओ वि	॥ २१ ॥
पंतिजुयले वि पढमं, इक्केको तो दुगाइ सोलंता ।	
तं मज्झे एगंतर, एगाई चउदसंतओ वि	॥ २२ ॥
पनरस दुण्ह वि मज्झं - मि सीहनिक्कीलिए तवे गरुए ।	
लहुयम्मि पुण, तवंता, यंतीओ अट्ट गोमज्झे	॥ २३ ॥
एगाई एगोत्तर - वुड्डीए जाव अंबिलाण सयं ।	
वुड्ढितरे चउत्थं, आयंबिलवद्धमाणम्मि	॥ २४ ॥
दंसणवयसामाइय - पोसहपडिमाअबंभसच्चित्ते ।	
आरंभपेसउद्धिट्ट - वज्जए समणभूए य	॥ २५ ॥
सुयभणियाइ इमाइं, जा तव चरणाइ कुणइ भावेणं ।	
खविऊण कम्मरासिं, सिवसिरितिलओ स होइ गुरु	॥ २६ ॥

पू.आ.श्रीवर्धमानसूरिविरचितम्

॥ मुखवस्त्रिकास्थापनकुलकम् ॥

- मोहतिमिरोहसूरं नमिउं वीरं सुआणुसारेणं ।
साहेमि अ मुहपत्ति, सङ्घणमणुगहट्टाए ॥ १ ॥
- इह केइ समयतत्तं अमुणंता सावयाण मुहपत्ति ।
पडिसेहंति जईणं उवगरणमिणंतिंकारुणं ॥ २ ॥
- एवं च चीवराणं जुज्झंति न सावयाण परिहेउं (हाणं) ।
जम्हा ताणि वि मज्झिमजिणाण उवगरणभूआणि ॥ ३ ॥
- जं च जई वि फुसंतो पाए मुहणंतएण पच्छित्तं ।
पावइ किं पुण सङ्घो तं पि वि निअकप्पणामित्तं ॥ ४ ॥
- भिन्नविसयं खु तेसिं पच्छित्तं भणिंअमागमे इहर ।
दव्वथए वट्टंतो जइ व्व दूसिज्ज सङ्घो वि ॥ ५ ॥
- अह एगसाडिएणं उत्तरसंगेण वसहिमाईसु ।
पाएण विसइ सङ्घो तम्हा वत्थंचलेणेव ॥ ६ ॥
- सामाइगाइ एवं पि संभवइ इमं पि आगमविरुद्धं ।
आवस्सयचुन्नीए जं सामाइअविही एवं ॥ ७ ॥
- सामाइअं करंतो सङ्घो कुंडलकिरीडमणिबद्धं ।
तंबोलपुप्फपंगुरणमाइ वोसिरइ सव्वं पि ॥ ८ ॥
- सुव्वइ अ सत्तमंगे उवासगदसासु कुंडकोलिअओ ।
मुत्तूण उत्तरिज्जं पडिवन्नो पोसहवयं पि ॥ ९ ॥
- कंपिल्ले सावय कुंडकोलिओ निअअसोगवणिआए ।
गंतुं ठवइ सिलाए नाममुद्धंतरिज्जं च ॥ १० ॥
- वीरवरस्स भगवओ उवसंपज्जित्तु धम्मपन्नत्ति ।
विहरइ अ जाव सामी समोसढो तत्थ तं समयं ॥ ११ ॥

लद्धट्टो अ इमीसे कहाइ सो हट्टं तुट्टओ हिअए । सेअं खलु मह सामी वंदित्ता तह नमंसित्ता	॥ १२ ॥
ततो अ पडिनिअत्तस्स पोसहं पारिउंति पेहिन्ता । जह नाम कामदेवो वच्चइ तह पज्जुवासइ अ	॥ १३ ॥
जंपिअं समए भणिअं कडसामइओ गुरूण पासम्मि । रयहरणमह निसिज्जं मग्गइ सड्ढो अह घरम्मि	॥ १४ ॥
तो तस्स उवग्गहिअं रयहरणं तस्स असइ पुत्तस्स । अंतेणंति तर्हि पिअ पुत्तं मुहपत्तिआ नेआ	॥ १५ ॥
वासत्ताणावरिआ निक्कारणि ठंति कज्जि जयणाए । हत्थत्थंगुलि सन्ना पुत्तंतरिआ व भासंति	॥ १६ ॥
इअ आवस्सग्गगाहामज्जे पढिअस्स पुत्तसद्दस्स । मुहपत्तिअस्स अत्थो चुन्नीए वन्निओ जम्हा	॥ १७ ॥
कण्हस्सट्टारसमुणिसहस्सवंदणगवइअरे वि तर्हि । भणिअमिमं चिअ सामी समोसट्ठो निग्गओ राया	॥ १८ ॥
सव्वे वि वंदिआ जाव बारसावत्तवंदणेणं ति । किंबहुणा पंचविहोभिग्गमो वि न भासिओ तत्थ	॥ १९ ॥
तह पण्हावागरणे दसमंगे सावगाण मुहपुत्ती । पयड च्चिअ ठाणतिगे वण्णिज्जइ तत्थिमं पढमं	॥ २० ॥
दव्वकिअं भावकिअं दव्वकिअं पुत्तिआइ इअ सुत्ते । मुहपुत्तीआइदव्वेण सावगा किणइ साहुत्ति	॥ २१ ॥
अचिअत्तघरे गमणं अचिअत्तघरे अ भत्तपाणं च । वज्जेअव्वं सिज्जा संथारग पीढ फलगं च	॥ २२ ॥
वत्थं पत्तं कंबल मुहपुत्तिअमाइ इअ भवे बीअं । न वि वंदणाइ न वि पूअणाइ न वि माणणाइन्ति	॥ २३ ॥

मुहपुत्तिआ नमुक्कारमालिआ विअरणाइरूवाए । न वि पूअणाइ भिक्खं गवेसिअव्वं ति तइअमिणं	॥ २४ ॥
आवस्सगुवासगदसपणहावागरणपमुहसत्थेसु । वत्थंचलविरहेणं मुहपुत्ती ठाविआ एवं	॥ २५ ॥
इअ समयविविहहेऊजुत्तीहि संगयं बुहजणाणं । अवहत्थिअ मुहपुत्तिं जमन्नहा के वि पलवंति	॥ २६ ॥
तं माहप्यं मोहस्स विलसिअं अहव अभिनिवेसस्स । दीहरसंसारफलाणमहव कम्माण परिणामो	॥ २७ ॥
ता भो भव्वा ! चइऊण कुग्गहं अणुसरेह सम्मगं । सिरिवद्धमाणसूरीहिं संसिअं जइ महह सुक्खं	॥ २८ ॥

महोपाध्यायश्रीधर्मसागरगणिकृतम्

॥ औष्ट्रिकमतोत्सूत्रोद्घाटनकुलकम् ॥

पणमिय वीरजिणिंदं सुरिंदपूइअपयारविंदजुअं । उट्टियमयउस्सुत्तं दंसेमि गुरूवएसेणं	॥ १ ॥
तं उस्सुत्तं चउहा परूवणाभेअओ भवे एवं । नूणा १ ऽहिआ २ ऽजहट्टाण३ किरिअमजहत्थकरणं च	॥ २ ॥
तत्थाइमं च इत्थीजिणपूअनिसेहणं च१ जिणभवणे । नट्टइनच्चनिसेहो२ मासंकप्पस्स वुच्छेओ३	॥ ३ ॥
मोत्तूणं चउपव्विं पोसहपडिसेहणं च तस्स मए । छट्टाइतवुच्चरणं पढमदिणे तेण पडिसिद्धं	॥ ४ ॥
गिहिणो पाणागारोच्चारनिसेहो अ तम्मए भणिओ । सावयपडिमाधम्मो वुच्छिन्नोऽत्थि ति तव्वयणं	॥ ५ ॥

अंबिलपच्चक्खाणे दव्वदुगऽहिआण गहणपरिहरणं ।	
पोसहिअगिलाणाणं भोअणपडिसेहणं च कयं	॥ ६ ॥
पोसहिअसावयाणं जिणभणिअ तिकालदेववंदणयं ।	
तत्थ उभयं चइत्ता मज्झण्हे देववंदणयं	॥ ७ ॥
आयरियं मोत्तूणं न जुज्झइ पइट्टपमुहमहकिच्चं ।	
इच्चाइ नूणकिरिया उस्सुत्तं तम्मए गेयं?	॥ ८ ॥
अह बीयमहिअकिरियं रयणीपोसहिअ रत्तिअवसाणे ।	
सामइयं कायव्वं इअ भणिअं तेण मूढेण	॥ ९ ॥
सामाइअं कुणंतस्स तिअनमुक्कार तिदंडउच्चरणं ।	
उवहाणुव्वहणं पुण जइणो गिहिणो व्व इहमहिअं	॥ १० ॥
अह अजहठाणकिरिया तइअं उस्सुत्तमत्थि दुत्थमए ।	
कारुणं सामइअं इरिआवहिआपडिक्कमणं	॥ ११ ॥
पक्खियपडणे पुण्णिम पक्खिअ पडिकमणमजहठाणम्मि ।	
वुड्डीए पढमतिहि पक्खिअभेअस्स कुविगप्पो	॥ १२ ॥
सावणवुड्डीए पुण पज्जोसवणं पि सावणे तस्स ।	
भद्दवयवुड्ढि पढमे भद्दवए तेण तं वुत्तं	॥ १३ ॥
अह वत्थुवितहभणणं चउत्थमुस्सुत्तमेव तस्समए ।	
गब्भापहाररूवं छट्ठं कल्लणगं वीरे	॥ १४ ॥
इहलोगस्स निमित्तं जिणवरभोगाइमाणणं अत्थि ।	
लोउत्तरमिच्छत्तं न होइ तस्सेवमुवएसो	॥ १५ ॥
एवं चामुंडाईआराहणमत्थि नत्थि किर दोसो ।	
बलिबक्कुलाइविहिणा पंचनईसाहणं च पुणो	॥ १६ ॥
पज्जुसिअविदलमाईगहणम्मि न तस्स दोसपडिवती ।	
दोसस्स वि पडिवती ससमणसमणी विहारम्मी	॥ १७ ॥

एवं चामुंडिअमय उस्सुत्तं दंसिअं मए चउहा ।
लहिऊणं गुरुवयणं तुरियं निअबोहणट्टाए

॥ १८ ॥

खरतरगच्छमूलपुरुषश्रीजिनदत्तसूरिकृतम्

॥ उत्सूत्रपदोद्घाटनकुलकम् ॥

लिंगी जत्थ गिहि व्व द्वेवनिलए निच्चं निवासी तयं,
सूत्तेऽणाययणं न तत्थ उ जओ नाणाइवुट्ठी भवे
निस्सानिस्स जिणिंदमंदिरदुगं तल्लभहेउं तयं,-
सिद्धंतम्मि पसिद्धमेव तह वी खिसंति ही बालिसा ॥ १ ॥
चेइयमढेसु जइवेसधारया निच्चमेव निवसंति ।
तमणाययणं जइसावगेहिं खलु वज्जणिज्जंति ॥ २ ॥
उस्सुत्तदेसणाकारएहिं केहिं तु वसइवासींहिं ।
पडिबोहि असावयचेइयं पुणो होइऽणाययणं ॥ ३ ॥
एयम्मि हुस्सुत्तं पुण जुवइपवेसो निसाइ चेइहरे ।
रयणीएँ जिणपइट्टा ण्हाणं नेवेज्जदाणं च ॥ ४ ॥
पूएइ मूलपडिमं पि साविया चिइनिवासिसम्मत्तं ।
गब्भापहारकल्लणगं पि न हु होइ वीरस्स ॥ ५ ॥
कीरइ मासविहारेऽहुणा वि साहूहिं नत्थि किर दोसो ।
पुरिसित्थीओ पडिमा हवंति (वहंति) तत्थाइमा चउरो ॥ ६ ॥
कंडुयसंगरियाओ न हुंति विदलंति विरुहगाऽणंतं ।
न य सिंचियवेरइ सच्चित्तं सिंधवो दक्खा ॥ ७ ॥
इरिआवहियं पडिकमिय जो जिणार्इण पूयणाइ पुणो ।
कुज्जा इरियं पडिकमिय कुणइ कीकम्मदाणाइं ॥ ८ ॥

विधिचेइयनामं पि हु न जुत्तमेयं जमागमेणुत्तं ।	
निस्साकडाइ जिणचेइयाइं लिंगीहि विजुयाइं	॥ ९ ॥
तित्तियमित्तं कुज्जा जित्तियमित्तं जलाइ भुंजिज्जा ।	
अजियजलाहारगिही पाणागारे समुच्चरइ	॥ १० ॥
उगएँ सूरे सूरुगए य भणियम्मि नत्थि किर दोसो ।	
एगजुगे जुगपवर दस पंच हवंति न हु एगो	॥ ११ ॥
बत्तीसं देविंदा चउसट्ठी नेय हुंति जिणपयडा ।	
पूया अट्टवियप्पा पाससुपासा न नवतिफणा	॥ १२ ॥
खीरघएँहि ण्हाणं जिणपडिमाणं न काउ जुत्तमिणं ।	
दव्वत्थओत्तिकाउं गिहीणमुच्चिआ जिणपइट्ठा	॥ १३ ॥
कत्तियऽमावासाए पच्छिमरयणीएँ वीरपडिमाए ।	
कीरइ ण्हाणं पूया वाइय महनट्टगीयं च	॥ १४ ॥
लउडारसो वि दिज्जइ विहिजिणभवणम्मि सावएँहि पि ।	
सासणसुराणमंदोलणं च तत्थेव जलकीलं	॥ १५ ॥
माहे मालारेवणमिह कीरंतं च साहए सिद्धि ।	
मालगहणे ण्हाणे जिणाण रयणीएँ को दोसो ?	॥ १६ ॥
ण्हवणयरसिहाबंधो मुद्दाकलसेसु वासखेवाइ ।	
सूरी विणा पइट्टं कुणइ य उस्सुत्तमाइयं	॥ १७ ॥
गिहिणो वि दिसाबंधो कीरंतो धम्मसाहगो होइ ।	
चेइवसइनिवासी वि साहुवेसट्टिया पूज्जा	॥ १८ ॥
जिणबिंबमणाययणं न होइ निवसंति ते जहिं स मढो ।	
सो सुविहियसाहूँहि परिहरणिज्जो न य गिहीहिं	॥ १९ ॥
मेरुगिरिम्मि तियसाहिवेहिं जिणजम्मण्हाणमवि करियं ।	
आरत्तियमुत्तारिय मंगलदीवं कयं नट्टं	॥ २० ॥

आरत्तियमेगजिणिदपडिमपुरओ कयं न निम्मल्लं । परिहाविज्जइ जेणं वत्थेणं तमवि निम्मल्लं	॥ २१ ॥
आरत्तियमुवरिजलं भामिज्जइ तह पयत्तओ पूअं । तम्मि य जमुत्तरंते तदुवरि कुसुमंजलिक्खेवो	॥ २२ ॥
आरत्तियं धरिज्जइ जमंतराले वि उत्तरंतं तु । कीरइ नट्टं गीयं वाइयमुवगीय नट्टं च	॥ २३ ॥
जिणपुरओ वि फलक्खयंपमुहं जं ढोइयं तु पूयट्ठा । तमवि न कप्पइ निम्मल्लमित्थं काउं पुणो दाउं	॥ २४ ॥
कप्पइ न लिं गिदव्वं विहिजिणभवणम्मि सव्वहा दाउं । सासाणसुराण पूया नो कायव्वा सुदिट्ठीहिं	॥ २५ ॥
पव्वज्जागहणुट्ठावणाइंनदी वि कीरइ निसाए । नेमिविवाहक्खाडयरहचलणा रायमइस्सेगो	॥ २६ ॥
सिद्धंतसुत्तजुत्तीहिं जमिह गीयत्थमूरिमायरियं । न कुणंति तं पमाणं पयडंति य समयमाहप्पं	॥ २७ ॥
पुत्तिं विणा वि गिहिणो कुणंति चेलंचलेण किइकम्मं । पाउरणेणं खंधे कहण जइणो परिभमन्ति	॥ २८ ॥
कुगुरुकयपारंतता सुत्तुत्तं विसयमवि यऽयाणंता । विहिपडिकूला संतो कुणंति जं मुणसु तमुसुत्तं	॥ २९ ॥
गणणाईया लोया उस्सुत्ताणं निदंसिया समए । इह जे जिणदत्ताणं मन्नंति कुणंति ताणि न ते	॥ ३० ॥

खरतरगच्छीय पू.आ.श्री.जिनदत्तसूरिविरचितम्

॥ कालस्वरूपकुलकम् ॥

पणमवि वद्धमाणु जिणवल्लहु परमप्पयलच्छिहं जिणवल्लहु ।
सुगुरुवप्सु देमि हउ भव्वह सुक्खह कारणु होइ जु सव्वह ॥ १ ॥
मीण सणिच्छम्मि संकंतइ मेसि जंति पुण वक्कु करंतइ ।
देस भग्ग परचक्क पइट्टा वड वड पट्टण ते पब्भट्टा ॥ २ ॥
विक्रमसंवच्छरि सय बारह हुयइ पणट्टउ सुहु घर वारह ।
इह(य)संसारि सहाविण संतिहि वत्तहि सुम्मइ सुक्खु वसंतिहि ॥ ३ ॥
तह वि वत्त न वि पुच्छहि धम्मह जिण गुरु मिल्लहि कज्जिण दम्मह ।
फलु न वि पावहि माणुसजम्मह दूरि होंति ति ज्जि सिवसम्मह ॥४॥
मोहनिद्द जणु सुत्तु न जग्गइ तिण उट्टिवि सिवमग्गि न लग्गइ ।
जइ सुहत्थु कु वि गुरु जग्गावइ तु वि तव्वयणु तासु न वि भावइ ५
परमत्थिण ते सुत्त वि जग्गहि सुगुरुवयणि जे उट्टेवि लग्गहिं ।
एग दोस मोह वि जे गंजहि सिद्धिपुरंधि ति निच्छइ भुंजहि ॥ ६ ॥
बहु य लोय लुंचियसिर दीसहिं पर रागदोसिहिं सहं विलसहिं ।
पडहिं गुणहि सत्थइ वक्खाणहि परि परमत्थु तित्थु सु न जाणहि ७
तिणि वेसिणि ते चोर रिहिल्लिउ मुसहि लोउ उम्मग्गिण घल्लिउ ।
ताहं पमत्तउ किवइ न छुट्टइ जौ जग्गइ सद्धम्मि सु वट्टइ ॥ ८ ॥
ते वि चोर गुरु किया सुबुद्धिहि सिववहुसंगमसुहरसलुद्धिहि ।
ताहि वि खावहि अप्पउपासह छुट्टइ कह वि न जिंव भवपासह ९
दुद्ध होइ गोयक्किहि धवलउ पर पेज्जंतइ अंतरु बहलउ ।
एक्क सरीरि सुक्खु संपाडइ अवरु पियउ पुणु मंसु वि साडइ ॥ १० ॥
कुगुरु सुगुरु सम दीसहिं बाहिरि परि जो कुगुरु सु अंतरु वाहि रि ! ।
जौ तसु अंतरु कइ वियक्खणु सो परमप्पउ लहइ सुलक्खणु ११

जो धत्तूरयफुल्लु समुज्जलु पिक्खिवि लग्गउ तित्थु समुज्जलु ।
 जइ सो तसु रसु पियणह इच्छइ ता जगु सव्वु वि सुन्नउ पिच्छइ १२
 इय मणुयत्तु सुदुल्लहु लद्धउ कुलबलजाइ गुणेहिं समिद्धउ ।
 दस दिट्ठंत इत्थ किर दिन्ना इहु निप्फलु ता नेहु म धन्ना ॥ १३ ॥
 लद्धिं नरत्ति अणारियदेसेहिं को गुणु तह विणु सुगुरुवएसिहि ? ।
 आरियदेस जाइकुलजुत्तउ काइ करेइ नरत्तु वि पत्तउ ? ॥ १४ ॥
 जहि किर आउ होइ संखित्तउ तित्थु न कज्जु पसाहइ वुत्तउ ।
 तं पि बहुत्तु होइ जइ पुत्तिहिं जित्थु गुरुत्तु सुणिज्जइ कंनिहि ॥ १५ ॥
 सदहाणु तव्वयणु सुणंतह विरला कसु वि होइ गुणवंतह ।
 पढहिं गुणहिं सिद्धंतु बहुत्तइ सदहाणु पर नत्थि जिणोत्तइ ॥ १६ ॥
 अविहि पयट्टहि विहिपरु दूसहि पडिउ पवाहि लोउ सु पसंसहि ।
 अणुसोयह पडिसोयह अंतरु न कुणहि खवणय जेव निरंतरु ॥ १७ ॥
 करिवि जिणो त्ति धम्मि जण लग्गा दूरिण जंति सुगुरुसुइभग्गा ।
 विहिपहपक्खइ जिणु मुणिं वंदहिं तं मग्गट्ठिउ जणु अहिणंदहि १८
 जमणाययणु जिणेहि निदंसिउ तं वंदहि बहुलोयनमंसिउ ।
 जे रयणित्थि लोय ते थोवा अइसउ न मुणवि अंतरु धोवा ॥ १९ ॥
 पारतंतु विहिविसउ न बुज्झहि जो परियाणइ तिणि सहु जुज्झहिं ।
 सो भसमग्गहागहिउ निरुत्तउ दसमच्छेरएण सो भुत्तउ ॥ २० ॥
 अहह ! हुंड अवसप्पिणि दुट्ठी जह अस्संजयपूर्इ पयट्ठी ।
 तासु वि दूसम जाय सहाइणि जव्वस हूय पय पावह भाइणि ॥ २१ ॥
 तह वि जहन्न वीस जा विरुई ताण पयट्ट गुणह गरुई ।
 तासु अंति संवच्छर जि हुया खउ पाविय पय पुण तहि बहुया २२
 ईसर धम्म-पमत्त जि अच्छहि पाउ करेवि ति कुगईहिं गच्छहिं ।
 धम्मिय धम्मु करंति जि मरिसिहि ते सुहु सयलु मणिच्छिउ लहिसिहिं

पुत्रवंत विहिधम्मि जि लग्गहिं ते परमत्थिण जीवहि जग्गहिं ।
 अप्पु समप्पहि ते न पमायह इहपरलोइ वि विहियावायह ॥ २४ ॥
 तुम्ह इहु पहु चाहिलि दंसिउ हियइ बहुत्तु खरउ वीमंसिउ ।
 इत्थु करेज्जहु तुम्हि सयायरु लीलइ जिव तरेहु भवसायरु ॥ २५ ॥
 जहिं धरि बंधु जुय जुय दीसइं तं घरु पडइ व्हंतु न दीसई ।
 जं दढबंधु गेहु तं बलियउ जडि भिज्जंतउ सेसउ गलिउ ॥ २६ ॥
 कज्जउ करइ बुहारी बद्धी सोहइ गेहु करेइ समिद्धी ।
 जइ पुण सा वि जुयं जुय किज्जइ ता किं कज्ज तीए साहिज्जइ ?
 पुणवसु हत्थि चडइ सो चित्तह सोमु सूरु पुत्तु वि मावित्तह ।
 जो किर चित्तह मज्झि न पविसइ जेड्ह मूलि सु कहि किव होसइ ?
 लोहिण जडिउ जु पोउ स फुट्टइ चुंबुकु जहि पहाणु किव वट्टइ ? ।
 नेय समुदह पारु सु पावइ अंतरालि तसु आवय आवइ ॥ २९ ॥
 लोहिण रहिउ पोउ गुरुसायरु दीसइ तरंतु जइ वि जडवायरु ।
 लाहउ करइ सु पारु वि पावइ वाणियाह धणरिद्धि वि दावइ ॥ ३० ॥
 जो जणु सुहुगुरु-दिट्ठिहि दिट्ठउ तसु किर काइ कारइ जमु रुट्टउ ? ।
 जसु परमेट्ठि-मंतु मणि निवसइ सो दुहमज्झि कया वि न पइसइ ३१
 इय जिणदत्तुवएसु जि निसुणहि पढहि गुणहि परियाणवि जि कुणहि ।
 ते निब्बाण-रमणी सहु विलसहि वलिउ न संसारिण सहु मिलिसिहिं

पू.आ. श्रीजिनदत्तसूरिविरचितम्

॥ दर्शन नियमा कुलकम् ॥

नमिऊणमणंतगुणं चउवयणं जिणवरं महावीरं ।
 न्निव्वणदंसणाणं सरूवमिह कित्तइस्सामि ॥ १ ॥
 सिविहा य हुंति वासा दुविहा ते हुंति दव्वभावेहिं ।
 न्निव्वणमि दुहा तेऽविहु गामपवाहेसु विन्नेया ॥ २ ॥

भावम्मिवि सुहगुरुपारतंतवसओ सयावि विसयम्मि । विहिणा जिणागमुत्तेण जेसि सम्मत्तपडिवत्ती	॥ ३ ॥
तेसि सुवाता (सा) ते हुंति परमपयवासहेउणो जेण । जणयाणं तप्पणगा सयलकिलेसंतकरणखमा	॥ ४ ॥
आययणमनिस्सकडं विहिचेइयमिह तिहा सिवकरं तु । उस्सग्गओऽववाया पासत्थोसन्नसन्निकयं	॥ ५ ॥
आययणं निस्सकडं पव्वतिहीसुं च कारणे गमणं । इयराभावे तस्सन्निभाववुड्ढित्थमोसरणं	॥ ६ ॥
विहिचेइयम्मि संते पइदिणगमणे य तत्थ पच्छित्तं । समउत्तं साहूणवि किमंगमबलाण सइढाण ?	॥ ७ ॥
मूलुत्तरगुणपडिसेविणो य ते जत्थ संति वसहीसु । तभणाययणं सुत्ते सम्मत्तहरं फुडं वुत्तं	॥ ८ ॥
जत्थ वसंति मढाइसु चिइदव्वनिओगनिम्मिएसुं च । साहम्मिणुत्ति लिंगेण सा थली इइ पकप्पुत्तं	॥ ९ ॥
तमणाययणं फुडमविहिचेइयं तत्थ गमणपडिसेहो । आवस्सयाइसुत्ते विहिओ सुस्साहुसइढाणं	॥ १० ॥
जो उस्सुत्तं भासइ सदहइ करेइ कारवे अन्नं । अणुमन्नइ कीरंतं मणसा वायाइ काएणं	॥ ११ ॥
मिच्छद्दिट्ठी नियमा सो सुविहियसाहुसावएहिं तु । परिहरणज्जो जइंसणेऽवि तस्सेह पच्छित्तं	॥ १२ ॥
धम्मत्थमन्नतित्थे न करे तवणहाणदाणहोमाई । चिइवंदणं तिकालं सक्कत्थएणवि सयं काहं	॥ १३ ॥
संपुन्नं चिइवंदण दो वाराओ करेमि छम्मासं । अट्टसयं परमिट्ठीण सायरं तह गुणिस्सामि	॥ १४ ॥

जाजीवं चउवीसं उद्धिद्धुमिचउद्दसीसुं च ।	
पुत्रिमबीएगारसिं पंचमि दोकासणाइ तवं	॥ १५ ॥
पंचुंबरिचउविगई हिंभविसकरगे य सव्वमट्टी य ।	
राईभोयणं चिय बहुबीयअणंतसंधाणं	॥ १६ ॥
घोलवड्ड वायंगण अमुणियनामाइं पुप्फफलियाइं ।	
तुच्छफलं चलियरसं वज्जह वज्जाणि बावीसं	॥ १७ ॥
संगरहलिमुग्गमउट्टुमासकंदूयपमुक्ख वियलाइं ।	
सह गोरसेण न जिमं एवं एयत्तियं न करे	॥ १८ ॥
जम्मि य पीलिज्जंते मणयंपि न नेहनिग्गमो हुज्जा ।	
दुन्नि य दलाई दीसंति मिच्छाईणि जह लोए	॥ १९ ॥
निसि प्हाणं वज्जेमि अत्थाणिएणंबुणा दहाईसु ।	
अंदोलणं च वज्जे जियाण हुजावणाई य	॥ २० ॥
न वहेमि पाणिणो न य भणामि भासं मुसं न य मुसामि ।	
परदव्वं परजुवई नामियमिह परिग्गहंपि करे	॥ २१ ॥
वज्जइ इह तेनाहड तक्करजोगं विरुद्धरज्जं च ।	
कूडतुलकूडमाणं तप्पडिरूवं च ववहारं	॥ २२ ॥
बहुसावज्जं वाणिज्जमवि सया तिव्वलोभओ न करे ।	
बहुलोयगरहणिज्जं विजाइकम्मंपि वज्जेमि	॥ २३ ॥
रायनिओगाइगयं खरकम्मं परिहरामि जहसस्सिंति ।	
पवयणसाहम्मणीं करेमि वच्छल्लमधियप्पं	॥ २४ ॥
तेहिं समं न विरोहं करेमि न य धरणगाइकलहंपि ।	
स्त्रीयंतेसु न तेसुं सइ विरिए भोयणं काहं	॥ २५ ॥
दम्माठ हीणतरां जिणभवणे साडगं न दाहामि ।	
अणुचिय नट्टं गीयं व रासयं आसणाईवि	॥ २६ ॥

निट्टीवणखिवणाई सव्वं वाऽऽसायणं न य करेमि ।
सजिणजिणमंडवंतो कारणसुयण च मुक्कलयं ॥ २७ ॥

नामायरियाणमयंतराणि सुत्तुत्तजुत्तिवंझाणि ।
सोऊण कुसत्थाणि य मन्नामि य दुक्खजणगाणि ॥ २८ ॥

सव्वन्नूण मयं मएण रहिओ सम्मं सया साहए,
भव्वाणं पुरओ पवाहविरओ निच्छम्मनिम्मच्छो ।
सो मे धम्मगुरू सया गुणिगुरू कल्लणकारी वरो,
लग्गो जो जिणदत्तसोहणपहे निसेससुक्खावहे ॥ २९ ॥

पू.आ.श्रीजिनदत्तसूरिविरचितम्

॥ व्यवहारकुलकम् ॥

पणमिय वीरं पणयंगिवग्गसग्गापवग्गसुक्खकरं ।
सिरिपासधम्मसार्मि तित्थयरं सव्वदोसहरं ॥ १ ॥

साहूण साहुणीणं तह सावयसावियाण गुणहेउं ।
संखेवेणं तं देमि सुद्धसद्धम्मववहारं ॥ २ ॥

उस्सग्गेणाववायओ वि सिद्धंतसुत्तनिद्धिद्वं ।
गीयत्थाईणं वा धम्मत्थमणत्थसत्थहरं ॥ ३ ॥

जेसिं गुरुम्मि भत्ती बहुमाणो गउरवं भयं लज्जा ।
नेहो वि अत्थि तेसिं गुरुकुलवासो जणे सहलो ॥ ४ ॥

अवन्नवाइणो सीसा, माणिणो छिद्दपेसिणो ।
सबुद्धिकयमाहप्पा, गुरुणो रिउणु व्व ते ॥ ५ ॥

नाणदंसणसंजुत्तो, खित्तकालाणुसारओ ।
चारित्ते वट्टमाणो जो, सुद्धसद्धम्मदेसओ ॥ ६ ॥

पासत्थाइभयं जस्स, माणसे नत्थि सव्वहा ।
सव्वविज्जाइतत्तन्नू, खमाइगुणसंजुओ ॥ ७ ॥

पुरओ जस्स नऽन्नस्स, जओ हुज्जा विवाइणो ।	
भवे जुगप्पहाणो सो, सव्वसुक्खकरो गुरू	॥ ८ ॥
बारसंगाणि संघो वि, वुत्तं पवयणं फुडं ।	
पासायमिव खंभु व्व, ते धरेइ सयाइ सो	॥ ९ ॥
तदाणाए पयट्टंतो, संघो भन्नइ सग्गुणो ।	
वियप्पेण विणा सम्मं, पावए परमं पयं	॥ १० ॥
जिणदत्ताणमासज्ज, ज कीरइ तयं हियं ।	
जो तं विलंघई मोहो, भवारण्णे भमेई सो	॥ ११ ॥
पढणं सवणं ज्ञाणं, विहारो गुणणं तहा ।	
तवोकम्मविहाणं च, सीवणं तुन्नणाइ वि	॥ १२ ॥
भोयणं सुवणं जाणं, ठाणं दाणं निसेहणं ।	
धरणं पुत्थयाईणं, आणाए गुरूणो सया	॥ १३ ॥
तं कज्जं पि न कायव्वं, जं गुरूहिं न मन्नियं ।	
गुरूणो जं जहा बिंति, कुज्जा सीसो तहा य तं	॥ १४ ॥
वायणासूरिणो जुत्ता, निसज्जा एगकंबला ।	
चउक्की पुट्टिवट्टो य, पायाहो पायपुंछणं	॥ १५ ॥
पाएसु वंदणं जुत्तं, नो कप्पूराइखेवणं ।	
साविया धवले दिति, एसो सुगुणदिक्खिओ	॥ १६ ॥
पहुज्जिणवल्लहसीसो वायणायरिओ वि होइ ज्जो कोई ।	
कप्पूरासक्खिवणं तस्स सिरे कीरई जुत्तं	॥ १७ ॥
कीरइ वासनिकखेवो, उवज्जायस्स संगओ ।	
अक्खए य सकप्पूरे, नो दिज्जंति य तस्सिरे	॥ १८ ॥
ओ सीहट्ठाणिओ सूरी, सो होइ पवयणपहु त्ति ।	
पवयणपभावणट्ठा, तस्स पइसारओ कुज्जा	॥ १९ ॥

वसहट्टाणीया जे सामन्नेणं तु कीरई तेसि ।	
जंबुट्टाणीयाणं तु जुतो संखेवओ सो वि	॥ २० ॥
अट्टाहियाइपव्वसु निज्जइ छत्तं गिहेसु जुत्तमिणं ।	
सामन्नसाहुवत्थाइदाण दियहे न जुत्तं तं	॥ २१ ॥
तदुत्तवयणासत्तो, विहारइसु वट्टइ ।	
अकहियो गुरुणा नेय, किं पि लेइ न मिल्हइ	॥ २२ ॥
ठविओ गुरुणा जत्थ, जो अज्जाईण पालगो ।	
तेण ताओ वि यऽज्जाओ, पालणिज्जा मुरू तओ	॥ २३ ॥
गुरुआणाइ वहंतो, सो अज्जाहिं पि सायरं ।	
गुरु व्व मन्नणिज्जु त्ति, तदुत्तकरणा सया	॥ २४ ॥
जइ को वि देइ अज्जाणं, वत्थाई सयणो तयं ।	
धित्तव्वं तं तदाणाए, ताहिं समणीहिं नन्नहा	॥ २५ ॥
सयणाईहिं पि जं दिन्नं, तं तस्सप्पंति भावओ ।	
जइ सो वि तासि तं देइ, तया गिण्हंति ताऽऽवि	॥ २६ ॥
जइ तस्स न निवेयंति, तं गिण्हंति जहामई ।	
आणाभट्टा तया अज्जा, पाविति य न मंडलि	॥ २७ ॥
जइ सो न देइ अज्जाणं, लद्धवत्था उ लोहओ ।	
सुगुरुत्ताउ चुक्के सो, मंडलि पावए कहिं ?	॥ २८ ॥
देवस्सं नाणदव्वं तु, साहारणधणं तहा ।	
सावएहिं तिहा काउं, नेयव्वं वुड्ढिमायर	॥ २९ ॥
साहू वा साहुणीओ वा, कारित्ता नाणपूयणं ।	
गिण्हंता तं सया जंति, आणाभट्टा य दुग्गइं	॥ ३० ॥
संजओ संजई सड्ढो, सड्ढी वा कलहंकर ।	
चुक्कंति दंसणाओ ते, होउं तदपभावगा	॥ ३१ ॥

गिहीणं जे उ गेहाओ, आणित्ताऽसणपाणगं ।	
निकारणं पि छडुंता, जंति ते सुग्गइं कहां ?	॥ ३२ ॥
संगहंति य जे दव्वं, गुरूणं न कहंति य ।	
त्ते वि भट्ठाऽहमा धिट्ठा, भमंति भवसायरे	॥ ३३ ॥
अवेलाए न साहूणं, वसहीए साविगागमो ।	
साहूणीए विसेसेणमसहायाइ संगओ	॥ ३४ ॥
गीयत्था गुरुणो जं जं, खित्तकालाइजाणगा ।	
करिंति तमगीयत्थो, जो कुज्जा दंसणी न सो	॥ ३५ ॥
सुद्धसद्धमकारीणं, जे सुगुरूणमंतिए ।	
सुद्धं सद्धंसणं लिति, सग्गसिद्धिसुहावहं	॥ ३६ ॥
सावियाओ वि एवं जा, गिण्हंति व सुदंसणं ।	
त्तासिं सरीरदव्वाइं, हुज्जा सुगुरुसंतिया	॥ ३७ ॥
सावया सावियाओ वा, गुरुत्ता तं धणाइयं ।	
त्ते न वंछंति तं दाउं, दिन्नं पि गुरुणो पुरा	॥ ३८ ॥
ते कहं तेसि आणाए, वहंति समईवसा ।	
चत्ता सम्मत्तवत्ता वि, दूरं सा तेहि सव्वहा	॥ ३९ ॥
सावया तुच्छवित्ता वि, पोसंती सकुडुंबयं ।	
धणधन्नोवओगेण, जावज्जीवं पि सायरं	॥ ४० ॥
तट्ठाणट्ठाण साहूणमन्नवत्थाइचितणं ।	
कुणंति सवणीणं ण, तेसिं सम्मत्तमत्थि किं ?	॥ ४१ ॥
एयं विसोवगं सइद्धो, तिसु ठाणेषु देइ जो ।	
अहिगं वा ऊसवाईसु, सम्मत्ती होइ नन्नहा	॥ ४२ ॥
उत्सग्गेणासणाईणि, कप्पणिज्जाणि जाणिउं ।	
आहाकम्माइदोसेण, जाणि चत्ताणि दूरओ	॥ ४३ ॥

दायव्वाणि जईणं तु, जेण वुत्तं जिणागमे । पिंडं सिज्जं च वत्थं च, पत्तं सिज्जंभवेण उ	॥ ४४ ॥
एवं सुबहुहा सुत्ते, वुत्तमत्थि जहट्टियं । तहाऽववायओ वा वि, नाणासुत्तेसु दंसियं	॥ ४५ ॥
अच्चंतियाववाएण, किं पि कत्थइ जंपियं । गीयत्थो तारिसं पप्प, कारणं तं करेइ य	॥ ४६ ॥
तं करितो तहा सो वि, मज्जिज्जा नो भवण्णवे । एसा आणा जिणाणं तु, तं करितो तमुत्तरे	॥ ४७ ॥
वुत्तं सिद्धंतसुत्तेसु, गीयत्थेहि वि दंसियं । तं मिच्छलंबणं होइ, सुट्ठुपुट्टं न सेसयं	॥ ४८ ॥
साहम्मियाण जो दव्वं, लेइ नो दाउमिच्छइ । संते वित्ते सगेहे वि, हुज्जा किं तस्स दंसणं ?	॥ ४९ ॥
सयं वा लिहिये दिन्नं, जाणंतो वि हु जंपई । मया न लिहियं दिन्नं, न जाणामि त्ति मग्गिओ	॥ ५० ॥
पच्चक्खं सो मुसावाई, लोए वि अपभावणं । कुणंतो छिदई मूला, सो दंसणमहदुमं	॥ ५१ ॥
सम्मं साहम्मिएणावि, राउलं देउलं करे । हीलयं धरणं जुज्झं, सो वि नासइ दंसणं	॥ ५२ ॥
साहू वा सावगो वा वि, साहुणी सावियाइ वा । बोडिप्पाया वि जे संति, गुरुधम्मदुमस्स ते	॥ ५३ ॥
पालणिज्जा पयत्तेणं, वत्थपाणासणाइणा । सायरं सो न तेसिं तु, कारिज्जा समुवेहणं	॥ ५४ ॥
जइ सो वि निग्गुणो नाउं, समईए वि निंदइ । सवाडी ओक्खया तेण, संती धम्मदुदुरक्खगा	॥ ५५ ॥

आणा वि ताण सा भग्गा, गुरुणो सुक्खकारिणी ।	
मिच्छद्दिट्ठी तओ सो वि, लद्धुं तल्लक्खणावलि	॥ ५६ ॥
जणेइ निव्वुइ जं तु, जायं फलमणुत्तरं ।	
गुरुधम्मददुमार्हितो, तेण तं पि हु हारियं	॥ ५७ ॥
चोयणं पि हु सो देइ, जो दाउं जाणती तयं ।	
परस्स वयणं सुच्चा, जो रोसेण न जिप्पई	॥ ५८ ॥
नाहंकारं करेइ त्ति, मायामोसविवज्जिओ ।	
सव्वजीयहियं चित्ते, जस्सऽत्थि सुविवेयओ	॥ ५९ ॥
जा का वि गुरुणो आणा, सुद्धसद्धम्मसाहिगा ।	
कहिया हिया य सम्मं, कायव्वा विहिणाइ सा	॥ ६० ॥
संखेवेणमिहुत्तमागममयं गीयत्थसत्थोचियं	
कीरंतं गुणहेउ निव्वुइकरं भव्वाण सव्व(व्वेसि)जं ।	
साहूणं समणीगणस्स य सया सड्ढाण सढ्ढीणयु	
सिक्खत्थं जिणचंदसूरिपयवीसंसाहगं सव्वहा	॥ ६१ ॥
एयं जिणदत्ताणं करेई जो कारवेइ मन्नेइ ।	
सो सव्वदुहाण लहं जलंजलिं देइ सिवमेइ	॥ ६२ ॥

खरतरगच्छीयश्रीजिनपतिसूरिशिष्यकृतम्

॥ मिथ्यात्वस्थानविवरणकुलकम् ॥

देवाण गुरुणं पि य सिरमणिणो जिणवइस्स पयपउमं ।	
एणमिय सम्मसरूवं, सुयाणुसारेण दंसेमि	॥ १ ॥
सम्मत्तं सहहणं, तं पुण गुरु-देव-धम्मविसयं तु ।	
सुयभणियगुणजुएसुं, तेसिं पडिवत्तिरूवं जं	॥ २ ॥

जं पुण सग्गुणवियलऽन्नदेवमाईसु सद्दहाणं तं ।	
सम्माओ विवरीयं, मिच्छत्तमुवाहिओ चउहा	॥ ३ ॥
लोइय-लोगुत्तरियं देवगयं गुरुगयं च उभयं पि ।	
पत्तेयं नायव्वं जहक्कमं सुत्तओ एवं	॥ ४ ॥
हरि-हर-बंधाईणं गमणं भवणेसु पूय-नमणाई ।	
वज्जिज्ज सम्मदिट्ठी तदुत्तमेयं पि निच्छयओ १	॥ ५ ॥
मंगल नामग्गहणं, विणायगाईण कज्जपारंभे २	
ससि-रोहिणिगेआई ३ विणायगट्ठवण वीत्राहे ४	॥ ६ ॥
छट्ठी पूअण ५ माऊण ठवण ६ बीआइ चंददसियं च ७ ।	
दुग्गाईणोवाइय ८ तोत्तुलयगहाइमहिमं च ९	॥ ७ ॥
चित्तट्ठमि १० महनवमी रविरहनिक्खमण ११ सूग्गहणाई १२ ।	
होलिय पयाहिणं १४ पिंडपाडणं १५ थावरे पूया १६	॥ ८ ॥
दुव्वऽट्ठमि १७ संकंतीपूया १८ रेवंतपंथदेवाणं १९ ।	
सिवरत्ति २० वच्छवारसि २१ खित्ते सीआइ अच्चणयं २२	॥ ९ ॥
देवयसत्तमि २३ नागाण पंचमी २४ मल्लगाइ माऊणं २५ ।	
रवि-ससिवारेसु तवो २६ कुदिट्ठिगुत्ताइसुरपूआ २७	॥ १० ॥
नवरत्ताइसु तव-पूयमाइ २८ बुहअट्ठम-ऽग्गिहोमं च २९ ।	
सुत्तिणि-रुप्पिणि-रंगिणिपूआ ३० घय-कंबलो माहे ३१	॥ ११ ॥
कज्जलतइया ३२ तिल-दब्भदाणमवि मयजलंजलीदाणं ३३ ।	
सावणचंदणछट्ठी ३४ गोपुच्छाइसु करुस्सेहो ३५	॥ १२ ॥
अक्कच्छट्ठी ३६ गोरीभत्तं च ३७ सवत्ति-पियरपडिमाओ ३८ ।	
उत्तरअयणं ३९ भूयाण मल्लं ४० गोमयतिइज्जा ४१	॥ १३ ॥
देवस्स सुअण उट्ठाण, आमली कन्ह-पंडवाणं च ।	
इक्कारसीतवाई ४२ परतित्थे गमण-खणकरणं ४३	॥ १४ ॥

लोइयदेवाइगयं एमाई किच्चमित्थ मिच्छतं ।	
अन्नं पि तदुवंइट्टं, वज्जिज्जा सद्धकरणाई	॥ १५ ॥
सद्धं मासिय-छम्मासियाइं४४ पवदाण४५ कन्नहल४६ तिहिओ ४७ ।	
बलघडदाणं ४८ लाहणयदाणमवि मिच्छदिट्ठीणं ४९	॥ १६ ॥
कोमारियाइ भतं ५० धम्मत्थं चच्चरीओ चित्तम्मि ५१ ।	
अस्संजयलोयाणं, अक्खयतइयाइऽकत्तणयं ५२	॥ १७ ॥
संडविवाहो ५३ जिट्ठिणि ५४ अमावसाए विसेसओ भुज्जं ५५ ।	
कूवाइखणण ५६ गोयर ५७ सहंडणं ५८ पियरहंतकिई ५९	॥ १८ ॥
वायस-बिरलमाई पिंडो ६० तरुरोवणं ६१ पवित्तयओ ।	
तालायकहसवणं ६२ गोएण ६३ तह इंदयालं च ६३	॥ १९ ॥
धम्मगिट्ठय ६५ नडपिच्छणं च ६६ पाइक्कजुज्झदरिसणयं ६७ ।	
एवं लोअगुरूण वि नमणं दिय-तावसाईणं ६८	॥ २० ॥
मूल-ऽस्सेसाजाए बाले भवणम्मि बंभणाऽऽहवणं ६९ ।	
तक्कहसवणं ७० दाणं ७१ गिहगमणं ७२ भोयणाई य ७३	॥ २१ ॥
एवं लोइयमिच्छं देवगयं गुरुगयं च परिहरिउं ।	
सोउत्तरे विवज्जइ परतित्थियसंगहियबिंबे	॥ २२ ॥
जत्थ जिणमंदिरम्मि वि निसिप्पवेसोऽबलाण समणाणं ।	
वासो य नंदि-बलिदाण-न्ह्हाण-नट्टं पइट्ठा य	॥ २३ ॥
तंबोलाई आसायणाओ, जलकीलदेवयं दोलं ।	
लोइयदेवगिहेसु च वट्टइ असमंजसं एवं	॥ २४ ॥
तत्थ वि सम्महिट्ठीण, सायरं सम्मरक्खणपराणं ।	
उस्सुत्तवज्जगाणं, कप्पइ सवसाण नो गमणं	॥ २५ ॥
एसो चैव विसेसो, हराइभवणाओ अरिहभवणस्स ।	
एणत्थ जं विहीए, सव्वं विवरीयमन्नत्थ	॥ २६ ॥

जह तह पवित्तिजुत्तं, जइ तं हुज्जा पमाणमेवेह ।	
निट्ठीवणादकरणं, एमाइ निरत्थयं तइया	॥ २७ ॥
जो वि तिसंझानियमो जिणऽच्चणे, सो निरत्थओ हुज्जा ।	
तह सङ्केणं सुइणा पूअविहाणं जिणाणं पि	॥ २८ ॥
जिणबिंबाण पइट्ठाऽहिगारिसूरिप्पसाहणं जमिह ।	
जुगपवरागमविरइयपइट्ठकप्पेसु किं तेण ?	॥ २९ ॥
ता सव्वं पि विहीए पइट्ठ-पूया य जत्थ वावरइ ।	
तत्थेव सुदिट्ठीणं, जुत्तं गमणाइ निच्छयओ,	॥ ३० ॥
जे लोगुत्तमलिगा, लिंगियदेहा वि पुप्फतंबोलं ।	
आहाकम्मं सव्वं जलं फलं चैव सच्चित्तं	॥ ३१ ॥
भुंजंति थीपसंगं, ववहारं, गंधसंगहं, भूसं ।	
एगागित्तब्भमणं, सच्छंदं चिट्ठियं, वयणं	॥ ३२ ॥
चेइय-मठाइवासं, वसहीसु वि निच्चमेव संठाणं ।	
गेयं नियचरणाणऽच्चावणमवि कणयकुसुमेहिं	॥ ३३ ॥
कुव्वंति अहव केवलंमागममविलंबिऊण आयरणं ।	
वायामित्तेणं निन्हवंति, तत्थेव निरया वि	॥ ३४ ॥
संपन्नं चिइवंदण, छव्विहमावस्सयं उभयकालं ।	
फासुयजलं च मुहपत्तिगाइ-वंदणयदाणं च	॥ ३५ ॥
पक्कन्नाइ बलीए दाणं, ण्हाणं च खीरमाईणि ।	
जिणबिंबेसु अजुत्तं सङ्घाणमिमं ति जे केई	॥ ३६ ॥
सावयपइट्ठकहगा कहंति, नियमइ विगप्पियसुयऽत्था ।	
ते विसयं सुयहराणं जुगपवराणं पि खिंसंति	॥ ३७ ॥
जेणेयं पन्नवियं, जुगपवराणं सुयाणुसारेण ।	
तं मग्गपवत्तेहिं बहुहाइ समत्थियं सव्वं	॥ ३८ ॥

चिइवासार्इणं पिव संदिट्ठो नेव कत्थ य निसेहो ।	
एमाइ ता तदुत्तं, उस्सुत्तं चिय मुणेयव्वं	॥ ३९ ॥
सुत्तादुसारि तेसिं पिं, वंदणाई न कप्पए काउं ।	
पासत्थाई जम्हा, सुयम्मि भणिया अनमणिज्जा	॥ ४० ॥
ता सव्वत्थ वि इत्थं, विवरीयपवत्तणेण सयमेव ।	
मिच्छभावो सम्मं, भावेयव्वो सुतत्तेहिं	॥ ४१ ॥
इय चउविहं पि मिच्छं वज्जिज्जा सुत्तदंसियविहीए ।	
वट्टंते जिणभवणे साहू सुयआयरो कुज्जा	॥ ४२ ॥
तिविहं तिविहेणेयं मिच्छत्तं जेहिं वज्जियं दूरं ।	
निच्छयओ ते सङ्गा, अन्ने उण नामओ चेव	॥ ४३ ॥
जिणवइमयाणुसारा, एवं पालंति जे उ सम्मत्तं ।	
ते सिग्घं निव्विग्घं, पावंति धुवं सिवं सुहयं	॥ ४४ ॥

खरतरगच्छीयश्रीमज्जिनवल्लभसूरिविरचितम्

॥ द्वादश-कुलकम् ॥

प्रथमकुलकम् ।

कुलप्पसूयाण गुणालयाणं, तुम्हाण धम्मे सयमुज्जयाणं ।	
मत्थेव किंची उवदेसणिज्जं, तहा वि कप्पु त्ति भणामि किंचि ॥ १ ॥	
दुल्लभमाइम्मि नरत्तमुत्तं, तत्तो वि खित्तं जिणधम्मजुत्तं ।	
त्तेहिं पि जाई कुलरूवमाउ-मारुग्गबुद्धी सवणुग्गहो य	॥ २ ॥
एयं च तुब्भेहिं सुचिण्णपुण्ण-पब्भारलब्भं लहिऊण सव्वं ।	
भवज्जिऊणं च सिविक्कहेउं, देवं जिणिंदं जियरागदोसं	॥ ३ ॥
निरासवे पावकलंकमुक्के, तिगुत्तिगुत्ते अममे अमोहे ।	
भुसाहुणो धम्मगुरू सरित्ता, नाउं च सम्मं जिणधम्मत्तं	॥ ४ ॥

पमत्तलोयाण विरूवरूवं, दट्टूण चिट्ठं कुपहट्टियाणं ।
 मणागमितं पि न वेमणस्सं, पमत्तया वा वि कर्हिचि किच्चा ॥ ५ ॥
 न या वि तब्भासियभूरिभेय-पावोवएसे बहुसो वि सोच्चा ।
 पारद्धसद्धम्मविहीसु संका, अणायरो वा वि अणुट्टियव्वो ॥ ६ ॥
 तेणेव जो बीहइ नो परेसि, धम्माणभिण्णाण कुतित्थियाणं ।
 पियानिवाईण य सो सुयम्मि, धम्माहिगारी भणिओ न अन्नो ॥ ७ ॥
 सभावओ चेव हियाणुबंधि, पओयणं भूरिभवंतविग्घं ।
 ता विग्घभावे वि न तत्थ धीरा, चलंति थेवं पि सुराचलु व्व ॥ ८ ॥
 संसारकज्जेसु सयं पि जीवा, निच्चं पसत्ता अपमाइणो य ।
 धम्मत्थकज्जे पुण भीरुचित्ता, सया पमत्ता न समुज्जमंति ॥ ९ ॥
 ता लोयसन्नाविपरंमुहेहिं, समुज्झियासेसकदग्गहेहिं ।
 इमे गुणा लोगदुगे वि रम्मा, सयम्मि देहम्मि निवेशियव्वा ॥ १० ॥
 अपुव्वपुव्वागमनाणवंछा, गुरूसु सुस्सूसणलंपडत्तं ।
 परोवयारप्पवणासयत्तं, विमूढसंसग्गिविवज्जणं च ॥ ११ ॥
 पगिट्ठधम्मप्पडिबद्धलोय-सुबंधुबुद्धी विमलासयत्तं ।
 सया वि अत्तुक्करिसस्स चागो, अजुत्तनेवत्थअणिच्छणं च ॥ १२ ॥
 अहासभासित्तमदीणवित्ती, अणुत्तणत्तं सुयसीलया य ।
 गुणाहिएसुं परमो पमोओ, संसारकिच्चेसु परा विरत्ती ॥ १३ ॥
 सव्वेसु कज्जेसु अणूसुगतं, अखुद्दभावो य अणिद्दयत्तं ।
 सज्झायसज्झाणतवोवहाणं-आवस्सयाईसु समुज्जमित्तं ॥ १४ ॥
 लोगस्स धम्मस्स य जं विरुद्धं, तव्वज्जणम्मी परमोऽणुबंधो ।
 पइक्खणं दुक्कडनिदणम्मि, रागो सुभट्टाणपसंसणे य ॥ १५ ॥
 कामपिवासाइसमुत्थदोस-दुरंतयालयणलालसत्तं ।
 पमायवायाहयजीवलोय-जायंतदुक्खोहविभावणं च ॥ १६ ॥

संतोससारत्तमलज्जिरत्तं, विसिट्ठचिट्ठासु विणीयया य ।
 पियं वयत्तं नयसुंदरत्तं, आगामिकालस्स पलोयणं च ॥ १७ ॥
 कयं मए किं करणिज्जजायं, किं नो कयं किं व कयं न सम्मं ।
 किं वा पमत्तो न सरामि इण्हिं, इच्चाइ किच्चाणविभावणं च ॥ १८ ॥
 गंभीरधीरण गुणायरणं, सणंकुमाराइमहामुणीणं ।
 आणंदमाईणं य सावयाणं, सयाणुसारेण पयट्टणं च ॥ १९ ॥
 किं भूरिभेएण पयंपिण्णं, जं दूसणं नो सकुलक्कमस्स ।
 न या वि जं लोगदुगे विरुद्धं, तं सव्वजत्तेण निसेवणिज्जं ॥ २० ॥
 इय विमलगुणाणं अज्जणम्मी रयाणं, परमपयनिमित्तं बद्धलक्खाण तुम्हं ।
 करसररुहमज्झे ठाइही सग्गमुखुब्भववरसुहलच्छी सग्गुणायट्ठिय व्व

द्वितीयं कुलकम् ।

पबलपवणप्पणुल्लिय-कयलीदललग्गसलिललवलोलं ।
 अवलोइऊण जीविय-जुव्वण-धण-सयणसंजोगं ॥ १ ॥
 संजोगमूलमिह पुण, पुणरुत्ताणंततिक्खदुक्खोहं ।
 लक्खिय सत्ताण सदो-वउत्तचित्तेहि तुब्भेहिं ॥ २ ॥
 चित्तेयव्वं भवनि-ग्गुणत्तणं दुल्लहत्तणं तह य ।
 माणुस्सखित्तपमुहाण कुसलनिप्पत्तिहेऊणं ॥ ३ ॥
 भावेयव्वं भव्वं, निव्वाणसुहिक्ककारणमवंडं ।
 सिद्धंततत्तमुज्झित्तु कुग्गहं निपुणबुद्धीए ॥ ४ ॥
 जम्हा थेवो वि हु होइ कुग्गहो सयलकुसलपच्चूहो ।
 तालउडविसलवो इव, महंतसंमोहहेऊ य ॥ ५ ॥
 जइ वि हु बहुविहमयभे-यसवणओ समयअनिउणत्तणओ ।
 उस्सग्गऽववायविवे-गविरहओ अतहबुद्धित्ता ॥ ६ ॥

समयत्थपईवोवम-सुहगुरुसंसग्गिलाभविगमाओ । सिद्धंतविरुद्धपमत्त-सत्तडिइदंसणाओ य	॥ ७ ॥
निउणाण वि उप्पज्जंति कुग्गहा किमुय मुद्धबुद्धीणं । तह वि हु विहुणिय धीरिहिं ते लहुं चितियव्वमिणं	॥ ८ ॥
अहह असुहाण कम्माण, विलसियं जप्पभावओ अम्हे । संमोहतिमिरभीमे, काले इहइं समुप्पन्ना	॥ ९ ॥
नो पिच्छामो सव्व-न्नुणो संयं न मणपज्जवजिणाई । न य चुद्धसदसपुव्विप्पमुहे विस्सुयसुयह्से वि	॥ १० ॥
एवं पि अम्ह सरणं, ताणं चक्खू गई पईवो य । भयवं सिद्धंतु च्चिय, अविरुद्धो इट्ठदिट्ठेहिं	॥ ११ ॥
तदणुगउ च्चिय मग्गो, अणुसरियव्वो वियारियव्वो य । तप्परतंतत्तेण य, जइयव्वं सव्वकज्जेसु	॥ १२ ॥
जे भावा तत्तो वि हु, तद्देसगगीयसाहुवसओ वा । सम्मं कह वि न नाया, बहुसो च्चित्तज्जमाणा वि	॥ १३ ॥
ते किं समइवियप्पण-परपुरिसवसेण निच्छयमुर्विति । न हि सूरुणुज्जोइय-नहमुज्जोर्विति खज्जोया	॥ १४ ॥
इय सच्छंदपरूवण-करस्स कुग्गहपरस्स य जणस्स । संसग्गिं दावग्गिं, व वज्जयंतंतेहिं कुसलेहिं	॥ १५ ॥
कालबलोचियकिरिया-ईसु असढेसु अप्पमाईसु । सुगुरुसु पज्जुवासण-परेहिं तक्कहियकारीहिं	॥ १६ ॥
जिणपूजण-वंदण-ण्हवण-पमुहकिच्चेसु निच्च जइयव्वं । जम्हा सुत्ते वुत्तं, दंसणमिह पढम मुखंगं	॥ १७ ॥
एयंजुत्तेहिं चिय, तत्तो वरचरणकारणेसु सया । सम्मं पयट्ठियव्वं, सामाइयमाइकिरियासु	॥ १८ ॥

एतेर्हितो वि जओ, निव्वुडुगमणुम्मणाण भव्वाणं ।
 अक्खेवकरणदक्खं, विज्जइ अन्नं न गुणठाणं ॥ १९ ॥
 एवं चिय सहलत्तं, उवेइ माणुस्समाइसामग्गी ।
 एयविरहे य (पुण) सयलं, विहलमिमं कासकुसुमं व ॥ २० ॥
 इय पवरमईणं कित्तियं किच्चजायं,
 सयमवि विउसाणं साहिमो तुम्हमित्थं ।
 तह कह वि हु धम्मे वट्टियव्वं जएहिं,
 जह भववणमूलुम्मूलणं होइ ज्ञत्ति ॥ २१ ॥

तृतीयं कुलकम् ।

इत्थऽक्खंडियदुक्खलक्खसलिले कुग्गाहमालाउले,
 लोहागाहतलम्मि जम्ममरणावत्ते कुत्तित्थुक्कडे ।
 इट्ठानिट्ठविओगजोगलहरीहीरंतजंतुच्चये,
 कोहुड्ढामरवाडवग्गिविसमे संसारनीरगरे ॥ १ ॥
 तुब्भेहिं मोहवेलावलवलनवसा-वुड्ढुणुव्वुड्ढुणाइं,
 कारुणं चुल्लगाईदसजिणवयणोद्धिट्ठिट्ठंतसिद्धं ।
 लद्धं सद्धम्मकम्मक्खममुडुवनिभं दुल्लहं माणुसत्तं,
 संपत्तं खित्तजाइप्पमुहमवि तहेक्कारसंगं समग्गं ॥ २ ॥
 ता सिद्धंतपसिद्धिओ समइओ पच्चक्खलक्खेण वा,
 भो ! लक्खेहं वियक्खणा पइखणं दुक्खाण खाणिं भवं ।
 जम्हा संतमसंतमित्थ सयलं माइंदजालोवमं,
 सत्तु मित्तमहो सुही वि असुही सव्वं खणेणाउलं ॥ ३ ॥
 गुजावायसमुद्धुयद्धयवडाडोवुब्भडं जोव्वणं,
 संसारीण तणगलग्गसलिलुत्तालं तहा जीवियं ।

लच्छीओ सुवणोवमा उ पवणुव्विल्लप्पईवप्पहा,
लोलं भोगसुहं तरंगचवलं लावन्नवन्नाइयं ॥ ४ ॥

कामालं कियकामिणीयणविलासुल्लसिनेत्तुप्पलु-
त्तालं निज्जियदुज्जयारिविसरं रज्जं पि संसारिणं ।
संजोगा वि विओगसोगबहुला सोक्खा वि दुक्खावहा,
हा सव्वे जलबुब्बुय व्व विसयासंगा सया भंगुरा ॥ ५ ॥

विज्जुज्जोयचलं बलं जलचलच्चंदाउलं राउलं,
संमाणं करिकन्नतालतरलं लीलाविलासाइ वि ।
संज्झारायसमा य तायजणणीजायाइसंगे रई,
पच्चक्खं खणदिट्ठनट्ठमखिलं जं वत्थुमित्तं भवे ॥ ६ ॥

ता संसारमसारमेवमखिलं नाऊण तं छिदिउं,
मोक्खं तव्विवरीयमक्खयसुहं लद्धं चं सोक्खत्थिणो ।
भो तुब्भेऽभिलसेह तस्स य परो हेऊ जिणिदोदिओ,
धम्मो तस्स उ साहणे किल विही सिद्धंतसिद्धो इमो ॥ ७ ॥

संविग्गे कुग्गहुग्गग्गहरहियतणू सुद्धसिद्धंतधारी,
साहू सेवेह ततो जिणमयमणहं भत्तिजुत्ता सुणेह ।
चित्ते चित्तेह तत्तं तदवगमवसा सव्वकज्जे कुबोहं,
हंतुं मोहं च निच्चं जयह नियमणे काउमाणं जिणाणं ॥ ८ ॥

सम्महंसणमूलयं गुणवओमिल्लंतसाहासुहं,
तुंगाणुव्वयखंधबंधकलियं सिक्खापसाहाउलं ।
चित्तक्खित्तरुहं अभिग्गहदलं सद्धम्मकप्पहुमं,
सद्धासुद्धजलेण सिंचह लहुं जि होइ मुखो फलं ॥ ९ ॥

निच्चं विच्चम्मि समाइयनवपढणज्झाणसज्झायमाई,
तिक्कालं चेइयाणं दसतियकलियं वंदणं चायेह ।

दाणं सक्कारसद्धाकमविहिसहियं देह चारित्तजुत्ते,
पत्ते पत्ते ससर्त्ति सइ कुणह तवं भावणाभावणं च ॥ १० ॥

मा याऽऽयन्नह मा य मन्नह गिरिं कुत्तित्थियाणं तहा,
सुत्तुत्तिन्नकुबोहकुग्गहगहग्घत्थाणमन्नाण वि ।
नाणीणं चरणुज्जुयाण य सया किच्चं करेहायरा,
नीसेसं जणरंजणत्थमुचियं लिंगावसेसाण वि ॥ ११ ॥

कारुत्रं दुक्खिएसुं गुणिसु पहरिसं सव्वसत्तेसु मित्तिं,
दोसासत्तेसुविकखं कुणह तह अकल्लाणमित्ताण चायं ।
सव्वत्थामं जिण्णिदप्पवयणपडणीयाण माणप्पणासं,
पूयं पुज्जेसु साहम्मियसयणजणे वच्छलत्तं विहेह ॥ १२ ॥

सच्छं मच्छरमोहलोहरहियं निक्कामकोहं मउमु(म्मु)-
म्मुक्कं निक्कवडं करेह हिययं हीलेह मा केइ वि ।
दक्खिन्नं च कयन्नयं च विणयं गंभीरिमं धीरिमं-
जं चन्नं कुलधम्मसंमयमहो सेवेह तं सव्वहा ॥ १३ ॥

दूरे जाव जरा परावइ न जा मच्चू सरीरं च जा,
सत्थं जा पडिहाइ इंदियबलं जाव त्थि सामग्गिया ।
ता तुब्भे भववासनासणकए जं लोयलोउत्तरा-
णुत्तिण्णं पकरेह तं बहुगुणं सग्गापवग्गावहं ॥ १४ ॥

हुंडो-सप्पिणिदूसमाइवसओ जीवाण जोग्गात्तओ,
कम्माणं च गुरुत्तणेण बहुसो लोए कसायाउले ।
मुत्तूणं अणुसोयपट्टियजणं भूरिं पि मुखत्थिणा,
होयव्वं पडिसोयमग्गमइणा एसोवएसो मम ॥ १५ ॥

जिणवल्लभवयणरसायणं इमं जे कुणंति तेर्सि धुवं ।
धुय-जर-मरणकिलेसं सिद्धत्तमणुत्तरं होइ ॥ १६ ॥

चतुर्थं कुलकम् ।

जाइजरामरणजले उदग्गकुग्गाहवग्गदुग्गाम्मि ।	
दुव्वारवसणसंचयमहल्लहल्लंतकल्लोले	॥ १ ॥
रगदोसभुजंगे रोगुग्गमनक्कचक्कलल्लके ।	
बहुविहकुतित्थदुत्थे रुंदे रुद्दे भवसमुद्दे	॥ २ ॥
नर-नरय-तिरिसुराइसु अरहट्टघडिच्च तिव्वकम्मबला ।	
इह माजवंजवीभावओ चिरं भूरि भमिऊण	॥ ३ ॥
कहकहवि तुडिवसा चुल्लाइदिट्टंतदुल्लहं तुमए ।	
मणुयत्तं पत्तं सुत्तसवणसद्धाविरियजुत्तं	॥ ४ ॥
ता दुल्लहमिमं चिंतामणिं व चउरंगियं लहेऊणं ।	
मा सुद्धधम्मकरणे पमायं-मायरसु अप्परिउं	॥ ५ ॥
जम्हा समत्थसत्थत्थजाणगा सव्वपुव्वपारगया ।	
पत्तअमत्तट्टाणा समग्गसामग्गिकलिया वि	॥ ६ ॥
हिंडंत णंतकालं तदणंतरमेव नरयरयपडिया ।	
पावप्पमायवसओ गहि(ही)रभवावत्तगत्तम्मि	॥ ७ ॥
तम्हा पमायमयरामयं पमुत्तूण कुणसु तं निच्चं ।	
धम्मं संमं सम्मत्तमाइ तस्साहणत्थं च	॥ ८ ॥
संविग्गे गीयत्थे जहसत्तिं कयविहारपरिहारे ।	
सययं पयओ सेविज्ज संजए निज्जियकसाए	॥ ९ ॥
निसुणिज्ज सुद्धसिद्धंतमंतिए तेसिं सम्ममुवउत्तो ।	
तत्तं नाउं कुग्गहरहिओ वट्टिज्ज तव्विहिणा	॥ १० ॥
वत्थपडिग्गहमाई सद्धासक्कारसारमाणाए ।	
सुद्धं सिद्धंतधरणं दाणमवि दिज्ज सत्तीए	॥ ११ ॥

सीलं सीलिज्ज तवं तविज्ज भाविज्ज भावणाओ य ।	
दुक्करकरे सुयधरे धरिज्ज चित्ते सया साहू	॥ १२ ॥
कालाइदोसओ-कह वि जइ वि दीसंति तारिसा न जई ।	
सव्वत्थ तह वि नत्थि त्ति नेव कुज्जा अणासासं	॥ १३ ॥
कुग्गहकलंकरहिया जहसत्ति जहागमं च जयमाणा ।	
जेण विसुद्धचरित्तं त्ति वुत्तमरहंतसमयम्मि	॥ १४ ॥
सम्मत्त-नाण-चरणाणुवाइमाणाणुगं च जं जत्थ ।	
जाणिज्ज गुणं तं तत्थ पूयए परमभत्तीए	॥ १५ ॥
काऊण रागचागं मणे मुणिज्जा गुणागुणविभागं ।	
भाविज्ज कडुविवागं च कामरागं सयाकालं	॥ १६ ॥
दक्खिन्नमपेसुन्नं भवनिग्गुणं च दुहियकारुन्नं ।	
मन्निज्जन्नं पि मणम्मि निम्मले निच्चमिच्चाइ	॥ १७ ॥
हणिऊण कोहजोधं माणगिरिं दलिय मलिय मायलयं ।	
दहिउं लोहपरोहं मोहपिसायं विणासिज्जा	॥ १८ ॥
माणिज्ज मा(ण)णिज्जे हीलिज्ज न केइ लोय मणुयत्ते ।	
वसणे धणि व्व पत्ते गंभीरधीरं मणं कुज्जा	॥ १९ ॥
पन्नविज्जं गुणिजणमुच्चियं चोइज्ज दिज्ज उवएसं ।	
सयमवि सारणवारणचोघण-मन्नेसिमिच्छिज्जा	॥ २० ॥
सच्चमघट्टियमम्मं सम्मं सइ धम्मकज्जसंज्जं च ।	
हियमियमहरमगव्वं सव्वं भासेज्ज मइपुव्वं	॥ २१ ॥
जं लोए अपडिकुट्टं विसिट्ठसिट्ठं जिणागमुद्धिट्ठं ।	
तं सव्वं चिय उच्चियं ससत्तिसरिसं करिज्ज जओ	॥ २२ ॥
चलइ बलं खलइ मणं जलइ कसायानलो वओ गलइ ।	
निच्चं मच्चू परिकलइ दलइ जीयं टलइ कालो	॥ २३ ॥

तम्हा खणमवि न खमं विलंबिउं जं च कुसलसामग्गी ।
 सहस त्ति दिट्ठनट्ठा हरिचंदउरि व्व सव्वा वि ॥ २४ ॥
 इय नाउमाउयं थेवमेव सज्झं बहुं च धम्मधणं ।
 गुरुलाभमप्पच्छेयं सेयं ति करिज्ज जं जोगं ॥ २५ ॥

पञ्चमं कुलकम् ।

इह भवकारागारे गुरुमोहकवाडरुद्धसुहदारे ।
 कालमणंताणंतं वसंति जीवा तमंधारे ॥ १ ॥

अह कह वि कम्मपरिणामओ तहाकालपरिणईए य ।
 संववहारियभावं केइ वि पावंति तत्थ वि य ॥ २ ॥

होउं भूजलतेउवाउसु पुढो अस्संखउस्सप्पिणी,
 ता णंता उ तरूसु सागरसए वीसं तसत्ते हिए ।
 गाढारूढपरूढमोहमहिमायत्ता दुहत्ता इमे,
 जंतू जंति इहासमंजसमहो संसारचक्के चिरं ॥ ३ ॥

सयलकुसलहेउं माणुसत्तं लहेउं,
 जणणमरणलक्खे फासमाणा अलक्खे ।
 पुण वि गुणियकम्मा होइउं पावकम्मा-
 तुलभरमनिवारं लिति तो णंतवारं ॥ ४ ॥

अह गिरिसरिउवलमाइनायओ अहपव्वत्तकरणेण ।
 चउगइगया वि बहुतमकालेण विसुद्धतरभावा ॥ ५ ॥

एगूणवीसमेगूणतीसमेगूणसत्तरिं कमसो ।
 वीसगतीसगमोहाणं सलिलनिहिकोडिकोडीउ ॥ ६ ॥

खविय ठिइसंतमेगा देसूणा धरइ जाव ता गंठि ।
 पाविय केइ वलंति वि अन्ने उ अपुव्वकरणेण ॥ ७ ॥

घणकम्मपरिणइमयं भिंदिय चिररूढगूढदढांठि ।	
मिच्छत्तंतरकरणं काउं अनियट्टिकरणेण	॥ ८ ॥
तो भवसागरतरणे तरीसमं असमसोक्खमोक्खकरं ।	
पावंतुवसमसम्मं जीवा अंतोमुहुत्तद्धा	॥ ९ ॥
पुण केइ कम्मपरिणइवसेण अइसुंदरं पि सम्मत्तं ।	
संपत्तं पि अजोग्गा चिंतामणिमिव विमुंचन्ति	॥ १० ॥
मिच्छत्तुक्कोसठिइं पि बंधिउं अह पुणो परिभमंति ।	
जीवा बहुकालमहो दुरंतसंसारकंतारे	॥ ११ ॥
तो माणुसत्तममलम्मि कुले सुखित्ते सव्वंगचंगमरुजं चिरजीवियं च ।	
भूयो रहट्टघडिमालतुलाइ लद्धुं बुद्धिं सुधम्मसवणम्मि कुणंतयावि १२	
गुरुरोगजालसलिले बहुसंभवमरणलोलकल्लोले ।	
दारुणरागोरगभयकरे जराबद्धडिंडीरे	॥ १३ ॥
इच्छायत्तनिरंतरचिंतारयबलविलोलजन्तुगणे ।	
उद्दामकामवाडवरुद्धे गंभीरमोहतले	॥ १४ ॥
असमभयहासकेलीकलहाहंकारचलतिमिसमूहे ।	
चिररूढगूढमायाजलनीलीविसरसंछन्ने	॥ १५ ॥
इह हिंडंते जीवा अपारसंसारसागरे घोरे ।	
सुगुरुचरणारविंदं विंदंति न तारणतरंडं	॥ १६ ॥
वारं वारं कुणयमयसंमोहसंदोहवेला-	
गाढालीढा मरणलहरीसंकुले भूस्कालं ।	
मायागोला इव कुगुरुसंबंधसंदेहदोला	
रूढामूढा भवजलभरे बद्धवेगं सरंति	॥ १७ ॥
सुगुरुमवि लहिय कहकह वि तुडिवसा सुणिय मुणिय तव्वयणं ।	
मिच्छत्तासत्तोदग्गकुग्गहा तं न मन्त्रंति	॥ १८ ॥

अह सद्वहंति वि तयावरणखओवसमजोगओ कहं वि ।
 चरणावरणाओ न संजमुज्जमं तह वि कुव्वंति ॥ १९ ॥
 अह पुन्नपुंजजोगेण चरणभारं पव्वज्जिउं केइ ।
 पुण वि पमायसहाया परिवडिय भवे भमंति जओ ॥ २० ॥
 आहारगा वि मणनाणिणो वि सव्वोवसंतमोहा वि ।
 हुंति पमायपरवसा तयणंतरमेव चउगइया ॥ २१ ॥
 जं चेगजिओ वि असंखवारमिह सम्मदेसविर्डओ ।
 विरइमणंतुव्वलणं च अट्टहा चतुहा मोहसमं ॥ २२ ॥
 नाणाभवेसु पावइ तं पावपमायविलसियं सयलं ।
 इहर एगभवेण वि लहिउं सव्वाइं जाव सिवं ॥ २३ ॥
 तदेवं संसारतुलजलहिमज्जे निवडिया,
 जिया वुडुव्वुडुसरिसमरणुप्पत्तिनडिया ।
 दुरंतं अच्चंतं दुहमपरिमेयं निरुपमं,
 भमंता विदंते खरपवणखित्तो हठ इव ॥ २४ ॥
 ता संसारं असारं अणुवरयमहादुक्खजालं विसालं,
 कम्माणं संचियाणं तह विविहपरीणाममच्चंतवामं ।
 नाउं थोवं च आउं तडितरलमलं मित्तवित्तादि नच्चा,
 रम्मे धम्मे जिणाणं मणमणवरयं भावसारं धरेह ॥ २५ ॥
 पंचविहं अट्टविहं व छिंदिउं तह पमायमुज्जमह ।
 तह वि य कहं वि खलिए भावेह इमं सनिव्वेयं ॥ २६ ॥
 अवि जिणवयणं मणे मुणंतो विहियमई किल तप्पहेण गुंतुं ।
 अहह कहमहं महंतमोहोवहयविबोहविलोयणो खलामि ॥ २७ ॥
 इय चिंतिरुण दमिरुण मणं नियमेह इंदियकसायगणं ।
 तह दाणसीलतवभावरया कुणहोचियं गुरुमएण सया ॥ २८ ॥

तह जिणमयं सम्मं नाउं भवन्नवतारणं,
 अनिउणजणुप्पिक्खासुद्धप्पवित्तिनिवारणं ।
 सुगुरुवयणासत्ता सत्ता दुरंतमणंतयं,
 भववणमइक्कंता णंता गया य परं पयं ॥ २९ ॥

ता गीयत्थप्पवित्ति मुणिय अणुगुणं चेव वट्टिज्ज तीए,
 धम्मत्थी धम्मकज्जे नउ समइ वियप्पेण किंची कयाइ ।
 गीयाणापारतंतं सयलगुणकरं बिंति जं तित्थनाहा,
 तेणायाराइसुत्ते पढमगणहरेणावि तं दंसियंति ॥ ३० ॥

इय गणिजिणवल्लहवयणमसमसंवेगभावियमणाणं ।
 निसुणंत मुणंतकुणंतयाण लहु कुणइ निव्वाणं ॥ ३१ ॥

षष्ठं कुलकम् ।

संसारचारकारणमिणमो धणकणगमाइसु ममतं ।
 विसविसमा ही विसया पमुहसुहा परिणइदुहा य ॥ १ ॥

खरपवणुत्तालतणग्गलग्गजलबिंदुचंचलं जीयं ।
 मयमत्तरुणरमणीकडक्खचडुलाउ लच्छीओ ॥ २ ॥

दुव्वारतिव्वदुव्विसहदुक्खनरगगइहेउणो परमा ।
 जीवाण रागदोसा अणंतभर्वजम्मरणकरा ॥ ३ ॥

ता विसमकसायपिसायविनडियं जाणिऊप्पा जयमिणमो ।
 कुरु सयलकुसलमूलं सद्धं सद्धम्मकरणम्मि ॥ ४ ॥

सुगुरुपयपउमपणइं परोवयारे मइं वएसु रइं ।
 चिइवंदणं तिसंझं कुणसु दुसंझं च सज्झायं ॥ ५ ॥

जं जत्थ जया जेसिं जईण जोग्गं तयं तहिं तइया ।
 तेसिं सद्धासक्कारसारमाणाए तह दिज्जा ॥ ६ ॥

परपरिवायं परवसणतूसणं परपराभवं रोसं ।	
अतुक्करिसं हरिसं मुंचसु मायं विसायं च	॥ ७ ॥
कुणसु य गुणिसु पमोयं मित्ति सत्तेसु दुक्खिएसु दयं ।	
निग्गुणजणेसु विक्खं दक्खिन्नं तह अपेसुन्नं	॥ ८ ॥
जं लोए न विरुज्झइ सुज्झइ जेणऽप्पणो मणोभावो ।	
नियगुरुकुलक्कमाणं कलंकपंकं न जं कुणइ	॥ ९ ॥
सुत्ते जं न निसिज्झइ सिज्झइ लहु जेण मुखसुखफलं ।	
तं सव्वं कायव्वं रागग्गहनिग्गहेण सया	॥ १० ॥

ससमं कुलकम् ।

एगिंदिएसु अत्थिय कालमणंतं पसुत्तमतु व्व ।	
कहमवि कयाइ केइ वि जीवा पावंति तसभावं	॥ १ ॥
तत्थ नरत्तं तत्थ वि सुहखित्तं तत्थ जाइकुलरूवं ।	
तत्थारोग्गं तत्थ वि चिरजीवित्तं च अइदुलहं	॥ २ ॥
तत्थ वि बहुसुहकम्मोदएण धम्मे वि हुज्ज जइ बुद्धी ।	
तो वि जियाण न सुलहो जिणवयणुवएसगो सुगुरू	॥ ३ ॥
ता गहिरमहोदधिमज्झपडियरयणं व कुसलसामग्गि ।	
दुल्लहं पि लहिय विबुहो विहिज्ज सु(स)द्धं सुधम्ममि	॥ ४ ॥
साहुगिहिभेयओ सो दुविहो तत्थ पढममि असमत्थो ।	
जहसत्ति गिहिधम्मं कुणसु तुमं भावओ तत्थ	॥ ५ ॥
तिक्कालं चिइवंदणममंदआणंदसुंदरं विहिणा ।	
तह सुविहियजइसेवणमित्तो जिणवयणसवणं च	॥ ६ ॥
जिणपूयाइविहाणं तग्गुणनाणं तहा मुणिंदाणं ।	
विहिदाणं सुहज्झाणं तवउवहाणं च जहसत्ति	॥ ७ ॥

सञ्ज्ञायनियमकरणं अपुञ्जपढणं च उचियसमयम्मि । किच्चं निच्चं पि तथा जहजुग्गमभिग्गहग्गहणं	॥ ८ ॥
जिणसु कसायपिस्ताए पसिद्धसिद्धंतमंतजावेण । उवसमयसु विसयतिसं संवेगामयरसं पाउं	॥ ९ ॥
बहु लोएण वि निंदियमिंदियपसरं निरुंभसु अमग्गे । पडिवज्जसु य जहारिहमागमविहिणा गिहिवयाइं	॥ १० ॥
सुहिसंबंधो बंधो बंधुजणा हियविबंधगा धणियं । पासो अगारवासो असंखदुक्खावहा कामा	॥ ११ ॥
ही चवलं देहबलं ही लोलं जुव्वणं च जीयं च । थू अथिरं विसयसुहं हद्धी रिद्धीउ चवलाउ	॥ १२ ॥
सुहसाहणमिह दुलहं सुलहं दुहसाहणं चिय जियाणं । जं ता परिहरियव्वो अव्वो सव्वो वि एस भवो	॥ १३ ॥
सव्वे सकज्जकंखी सव्वे सकडोवभोगिणो जीत्ता । को कस्स इत्थ सयणो ममत्त इह बंधहेतु त्ति	॥ १४ ॥
इय चितिय नियहियए दुल्लहलंभं च जिणमयं नाउं । विरसावसाणभववासनासणं कुणसु वयणमिणं	॥ १५ ॥

अष्टमं कुलकम् ।

पुव्वकयकम्मजणिओ दुरंतचउगइदुहावहो एसं । ही विसमो भववाही देहीणं दुन्निवारो य	॥ १ ॥
इमिणा किलिस्सिरुणं सुइरं चुलसीतिजोणिलक्खेसु । जुगसमिलाजोगसमं लहिउं कह कह वि मणुयत्तं	॥ २ ॥
सव्वन्नुसव्वदंसीहिं दंसियं सव्वभव्वबंधूहिं । सव्वाहिवाहिहरणं सम्मं धम्मोसहं कुणह	॥ ३ ॥

तस्सोवएसयाणं आणं च गुरूण भावविज्जाणं । सम्ममणइक्कमंता जहोचियं जयह सव्वत्थ	॥ ४ ॥
पडिहयनिम्मलबोहं पयडियकुग्गहकलंकंसंदोहं । भवतरुवरपारोहं उम्मूलह लहु महामोहं	॥ ५ ॥
दुहतरुतरुणलयाए भवजलहिनिवासहेउभूयाए । रुंधह विसविरसाए विसयतिसाए सया पसरं	॥ ६ ॥
जणियसमत्थअणत्थे सव्वजगुव्वेयगे हयविवेगे । दुग्गइगमणसहाए जिणह कसाए पिसाए-व्व	॥ ७ ॥
विमलगुणपरिगयं पि हु कोपपरं को जणं समल्लियइ । फुरियफणामणिकिरणं व घोरमासीविस भुयंगं	॥ ८ ॥
घडिउब्भडभिउडीभंगभासुरो भमिरंतं बिरउच्छिजुओ । वियडविडंबियवयणो सिढिलकडिल्लो सुदुप्पिच्छो	॥ ९ ॥
कयगहिरविरससद्धो विसंतुलगई य सिज्जिरसरीरो । कोहमहग्गहगहिओ होइ नरो लोगभयजणगो	॥ १० ॥
अइपंडिओ वि अइबहुगुणो वि अइसुद्धवंसजाओ वि । कुणमाणो माणं माणवो लहुं लहइ लहुयत्तं	॥ ११ ॥
परपरिभवमत्तुक्करिसमसरिसकुलग्गया वि कुव्वंता । सयलजणुव्वियणिज्जा न सकज्जं किंचि सार्हिति	॥ १२ ॥
नीयागुत्तं गाढं समज्जिउं परभवे पुणो सुइरं । सव्वजणगरहणीया नीयासु हवंति जाईसु	॥ १३ ॥
दंभपरो लहइ नरो कूडो त्ति सद्धु त्ति लोयवयणिज्जं । निच्चमवीससणिज्जो य होइ सप्पु व्व सुद्धो वि	॥ १४ ॥
मायापरस्स मणुयस्स झत्ति विहडंति बंधुमिक्का वि । अस्संखत्तिक्खदुक्खे मयस्स उ ठिई त्तिरिक्खभवे	॥ १५ ॥

सयला चिय जइकिरिया परमपयपसाहिगा वि बहुसो वि ।	
कवडेण कया न कुणइ मुख्खाणुगुणं गुणं कमवि	॥ १६ ॥
सयलवसणिक्ककोसो सुहरससोसो जओ अरइपोसो ।	
नासियतोसो तो सो बहुदोसो ही असंतोसो	॥ १७ ॥
उगंऽतरं गरिउसच्छहम्मि लोहम्मि जेऽणुसज्जंति ।	
ते बहुदुहपडिहत्थं हत्थं वंछंति नरयगइं	॥ १८ ॥
हयसोहं कयमोहं दुहसंदोहं भवप्परोहसमं ।	
विहुयसुबोहं लोहं तो हंतुं होइ जइयव्वं	॥ १९ ॥
तह निययमणत्थनिबंधणं धणं बंधणं व बंधुजणो ।	
कारागार दारा वि कामभोगा महारोगा	॥ २० ॥
जलबुब्बुय व्व सव्वे जीवियजुव्वणधणाइसंबंधा ।	
सुहसाहणमिह सयलं पवणुद्धयधयवडविलोलं	॥ २१ ॥
सुलहा य पियविओगा अणिट्टजोगा सुदूसहा रोगा ।	
बंधणधणहरणाणि य वसण्णाणि य बहुपयाराणि	॥ २२ ॥
सहजं चिय इत्थ भयं चिंतासंतावसंतई य सया ।	
दोहगं दोगच्चं परणुवित्ती अकित्ती य	॥ २३ ॥
ता धुवमधुवमसारं दुक्खाहारं च मुणिय संसारं ।	
तक्खयकए मइमया न कयाइ पमाइयव्वं ति	॥ २४ ॥
भवभयहरं च भणियं नियनियगुणठाणगोचियं निच्चं ।	
सुदणुट्ठाणं ठाणं कल्लणाणं समग्गाणं	॥ २५ ॥
तं पुण सुजुत्तिजुत्तं सुसुत्तवुत्तं सुगुरुनिउत्तं च ।	
कुणइ सुनिउणमईणं कम्मक्खयमक्खयपयं च	॥ २६ ॥
तं पि सुहाणुट्ठाणं रगदोसविसपसममंतसमं ।	
सुलहं पि काकतालीयनायओ कह वि जइ पत्तं	॥ २७ ॥

ता तत्थ सुगुरुकहिए गीयत्थसमत्थिए जइक्कहिए ।
 वितहाभिणिवेसो खलु न खमो कल्लणकामाण ॥ २८ ॥
 किं तु भव्वासाणासणहेऊ जिणसासणं पि हु लहेउं ।
 तत्थ त्रत्थ य सम्मं जइयव्वं भावसुद्धीए ॥ २९ ॥
 सा पुण नेया मग्गानुसारिणो पयइसुद्धचित्तस्स ।
 गीयत्थाणारुइणो पन्नवणिज्जस्स सद्धस्स ॥ ३० ॥
 इयरस्स उ समइकया कुग्गहरूवा य सा अणिट्टफला ।
 मिच्छत्तओ चिय फुडं जियाण जं कुग्गह्ले होइ ॥ ३१ ॥
 ता रागचागकुग्गहनिग्गहपुव्वं तथा पयइयव्वं ।
 जह लोएऽणुवहासं गुणवल्ली लहइ उल्लासं ॥ ३२ ॥
 गणिजिणवल्लहवयणं पउणं सउणं व जे सुणंति इमं ।
 मग्गाणुसारिणो लहु सुहेण ते सिवपुरमुवेति ॥ ३३ ॥

नवमं कुलकम् ।

इह कुणयभुयंगे जम्ममच्चूतरंगे दुहजल पडहत्थे नोकसाउ(ऊ)रुमच्छे ।
 परिभमिरकसाउग्गाढगाहे अगाहे महइ भवसमुद्दे मोहआवत्तरुद्दे ॥ १ ॥

चिरचियनियकम्मुद्दामसज्जोविवागु-
 ष्णडफुडरयवेलामज्जिरुम(म्म)ज्जिराणं ।
 पुढविजलसमीरगीसु लोए असंखे,
 तरुसु पुणरणंते णंतसो संठियाणं ॥ २ ॥

चउगइकुलकोडीजोणिलक्खेसु भूयो,
 भमिय गुणियकम्मीभूयदुक्खदियाणं ।
 अहह गहिरपारावारविक्खित्तमुत्ता,
 रयणमिव जियाणं दुल्लहं माणुसत्तं ॥ ३ ॥

कह वि तुडिवसेणं तं पि लद्धं सुखित्तु-
त्तमकुलसुहजाईरूवमारुग्गमाउं ।

असुलभमवि रहांवेहणाएण लद्धं

जइ तह वि हु बुद्धी दुल्लहा सुद्धधम्मो(म्मे)

॥ ४ ॥

अह कहमवि जाया काकतालीयनाया,
जिणमयसुइबुद्धी तो वि से पच्चवाया ।

भयकुमयकसायालस्सव(वि)क्खेववन्ना-
रमणकिवणयाहीसोगमोहप्पमाया

॥ ५ ॥

अह कह विं किलेसा तस्सभावत्तकाल-
परिणइवसपत्तापुव्वपुण्णोदएणं ।

युगसमिलपवेसन्नायओ मुख्खमूलं,
सुणिय जिणवरुत्तं भाविऊणं च चित्ते

॥ ६ ॥

तह वि हु बहुलाए चंडपासंडियाणं,
जिणसमयविरोहा भासरासिग्गहस्स ।

बहुकुपहपरूढातुच्छमिच्छत्तपित्त-
ज्जरविहरियबोहा हा न तं सदहंति

॥ ७ ॥

इइ बहुसुहलंभं पाविउं धम्मसद्धं उवलहिय दुलंभं धम्मसामग्गियं च ।

खरपवणपणुल्लत्तालतूलं वं लोलं मुणिय भवसरूवं सुत्तवुत्तं करेह ॥ ८ ॥

पडिहणियकसाए सिद्धिबद्धाणुराए विहिअहिगयसुत्ते तस्स आणाइ जुत्ते

फुडपयडियतत्ते साहुणो निम्ममत्ते सुहगुरुपरतंते पज्जुवासेह दंते ॥ ९ ॥

विणयनयपहाणा वत्थुवीमंसमेसिं पयपउमसमीवे सव्वकालं करेह ।

गयभयमयमायामच्छ्रा तत्तकंखी नियविसयविभागे तं सया संठवेह १०

अमयमिव मुणंता ताण वुत्तं कुणंता, दलह सबहुमाणं तेसिं भत्तीए दाणं ।

धरह अकयहीलं सोचियं चारु सीलं, भयह तवविहाणं भावणं भावणाणं

गुणअगुणविहत्ति पावठाणे विरत्ति,
सुयपढणपसत्ति साहुकज्जेसु तत्ति ।
पवयण अणुरत्ति सासणत्थेसु सत्ति,
जिणमुणिजणभत्ति धेह धम्माविवत्ति

॥ १२ ॥

फुडमिह भवकज्जे सव्वसत्तीइ लोया,
सययमइपसत्ता नो मणागं पि धम्मे ।
इय बहुजनसन्नं मुत्तु सव्वायरेणं,
जयह जिणवरुत्ते चत्तभीसंकलज्जा

॥ १३ ॥

इह सुहुमनिगोया चेव अव्वावहारी,
सुहुमियरइग्गिदा वावहारी तसा य ।
सहजसपरिणामा भव्वभव्वा य कम्म-
ट्टगनिगडनिबद्धा ज्झायहिच्चाइ तच्चं

॥ १४ ॥

अमुणियगुणदोसं पासिउं साहुवेसं, पढममसढभावा लेह सुस्संजयं व ।
पुण बकुसकुसीलुत्तिन्नमुस्सुत्तभासिं, विसविसहरसंसग्गिं व उज्जेह इत्ति

जइ वि दुसमदोसा भासरासिप्पवेसा,
जिणमयमुणिसंघो नो तहिण्हिं महग्घो ।
तह वि दसमदुट्टच्छेरउब्भूयनाम-
स्समणगणपहे नो मुज्झियव्वं बुहेहिं

॥ १६ ॥

तह विलसिरहुंडोसप्पिणीकालदोसुल्लसियकुगुरुवुत्तुस्सुत्तरते वि लोगे ।
अवगणिय तदुत्तं होह दुद्वेसणासीविसपसमसुमंतायंत संसुद्धबुद्धी १७

अइसयविरहाओ खित्तकालाइदोसा,
विगुणबहुलयाए संकिलिट्टे जणम्मि ।
सपरसमयलोयायारणाभिन्नतुंड-
गलखलजइरज्जे नज्जए नो गुणी वि

॥ १८ ॥

सययमिह जियाणं सोगदोगच्चवाही-
जरमरणभयाई वेरिणो दुन्निवार ।
जइ खयकरमेसिं कोइ कंखिज्ज तत्तं,
तह वि हु कुपहदंसी ही दुरंता कुलिंगी

॥ १९ ॥

नियगुरुकमरागेण ऽन्नदक्खिन्नओ वा,
समइअभिनिवेसेणंधमंधीइ केई ।
सुविहियबहुमाणी होउ मज्झत्थनाणी,
इय कुसुयकुबुद्धं बिंति आणाविरुद्धं

॥ २० ॥

नियमइकयसामायारिचारित्तसन्ना मुसियजलजणोहा सुत्तउत्तिण्णबोहा ।
वयमिह चरणङ्गा हंत नऽन्नि त्ति बिंता परपरिभवमत्तुक्कासमुल्लासयंति२१

कुगुरुसु दढभत्ता तप्पहे चेव रत्ता अमुणियसुयतत्ता साहुधम्म(म्मे)पमत्ता
गुरुकुलकमचत्ता संकिलेसप्पसत्ता अहह कहमपत्ता चेव ही खाइपत्ता२२

कुगुरुवयणदूढा संसयावत्तछूढा अइबहुभवरूढातुच्छमिच्छत्तमूढा ।
अपरिणयसुयत्थं जीवियासंसघत्थं सुहगुरुयमेवं बिंति मुत्तं व देवं २३

अइ दुसमदुरंतच्छेरय ! व्भासरासी ! दुसमसमय ! हंभो तुब्भमेसप्पभावो
जमिह कवडकूडा साहुलिंगी गुणङ्गे परिभविय पहुत्तं जंति नंदन्ति दूरं

किर बहुपहुपासे धम्मसुस्सूसणाए,
कुमयविउडणेणासंकिया हुंति भावा ।
नवसुविहियसेवासत्त तत्तत्थियाणं,
कंहमिव विवरीयं जायमव्वो इयारिणं

॥ २५ ॥

इयकुपहपयारं सुद्धधम्मंधयारं परिलसिरमसारं छड्डुं निव्वियारं ।
सइ अणाभिनिविट्ठा सुत्तजुत्तीविसिट्ठा गयभयमयतिट्ठा होह सम्मग्गनिट्ठा

दशमं कुलकम् ।

इत्थुगगकुगहकुसासणभिल्लभीमे चिंताविसुक्कडकसायमहाभुयंगे ।
अत्राणदारुणदवे नवनोकसायलल्लक्कसावयगणे भवसंकडिल्ले ॥ १ ॥

जीवा चउगगइगया कुलकोडिजोणी-
लक्खेसु दुक्खतविया बहुसो भमंति ।
दीहद्धमेव भवकायटिईहिं धम्म-
कम्मक्खमं नरभवाइ न पाउणंति ॥ २ ॥

गंभीरनीरनिहिनट्टुमणिं व धम्मसामग्गिमित्थ समिलाजुगजोगतुल्लं ।
एमेव पाविय हिं पि कर्हिं चि कागतालीयनायवसओ सहियं करेह ३
जंतू य दुक्खविमुहा सइ सुक्खकंखी,
सुक्खं च अक्खयमभिक्खणमाहु मुक्खे ।
सम्मत्तनाणचरणाणि य तस्सुवाओ,
तस्साहणाय पुण रे ? इय निच्चकिच्चं ॥ ४ ॥

संविग्गसग्गुरुकमागंयजुत्तजुत्तीवीसंतसुत्तपरमत्थबिऊ जयंत ।
सेवेह धम्मगुरुणो बहुमाणभत्तिरगणे ताण वयणं च मणे धरेह ॥ ५ ॥
वेरग्गभावणकसासुगुरूवएस-रज्जूहि इंदियतुरंगगणं दमेह ।
नाणंकुसेण गुणपायवलग्गमुद्दा-मुद्दामकामकरिणं सवसं विहेह ॥ ६ ॥

कालाइदोसवसओ घणकम्मकिट्टु-
चिट्टुत्तणेण य जणा बहुसंकिलेसा ।
तो लिंगिणो य गिहिणो य दढं विमूढा,
किं किं न जं अणुचियं चिरमायरंति ॥ ७ ॥

नट्टा य ते सयमसंगकुहेउजुत्ती अन्नेसि नासणकए बहुहा वयंति ।
पायं जणा सयमईइ अभाविभद्दा तं चेव तत्तमिव लिंति-चइंति मग्गं ८

मिच्छत्तच्छत्रपडिकप्पियजुत्तिहीणनाणाकुसत्थमयमूढकुत्तित्थियाणं ।
दुव्वासणाविनडिया पडिया वसे ही जीवा कयाइ न भवंति भवंतगामी
ता भूरिकुग्गह-कुत्तित्थि-कुदेसणाउ,
सुच्चा वि निच्चमचला जिणधम्ममग्गे ।
भो ? लग्गहुज्झियकुधीभयसंकलज्जा,
एवं च होहिह सुधम्महिगारिणु त्ति ॥ १० ॥

भूयोभिः सुकृतैः कथंचन जनैः कल्पद्रुरासाद्यते,
संप्राप्तोऽभिमतं प्रयच्छति सकः संकल्पमात्रादपि ।
सोऽप्यस्माभिरलाभ्यभाजि च चिरं दध्ये विधायाञ्जलिं,
घोरे व्यक्तमयुक्तमित्यपि वृथाऽभूदित्यचिन्त्यो विधिः ॥ ११ ॥

एकादशं कुलकम् ।

इह हि खलु दुरंते चाउरंते भवम्मि परिभमणमणंताणंतकालं करित्ता ।
कह कह वि तसत्तं तत्थवी माणुसत्तं बहुसुकयवसेणं पाणिणो पाउणंति
तमवि सुकुलजाईरूवनीरोयवीहाउयमइगुणवंतं सव्वहा पत्तपुव्वं ।
चिरसुचरियभावा भाविभद्धानमंते हवइ तदिह लद्धे सव्वहा उज्जमेह २
परिहरह पमायं दिन्नदीहावसायं मुयह कुगइमूलं धम्मसंदेहजालं ।
चयह कुगुरुसंगं सव्वकल्लणभंगं सुणह जिणवरुत्तं सुद्धसिद्धंततत्तं ३
मुयह निहयसोहं सव्वहा कोहलोहं निहणह मयमायं दिन्नसंसारपायं ।
सरह सरहसं भो ! सव्वसत्तेसु मित्तिं कुणह जिणगुरूणं पायपूयापसत्तिं
पयइह बहुदुक्खत्तेसु सत्तेसु दूरं परमकरुणभावं दव्वओ भावओ य ।
भयह गुणिसु रागं सव्वकल्लणवल्लीपसरसरसनीरासारमच्चंतसारं ॥ ५ ॥
गरिहं कयणेगाणत्थसत्थं समत्थासुहसयजणचारी रायमग्गं व दुग्गं ।
जणियविसयंगिद्धिं पावमेत्तेहि सिद्धिं जइ महह महंतिं सव्वसंपत्तिसिद्धिं
किमिह सुबहुवायावित्थरेणं भवाउ,
जइ कहमवि चित्तं तुम्ह दूरे विरत्तं ।

जइ य कुमुयकर्ति वित्थरत्ति च किर्त्ति,
अभिलसह बुहाणच्छेरयं संजणित्ति ॥ ७ ॥

ता दूरं मुक्कसंका विरइकयमणा चत्तमित्थत्तदोसा,
साहूणं पायसेवा जिणमयसवणच्चिंतणऽऽक्खित्तचित्ता ।
कालं बोलेह निच्चं पुणरवि दुलहा धम्मसामग्गि एसा,
भुज्जो पाविज्ज जीवा कहमवि न इमं नज्जए जेण सम्मं ॥ ८ ॥

द्वादशं कुलकम् ।

कालस्स अइकिलट्टत्तणेण अइसेसपुरिसविरहेण ।
पायमजुग्गतणेणं गुरुकम्मत्तेण य जीयाणं ॥ १ ॥

किर मुणियजिणमया वि हु अंगीकयसरिसधम्ममग्गा वि ।
पायमइसंकिलिद्धा धम्मत्थी वित्थ दीसंति ॥ २ ॥

ते किंचि कर्हिंचि कसायविसलवं धरिष नियमणे गूढं ।
दरिसंति तव्वियारे अप्परिणयसमयअमयरसा ॥ ३ ॥

केइ अपुट्ठा पुट्ठा पुरओ तव्विहजणस्स पयडंति ।
अन्नपसंगेणं चिय परपरिभवमत्तउक्करिसं ॥ ४ ॥

गुरुमवि गुणमगणंता परस्स दोसं लहुंति पयडंता ।
अन्नोन्नममत्तं(न्नं)ता जणयंति बहूणं मयि(इ)मोहं ॥ ५ ॥

अवरे नियडिपहाणा पयडिय वेसासियं खणं रूवं ।
सुहलुद्ध मुद्धजणवंचणेण कप्पंति नियवित्ति ॥ ६ ॥

अवगणियनिजकज्जा, लज्जामज्जायवज्जिया अन्ने ।
कलर्हिंति मिहो बहुविह-बाहिरवत्थूण वि कएण ॥ ७ ॥

अन्ने दक्खिन्नेण वि(व), सच्छंदमईए अहव जडयाए ।
आजीवियाभयेण वि, बहुजणायरणओ वा वि ॥ ८ ॥

गारवतिगोवरुद्धा, लुद्धा मुद्धाण जुगपहाण त्ति ।
अप्पाणं पयडिंता विवरीयं बिंति समयत्थं ॥ ९ ॥

न परं न कुणंति सयं, अवि य भयमएहिं निति सुत्तत्थं ।	
जं समइपहेण तयं, अहह महामोहमाहप्पं	॥ १० ॥
एवंविहाण वि दहं, दसमच्छेरयमहापभावेण ।	
सद्धालु मुद्धबुद्धी, भत्तीए कुणंति पूयाई	॥ ११ ॥
अत्रे उदग्गकुग्गह-घत्था दुरहिगयसमयलेसेहिं ।	
नट्टेहिं नासिया आसिया फुडं सुन्नयावायं	॥ १२ ॥
इय बहुविहअसमंजस-जणदंसणसवणओ वि धीरण ।	
मणयं पि न चलइ मणं, सम्मं जिणमयविह(हि)न्नूणं	॥ १३ ॥
ता भासरसिगहविहु-रिए वि तह दक्खिणे वि इह खित्ते ।	
अत्थि च्चियं जा तित्थं, विरलतरा केइ मुनिपवर	॥ १४ ॥
ते य बलकालदेसा-णुसारपालियविहारपरिहार ।	
ईसि सदोसत्ते वि हु, भत्तीबहुमाणमरिहंति	॥ १५ ॥
ते य असढं जयंता, सुबुद्धिओ मुणियसमयसम्भावा ।	
ईसि सकसायभावे, पि हुंति पुज्जा बुहजणाण	॥ १६ ॥

पू.आ.श्रीजिनप्रभासूरिविरचितम्

॥ ज्ञानप्रकाशकुलकम् ॥

देवहं देवु सु जगि जयउ त्तिहुअणगुरु जिणराउ ।	
अज्जवि नाणपयासु जसु पसरइ पयडपभाउ .	॥ १ ॥
पावह कोइ न अब्भिडइ धम्मु करइ सहु कोइ ।	
पावह धम्मह अंतरं, जिणवरवयणिहिं जोइ	॥ २ ॥
पुहविसु कोइ न दीसई, जो न हु करई स धम्मु ।	
एकह विणु जिणधम्मियह अप्पउं मुणइ जु सम्मु	॥ ३ ॥
गहिलेण वि चरिएण, जणु अप्पह धरइ पमोउ	
ह, अविवेयह विलसियं अप्पचंगु जियलोउ	॥ ४ ॥

विसयपिवासा आउरिहिं जं धुत्तेहिं पवुत्तु ।	
धम्मट्ठा तं जणु करइ, हा हा ! कट्टु निरुत्तु	॥ ५ ॥
जं जं पावयवुड्ढिकरु, जं संसारनिबंधु ।	
धम्मु भणित्तु, तं तं करइ बपुरि जीवु मोहंधु	॥ ६ ॥
पाणिवहा-ऽलिय-धणहरण-मेहुण-परिग्गहजुत्तु ।	
जइधम्मु वि अइसउ भणित्तुं, पावु त कइ संवुत्तु	॥ ७ ॥
पावु पसंसइ हरिसिया, निद्धं धम्मु जि मूढ ।	
ते बहुदीणा दुत्थिया होयइं दुग्गइ छूढ	॥ ८ ॥
अन्नाणंधा जीवडा धम्मछला बंधइं पावु ।	
कुमय-कुबोहिपेल्लिया न हु जाणइं भवभावु ।	॥ ९ ॥
मिच्छदिट्ठी जीवडउ, बुज्झइ पावु न धम्मु ।	
विसय-कसार्याहिं जगडियउ, हा ! हारइ नरजम्मु	॥ १० ॥
जे इहलोयह कारणिहिं, बहु सेवइं मिच्छत्तु ।	
ते सहिसइं अग्गइगया, दुहु नारय-तिरियत्तु	॥ ११ ॥
जिम अमयरसि जीवियइ, मरियइ विसिहिं निभंतु ।	
तिम सम्मत्ति अणंतुं सुहु, मिच्छत्तिहिं दुहुऽणंतु	॥ १२ ॥
कायहिं किरिया अवर जसु, वयणि भणइ जिणधम्मु ।	
सो जिणआणालंधणिण बंधइ चिक्कणु कम्मु	॥ १३ ॥
एय पमायपसाउ जगि, अरिगगारिहि घाउ ।	
अहहा ! मोह भमाडु भवि, जिउ न मुणइ सब्भाउ	॥ १४ ॥
जिम गो- अक्कह खीरु जणि वन्नीण दीसइ तुल्लु ।	
तिम देवह गुरु-धम्मह वि, नामिहिं मूढउ तुल्लु	॥ १५ ॥
जसु अट्टारस दोस न वि, जो सव्वण्णू पसंतु ।	
देवहं देवु सु परमगुरु, परमेसरु अरिहंतु	॥ १६ ॥
सो गुरु, जसु नहु घर घरणि, अनुगुण तिगळत्तीस ।	
पयापयारणं धणहरण, अवर सवइ ओडीस	॥ १७ ॥

थावर-जंगमजीवदया जर्हि जाणियइ सया वि ।	
सो जि धम्मु भवभयहरणु, अन्न न होइ कया वि	॥ १८ ॥
सव्वि वि आगमु परिभणइं, धम्मतणइं ववहारि ।	
तं पुण सुउ किम कप्पियइ, जु न भासिउ गणहारि ?	॥ १९ ॥
जर्हि आगमु मोहतणउ, सो किम आगमु होइ ? ।	
रण-दोस मिल्हे वि खणु, तसु लक्खणु जिय जोइ	॥ २० ॥
जाहं न रागु न रोसु जणि, जाहं न विसय कसाय ।	
लोगहियंकर फुडवयण भासइं ते जिणराय	॥ २१ ॥
जह जिणवरिर्हि अणंतगुण भासिय अत्थ असेस ।	
तह गणहरि मइनाणि फुडु विरइय सुत्तविसेस	॥ २२ ॥
जं जिणआगमदेसियं, जइ तं करइ पमाणु ।	
मेत्हिउ कुमय-कुबोहग हु, ता पावइ निव्वाणु	॥ २३ ॥
जहठिय जिणवरआण बुहु, परिजाणइ मज्झत्थु ।	
नाणासत्थविसारउ वि, परु न भुणइ परमत्थु	॥ २४ ॥
निज्जीवहं उवएसडा, मुहिया जंति न भंति ।	
पाणिय घणं विलोडियइ, कर चोपडा न हुंति	॥ २५ ॥
तीया-ऽणागय-संपईउ, तिक्कालिउ सुयनाणु ।	
तं मुत्तुं को आयरइ, अवर पकप्पिय ठणु	॥ २६ ॥
छउमत्थहं सिद्धंत विणु, अन्न न किं पि पमाणु ।	
ता सयलु वि आणाइ फुडु सुण धम्माणुद्दाणु	॥ २७ ॥
जं तित्थयरिर्हि भासियं, तं परि तत्तु पमाणु ।	
जं पुण लोगपवाहठिउ, तं सयलु वि अन्नाणु	॥ २८ ॥
जं जं किं पि समायरिउ, तिग्गारवगुरुएर्हि ।	
जिणवरवयणिर्हि बाहिरं, तं नायरिउ बुहेर्हि	॥ २९ ॥

महवेयणउवसामउ वि, हीणाहिउ आहारु ।	
जह दोसाए होइ, तह आवस्सगववहारु	॥ ३० ॥
जह संसारियभावण वि, हीणाहिय फलु दिति ।	
तह जिणधम्मावस्सग वि, भवियण मोक्खह निंति	॥ ३१ ॥
मोक्खह साहणि होइ, अह जइ अपमाणु पमाणु ।	
ता किं सव्वत्थविसया, भासिउ जिणिहि पमाणु	॥ ३२ ॥
त कि फुरियं दसमच्छरिउ, हा किं दूसमदोसु ।	
सुयबज्जायरणह उवरि, जं गुणियाण वि तोसु	॥ ३३ ॥
कह अम्हारिस जीवडा दूसमदूसिय हुंत ।	
सुहगुरुवयणविवज्जिया जइ सिद्धंत न हुंत	॥ ३४ ॥
जिणधम्माणुद्वण विणु, जीवहं कह वि न मोक्खु ।	
दुट्ठकम्मिहिं जडिय, पावइं चउगइदुक्खु	॥ ३५ ॥
पुत्तु, कलत्तु, सुमित्तु, धणु, परियणु, सयणु न कोइ ।	
एकल्लउ जिउ भवि भमइ, जिणवरधम्मविओइ	॥ ३६ ॥
भाऊ,-देहु वि ठाइ घरि, सरिसउं किं पि न जाइ ।	
तह वि ममत्तिहिं बहु जिउ, सुगसिउ विसयपिसाइ	॥ ३७ ॥
तं एक्कु वि लोयणु नही, जिणि अप्पं पिच्छंति	
परपेच्छणि मुढाहं पुण, लोयण लक्ख हवंति	॥ ३८ ॥
परकारणि निसिदिणु भमइं, अप्पह पुण न मुहुत्तु ।	
अप्पह भुल्ला दुहु लहइं पाडिय परिहिं बहुत्तु	॥ ३९ ॥
मूढप्पा जहिं वेससिउ, तत्थ वि भउ नन्नत्थ ।	
जओ भीयउ तओ नन्नु पुण अभयद्वणु वि कत्थ	॥ ४० ॥
कवणु न पाविउ विसयसुहु, कवणु न पाविउ दुक्खु ।	
भवि भमडंतइं जीवडइं, एक्कु न अप्पह लक्खु	॥ ४१ ॥

दिव्वाभरण-विमाणवर-दिव्वऽच्छरहं विलास ।	
विलसिउ बहुसों ताइं जिय अवरहं काइं थिरास	॥ ४२ ॥
ते परि विसए सेवियंइ, जाहं न होइ विरामु ।	
अप्पट्टिउ अस्समु अभउ, जह सुंदरु परिणामु	॥ ४३ ॥
जीवहं सरिसवमेत्तु सुहु, दुहु मंदरगिरितुल्लु ।	
विसयासेवणि एउ मुणिउ, उवसमु जुत्तु अमुल्लु	॥ ४४ ॥
पसमियविसयकसाउ बुहु, जं सुहु लहइ अणंतु ।	
इंदु वि तं सुहु नहु लहइ अच्छरकोडि रमंतु	॥ ४५ ॥
जह वइसानरु इंधणिहिं, सायरु नइउदगेहिं ।	
नहि तिप्पइ, तह मूढ जिउ बहुएहि वि भोगेहिं	॥ ४६ ॥
जं खेमंकरु अप्पणह, इंदियमज्झि तं नत्थि ।	
मूढउ तत्थ विरइ करइ, पाडिउ मोहह सत्थि	॥ ४७ ॥
दस दस दिट्ठंतिहिं कहिय दुल्लह बारसअंग ।	
तह वि हु अप्पह मूढ जिय न हु मेल्लइं बहि संग	॥ ४८ ॥
अप्पउं वंचिउ विविह परि परह दिंति सव्वस्सु ।	
तेहिं दाइहिं सहं कवण तुडि जहं परु अप्पु अवस्सु	॥ ४९ ॥
भारियकम्मा जीवडा ! जइ बुज्झसि ता बुज्झु ।	
जं जं देसि परस्स दुहु, तं तं सयगुणु तुज्झु	॥ ५० ॥
जं मइलिज्जइ अणवरय धोइज्जंतु वि देहु ।	
किं पुण विसयेपसत्तमणु, नाणहीणु जिय एहु	॥ ५१ ॥
तेहिं तेहिं किमुवार्याहिं, परतोसण उज्जुत्तु ।	
अप्पउं चेव सुतोसवह, जिणि तिहुयणहं पहुत्तु	॥ ५२ ॥
पर अप्पह नाणह विबुह संते भोगे चयंति ।	
घणअन्नाणिहिं जडिय जड, अणहंतै पच्छिंति	॥ ५३ ॥

जिय जिणवयणह बाहिर, बाहिरु भमइं सुदुक्खु ।	
अप्पह लक्खविहूणणहु, मुणइ अर्भितरु सुक्खु	॥ ५४ ॥
जोगह विणु नहु लक्खियइ, कह वि अलक्खह लक्खु ।	
तं पुण आगमि मुणइ फुडु, सुगुरुपसायहिं दक्खु	॥ ५५ ॥
जोगु जोगु बहु जणु भणइ, कइसउ जोगु सु होइ ।	
बद्धंसह चरबंधणिहिं, अप्पउं म ज्जणि विगोइ	॥ ५६ ॥
मण-वयण-कायहं तियहं, जसु दीसइं जुयजुय मग्ग ।	
बपुरि जोगु पमाणु किय, मूढा तर्हि गुरि लग्ग	॥ ५७ ॥
एक्कु निरंजणु न हु मुणइं, दुण्णि न जाणइं बंधु ।	
तिन्नि तिय न विचारहइं, कह जोगिय मोहंध	॥ ५८ ॥
चियारि चउक्क बूझइं नही, पण पंचहं, छहं भेउ ।	
सत्तऽट्टहं दो नवहं फुडु, सो किम करिसइ छेउ ?	॥ ५९ ॥
जे जह ठिय दंसणरहिय जोगह तुडिहिं चडंति ।	
ते दम-संजमगुरु तिर्विहिं कायकिलेसि पडंति	॥ ६० ॥
बाहिरु अंतरु परमु परु, जीवहं तिविहु कुडंबु ।	
जो न मुणइ सो जगु मुसइ, मंडिउ जोगविडंबु	॥ ६१ ॥
दंसण-नाणचरित्तमउ रयणत्तउ परि जोगु ।	
जर्हि होयइ बहिरंतरह दुविह कुडंबविओगु	॥ ६२ ॥
अप्पा वरणु म तणु करहु, अप्पा वरणु न जाइ ।	
परमतत्तु तं मुणहु, जिणि अप्पा निम्मलु थाइ	॥ ६३ ॥
जर्हि परमप्पा तित्थजलि ण्हाया हुंति विसुद्ध ।	
तं मेल्हिउ जिय मलकरणि बहिजलि लग्गा मुद्ध	॥ ६४ ॥
होमु करउ कम्मिंधणिहिं, अप्पा कुंडि तवग्गि ।	
निम्मलु केवलु जाइ जिम परमप्पा अपवग्गि	॥ ६५ ॥

न नरु, न इत्थी, संदु, न वि सिज्झइ बाहिरु लिंगु परमप्पा तर्हि सिज्झई, तत्तह उवरि किसंगु	॥ ६६ ॥
देहाइ उवहि मुणित बहु अंतरि पुण अप्पाणु । दुह अंतर- नाणह लहइ, परमप्पा निव्वाणु	॥ ६७ ॥
अप्पण नाणह कज्जु परु, बुद्धउ चिरु न धरेइ । किंचि अतप्परु कज्जवसि, वय-कार्हेहि करेइ	॥ ६८ ॥
सिंचउ ज्ञाणजलेण घणु, अप्पारामुऽभिरामु । लेयउ सासयसुक्खफलु, पाविउ भवह विरामु	॥ ६९ ॥
गुण-दोसह संकित्तणिण, कवण पराइय तत्ति । जहि अप्पा परियाणियइ, जिय ! लग्गसु तर्हि तत्ति	॥ ७० ॥
जीवहं बहिरंतरु परमु अप्पा तिविह पयारु । मज्झोवाया बहि चइउ, लेउ परमप्पा सारु	॥ ७१ ॥
बहिरप्पा इंदियवसगु, देहाइसु जियभंति । चित्त-दोस अप्पा तिसु वि, अंतरु पुण गयभंति	॥ ७२ ॥
निम्मलु केवलु सुद्धु पहु परअप्पा परमिट्ठि । जिणु इय परमप्पा मुणहु, होइउ सम्मदिट्ठि	॥ ७३ ॥
जर्हि जर्हि कार्यार्हि पेमु मुणि, तहु निव्वत्तिउ अप्पु । बुद्धिहि उत्तम कायधरि, नासइ अप्पा विकप्पु	॥ ७४ ॥
दिस्सु अचेयणु इंदिएर्हि, चेयणु पुण अदिस्सु । रोसु तोसु ता कर्हि करउं हउं, मज्झत्थु अवस्सु	॥ ७५ ॥
अप्पह बुद्धि न पेच्छई, अप्पण देहु विसिट्ठु । परबुद्धिर्हि अत्रेसि न वि, अप्पह तत्ति सुनिट्ठु	॥ ७६ ॥
जं सव्विंदियसंजमिर्हि, दीसइ सुथिरमणेण । परमप्पह तं तत्तु फुडु मुणियव्वं विबुहेण	॥ ७७ ॥

जं पिच्छं इंदियमुहिर्हि, तं मह होइ न रूवु ।	
अंतरु जोइ जु उत्तमउं, तं मह होउ सरूवु	॥ ७८ ॥
जह परदव्विर्हि समलु जलु, निम्मलु तेर्हि विउत्तु ।	
तह अप्पा वि हु मुणिउ, बुहु तं कुणसु य जं जुत्तु	॥ ७९ ॥
फलिहोवलु निम्मलु विबुहु, जीवु सहाविर्हि सुद्धु ।	
बर्हिभाविर्हि बहु भावियउ, तम्मयभावु सु मुद्धु	॥ ८० ॥
परमप्पह भिन्नउ जया कप्पइ अप्प विकप्पु ।	
परमतत्तदप्पणि तया, पिच्छइ अप्पणि अप्पु	॥ ८१ ॥
भिन्नप्पाणनिसेवणह, अप्पा तारिसु होइ ।	
दीवो वासणि वट्टि जह जायइ, तइसी जोइ	॥ ८२ ॥
लोहु सुवण्णीहोइ जह सिद्धहरसफंसाउ ।	
तह अप्पा जिय चितणह, लेइ परमप्पा भाउ	॥ ८३ ॥
बहिभाविर्हि रंजिय जगह जोगिउ गहिलउ भाइ ।	
अप्पह तत्तु सुनिट्टियह, तसु पुण जगु पडिहाइ	॥ ८४ ॥
पुव्वि दिट्टु स तत्तयह भासइ जगु उम्मत्तु ।	
कट्ठरूवु पच्छ मुणइ मुणि भाविय जियतत्तु	॥ ८५ ॥
न मुणइ अकहिउ तत्तु, जह मूढ पत्तअबोहु ।	
तह कहियं ता तेसि निरु, कहणपरिस्समु मोहु	॥ ८६ ॥
अप्पउं अप्पा मुणइ परि सयसंवेयण सुक्खु ।	
परमत्थिर्हि अप्पा वि गुरु, ववहारिर्हि पच्चक्खु	॥ ८७ ॥
अप्पह नाणह जाइ फुट्टु जिय विब्भमु भवदुक्खु ।	
तसु विणु परमतवेण नवि पावइ मोक्खह सुक्खु	॥ ८८ ॥
तणु कंचुयआवरिउ, निरु अप्पा नाणसरूवु ।	
अप्पि अप्पु न जाणई, तउ भमडइ तणुरूवु	॥ ८९ ॥

दिव्वविसय-दिव्वंगतणु-दिव्वसमिद्धिपओगु ।	
मूढप्पा एउ अंहिलसइ, नाणी एयह विओगु	॥ ९० ॥
अंतछन्नसु जोइयह मूढप्पह बहि तोसु ।	
बहिनिव्वत्तियह कोउयह बुद्धह अंतरि तोसु	॥ ९१ ॥
जत्थ मुहा सुहि मइ न रह, सुद्धा रइ तर्हि थाइ ।	
जर्हि सुद्धा तर्हि अप्पमइ, सुत्तु अत्तु सउ भाइ	॥ ९२ ॥
अप्पणि चीवइ परह मुउ, परह करइ उवयारु ।	
वलि किज्जउं तसु जोइज्जह जासु विचित्तु पयारु	॥ ९३ ॥
मूयइं जीवंता, मारिया तिहुयणु मूया भमंति ।	
जीवंता निच्चलहुया, पुच्छउं गुरु गयभंति	॥ ९४ ॥
जे नहु चल्लिय ते गया, जे चल्लिय ते थक्क ।	
सुगुरुपसाइर्हि एउ मुणउ, मेल्हिउ अवर विअक्क	॥ ९५ ॥
पहिल्लउं जायउ वेवडउ, पच्छइ जायउ बवुस ।	
त गुरु पुच्छिउ अप्पणउ, फेडउ अप्पविकप्पु	॥ ९६ ॥
जा वइसानरि पल्लयइ, पाणिइ सुक्किउ जाइ ।	
सो परि जोगिउ जो मुणइ, सा वल्ली कर्हि ठाइ	॥ ९७ ॥
तलठिय थिर पावड्डुडइं गयणह कूवजलेण ।	
सुक्कउ तरु अ मरण करइ, तह वि य पुप्फ फलेण	॥ ९८ ॥
निद्दा जाह ति सूयइ नहु, जाह न निद्द ति सुत्त ।	
जगंता चोरिर्हि मुसिय, सुत्ता ण जणि विगुत्त	॥ ९९ ॥
मूढां तं घरु दिद्दु करहुं, जं बहिभावविउत्तु ।	
निरुवमु, निच्चलु, निच्चसुहु, तिजगपमाणु पवित्तु	॥ १०० ॥
नेह-अग्नि-वट्टीए विणु, पाणिइं जमु थिरवासु ।	
सो दीवउ पज्जालियइ लोयालोयपयासु	॥ १०१ ॥

ससि रवि विण उज्जोय जसु, जसु अप्पण घण रिद्धि ।	
सो इक्कु जु आराहियइ, जिम पावउ परसिद्धि	॥ १०२ ॥
जिणि आवंतइं परमसुहु, बहिजंतइ बहु दुक्खु ।	
तिणि सहं जोगिय एक्कु करि, एउ पच्चक्खु विलक्खु	॥ १०३ ॥
रेयण-पूरण-कुंभणहं करणब्भासविहीणु ।	
होइ सयं चिय पवणु थिरु, मणु परमप्पयलीणु	॥ १०४ ॥
परदोसे अप्पह मुणइ, अप्पण गुण वि परस्स ।	
एउ बुद्धह लक्खणु परमु, विवरीउ पुण इयरस्स	॥ १०५ ॥
गुण(णे?) दोसे(स?), दोसे य गुण मूढप्पा पेक्खेइ ।	
दोसे दोस, गुणे य गुण बुद्धप्पा लक्खेइ	॥ १०६ ॥
परगुणपयडणि बुद्ध नर अप्पण गुण पयडंति ।	
उज्जुय परअत्थह करणि, अप्पण अत्थु करिंति	॥ १०७ ॥
परह अहंमइ अप्पं चुउ, बंधइ अप्पु अणंतु ।	
अप्पणि अहमइ परह भुउ मुच्चइ बहु जाणंतु	॥ १०८ ॥
बद्धउ तिहुयणु परिभमइ, न चलइ कह वि विमुक्कु ।	
एउ इत्तिउ जिणपहु भणइ, मोक्खह लक्खु अचुक्कु	॥ १०९ ॥
मोक्खह लक्खु अचुक्कु ननु जिणनाहु पयासइ ।	
तोडिय बंधण दो वि गुरुय भवदुक्ख विणासइ	॥ ११० ॥
निच्चलु सासयसुक्खु होइ परमप्पा सुद्धउ ।	
राग दोस दुहबंधि भमइ परि तिहुयणु बद्धउ	॥ १११ ॥
न य अप्पा चोएइ मणु, मणु वि न इंदियवग्गु ।	
उभय विणासिअ जोगि ठिउ, तउ पावइ अपवग्गु	॥ ११२ ॥
अप्पा अप्पत्तणि मुणिउ, परु वि परत्तणि जेण ।	
होइ नमो तसु अक्खयह सिद्धप्पह तिविहेण	॥ ११३ ॥

जहठियगुणलक्खा जे हवतीह दक्खा,
 विसयसुहविरत्ता अप्पनाणप्पसत्ता ।
 सिरिजिणपहलग्गा भव्ववग्गा समग्गा,
 परमपयसुहाणं जाइयं ते निहाणं

॥ ११४ ॥

पू.आ.श्रीजयशेखरसूरिविरचितम्

॥ आत्मावबोधकुलकम् ॥

धम्मप्पहारमणिज्जे पणमित्तु जिणे महिंदनमणिज्जे ।

अप्पावबोधकुलयं वुच्छं भवदुहकयपलयं

॥ १ ॥

अत्तावगमो नज्जई, सयमेव गुणेहिं किं बहु भणसि ।

सूरूदओ लक्खिज्जई, पहाइ न उ सवहनिवहेणं

॥ २ ॥

दम सम समत्त मित्ती, संवेअ विवेअ तिव्वनिव्वेआ ।

एए पगूढअप्पा-वबोधबीअस्स अंकुरा

॥ ३ ॥

जो जाणइ अप्पाणं, अप्पाणं सो सुहाणं न हु कामो ।

पत्तम्मि कप्परुक्खे, रुक्खे किं पत्थणा असणे

॥ ४ ॥

निअविन्नाणे निरया, निरयाइ दुहं लहंति न कया वि ।

जो होइ मगगलगो कहं सो निवडेइ कूवम्मि ?

॥ ५ ॥

तेसिं दूरे सिद्धी, रिद्धी रणरणयकारणं तेसिं ।

तेसिमपुण्णा आसा, जेसिं अप्पा न विन्नाओ

॥ ६ ॥

ता दुत्तरो भवजलही, ता दुज्जेओ महालओ मोहो ।

ता अइविसमो लोहो, जा जाओ न (नो) निओ बोहो

॥ ७ ॥

जेण सुरा-सुरनाहा, हहा अणाहु व्व वाहिया सो वि ।

अज्झप्पझाणजलणे, पयाइ पयंगत्तणं कामो

॥ ८ ॥

जं बद्धं पि न चिट्ठइ, वारिज्जंतं वि सरइ असेसे(पसरइ असेसे)
ज्ञाणबलेणं तं पिं हु, सयमेव विलिज्जई चित्तं ॥ ९ ॥
बहिरंतरंगभेया, विविहा वाही न दिति तस्स दुहं ।
गुरुवयणाओ जेणं, सुहज्ञाणरसायणं पत्तं ॥ १० ॥
जिअमप्पचित्तणपरं, न कोइ पीडेइ अहव पीडेइ ।
ता तस्स नत्थि दुक्खं, रिणमुक्खं मन्नमाणस्स ॥ ११ ॥
दुक्खाण खाणी खलु रागदेसा, ते हूति चित्तं मि चलाचलम्मि ।
अज्झप्पजोगेण चएइ चित्तं, चलत्तमालाणिअकुञ्जरु व्व ॥ १२ ॥
एसो मितममित्तं, एसो सग्गो तहेव नरओ अ ।
एसो राया रंको, अप्पा तुट्ठो अतुट्ठो वा ॥ १३ ॥
लद्धा सुरनररिद्धी, विसया वि सया निसेविआ णेण ।
पुण संतोसेण विणा, किं कत्थ वि निव्वुई जाया ? ॥ १४ ॥
जीव ! सयं चिअ निम्मिअ, तणुधणरमणीकुडुंबनेहेणं ।
मेहेण व दिणनाहो, छाइज्जसि तेअवंतो वि ॥ १५ ॥
जं वाहिवालवेसानराण, तुह वेरिआण साहीणे ।
देहे तत्थ ममतं, जिअ ! कुणमाणो वि किं लहसि ? ॥ १६ ॥
वरभत्तपाणणहाण य, सिंगारविलेवणेहिं पुट्ठो वि ।
निअपहुणो विहडंतो, सुणएण वि न सरिसो देहो ॥ १७ ॥
कट्ठाइ कडुअ बहुहा जं धणमावज्जिअं तए जीव !
कट्ठाइ तुज्ज दाउं तं अंतं गहिअमन्नेहिं ॥ १८ ॥
जह जह अन्नाणवसा, धणधन्नपरिग्गहं बहुं कुणसि ।
तह तह लहुं निमज्जसि, भवे भवे भारिअतरि व्व ॥ १९ ॥
जा सुविणे वि हु दिट्ठु, हरेइ देहीण देहसव्वस्सं ।
सा नारी मारो इव, चयसु तुह दुब्बलत्तेणं ॥ २० ॥

- अहिलससि चित्तसुद्धि, रज्जसि म्महिलासु अद्वह मूढत्तं ।
नीलीमिलिए वत्थम्मि, धवलिमा किं चिरं ठाई ? ॥ २१ ॥
- मोहेणं भवदुरिए, बंधिअ खित्तो सि नेहनिगडेहिं ।
बंधवमिसेण मुक्का, पाहरिआ तेसु को राओ ? ॥ २२ ॥
- धम्मो जणओ करुणा, माया भाया विवेगनामेणं ।
खंति पिआ सप्पुत्तो, गुणो कुडुंबं इमं कुणसु ॥ २३ ॥
- अइपालिआहिं पगइत्थिआहिं, जं भामिओसि बंधेउं ।
संते वि पुरिसकारे, न लज्जसे जीव ! तेणं पि ॥ २४ ॥
- सयमेव कुणसि कम्मं, तेण य वाहिज्जसि तुमं चेव ।
रे जीव ! अप्पवेरिअ, ? अन्नस्स य देसि किं दोसं ॥ २५ ॥
- तं कुणसि तं च जंपसि, तं चित्तसि जेण पडसि वसणोहे ।
एयं सगिहरहस्सं, न सक्किमो कहिउमन्नस्स ॥ २६ ॥
- पंचिदियपरा चोरा, मणजुवरन्नो मिलित्तु पावस्स ।
निअनिअअत्थे निरता, मूलट्टिइं तुज्झ लुंपंति ॥ २७ ॥
- हणिओ विवेगमंती, भिन्नं चउरंगधम्मचक्कं पि ।
मुट्टं नाणाइधणं, तुमं पि छूढो कुगइकूवे ॥ २८ ॥
- इत्तिअकालं हुंतो, पमायनिद्दाइगलियचेअन्नो ।
जइ जग्गिओसि संपइ, गुरुवयणा ता न वेएसि ? ॥ २९ ॥
- लोगपमाणोसि तुमं, नाणमओ णंतवीरिओ सि तुमं ।
नियरज्जठिइं चित्तसु, धम्मज्झाणासणासीणो ॥ ३० ॥
- को व मणो जुवराया, को वा रायाइ रज्जपब्भंसे ।
जइ जग्गिओसि संपइ, परमेसर ? पविस चेअन्नो (चेअन्नं) ॥ ३१ ॥
- नाणमओ वि जडो वि, पहू वि चोरु व्व जत्थ जाओ सि ।
भवदुग्गम्मि किं तत्थ, वससि साहीणसिवनयरे ॥ ३२ ॥

जत्थ कसाया चोरा, महावया सावया सया घोरा । रोगा दुट्टुभुअंगा, आसासरिआ घणतरंगा	॥ ३३ ॥
चिंताडवी सकट्टा, बहुलतमा सुंदरी दरी दिट्टा खाणी गई अणेगा, सिहराई अट्टमयभेआ	॥ ३४ ॥
रयणिअरो मिच्छत्तं, मणदुक्कडओ सिला ममत्तं च । तं भिंदसु भवसेलं, ज्ञाणासणिणा जिअ सहेलं	॥ ३५ ॥
जत्थत्थि आयनाणं, नाणं वियाण सिद्धिसुहयं तं । सेसं बहुं वि अहियं, जाणसु आजीविअमित्तं	॥ ३६ ॥
सुबहु आहअं जह जह, तह तह गव्वेण पूरिअं चित्तं । हिअ अप्पबोहरहिअस्स ओसहाउ उट्टिओ वाही	॥ ३७ ॥
अप्पाणमबोहंता, परं विबोहंति केइ ते वि जडा । भण परियणम्मि छुहिए, सत्तागारेण किं कज्जं	॥ ३८ ॥
बोहंति परं किंवा, मुणंति कालं नरा पढंति सुअं । ठाणमुअंति सया वि हु, विणाऽऽयबोहं पुण न सिद्धी	॥ ३९ ॥
अवरो न निदिअव्वो, पसंसिअव्वो कया वि न हु अप्पा । समभावो कायव्वो, बोहस्स रहस्समिणमेव	॥ ४० ॥
परसक्खित्तं भंजसु, रंजसु अप्पाणमप्पणा चेव । वज्जसु विविहकहाओ, जइ इच्छसि अप्पवित्राणं	॥ ४१ ॥
तं भणसु गणसु वायसु, ज्ञायसु उवइससु आयरसु जिआ । खणमित्तमपि विअक्खण, आयारामे रमसि जेण	॥ ४२ ॥
इय जाणिरुण तत्तं, गुरुवइट्ठं परं कुण पयत्तं । लहिरुण केवलसिंरि, जेणं जयसेहरो होसि	॥ ४३ ॥

शास्त्रसन्देशमालाविंशतिभागमध्ये ग्रथितानां ग्रन्थानामकारादिक्रमः

(अङ्कैर्भागा विज्ञेयाः)

अ

अद्वारसहसशीलंगाडरहा (५)
अध्यात्मकल्पद्रुमः (१)
अध्यात्मबिन्दुः (१८)
अध्यात्मसारः (४)
अध्यात्मोपनिषत् (४)
अनुमानमातृका (१६)
अनेकान्तव्यवस्थाप्रकरणस्य महलप्रशस्ती (५)
अन्नायउच्छकुलयं (७)
अन्ययोगव्यवच्छेदद्वात्रिंशिका (१६)
अन्योक्तिशतकम् (६)
अन्तिमाऽऽराधना (१४)
अप्पविसोहिकुलयं (७)
अभव्यकुलकम् (७)
अष्टकानि (३)

आ

आउरपच्चक्खाणं-१ (१५)
आउरपच्चक्खाणं-२ (१५)
आख्यानकमणिकोशः (८)
आचारोपदेशः (११)
आत्मतत्त्वचिन्ताभावनाचूलिका (९)
आत्मनिन्दाष्टकम् (१४)
आत्मप्रबोधः (१७)
आत्मबोधकुलकम् (७)
आत्महितकुलकम् (७)

आत्मानुशासनकुलकम् (७)
आत्मानुशासनम् (१४)
आत्मानुशास्तिसंज्ञिका पञ्चविंशतिका (१४)
आत्मावबोधकुलकम् (७)
आध्यात्मिकमतपरीक्षा (५)
आभाणशतकम् (६)
आराधकविराधकचतुर्भङ्गी (४)
आराधना (१४)
आराहणा (१४)
आराहणाकुलयं (७)
आराहणापडागा-१ (१४)
आराहणापडागा-२ (१४)
आराहणापणगं (१४)
आराहणापयरणं (१४)
आलोयणाकुलयं (७)

आर्षभीयचरितमहाकाव्यम् (५)

ई

इन्द्रियपराजयशतकम् (६)
ईर्यापथिकीषट्त्रिंशिका (१६)
ईर्यापथिकीमिथ्यादुष्कृतकुलकम् (७)

उ

उत्पादादिसिद्धिः (१६)
उत्सूत्रपदोद्घाटनकुलकम् (७)
उपदेशकल्पवलिः (११)

उपदेशकुलकम्-१ (७)
 उपदेशकुलकम्-२ (७)
 उपदेशचिन्तामणिः (१०)
 उपदेशपदग्रन्थः (१)
 उपदेशप्रदीपः (१२)
 उपदेशरत्नकोशः (८)
 उपदेशरत्नाकरः (८)
 उपदेश(धर्म)रसायनरासः (८)
 उपदेशरहस्यम् (४)
 उपदेशशतकम् (६)
 उपदेशसप्तिका (८)
 उपदेशसप्ततिः (११)
 उपदेशसारः (११)
 उपदेशामृताकुलकम् (७)
 उपधानविधिः-१ (१०)
 उपधानविधिः-२ (१०)
 उवएसचउक्ककुलयं-१ (७)
 उवएसचउक्ककुलयं-२ (७)
 उवएसमाला (८)
 ऋ
 ऋषभशतकम् (६)
 ऋषिमण्डलस्तवः (१२)
 ए
 एकविंशतिर्द्वात्रिंशिकाः (१६)
 ऐन्द्रस्तुतयः (५)
 औ
 औष्ट्रिकमतोत्सूत्रोद्घाटनकुलकम् (७)

अं
 अंगुलसन्तरी (१३)
 क
 कथाकोषः (१२)
 कथानककोशः (१२)
 कर्पूरप्रकरः (१२)
 कर्मप्रकृतिः (१३)
 कर्मविपाककुलकम् (७)
 कर्मविषाकाख्यः प्रथमः प्राचीनकर्मग्रन्थः (१३)
 कर्मस्तवाख्यः द्वितीयः प्राचीनकर्मग्रन्थः (१३)
 कम्मबन्तीसी (१३)
 कविकल्पद्रुमः (१८)
 कस्तूरीप्रकरः (१२)
 कार्यस्थितिस्तोत्रम् (१३)
 कालसप्तिका (१३)
 कालस्वरूपकुलकम् (७)
 कुमारविहारशतकम् (६)
 कूपदृष्टान्तविशदीकरणम् (५)
 कृष्णराजीविमानविचारः (१३)
 केवलिभुक्तिप्रकरणम् (१६)

क्ष
 क्षमाकुलकम् (७)
 क्षान्तिकुलकम् (७)
 क्षुल्लकभवावलिः (१३)

ख
 खामणाकुलयं (१) (७)
 खामणाकुलयं (२) (७)

ग

- गणधरसार्धशतकम् (६)
 गाङ्गेयभङ्गप्रकरणम्-१ (१५)
 गाङ्गेयभङ्गप्रकरणम्-२ (१५)
 गुणस्थानक्रमारोहः (१३)
 गुणानुरागकुलकम् (७)
 गुलुगुणषट्त्रिंशत्षट्त्रिंशिकाकुलकम् (७)
 गुरुतत्त्वप्रदीपः (१६)
 गुरुतत्त्वविनिश्चयः (५)
 गुरुदर्शनहर्षकुलकम् (७)
 गुरुविरहविलापः (१४)
 गोडीपार्श्वस्तवनम् (५)
 गौतमकुलकम् (७)

घ

घनगणितसंग्रहगाथाः (१८)

च

- चउसरणपङ्कजयं (१५)
 चतुर्गतिजीवक्षणकानि (१४)
 चतुर्दशजीवस्थानेषु जघन्योत्कृष्टपदे (१३)
 चरणकरणमूलोत्तरगुण (१८)
 चारित्रमनोरथमाला (८)
 चित्तशुद्धिफलम् (१८)
 चेइयवंदणमहाभासं (१०)
 चंदावेज्जयं पङ्कजयं (१५)

ज

- जघन्योत्कृष्टपदे एककालं गुणस्थानकेषु (१३)
 जल्पकल्पलता (१६)
 जिनप्रतिमास्तोत्रम् (१)

जिनबिम्बप्रतिष्ठाविधिः (१०)

- जिनशतकम्-१ (६)
 जिनशतकम्-२ (६)
 जीवजोणिभावणाकुलयं (७)
 जीवदयाप्रकरणं (८)
 जीवसमासः (१३)
 जीवादिगणितसंग्रहगाथाः (१८)
 जीवानुशासनम् (१४)
 जीवानुशास्तिकुलकम् (७)
 जीवाभिगमसंग्रहणी (१५)
 जैनतत्त्वसारः (१६)
 जैनस्याद्वादमुक्तावली (१६)
 जोइसकरंडगं पङ्कजयं (१५)

झ

ज्ञाताधर्मकथोपनयगाथाः (१५)

ज्ञानप्रकाशकुलकम् (७)

ज्ञानसारः (४)

ज्ञानार्णवः (५)

त

- तत्त्वतरङ्गिणी (१६)
 तत्त्वबोधतरङ्गिणी (१२)
 तत्त्वामृतम् (९)
 तपःकुलकम् (७)
 तित्थोगालिपङ्कजयं (१५)
 त्रिंशत्त्रिषष्टिपाखण्डस्वरूपस्तोत्रम् (१५)
 त्रिषष्टीयदेशनासंग्रहः (११)

द

दशश्रावककुलकम् (७)

दर्शननियमाकुलकम् (७)
दानकुलकम् (७)
दानविधिः (१०)
दानषट्त्रिंशिका (९)
दानादिप्रकरणम् (१२)
दानोपदेशमाला (८)
दीवसागरपन्नति (१५)
दृष्टान्तशतकम्-१ (६)
दृष्टान्तशतकम्-२ (६)
देवेन्द्रनरकेन्द्रप्रकरणम् (१३)
देशनाशतकम् (६)
देहकुलकम् (७)
देहस्थितिस्तवः (१३)
दंसणसुद्धिपयरणं (१०)
द्वात्रिंशद्द्वात्रिंशिकाः (४)
द्वादश-कुलकम् (७)
द्वादशव्रतस्वरूपम् (१०)
द्वादशाङ्गीपदप्रमाणकुलकम् (७)

ध

धनुःपृष्ठबाहासंग्रहगाथाः (१८)
धर्मपरीक्षा (५)
धर्मबिन्दुः (३)
धर्मरत्नप्रकरणम् (१०)
धर्मरत्नकरण्डकः (११)
धर्मविधिः (८)
धर्मशिक्षा (९)
धर्मसंग्रहणिः (१)
धर्मसंग्रहः (११)
धर्माचार्यबहुमानकुलकम् (७)
धर्मोद्यमकुलकम् (७)

धर्मोपदेशः (९)
धर्मोपदेशमाला (८)
धम्मरिहगुणोवएसकुलयं (७)
धर्मोपदेशकुलकम् (७)
धम्मोवएसकुलयं (७)
धूर्ताख्यानम् (३)
धूमावली (३)
ध्यानदीपिका (१८)
ध्यानशतकम् (६)
न
नन्दीश्वरस्तवः (१३)
नमस्कारस्तवः (१८)
नयकर्णिका (१६)
नयोपदेशः (५)
नरभवदिदुंतोवणयमाला (१२)
नवकारफलकुलकम् (७)
नवतत्त्वभाष्यम् (१३)
नवतत्त्वम् (१३)
नवतत्त्वसंवेदनम् (१३)
नवपदप्रकरणम् (१०)
नानाचित्तप्रकरणम् (३)
नारीशीलरक्षाकुलकम् (७)
निगोदषट्त्रिंशिका (१५)
नूतनाचार्याय हितशिक्षा (९)
नंदणरायरिसिस्स अन्तिमाऽऽस्थना (१४)
न्यायखण्डखाद्याऽपरनामा महावीरस्तवः (५)
न्यायावतारः (१६)
न्यायावतारसूत्रवार्तिकम् (१६)

प

- पज्जन्ताराहणा (१४)
 पंचवत्थुगं (२)
 पञ्चनिर्ग्रन्थी (१५)
 पञ्चलिङ्गीप्रकरणम् (१५)
 पञ्चसङ्ग्रहः (१३)
 पञ्चसंयतप्रकरणम् (१५)
 पञ्चाशकानि (१)
 पद्मवलीविसुद्धी (१६)
 पडिलेहणाविचारकुलकम् (७)
 पदार्थस्थापनासंग्रह (१७)
 पद्मानन्दशतकम् (६)
 परमज्योतिःपञ्चविंशतिका (५)
 परमाणुखण्डषट्त्रिंशिका (१५)
 परमात्मपञ्चविंशतिका (५)
 परमानन्दपञ्चविंशतिः (९)
 पर्यन्ताराधनाकुलकम् (७)
 पर्युषणादशशतकम् (१६)
 पञ्चज्जाविहाणकुलकं (७)
 पिण्डविशुद्धिः (१०)
 पुण्डरीकतीर्थपतीस्तोत्रम् (५)
 पुण्यकुलकम् (७)
 पुद्गलपरावर्तस्तवनम् (१३)
 पुद्गलषट्त्रिंशिका (१५)
 पुष्पमाला (८)
 पूजाविधिः (११)
 पोसहविही (१०)
 पौषधषट्त्रिंशिका (१६)

- प्रज्ञापनोपाङ्गतृतीयपदसंग्रहणी (१५)
 प्रतरप्रमाणसंग्रहगाथाः (१८)
 प्रतिमाशतकम् (४)
 प्रतिसमयजागृतिकुलकम् (७)
 प्रत्याख्यानस्वरूपम् (१०)
 प्रबोधचिन्तामणिः (९)
 प्रभाते जीवानुशासनम् (१४)
 प्रमाणनयतत्त्वालोकालङ्कारः (१६)
 प्रमाणप्रकाशः (१६)
 प्रमाणमीमांसा (१६)
 प्रमादपरिहारकुलकम् (७)
 प्रवचनपरीक्षा (१६)
 प्रवचनसारोद्धारः (१७)
 प्रव्रज्याविधानकुलकम् (७)
 प्रशमरतिः (९)
 प्रश्नद्वात्रिंशिका (१६)
 प्रश्नशतकम् (६)
 प्रश्नोत्तररत्नमाला (१२)
 प्राकृतसंवेगामृतपद्धतिः (१४)
 प्रातःकालिकजिनस्तुतिः (९)

ब

- बन्धस्वामित्वाख्यं तृतीयः प्राचीनकर्मग्रन्थः (१३)
 बन्धषट्त्रिंशिका (१५)
 बन्धहेतुप्रकरणम् (१३)
 बन्धहेतूदयभङ्गप्रकरणसमाप्तिगते द्वे प्रकरणे (५)
 बन्धोदयसत्ता (१३)
 बृहद्वन्दनकभाष्यम् (१०)

भ

भवभावना (८)
 भावकुलकम् (७)
 भावनाशतकम् (६)
 भावप्रकरणम् (१३)
 भाषारहस्यम् (५)
 भोजनपूर्वचिन्तागाथाः (८)

म

मंगलकुलयं (७)
 मण्डलप्रकरणम् (१८)
 मदादिविपाककुलकम् (७)
 मनुष्यभवदुर्लभता (९)
 मनोनिग्रहभावनाकुलकम् (७)
 महासतीकुलकम् (७)
 मार्गपरिशुद्धिः (५)
 मार्गणासु बंधहेतूदयत्रिभङ्गी (१३)
 मिच्छदुक्कडवोसिरणविहिकुलयं (७)
 मिथ्यात्वकुलकम् (७)
 मिथ्यात्वमथनकुलकम् (७)
 मिथ्यात्वविचारकुलकम् (७)
 मिथ्यात्वस्थानविवरणकुलकम् (७)
 मुखवस्त्रिकास्थापनकुलकम् (७)
 मूलशुद्धिः (१०)
 मृत्युमहोत्सवः (१४)
 मोक्षोपदेशपञ्चाशकम् (९)

य

यतिदिनकृत्यम् (११)
 यतिदिनचर्या (१०)
 यतिलक्षणसमुच्चयः (४)

यतिशिक्षापञ्चाशिका (८)
 यात्रास्तवः (११)
 युक्त्यनुशासनम् (१६)
 युक्तिप्रकाशः (१६)
 युक्तिप्रबोधः (१६)
 युगपद्बन्धहेतुप्रकरणम् (१३)
 योगदृष्टिसमुच्चयः (३)

योगप्रदीपः (१२)
 योगबिन्दुः (३)
 योगशतकम् (३)
 योगशास्त्रम् (१८)
 योगानुष्ठानकुलकम् (७)
 योनिस्तवः (१३)

र

रत्नत्रयकुलकम् (७)
 रत्नसञ्चयः (१७)

ल

लघुप्रवचनसारोद्धारः (१७)
 लध्वल्पबहुत्वप्रकरणम् (१३)
 लोकतत्त्वनिर्णयः (३)
 लोकनालिकाद्वात्रिंशिका (१३)

व

वाक्यप्रकाशः (१८)
 वाणारस्यां कृतं श्रीपाश्चनाथजिनस्तोत्रम् (५)
 विचारपञ्चाशिका (१३)
 विचारसप्ततिका (१७)
 विचारसारः (१७)
 विजयप्रभसूरिक्षामणकविज्ञप्तिः (५)

विजयप्रभसूरिस्वाध्यायः (५)
 विजयोल्लासमहाकाव्यम् (५)
 विद्वद्गोष्ठी (१२)
 विभक्तिविचारः (१५)
 विरतिफलकुलकम् (७)
 विविधतपोदिनाङ्ककुलकम् (७)
 विवेककुलकम् (७)
 विवेकमञ्जरी (८)
 विशेष-णवतिः (१५)
 विंशतिर्विंशिकाः (३)
 विषयविरक्तिकुलकम् (७)
 वीरस्तवः (१५)
 वैराग्यकल्पलता (१९+२०)
 वैराग्यरसायनम् (८)
 वैराग्यशतकम् (६)
 व्यवहारकुलकम् (७)
 व्याख्यानविधिशतकम् (६)

श

शङ्खेश्वरपार्श्वजिनस्तोत्रम्-१ (५)
 शङ्खेश्वरपार्श्वनाथस्तोत्रम्-२ (५)
 शङ्खेश्वरपार्श्वनाथस्तोत्रम्-३ (५)
 शमीनपार्श्वस्तोत्रम् (५)
 शास्त्रवार्तासमुच्चयः (३)
 शीलकुलकम् (७)
 शीलोपदेशमाला (८)
 शोकनिवारणकुलकम् (७)

श्र

श्राद्धदिनकृत्यम् (१०)
 श्राद्धविधिः (१०)
 श्रावकधर्मकृत्यम् (११)
 श्रावकधर्मविधिः (३)
 श्रावकप्रज्ञप्तिः (१०)
 श्रावकव्रतभङ्गप्रकरणम् (१८)
 श्रीकातन्त्रविभ्रमसूत्रम् (१८)
 श्रीमद्गीता-तत्त्वगीता (१८)
 श्रुतास्वादः (८)
 श्रृङ्गारवैराग्यतरङ्गिणी (१२)

ष

षट्स्थानकम् (१३)
 षडशीतिनामा चतुर्थः प्राचीनकर्मग्रन्थः (१३)
 षड्दर्शनपरिक्रमः (१६)
 षड्दर्शनसमुच्चयः-१ (२)
 षड्दर्शनसमुच्चयः-२ (१६)
 षड्द्रव्यसङ्ग्रहः (१३)
 षड्विधाऽन्तिमाऽऽराधना (१४)
 षष्टिशतकम् (६)
 षोडशकप्रकरणम् (३)

स

संग्रहशतकम् (६)
 संज्ञाकुलकम् (७)
 संज्ञाधिकारः (१८)
 संबोधप्रकरणम् (२)
 संविज्ञसाधुयोग्यनियमकुलकम् (७)
 संवेगकुलयं (७)

संवेगद्रुमकन्दली (९)
 संवेगमंजरीकुलयं (७)
 संवेगरंगमाला (१४)
 संवेगामृतम् (१८)
 सङ्घस्वरूपकुलकम् (७)
 सज्जनचित्तवल्लभः (९)
 सन्देहदोलावली (१६)
 सभापञ्चकप्रकरणम् (१८)
 समतिकाभाष्यम् (१३)
 समताशतक (६)
 समवसरणप्रकरणम् (१३)
 समवसरणस्तोत्रम् (१३)
 समाधिशतक (६)
 समाधिशतकम् (६)
 समाधिसाम्यद्वार्त्रिशिका (४)
 सम्मत्सूत्रम् (१६)
 सम्मत्कुलयं-१ (७)
 सम्मत्तुप्पायविही कुलकम् (७)
 सम्यक्त्वकुलकम्-२ (७)
 सम्यक्त्वकुलकम्-३ (७)
 सम्यक्त्वपरीक्षा (१६)
 सम्यक्त्वसप्ततिः (१०)
 सम्यक्त्वस्वरूपकुलकम् (७)
 सर्वज्ञशतकम् (६)
 सर्वज्ञसिद्धिः (२)
 सर्वतीर्थमहर्षिकुलकम् (७)
 सर्वश्रीजिनसाधारणस्तवनम् (२)
 सार्धमिकवात्सल्यकुलकम् (७)
 सामाचारी (४)

सामान्यगुणोपदेशकुलकम् (७)
 साम्यशतकम् (६)
 सारावलीपङ्कणयं (१५)
 सिद्धदण्डिकास्तवः (१३)
 सिद्धपञ्चाशिका (१३)
 सिद्धप्राभृतम् (१३)
 सिद्धसहस्रनामकोशः (५)
 सिद्धान्तसारोद्धारः (१८)
 सुक्ष्मार्थविचारसारोद्धारः (१५)
 सुभाषिताष्टकानि (१२)
 सुमिणसित्तरी (८)
 सूक्तरत्नावली-१ (१२)
 सूक्तरत्नावली-२ (१२)
 सूक्तिमुक्तावली (१२)
 सूक्ष्मार्थसप्तति प्रकरणम् (१८)
 सूत्रकृताङ्गाद्यच्चतुर्थयनाजनुक्रमगाथाः (१५)
 स्तवपरिज्ञा (१०)
 स्त्रीनिर्वाणप्रकरणम् (१६)
 स्त्रीवास्तविकताप्रकरणम् (८)
 स्याद्वादकलिका (१६)
 स्याद्वादभाषा (१६)
 स्याद्वादमुक्तावली (१६)

ह

हिंसाफलाष्टकम् (३)
 हिओवएसमाला (४)
 हिङ्गुलप्रकरणम् (१२)
 हृदयप्रदीपषट्त्रिंशिका (९)

॥ शास्त्रसंदेशमाला ॥

- १ पू. आ. श्रीहरिभद्रसूरीधराणां कृतयः - १
- २ पू. आ. श्रीहरिभद्रसूरीधराणां कृतयः - २
- ३ पू. आ. श्रीहरिभद्रसूरीधराणां कृतयः - ३
- ४ पू. उपा. श्रीयशोविजयगणिवराणां कृतयः - १
- ५ पू. उपा. श्रीयशोविजयगणिवराणां कृतयः - २
- ६ शतकसंदोहः
- ७ कुलयसंग्रहो
- ८ भावणासत्थिणिअरो
- ९ भावनाशास्त्रनिकरः
- १० आयारसत्थिणिअरो
- ११ आचारशास्त्रनिकरः
- १२ कात्योपदेश-ज्ञातोपदेशग्रन्थनिकरौ
- १३ प्रारम्भिकाणि कर्मग्रन्थिकाणि लोकप्रकाशीयानि च प्रकरणानि
- १४ अन्तिमाराधनाग्रन्थाः
- १५ आगमिकानि प्रकरणानि तथा प्रकीर्णकानि
- १६ दार्शनिक-चर्चा ग्रन्थनिकरौः
- १७ विविधविषयसंकलनाग्रन्थाः
- १८ ध्यानयोग-गणित-त्याकरणशास्त्रनिकराः
- १९ वैराग्य कल्पलता - १
- २० वैराग्य कल्पलता - २